

平定準噶爾方略正編卷之四十五

乾隆二十二年冬十月丁卯

諭叅贊大臣哈寧阿帶兵會剿

上諭軍機大臣曰哈寧阿奏稱准將軍兆惠來文由

奎屯前往濟爾哈朗會同雅爾噶善等自托多克

昂托里至博羅塔拉安設臺站巡查等語現在兆

惠等所安臺站俱已接續哈寧阿無庸前往惟朱

平定準噶爾方略正編卷之四十五

一

爾都斯路所設臺站被賊沙喇斯瑪呼斯等搶掠

經滿福帶兵前往迄今二十餘日未據奏報復令

阿里衮帶兵接應著哈寧阿即帶現兵徑往朱爾

都斯會同滿福等進剿沙喇斯瑪呼斯賊眾仍候

將軍等議定官兵過冬之處協助雅爾哈善辦事

在叅贊大臣上行走此際滿福若業經剿滅賊眾

接續臺站哈寧阿即前赴雅爾哈善軍營至哈寧

阿所奏從前行至巴克庫蘇臺會派署章京濟德

署守備楊天祿等搜捕相近臺站之嗎哈沁等雖

非剿滅大隊賊眾可比亦應加恩著查明照搜剿

嗎哈沁之生亮筆帖式例一體送部議叙

命副都統莽古賚馳驛前赴北路軍營在叅贊大臣

上行走

戊辰

平定準噶爾方略正編卷之四十五

二

諭著定邊左副將軍策布登扎布交代來京

上諭軍機大臣曰昨命將軍成衮扎布兆惠等來京

籌議軍務著策布登扎布亦馳驛來京將定邊左

副將軍印務交納穆扎爾署理阿桂著往代納穆

扎爾莽古賚著往代阿桂阿桂不必候莽古賚即

前赴科卜多納穆扎爾與阿桂交代後即赴烏里

雅蘇古策布登扎布與納穆扎爾交代後再行來

京。

已已。

諭令副都統圖倫楚等同將軍等分隊來京。

上諭軍機大臣曰。昨諭將軍大臣等來京。應同來之

大臣侍衛等。俱經點出。今思圖倫楚端濟布勞三

亦當同來。可傳諭成衮扎布令其分隊來京。

庚午。

平定準噶爾方略正編卷之四十五

三

諭定邊將軍成衮扎布等。交代防勦事宜。

上諭軍機大臣曰。將軍成衮扎布等奏稱撤兵到濟

爾哈朗。會同兆惠於兩路兵內。酌留二三千名。整

備口糧馬匹。於正月下旬。由伊犁前注沙喇壁勒

進勦巴圖爾烏巴什等賊衆。所辦尙是。成衮扎布

兆惠將軍營事務辦理具奏後。仰同富德舒赫德

來京。明瑞著停其前來。雅爾哈善在濟爾噶朗駐

劄。總辦軍務。永貴。明瑞。愛隆。阿額爾登額。協辦軍

務。於濟爾哈朗至巴里坤適中之地。派兵一千。著

哈寧阿駐劄。鄂實。三格。瑚爾起爲副。其琿齊。沙喇

斯瑪。呼斯賊衆。有散逸在附近地方者。卽帶兵數

百搜勦。琿齊若過戈壁。往沙喇壁勒。則不必遠勞

我師。沙喇斯瑪。呼斯等若往伊舊游牧。哈喇沙爾。

自當與額敏和卓相遇。已諭阿里衮會同追勦。今

平定準噶爾方略正編卷之四十五

四

尙未可懸定。哈寧阿出兵後。卽著愛隆。阿駐劄。俟

哈寧阿回兵。再往濟爾哈朗軍營。所設臺站。著兩

處副都統等輪班巡查行走。其瑚爾起進勦。琿齊

陣亡帶傷官兵。著成衮扎布等查明報部。分別優

卹議叙。至駐兵所需口糧。著成衮扎布。兆惠等籌

議。速爲運送。卽行具奏。

大學士管理陝甘總督黃廷桂疏奏。巴里坤屯

田事宜

黃廷桂奏言竊查雍正年間巴里坤駐劄大臣時奎素石人子巴里坤以至尖山一帶地畝俱經開墾尙有溝塍形迹臣於上年冬月奏請派撥綠旗官兵五百名前往開墾試種以濟兵食嗣因逆賊巴雅爾等叛逃派調軍前旋議撤回臣復札知巴里坤大臣派現存綠旗兵丁將渠

平定縣勇略考卷四

五

道先行開濬并踏勘各處水泉可溉地畝若干旋據覆稱委總兵丑達勘得尖山子起至奎素一帶百餘里內從前地畝舊迹俱存係取用南山之水共有正渠九道自山口以外多滲入沙磧必須木槽接引方可暢流其三道河以北自鏡兒泉三墩起至奎素止亦有開墾地畝正渠三道及支渠形迹荒蕪日久渠身湮塞現在工

多人少且工料必須撥運等語臣查善後事宜

案內巴里坤駐劄滿兵三千名綠旗屯田兵一千五百名今駐防滿兵尙需時日而開墾地畝似宜早計請於甘涼肅三處先派種地官兵一千名於來年正月前往疏濬水泉開引渠道需用工匠物料田器牛隻等項均由內地辦運至二三月間土膏萌動即分佈各兵於可墾之地翻犁試種查巴里坤一帶氣寒霜早惟宜青稞應令各兵於青稞外如糜穀之類少爲試種倘獲有收再行加增其官兵整裝銀兩照例給發奏入。

平定縣勇略考卷四

六

上諭軍機大臣曰黃廷桂奏派兵一千名於來春前往巴里坤等處屯田等語自應及時籌辦但此尙在近地其烏魯木齊等處亦須漸次屯種接濟兵

食其如何相度水利測驗土脈及派兵前往一切口糧牛具籽種等項豫為料理之處著傳諭黃廷桂詳悉具奏。

辛未。

諭署定邊左副將軍策布登扎布來京請

訓。

上諭軍機大臣曰昨諭兩路將軍大臣等於十二月

平定準噶爾方略正編卷四十五

七

初十以內來京請訓俟來春進兵今思將軍成衮扎布宣力軍營將及一載自應稍為休息來年令伊在烏里雅蘇台辦理副將軍事務策布登扎布辦理諸事皆合機宜較從前大有進益來年進兵以兆惠為定邊將軍以策布登扎布為右副將軍著策布登扎布即馳驛來京請訓喀爾喀王公內有能協同辦事之人伊即指定一二人具奏無庸

派出兵丁但將親隨人役酌量足用仍加恩賞銀二千兩為整理行裝之用其行裝就近自烏里雅蘇台由阿濟必濟先遣發往巴里坤伊與納穆扎爾交代後作速來京。

諭大學士管理陝甘總督黃廷桂派解馬匹事宜。

上諭軍機大臣曰明春派兵往沙喇擊勒勦賊巴圖爾烏巴什等酌用兵二千五百名人給馬三四計

平定準噶爾方略正編卷四十五

八

需馬七千五百匹并辦給侍衛大臣官員等馬五百匹共用馬八千匹可傳諭黃廷桂即照數挑選派賢能員弁自肅州送至巴里坤沿途加意餵養約十一月可到自巴里坤至軍營已另派官兵解送著遵旨速行辦理。

諭定邊將軍成衮扎布等整頓軍裝及運送馬匹額

數

上諭軍機大臣曰。此次出兵以來。將及一年。恐兵丁

衣服器械。未能整齊。理應加意辦理。著成衮扎布

兆惠等。查明應行補換者。自巴里坤運送。卽行籌

議具奏。現在天氣已寒。伊等未能進剿。前曾降旨

於來春派兵二三千。前往沙喇壁勒。其口糧馬匹

數目。業經交議。今朕定兵數二千五百名。人給馬

三匹。官員大臣等添備五百匹。已諭黃廷桂辦馬

八千匹。備用矣。可傳諭將軍成衮扎布等知之。又

諭曰。黃廷桂所辦馬匹。自肅州送至巴里坤。卽另委

官兵解送。著派出厄魯特散秩大臣巴圖濟爾噶

爾。乾清門侍衛郭木尼勒圖富紹。自巴里坤解送

濟爾哈朗。巴圖濟爾噶爾賞銀一百兩。郭木尼勒

圖富紹各賞銀五十兩。卽前赴巴里坤等候。仍派

察哈爾索倫兵四百名。沿途防備。嗎哈沁其馬匹

平定縣軍機處卷四十五

九

加意照料。如遇風雪。卽便住宿。進兵之日。以巴圖

濟爾噶爾爲領隊大臣。郭木尼勒圖富紹。照從前

圖倫楚例。帶兵行走。

諭駐劄巴里坤辦事提督豆斌派兵轉解馬匹。

上諭軍機大臣曰。來歲進剿沙喇壁勒賊衆。已諭黃

廷桂派馬八千匹。送至巴里坤。其由巴里坤送至

軍營。亦派出巴圖濟爾噶爾郭木尼勒圖富紹等

平定縣軍機處卷四十五

十

接管轉解。著傳諭豆斌於成衮扎布等撤回之索

倫蒙古兵內。選派四百名。交巴圖濟爾噶爾等帶

領。將馬匹緩行趕送。到噶爾藏多爾濟游牧。加意

牧放。俟將軍等議定駐兵之地。趕送交收。途次如

遇風霜。稍爲歇息。諒不至於疲乏。併傳諭成衮扎

布兆惠黃廷桂知之。

諭兩路將軍大臣特派官兵牧放軍營馬匹。

上諭軍機大臣曰。現在酌議駐兵過冬。著傳諭成衮扎布兆惠雅爾哈善等。軍營所有馬匹。若仍令各官兵自行餵養。恐多疎懈。甚至有偷宰等事。自應官為收查。按數特派官兵。擇水草佳處。加意牧放。俟進勦沙喇擊勒官兵回時。撥往辦理回部。自然臆壯適用。雅爾哈善既署理將軍事務。更當盡心辦理。將收數若干。及牧放處所。詳悉奏聞。

壬申。

平定準噶爾方略正編卷之四十五

十一

諭甘肅巡撫吳達善赴巴里坤辦事。

上諭軍機大臣曰。昨命黃廷桂派撥馬匹。送至巴里

坤。現在阿里衮帶兵進勦。著吳達善即赴巴里坤

收管馬匹。料理轉解。事竣再回原任。併傳諭黃廷

桂知之。

諭定邊將軍成衮扎布等酌議馬匹數目。

上諭軍機大臣曰。明春前往沙喇擊勒兵丁二千五百名。共派馬八千匹。已交黃廷桂等辦理。今思冬寒之候。解送維艱。酌籌人給馬二匹。合之大臣官員共五千五百匹。成衮扎布等於軍營馬匹內。挑選二千五百匹。加意牧養。以待人給三匹之數。而解送之馬。亦可暫存。以備辦理回部之用。是否可行。成衮扎布等酌議具奏。此時八千馬匹。仍照數豫備。計解送之日。伊等即咨行黃廷桂。酌量派撥。

平定準噶爾方略正編卷之四十五

十二

又

諭曰。昨諭豆斌挑選兵丁四百名。解馬八千匹。沿途

照看。似寬不敷。今又酌減為五千五百匹。則已足

用。著傳諭豆斌。再派兵丁一百名。豫備。若成衮扎

布等議奏。仍須送馬八千匹。行文到日。豆斌即派

兵五百名解送。

丙子。

命議處戶部侍郎阿里袞。

上諭軍機大臣曰。據阿里袞奏稱將軍成袞扎布奏摺行文事件。現俱馳遞無滯。伊遵旨停止帶兵前往。其諭交將軍成袞扎布之旨。由濟爾哈朗路馳送等語。將軍成袞扎布原係由朱爾都斯一路進兵。昨被搶之阿勒輝臺站。即係朱爾都斯一路所

平定縣路軍機處

七

設。而現在遞到事件。乃由濟爾哈朗一路。與朱爾都斯何涉。此路臺站。經滿福帶兵前往安接。至今未有信息。今事件雖由濟爾哈朗路遞到。其朱爾都斯臺站。曾否撤回。滿福現在何處。應如何探聽策應之處。更屬緊要。前因阿勒輝臺站被搶。將軍成袞扎布等奏報未通。阿里袞竟置之不問。經朕屢降諭旨。令伊帶兵速往接應。豈可因濟爾哈朗

一路遞到事件。而謂朱爾都斯臺站亦遂通耶。且

前旨所謂臺站若通。即不必前往。亦專指朱爾都斯路之阿勒輝臺站而言。非謂濟爾哈朗路遞到事件也。阿里袞辦事若此。朕實不知為何心。著交部嚴察議奏。伊如此行止。朕早已見及。昨諭阿里袞帶兵接應滿福。照管行糧。巡臺勦賊。計此際已奉到朕旨。帶兵前往矣。現在已至何處。滿福信息如何。朱爾都斯路曾不接續。抑或撤回之處。作速奏聞。

平定縣路軍機處

七

申諭定邊將軍成袞扎布等酌議駐兵事宜。上諭軍機大臣曰。據阿里袞奏稱准將軍成袞扎布等來文。酌撥官兵口糧三百石。送赴軍營。又云。兆惠候辦齊口糧。即前赴伊犁等語。看伊等現在情形。未必能衝寒即往。著遵朕旨。或在濟爾哈朗過

冬或在烏魯木齊亦可伊等此時想已會合一處
即將駐劄地方及昨交議馬匹數目速為議奏再
來京請訓可也。

諭署定邊左副將軍策布登扎布等派兵搜查藏匿
賊衆。

上諭軍機大臣曰據烏梁海人等告稱阿爾台以外
納林布魯爾阿巴蘭克伊特等地方尚有隱匿之

平定準噶爾方略正編卷之四十五

十五

烏梁海等或阿睦爾撒納郭勒卓輝等賊藏匿於
此亦未可定已諭護送哈薩克來使之和碩齊等
詳細搜查恐逸賊頗多又加以阿睦爾撒納在彼
兵不敷用著傳諭策布登扎布納穆扎爾等派唐
喀祿帶兵二百名同侍衛二人在彼處適中之地
駐劄候和碩齊信息如有阿睦爾撒納及大隊賊
人在彼伊等即接應和碩齊仍報知駐劄科卜多

大臣添兵接應其和碩齊有具奏事件即送交唐
喀祿轉遞唐喀祿係獲罪之人今令其効力自贖
宜知奮勉策布登扎布即妥協辦理

署理定邊左副將軍印務策布登扎布等疏奏
擒獲托音喇嘛羅卜藏阿喇卜珠爾正法

策布登扎布等奏言臣等遵

旨將戕殺卡倫侍衛之托音喇嘛羅卜藏阿喇卜珠

平定準噶爾方略正編卷之四十五

十六

爾等嚴緝務獲即通行四部落十月初二日哈
爾噶納之攜眷卡倫章京濟爾噶勒等將羅卜
藏阿喇卜珠爾拏獲臣等審訊起意戕殺侍衛
卓勒和等情節供認不諱即於本日正法奏入

報

聞

戊寅

諭戶部侍郎阿里袞進勦事宜

上諭軍機大臣曰。昨因阿里袞奏成袞扎布軍營奏報。皆由濟爾哈朗馳遞。竟置朱爾都斯於不問。已降旨交部察議。仍令帶兵會合滿福。如額敏和卓告稱沙喇斯瑪呼斯等逃往哈喇沙爾。即會同進勦。想此時已帶兵前往矣。但滿福自奏阿勒輝臺站被掠後。並無奏報。深為厪念。是以諭阿里袞速

平定回疆方略卷四十五

七

探信息。其探信之道。不過由第一臺起。查至何臺阻隔。即已知信息不通之由。乃並未如此辦理。朕所不解。此時額敏和卓若來告賊衆已往哈喇沙爾。阿里袞即前赴協勦。如未有實信。即速往接應滿福。沿途所得信息。作速奏聞。又

諭曰。昨諭副都統哈寧阿不必巡查兆惠等所設臺站。即帶兵接應滿福。想此時已會兵一處矣。滿福

久無奏報。著哈寧阿將帶兵已至何處。辦理情形如何。速行具奏。

諭吐魯番貝子額敏和卓進勦事宜

上諭貝子額敏和卓曰。昨據爾報稱遣人前赴哈喇沙爾。採取叛賊沙喇斯瑪呼斯等信息。如賊衆赴哈喇沙爾。即帶兵前往辦理。朕已傳諭巴里坤辦事大臣阿里袞云。如沙喇斯瑪呼斯等賊人回至哈喇沙爾。可帶兵往會額敏和卓勦捕。此時爾差遣探信之人。亦應歸告。如賊果回哈喇沙爾。爾即告知閫相師。作速知會阿里袞。會同進勦。倘未由此路。亦知會阿里袞。會同滿福進勦可也。

平定回疆方略卷四十五

八

已卯

申諭戶部侍郎阿里袞等進勦事宜

上諭軍機大臣曰。據阿里袞奏稱奉到諭旨。帶兵二

百名至阿勒輝等處會合五達兵丁進剿等語。阿里衮前奏濟爾哈朗臺站現在通行停止進兵。經朕飭諭始行前往。今據軍營奏報朱爾都斯臺站已經撤回自不必另辦。阿里衮惟會同滿福追剿沙喇斯瑪呼斯等賊衆。至額敏和卓欲帶綠旗兵二百名前去。特為回兵缺馬之故。阿里衮何必屢向閭相師查問。甚屬糊塗。今阿里衮已帶兵前往。

平定準噶爾方略正編卷五

九

此旨及諭額敏和卓之旨俱著豆斌轉發。又諭吐魯番貝子額敏和卓曰。據爾奏報巴里坤大臣等遵朕諭旨。訪查沙喇斯瑪呼斯等賊人信息。又因道遠若俟訪查回報再行前往。恐致耽延。已於十月初一日帶兵起程。至托克三駐候等語。朕深為嘉許。向來辦事人員。每候信息以為行止。爾能奮勉如此。深協機宜。加恩賞給大緞四疋。以成辦

理葉爾羌。喀什噶爾時。雖有將軍大臣。而回部情形。爾所熟悉。將命爾叅贊軍務。在前隊行走。爾其益體朕恩。實心奮勉。以奏膚功。永膺懋賞。特諭。

庚辰。

申諭戶部侍郎阿里衮。接應滿福進剿。

上諭軍機大臣曰。據滿福奏稱。帶兵至朱爾都斯接續被賊搶掠之六臺站。其將軍成衮扎布之兵。未

平定準噶爾方略正編卷五

十

知所在。又據瑪呼斯之博多羅克告稱。賊人游牧到喀喇呼魯。向呼魯木什烏蘭和屯而去。已帶兵從巴顏阿璜臺站尋賊踪跡追往。但馬匹多屬乏弱等語。滿福進兵月餘。辦理剿賊事宜。毫無頭緒。總以馬乏為詞。伊在吐魯番休息許久。何至遽然疲乏。著傳諭阿里衮。即帶兵徑往呼魯木什等處。協同進剿。再額敏和卓現帶兵在托克三駐劄候

信呼魯木什等處。若與哈喇沙爾相近。阿里衮即知會額敏和卓亦帶兵赴彼。協同勦賊可也。

壬午。

諭戶部侍郎阿里衮等招服賊眾事宜。

上諭軍機大臣曰。成衮扎布等奏稱遵朕諭旨。賞給宰桑三都克銀兩。留於軍營。派伊屬下敦多克哈什哈敦多克策凌等。招服沙喇斯瑪呼斯人等。雖

平定縣志卷之五

三

亦勦撫並行之策。但辦理此等叛賊。已諭阿里衮滿福帶兵前往。若伊等聞知將軍處使人招降。即不奮勉勦賊。又或叛賊等偽為投順。使我兵弛備。均未可定。著速行傳諭阿里衮滿福。賊眾若未歸降。自當勦殺。即成衮扎布遣人招服。業已來降。亦應沿途留心察看。稍有變動。即行掩襲。務宜相機行事。又沙喇斯瑪呼斯。有倡亂數人。及訛傳大兵

為阿睦爾撒納所敗之數人。情尤可惡。阿里衮等即詢問敦多克哈什哈等。務須擒拏解京。至敦多克哈什哈等。既隨三都克効力行走。阿里衮辦理叛賊時。詳問伊等賊中形勢。若招降後。有密行辦理之事。仍示伊等以沙喇斯瑪呼斯等已降復叛。是以不便存留。至爾等係隨三都克輸誠効力。本不相同。勿生疑忌。此數人俱賞給藍翎。照看回營。亦傳諭成衮扎布知之。

平定縣志卷之五

三

臣等謹案沙喇斯瑪呼斯鄂拓克。叛降反覆。罪不容誅。我兵悉力窮追。逸賊自無從遁匿。勦撫並行之策。本非勢所必需。至敦多克哈什哈等。即係沙喇斯瑪呼斯部眾。雖一時効力軍營。而若輩狡詐性成。亦難深信。我皇上先幾洞燭。屢

勅周防。茲復

諄誠在事諸臣。奮勉勦賊。毋徂降弛備。並

諭及臨時相機籌辦。而滿福以接續臺站。奏報稽時。

卽

命大臣等統兵策應探信。亦恐其為賊所愚也。厥後

滿福果誤信賊人。詭持軍檄。墮計捐軀。今恭

釋前後

平定準噶爾方略正編卷五

三

訓旨。仰見

聖明鑒察。不爽纖毫。而防患未萌。

籌畫備至。諸臣乃得有所稟承。雖萬里以外。無異呈

形目前矣。

諭大學士管理陝甘總督黃廷桂。派兵解送馬匹。

上諭軍機大臣曰。黃廷桂奏稱豫備軍營馬匹。請派

自準噶爾脫出之官兵解送等語。所見甚是。伊等

久居邊地。既知水草。復嫻於牧放。較之綠旗兵丁。

自屬不同。從前派出副都統巴圖濟爾噶爾等。令

先至巴里坤候馬匹到日。派兵四百名解送。黃廷

桂想已奉到此旨。卽將脫出兵丁等。歸入四百名

數內。仍傳諭伊等。加意奮勉。果能牧養得宜。將來

仍歸各本旗佐領當差。至黃廷桂所奏候軍營咨

取馬匹文到。卽行解送。此係前次諭旨。今不必候

平定準噶爾方略正編卷五

三

咨。卽辦理解送可也。

甲申。

申諭戶部侍郎阿里衮會兵進剿。

上諭軍機大臣曰。阿里衮奏稱帶兵將阿勒輝等臺

站。巡查辦理。其丑達之兵。遣回鹽池等處臺站。往

來搜勦賊人等語。鹽池距巴里坤甚近。竊掠臺站。

不過數嗎哈沁賊耳。不必將丑達遣回。卽速會兵

前往。朕屢諭阿里衮接應滿福進剿沙喇斯瑪呼斯賊眾。務奮勉速行。毋少瞻顧。

諭叅贊大臣富德勦賊事宜。

上諭軍機大臣曰。富德奏稱逆賊阿睦爾撒納雖已

逃入俄羅斯。而伊犁等處藏匿賊黨。仍須勦殺。現

在喀喇瑪嶺駐劄。古爾班察爾一帶。俱安設卡倫

防守等語。朕屢經降旨。令伊等來京。富德想尚未

平定賊匪馬參聖

五

奉到。故有此奏。但逆賊瑣齊額林沁達瓦詐稱歸

降。又復逃去。富德如回兵時。或遇此等叛賊。或偵

探去向。相離不遠。即帶兵勦殺。富德兵馬駐憩已

久。自屬可用。若道遠不便。即徑往濟爾哈朗向成

衮扎布等來京。可傳諭富德知之。

丙戌。

申諭將軍大臣籌議駐兵進剿日期。

上諭軍機大臣曰。昨諭成衮扎布兆惠富德等來京

請訓。今計算伊等往返日期。須無誤進兵之時。方

為妥協。著傳諭伊等將現在駐兵何處。何時到京。

及請訓回營。能與進剿之時。適相符合否。一面奏

聞。一面速行來京。如恐稍有遲悞。現在雅爾哈善

駐劄濟爾哈朗軍營。或令其就近帶兵前進。伊等

再自京馳赴。料可追及。即與雅爾哈善公同籌議

平定賊匪馬參聖

五

具奏。

命以伯格里屬人。分賞駐防官兵。嚴加管束。

上諭軍機大臣曰。前諭將伯格里之妻送京安插。所

有屬人一百六十餘口。交直隸總督方觀承。分給

天津青州保定等處駐防滿洲為奴。著傳諭各該

將軍城守尉等。此等厄魯特。俱係獲罪之人。若不

遵約束。即正法示眾。毋得任其脫逃。

命叅贊大臣永貴署理西安巡撫印務。所辦軍營糧

務。俟定長服滿後。前往接辦。

丁亥。

命優卹喀爾喀公品級齊巴克扎卜及議叙効力官
兵。

上諭軍機大臣曰。納穆扎爾奏稱進勦哈喇哈巴等

處藏匿之明噶特烏梁海等。喀爾喀公品級齊巴

平定準噶爾方略正編卷五

七

克扎卜帶兵前至阿爾呼特等處。將賊眾盡行勦

殺。齊巴克扎卜被鎗傷腋陣亡等語。似此奮勇捐

軀。深可憫惻。著實封公爵。令伊子承襲。將其佐領

屬人另編一扎薩克。仍賞銀三百兩。其陣亡帶傷

官兵。查明恩卹。此次都爾伯特汗策凌等之屬人。

亦有奮勉者。並酌量賞賜。其効力得功官兵。交部

議叙。仍將頭等得功之人。優加賞賚。

戊子。

命以邁斯漢情實勾決罪案傳

諭兩路軍營。

上諭軍機大臣曰。今日刑部進情實官犯本內。將原
任叅將邁斯漢擬以情實。去年雅爾哈善等派出

邁斯漢帶兵往探兆惠信息。伊並非中途遇敵。不

能前進。乃遷延道路。竟自回營。因命拏解審訊。擬

平定準噶爾方略正編卷五

八

斬監候。復命查其先世有無陣亡之人。據該部將

伊叔曾祖陣亡查奏。夫陣亡之子孫。從寬免死者。

原指尋常罪犯而言。並非軍法可比。今邁斯漢帶

兵數百。同往之高天喜。亦已殺賊百餘。收其牲隻。

邁斯漢何難奮力前行。乃聽俘賊虛詞。即惟怯不

進。爾時若不另派官兵。接應兆惠。必至債事。則邁

斯漢之罪。雖伊祖父陣亡。亦難稍道。是以予勾正

法八旗世僕等若恃祖父陣亡。派往軍前。並不効力。於習俗大有關係。果其情有可矜。朕亦必加原宥。若似邁斯漢失機畏怯。豈能屈法加恩。可傳諭兩路將軍大臣等。通行曉示軍營官兵等知之。

十一月己丑朔。

諭定邊將軍成衮扎布等進勦巴哈曼集等事宜。

上諭軍機大臣曰。覽兆惠雅爾哈善等奏摺。現在軍

平定縣署路驛參軍

五

營辦理情形。總以明春進兵為要。著成衮扎布等

遵旨來京。至辦理沙喇斯瑪呼斯賊眾。已命阿里

衮哈寧阿等。陸續前往。惟扎哈沁巴哈曼集等叛

逃之後。乘隙搶掠臺站。據雅爾哈善等奏。捉生詢

問。知巴哈曼集為得木齊哈勒拜所敗。逃入烏勒

郭蘇山內之沙扎海地方等語。雖未可全信。而賊

眾究屬潛匿。臺站終有疎虞。今雅爾哈善已派端

濟布前往。著傳諭成衮扎布將哈寧阿調回。令其

協助端濟布。若前行已遠。即於濟爾哈朗軍營。派

兵一二百名發往。倘端濟布等未能勦滅賊眾。則

成衮扎布等起程來京。沿途搜勦。以清臺路。又叛

逃之瑛齊額林沁達及等。已諭富德歸途之便。就

近搜勦。併傳諭哈寧阿等知之。

庚寅。

平定縣署路驛參軍

五

諭署定邊左副將軍策布登扎布等協勦巴哈曼集

等賊眾。

上諭軍機大臣曰。據雅爾哈善奏。稱巴哈曼集屬人

藏匿烏勒郭蘇山。有逃往阿爾台之信。此事容亦

有之。伊等或投俄羅斯。或合烏梁海。均未可定。可

傳諭策布登扎布納穆扎爾等。即行文科卜。多軍

營。速交唐喀祿等。令其沿途偵探。協同勦殺。其車

木楚克扎布所辦烏梁海情形若何。作速奏聞。

議奏派調喀爾喀等官兵事宜。

署定邊左副將軍策布登扎布奏言。臣奉

恩旨。於明年前往西路軍營。請派出圖謝圖汗部落

之公品級扎薩克三都卜多爾濟。協理頭等台

吉齊旺扎卜。賽音諾顏部落之扎薩克達什。協

理頭等台吉敦多卜。四等台吉庫爾奎。扎薩克

平定準噶爾方略正編卷之五

三

圖汗部落之協理台吉旺舒克等。并調取喀爾

喀兵二百名。於達什達瓦扎哈沁厄魯特兵內。

挑選一百名。將有馬之索倫兵。挑選一百名。若

進剿時無需多兵。即將現在軍營官兵之乏弱

者撤回。如蒙

俞允。請照例豫行支給整裝銀兩。先行起程。奏入。得

旨。軍機大臣速議具奏。尋議。策布登扎布請調取喀

爾喀等兵丁。更替軍營兵丁之乏弱者。事屬可

行。但喀爾喀災歉之後。生計頗艱。若多為調遣。

不無勞費。至厄魯特等。新經安插。復令從軍。未

免驚擾。且伊等性多貪狡。軍前有違紀律。於事

無益。應停其調遣。請將所奏兵丁四百名。減為

二百名。派索倫兵一百五十名。喀爾喀兵五十

名。再於達什達瓦屬人等熟悉路徑者。酌帶數

平定準噶爾方略正編卷之五

三

人。作為嚮導。至所奏派出喀爾喀公台吉等。應

請准其帶往。所有派調官兵。俱照例賞給整裝

銀兩。奏入。

上從之。

辛卯。

諭大學士管理陝甘總督黃廷桂解送巴雅爾等來

京。

上諭軍機大臣曰據豆斌奏稱端濟布將嚮導巴雅

爾等送至巴里坤并聲明伊等俱奮勉効力請遵

旨照情有可原之例分賞官兵并行文黃廷桂等

語所辦甚屬拘泥巴雅爾等身在軍營較不從逃

叛前來送信之人尤為出力非但情有可原而已

可傳諭黃廷桂即曉示巴雅爾等辦事大臣請將

爾等分賞官兵大皇帝念爾等俱係効力之人恩

平定縣縣志卷之三

三

旨送入內地即將伊等派員解送來京

命加吐魯番貝子額敏和卓貝勒品級

上諭軍機大臣曰吐魯番貝子額敏和卓遣人前往

哈喇沙爾探取沙喇斯瑪呼斯信息即領兵前往

托克三守候後因賊人未至哈喇沙爾又遣往和

爾米斯和喇探聽相機進剿似此感激朕恩誠心

効力甚屬可嘉著加恩給與貝勒品級明歲辦理

葉爾羌喀什噶爾等處令為叅贊昨已降旨其益
加奮勉以膺恩賞

署章京噶布舒護軍校桑烏善押送厄魯特伊

宛等來京得

旨伊宛授為藍翎侍衛賞銀五十兩達瓦在司轡上

行走賞銀二十兩噶布舒授三等侍衛賞銀五

十兩桑烏善授藍翎侍衛賞銀三十兩

平定縣縣志卷之三

三

軍機大臣疏奏傳

諭安插伯格里妻室

軍機大臣奏言伯格里之妻到京臣等遵

旨傳諭云從前

皇上加恩准爾率屬移於察哈爾續經將軍大臣叅

奏爾以台吉之妻不修婦道難於管領屬人請

將爾治罪

皇上格外施恩。

命爾與噶爾藏多爾濟之妹同居。傳示畢。隨將伯格

里妻女及婢女二人。送往安插。其隨僕八人。暫

交理藩院看守。候賞駐防官兵。奏入。報

聞。

壬辰。

申諭定邊將軍成袞扎布等酌定軍營馬匹數目。

平定準噶爾方略正編卷之五

五

上諭軍機大臣曰。據黃廷桂奏稱。應送巴里坤馬匹。

業經分起節次起程。俟成袞扎布咨到。照數送往

等語。昨會傳諭成袞扎布兆惠等。令於軍營現存

馬內。選出二千五百匹。加意牧放。以備征進。則黃

廷桂辦送之馬。祇需五千五百匹。伊等定議後。即

行文知會。今黃廷桂既經奏報起程。著成袞扎布

兆惠等。速行定議知會。不可再遲。此際伊等現至

何處。卽速奏聞。亦傳諭黃廷桂知之。

諭定邊將軍成袞扎布等確查叛賊璉齊踪跡。

上諭軍機大臣曰。昨諭將達瓦之弟鄂爾奇達遜送

京。今據供稱。璉齊踪跡似向空格斯逃去等語。著

便中傳諭成袞扎布兆惠等。確查具奏。

癸巳。

定議哈薩克交易事宜。

平定準噶爾方略正編卷之五

五

軍機大臣奏言。黃廷桂奏籌辦哈薩克交易事

宜一摺。奉

旨。軍機大臣議奏。查臣等前因兆惠等奏。阿布賚請

將馬匹。赴烏魯木齊交易。臣等議以程途頗遠。

商販難於聚集。請官爲經理。選派熟諳交易之

人。照商人一例。不必顯露官辦形迹。今據該督

奏稱。烏魯木齊交易。運費浩繁。似在吐魯番爲

便其明歲交易。止換馬匹。若哈薩克帶有駝隻

牛羊。亦係軍營需用。請一體收買。其應需緞疋。

若由內府辦解。絲色精良。而官辦後仍必招商。

將來恐成色略減。致煩言論。現在陝省採辦各

色緞疋。及巴里坤現存雜色梭布京庄布。均可

敷用。哈密現存茶封。為數頗多。一切馱運。即用

軍營餘駝。酌量雇覓商駝。添備車輛。遴委道員

至定遠營路驛參軍

毛

同知副將酌派備弁兵丁押送等語。查臣等原

議。哈薩克交易。在烏魯木齊。因前與阿布賚定

約奉

旨允准。似不便更易。致失信遠人。雖運費浩繁。原可

增加價值。至吐魯番近接邊陲。建有城堡。較烏

魯木齊地方空濶。可以隨處開市者不同。恐哈

薩克人等。與回民熟習。轉致滋擾。應仍照臣等

原議。至收換馬匹。駟馬之外。有隨帶騾馬。亦可

量收。庶於孳生有益。其他牲畜。亦應一體收買

至疲瘦牲畜。一切雜貨。雖不應交易。但念其攜

帶遠來。或減價收留。以示節制。其緞疋一項。陝

省既可採買。應如所奏辦理。至布疋茶封。尤哈

薩克所必需。今哈密既有茶封。巴里坤亦有

購備布疋。應令雇覓商駝。或添備車輛。運送不

至定遠營路驛參軍

美

必挑用軍營餘駝。其遴委道員同知副將等員

并酌帶將弁。挑派兵丁。應需鹽菜口糧。及商民

人等。願隨前往。購買零星物件。各聽其便。俱應

如所奏。再該督奏派兵一百名。係因吐魯番現

有屯兵。足資彈壓。今既仍在烏魯木齊交易。應

否添派兵丁。亦聽該督酌量辦理。明歲係初次

貿易。自當立定章程。不可遷就。而交易之際。又

必示以公平。俾遐荒咸知。

天朝柔遠之經。方為妥協。應交該督轉飭道協各員。

善為經理可也。奏入。

上諭曰。黃廷桂所奏籌辦來年哈薩克貿易事宜一

摺。已據軍機大臣議奏。但貿易之事。不過因其輸

誠內嚮。俾得懋遷有無。稍資生計。而彼處為產馬

之區。亦可以補內地調撥缺額。並非藉此以示羈

平定準噶爾方略正編卷五

五

縻。亦非利其所有。而欲賤值以取之也。將來交易

之際。不可過於繁苛。更不必過於遷就。但以兩得

其平為是。可傳諭黃廷桂令其善為經理。至奏內

所稱委派道廳等員。看來貿易之事。終不可全以

官法行之。能辦政務者。未必熟諳商賈。朕思道員

中如范清洪同知。中如范清曠等。伊家原會承辦

軍需及一切貿易。應尚有舊時商賈。習練其事。或

可於此二人中酌調一人。赴甘承辦。是否有益。并著妥議奏聞。

參贊大臣副都統哈寧阿疏奏協助端濟布勦

賊情形。

哈寧阿奏言。臣於九月二十九日。至濟爾哈朗

軍營。聞知將軍成衮扎布等。由闕勒奇回兵。副

將軍兆惠亦合兵一處。其濟爾哈朗至博羅塔

平定準噶爾方略正編卷五

甲

拉。無庸設立臺站。惟參贊大臣富德尙在博和

什騰等處。是以庫爾河等臺站。未曾全撤。臣因

山中降雪。恐嗎哈沁等侵擾臺站。將所領兵三

百名內。挑選一半巡查。十月十三日。接雅爾哈

善行文。扎哈沁之得木齊哈勒拜等。現在烏勒

郭蘇山內之沙扎海地方藏匿。已飭總管端濟

布進勦。速派官兵協助。臣卽於所帶兵丁內。挑

選五十名。派虛銜藍翎。緩神保等。迅往協助端

濟布。奏入報

聞。

平定準噶爾方略正編卷之四十六

里

平定準噶爾方略正編卷之四十六

乾隆二十二年冬十一月乙未。

諭定邊將軍成袞扎布等來京請訓。

上諭軍機大臣曰。現在逆賊阿睦爾撒納已逃入俄

羅斯。俄羅斯與喀爾喀毗連。一應偵探防範事宜

甚關緊要。成袞扎布素得喀爾喀之心。為眾所推

服。且伊久在行間。亦宜稍為休息。著仍為北路將

平定準噶爾方略正編卷之四十六

一

軍。辦理喀爾喀事務。策布登扎布年富力強。辦事

雖不及伊兄。而攻戰較為差勝。又經休息年餘。明

歲辦理回部。以兆惠為將軍。策布登扎布副之。已

傳諭策布登扎布來京請訓。再赴軍營。雅爾哈善

侯伊到日。即將副將軍印務交代。一同領兵。前赴

沙喇壁勒。勦滅巴圖爾烏巴什等賊眾。成袞扎布

兆惠等。亦即來京。商辦一切事務。其沙喇斯瑪呼

斯等賊已專交阿里袞滿福辦理成袞扎布等至巴里坤。須作速趨行。方不誤兆惠回抵軍營之期也。

丙申。

諭戶部侍郎阿里袞等追剿沙喇斯瑪呼斯賊衆事宜。

上諭軍機大臣曰。據阿里袞等奏稱領兵至托克三。

平定準噶爾方略正編卷之四

二

擒獲嗎哈沁等。訊知沙喇斯瑪呼斯等賊衆越達朗嶺。往投昂吉岱等語。前據成袞扎布奏稱昂吉岱等賊衆。渡伊犁河。往沙喇孽勒。會合巴恩爾烏巴什。今沙喇斯等亦投昂吉岱。自係尋踪前往。即使時屆冬寒。不能到沙喇孽勒。而巴圖爾烏巴什。或料我撤兵。復回伊犁。會合賊黨。過冬亦未可定。阿里袞額敏和卓等。應即趨行。攻其不備。此時滿

福追剿賊衆。倘因其遠遁。竟行退回。阿里袞等更宜前往。或知會濟爾哈朗軍營。派兵策應。若果追至伊犁。賊衆仍復前去。我兵馬力疲乏。即撤回亦可。至額敏和卓。懇請隨同進剿。甚屬可嘉。著照參贊分例。支取廩給。所帶回兵。著查明曾否賞給銀兩。及關支口糧。照進剿官兵例。一體辦理。

命議處副都統三格等。

平定準噶爾方略正編卷之四

三

上諭軍機大臣曰。據雅爾哈善等覆奏。端濟布三格額爾登額。辦理瑣齊額林沁達瓦等脫逃情形。端濟布招降渾齊時。因伊等稱其投誠。隨帶兵前往。扎哈沁。其瑣齊之脫逃。與端濟布無涉。至三格額爾登額。既將瑣齊額林沁達瓦喚至軍營。即應看守解送。乃為賊所欺。令其復回。因而叛逃。猖獗致總管巴寧阿等遇伏陣亡。仍未能奮勉進剿。三格

額爾登額。俱著交部嚴察議奏。

命喀爾喀親王得親扎卜為叅贊大臣協辦軍務。

上諭軍機大臣曰。昨命策布登扎布來京。納穆扎爾

署理定邊左副將軍印務。親王得親扎卜係喀爾

喀舊人。諳悉事體。著授為叅贊大臣。協同納穆扎

爾辦事。

命優卹喀爾喀郡王品級旺布多爾濟等。

平定縣志卷之四十六

四

上諭軍機大臣曰。成袞扎布等奏稱喀爾喀郡王品

級旺布多爾濟。公品級頭等合吉三濟扎卜俱出

痘身故等語。昨因伊等久在軍營。令回游牧休息。

今聞身故。深可憫惻。著加恩將旺布多爾濟之子。

承襲貝勒。仍賞給郡王品級。三濟扎卜之子。承襲

頭等合吉。仍賞給公品級。再賞給旺布多爾濟銀

五百兩。三濟扎卜銀三百兩。

命陞補軍營効力之主事常鈞等及議敘副都統圖

倫楚所領官兵。

上諭軍機大臣曰。據兆惠奏稱主事常鈞額外主事

法哈委署主事和倫等三人。在軍營數年。承辦事

件。既無貽誤。且効力行間。頗知奮勉等語。著照所

請。將主事常鈞。授為額外員外。遇缺卽補。所遺主

事員缺。著法哈補授。委署主事和倫。授為額外主

平定縣志卷之四十六

五

事。遇缺卽補。又

諭曰。兆惠奏稱圖倫楚帶兵一百名。擊敗哈薩克錫

喇。勦殺嗎哈沁等。以寡敵衆。追蹤跟擊。頗屬奮勉

等語。圖倫楚已加恩補授副都統。所領官兵。著分

別功次。造冊送部議敘。

命革副都統三格職。降副都統額爾登額為三等侍

衛。効力贖罪。

上諭軍機大臣曰。昨命兆惠查勘三格額爾登額端濟布等。辦理瑣齊額林沁達瓦情形。據奏厄魯特朝降夕叛。衆所深悉。而三格額爾登額。受其欺詐。倉猝回兵。以致瑣齊等脫逃。但額爾登額追勦扎哈沁賊衆。頗知奮勉。端濟布如何招服瑣齊。并邇來有無勞績。俟至濟爾哈朗會同將軍等查奏等語。端濟布甫經招降。卽帶兵勦撫扎哈沁。功罪自

平定準噶爾方略正編卷六

六

可相抵。三格從前既疎脫尼瑪。及瑣齊等已至軍營。又復縱回游牧。其罪較額爾登額更甚。三格著革去副都統。以兵丁効力贖罪。額爾登額革去副都統。降爲三等侍衛。効力贖罪。

定邊右副將軍兆惠疏請以雙全補授護軍。留軍營効力。

兆惠奏言。現在軍營行走之雙全。係正紅旗蒙

古烏鎗護軍。雍正九年在和通呼爾哈爲厄魯特所掠。二十餘年。去年隨營効力。經臣等

奏請。如果奮勉。卽撥回本旗當差。查雙全識托忒字。習厄魯特言語。於哈薩克回部等情形。亦頗熟悉。本年哈薩克遣使到營。令伊通事傳語。俱能達意。請將雙全咨行該旗。坐補護軍。留於軍營効力行走。奏入。報

平定準噶爾方略正編卷六

七

聞。

庚子。

察哈爾總管端濟布疏奏追勦扎哈沁情形。

端濟布奏言。臣帶兵搜勦烏魯木齊。昌吉。羅克倫等處嗎哈沁。捉生詢問。知扎哈沁得木齊哈勒拜殺巴哈曼集。同得木齊達爾扎巴朗藏匿烏蘭烏蘇山內沙扎海地方。欲圖搶掠臺站。准

濟爾哈朗軍營參贊大臣調令勦捕臣於十月

十三日至瑪納斯臺站參贊大臣哈寧阿派兵

協助十五日擒獲嗎哈沁十餘名訊係扎哈沁

屬人因哈勒拜肆行搶奪逃向達爾扎游牧達

爾扎等欲搶額倫哈達臺站恐有官兵今自沙

扎海移來三日等語十六日晚帶兵渡瑪納斯

河至美羅托山掩襲達爾扎游牧為賊眾所覺

即放鎗逃走官兵奮勇攻擊十七日殺賊百餘

人收取馬駝牲隻其臨陣被傷兵丁查明咨報

奏入。

止諭軍機大臣曰據端濟布奏稱追勦扎哈沁賊眾

至美羅托山勦殺百餘人等語所有陣亡帶傷兵

丁著查明報部優卹但端濟布奏摺甚屬含混如

所云夤夜掩襲為賊眾所覺放鎗逃走則伊等不

平定邊將軍成衮扎布等查看滿福勦賊情形

八

過追及後隊而逃去者必多端濟布即應就所得

馬駝牲隻窮追務獲何以未經奏及著雅爾哈善

查明速催端濟布向哈寧阿相機追勦又

諭曰昨據哈寧阿奏稱帶兵前往瑪納斯呼圖畢羅

克倫昌吉等處照看解送口糧搜勦嗎哈沁有應

行協助端濟布之處即相機接應等語所奏甚是

與朕前降諭旨相符今據端濟布奏稱勦賊百餘

仍有逃去者哈寧阿正宜留心偵探相機策應務

期盡勦賊眾以清臺站

辛丑。

諭定邊將軍成衮扎布等查看滿福勦賊情形

上諭軍機大臣曰成衮扎布等奏據遣往堵截巴哈

曼集之侍衛海林泰報稱在博羅托羅海地方捉

生詢問知巴哈曼集為得木齊哈勒拜所殺賊眾

平定邊將軍成衮扎布等查看滿福勦賊情形

九

欲至空格斯恐有兵堵截卽由克勒特前去已過八站適與滿福相遇將情節告知而滿福以現在追勒沙喇斯等叛賊自巴顏阿滿一路安設臺站不可擅動兵丁因無兵追賊遂同滿福前進等語滿福帶兵追賊白當隨遇隨剿乃舍現在相近之扎哈沁而追遠竄之沙喇斯等殊屬懦弱滿福果能追剿沙喇斯等尚可功罪相抵若藉口窮追不

平定準噶爾方略正編卷之六

十

及馬力疲乏竟行撤回則罪不可追著傳諭成衮扎布等看滿福呈報若何據實速奏若已起程前來卽交雅爾哈善查奏

命賜二等侍衛寧古禮號克丑巴圖魯總管圖布巴圖魯溫布給與副都統銜俱賞銀一百兩

乙巳

諭喀爾喀郡王品級車木楚克扎布查拏逆賊阿睦

爾撤納

上諭軍機大臣曰昨據策布登扎布奏稱令車木楚克扎布會同察達克辦理烏梁海博和勒那木查爾等語此際應已前往現在逆賊阿睦爾撤納逃入俄羅斯或俄羅斯令伊帶領烏梁海逃入復出滋事亦未可定可傳諭車木楚克扎布於途次留心察訪一聞阿逆之信卽帶兵前往擒拏併諭知察達克奮勉協助仍將現辦烏梁海情形及有無他處賊人踪跡作速奏聞

平定準噶爾方略正編卷之六

十一

諭厄魯特散秩大臣和碩齊等查拏逆賊阿睦爾撤納

上諭軍機大臣曰昨諭和碩齊等於護送哈薩克使臣之便沿途或遇逆賊阿睦爾撤納及大隊賊眾伊等兵力無多令唐喀祿帶兵二百名於中途等

候一得信息即前往接應。今阿逆逃入俄羅斯或俄羅斯令其帶領烏梁海逃入復出滋事亦未可定。和碩齊於沿途察訪一有阿逆信息即帶兵往擒。仍速飭唐喀祿接應。若阿逆果如所料正和碩齊立功之時。哈薩克使臣原可自回游牧。若願協擒逆賊即與同行。至唐喀祿係獲罪之人亦可藉以自贖。其務悉心訪查奮勉効力。

平定縣志卷之六

七

大學士管陝甘總督黃廷桂等疏奏滿漢標營坐扣銀兩分年展扣事宜。

黃廷桂等奏言臣等欽奉

恩旨將陝甘二省滿漢各營採買補缺馬匹借墊銀

三十五萬九千三百兩零免其扣還其解送馬

駝添補口食盤費坐扣未完銀六十萬八千三

百兩零酌量分年展扣以紓兵力仰見

皇上俯恤邊兵至意臣等酌議各營應支馬乾俱已

留為餵馬之用每歲添製軍裝及差使盤費俱

係該營自行措辦於季餉內扣還又有朋扣銀

兩并年底在司庫接濟以及糧貴時豫借銀米

均應於季餉內扣繳現在朋餉解送正餘馬一

萬三千餘匹加添料豆製備衣裝統需陸續扣

還再加此項坐扣銀六十萬八千餘兩誠如

平定縣志卷之六

七

恩諭白應寬以期限俾季餉扣還之外各有餘剩應

請自乾隆二十三年春季為始各於本營季餉

內分作六年扣還庶期限既紓兵力以裕矣奏

入得

旨六年尚覺限迫著寬至十年

丙午

大學士管陝甘總督黃廷桂疏奏查辦克勒特

人眾

黃廷桂奏言。克勒特人眾。於十一月初二三等日解送到肅。臣隨傳伊總管根達什副總管莽蘇爾等宣示

恩旨。移送內地養贍。照查送得木齊多爾濟家屬之例。并伊等親屬派員送交理藩院查辦。所帶馬駝牲隻。變價給領。其餘男婦二千三百餘口。陸續撥送陝甘兩省各標營。分賞官兵。其馬駝牲隻。變價抵補解送口糧之用。又奉

平定準噶爾方略正編卷之四十五

十四

旨將端濟布所奏。作為嚮導之巴雅爾等。移送內地。現准軍營大臣等移咨。於十月二十一日押解起程。俟到日宣示

恩旨。照例送京。奏入。

上諭軍機大臣曰。現在由巴里坤送至肅州賞給官

兵之厄魯特等。特因其情有可原。始如此辦理。但伊等心懷叵測。而肅州等處。距口甚近。或有約會逃走。妄行生事之處。即當正法示眾。著曉諭得賞官兵。留心驅策。如不遵約束。雖致死亦不加罪。若生事逃竄。則罪有所歸。黃廷桂等亦當時為稽察。大學士管陝甘總督黃廷桂疏。奏解送軍營馬匹。

平定準噶爾方略正編卷之四十五

十五

黃廷桂奏言。臣於十月二十八日起解馬匹出關。嗣於二十九至十一月初九等日。將先到馬內。挑選八九分臆壯者。按日分起。管解出口。已有六千匹。計月底可至巴里坤。其餘西安標營之馬。各令速解抵肅。亦一律挑選解送。以足八千匹之數。如止需馬五千五百匹。則先解之馬。已經足用。其餘即行截回。又奉

旨派解馬匹之副都統巴圖濟爾噶爾等於初九日抵肅。據稱自巴里坤至濟爾哈朗道遠天寒。恐馬匹不無倒斃。須於正解外得帶餘馬。以備補缺。臣查此次解送馬匹。係按照官兵數目。缺一不可。因酌於正馬外。又給餘馬五百匹。俱挑選應壯。以備軍營撥補之用。奏人報聞。

平定縣志卷之四

七

已酉。

命獎賞內大臣察達克等。

上諭軍機大臣曰。昨因察達克等所屬之烏梁海歸順。已經數載。應與新降人等一體納貢。曾經降旨查辦。今據策布登扎布奏報。察達克此次招服烏梁海博和勒等。甚屬奮勉。可嘉。著傳諭策布登扎布。將烏里雅蘇台所貯緞疋。酌量獎賞。其所屬烏

梁海等。今年應納之貢。俱行寬免。以明歲為始。卽行知車木楚克扎布等。遵照辦理。

庚戌。

命傳諭招服之烏梁海博和勒等。

上諭軍機大臣曰。察達克招服烏梁海。甚屬奮勉。著賞緞四端。其次奮勉人等。各賞緞二端。策布登扎布。仍傳諭博和勒。伊等。去年雖附和妄動。今察達

平定縣志卷之四

七

克一經招撫。卽時歸服。是以寬宥前罪。博和勒著還原職。仍授為三品總管。賞緞二端。其那木查爾庫克新等。投順之日。亦照此傳諭復職受賞。博和勒等游牧與俄羅斯相近。逆賊阿睦爾撒納逃入俄羅斯。伊等一有所聞。卽當報明陳奏。策布登扎布等。如得阿逆信息。一面知會和碩齊。唐喀祿帶兵協助。車木楚克扎布等。二面帶兵勦捕。總以擒

獲阿逆始可竣事。伊等務益加奮勉。以奏膚功。再俄羅斯等寄博和勒之托忒字書內。有奈曼噶擦克之人。逃入內地等語。此項人等。如果來投。即應受降。亦當留心辦理。

議喀爾喀應交馬駝牲隻事宜。

署定邊左副將軍策布登扎布奏言。欽奉

恩旨。喀爾喀應賠馬駝牲隻。酌量於伊等生計有益。

平定準噶爾方略正編卷之四十六

六

寬限辦理。臣謹委管理收牧之扎薩克等。自乾隆十八年至二十二年。收牧動用。銷算倒斃數目。擬定應免應賠及交還限期具

奏得

旨。軍機大臣議奏。尋議喀爾喀收牧馬匹牲隻。由四部落採買。各處進獻。及厄魯特游牧收取。西北兩路官兵交收等項。共馬十五萬匹。有奇。駝二

萬一千一百隻。有奇。牛二萬二千三百頭。有奇。羊四十六萬九千隻。有奇。計自乾隆十九年以來。追擒巴朗收服。扎哈沁色沁。烏梁海等。平定伊犁。追擒阿睦爾撒納。進勦和托輝特。哈薩克等處。支用。及患病倒斃。并車臣汗等部落。趕往各數外。現在牧放馬三千三百匹。有奇。駝一千有奇。牛四百有奇。羊二萬四千四百有奇。查軍營收牧定例。按年銷算。若未經動用者。每年每百匹。准銷倒斃四匹。已經動用者。准銷八匹。今策布登扎布。未將倒斃數目。按年銷算。與例不符。但蒙我

平定準噶爾方略正編卷之四十六

九

皇上愛養喀爾喀。降有恩旨。臣等仰體皇上仁慈。俾喀爾喀生計饒裕。酌議應如策布登扎

布所奏。將乾隆十八年收牧馬六千匹。號三千隻。照未經動用例。每百准銷四匹。十九年以來收牧馬駝。照已經動用例。每百准銷八匹。不計所牧年歲。作為一年應免之數銷算。其牛羊係屬口糧。自難照動用馬駝之例。應准其每百內倒斃四隻外。仍有額外倒斃。亦應如所奏。先將車臣汗部落收回各數。於一年內追交完項。再自己卯年起。展限五年交納。仍將現在牧放馬駝性隻。飭交扎薩克等加意牧放。其應追各項數目。令該副將軍分晰造冊報部。按限催交。奏入。

平定邊疆方略卷之四十六

三

上從之。

議軍營應交馬駝事宜。

署定邊左副將軍策布登扎布奏言。欽奉

諭旨將軍營原有馬駝。辦給交回。及例准倒斃各數

查奏。臣謹委管理馬駝之扎薩克等。查得大兵

平定伊犁。各隊官兵。共給馬六萬九千匹有奇。

駝七千七百隻有奇。追勦阿睦爾撒納。包沁及

辦理訥默庫等。給馬六千二百匹有奇。駝一千

九百有奇。進勦烏梁海。哈薩克。給馬一萬四千

二百有奇。駝一千六百有奇。擒拏青滾雜卜。給

平定邊疆方略卷之四十六

三

馬四千六百有奇。駝四百有奇。計各隊撤回馬

一萬二千九百匹有奇。駝一千九百隻有奇。騎

回游牧馬四萬五千七百匹有奇。駝五千六百

隻有奇。存留烏里雅蘇台。及調往巴里坤官兵

馬三萬五千三百匹有奇。駝四千一百隻有奇。

謹將辦給各隊官兵。及交還騎回馬駝數目。酌

量准銷倒斃分數。列單恭呈

御覽得

旨軍機大臣議奏。尋議查該副將軍所奏。乾隆二十
年。撤回京營黑龍江等兵丁。行至額爾齊斯等
處者。已蒙

恩旨。照金川軍需例。准其豁免十分之三。又另摺所
奏。都爾伯特汗策凌等。應追馬駝。業經展限。現
奉

平定準噶爾方略正編卷六

三

恩旨豁免。均毋庸另議外。二十年大兵平定伊犁。直
抵布魯特邊界。較額爾齊斯更遠。應將所領馬
駝豁免十分之五。二十一年進剿烏梁海哈薩
克官兵。俱至伊什勒河歸途。又趨拏青滾雜卜。
該將軍奏請全行豁免。但恐官兵恃有此例。將
遠行馬駝。不復愛惜。應較前往伊犁。酌量加倍。
豁免十分之八。其和托輝特官兵。隨青滾雜卜

私回游牧所領馬駝。不准豁免。俱令照數賠補。

又擒拏青滾雜卜官兵。並未遠行。但時值冬寒。

應將所領馬駝豁免十分之三。又收取阿睦爾

撒納游牧。追剿包沁等官兵。亦未遠行。應將所

領馬駝豁免十分之二。再本年撤回之京營接

遠城等官兵。交兵部行查。現在兩路官兵。俟撤

回時行查辦理。其喀爾喀等所領馬駝內。除應

平定準噶爾方略正編卷六

三

豁免數目外。其餘理應追繳。但伊等賠補牧放
牲隻。已議展限五年。俟交完後。再限三年。令其
補交。至厄魯特班珠爾等馬駝。業經籍沒。應毋
庸議。其扎哈沁烏梁海等原領馬一千七百匹
有奇。駝二百隻有奇。除豁免外。仍應追繳馬九
百匹有奇。駝九十隻有奇。照例令其交出。其官
兵應交馬駝造冊咨送戶部。喀爾喀等應交馬

駝造冊咨送理藩院。按限追繳。奏入。得

旨。依議。扎哈沁烏梁海人等。甚屬安靜。亦俱奮勉。効力。應交馬駝。著加恩寬免。

辛亥。

軍機大臣疏奏詢問伊什克來投情形。

軍機大臣奏言。臣等遵

旨。詢問伊什克。據供我父原係拉藏汗屬人。於康熙

平定回疆方略卷一百六

舌

年間。為準噶爾所掠。遂屬綽和爾鄂拓克。今因

游牧擾亂。是以來投等語。臣等看伊什克人尚

明白。年力亦壯。應如何安插之處。候

旨遵行。得

旨。伊什克著在上駟院司轡上行走。仍編入蒙古旗

分。

壬子

密諭內大臣察達克誘擒阿逆之策。

上諭軍機大臣曰。昨命車木楚克扎布等。因辦理烏梁海之便。察訪逆賊阿睦爾撒納信息。今思阿逆奸詭異常。或差遣數人到烏梁海探聽情形。亦未可定。然即擒此數人。亦於事無益。若果有此舉。則察達克不妨陽為約結。告伊來人。以現在大兵盡撤。烏里雅蘇台亦駐兵不多。我等乘此會合。擾亂

平定回疆方略卷一百六

圭

喀爾喀搶掠烏里雅蘇台之語。若阿逆肯來。便可

擒獲。或察達克相機前往。虛作投順之狀。誘出逆

賊。相機辦理亦可。著傳諭察達克悉心籌酌。不拘

何時。皆可用此策。但宜密而又密。不可漏洩。致無

知妄傳。轉足僨事。察達克自必有親信數人。相與

計議。若能擒獲逆賊。朕於察達克及烏梁海人等

必沛殊恩。務宜奮勉。車木楚克扎布等。如何密行

傳諭察達克所見如何。及現在阿逆信息。俱作速奏聞。併傳諭納穆扎爾知之。

申諭將軍大臣等奏報軍營情形。

上諭軍機大臣曰。成袞扎布兆惠等。自本月初十三等日奏事後。距今十餘日。未見摺奏。前經屢諭伊等。回至濟爾哈朗。同雅爾哈善等酌議駐兵之地。及明歲進兵之期。并來京請訓等事。伊等此時

平定準噶爾方略正編卷之六

壬

已至何處。未見奏到。豈臺站尚有遲誤耶。至阿里袞雖據奏稱沙喇斯瑪呼斯等賊。已過達朗嶺。伊與額敏和卓帶兵追往。但會否與滿福相會。又端濟布前追巴哈曼集賊衆。朕慮伊兵力單弱。命哈寧阿帶兵協助。若已會滿福。距端濟布甚遠。卽不必再往。此際哈寧阿究與何人會兵。均未奏到。並著傳諭詢問。

癸丑。

諭副都統巴圖濟爾噶爾等沿途剿賊事宜。

上諭軍機大臣曰。此數日軍營並未奏到事件。恐臺站或有疎虞。今巴圖濟爾噶爾等由巴里坤護送馬匹。帶有兵丁。著傳諭伊等。如遇嗎哈沁賊人。卽行剿殺。其兵丁自有乘騎。足以擊賊。不可動用軍營馬匹。以致疲乏。如無此事。惟以謹護馬匹爲要。計此旨到日。伊等已過巴里坤。著交與巴里坤辦事大臣等速爲追送。

平定準噶爾方略正編卷之六

壬

乙卯。

定邊將軍成袞扎布等疏奏駐兵剿賊等事宜。成袞扎布等奏言。臣等於十月二十八日十一月初一日。節次奉到諭旨。令將撤兵過冬處所。明春進兵程期。及兵丁馬

匹數目。公同酌議具奏。查巴圖爾烏巴什等賊。會合一處。向沙喇肇勒逃去。自應速行追剿。至回人既敢戕害阿敏道。又聞波羅泥都霍集占等。聚眾拒守。其阿克蘇庫車等處。係進兵道路。葉爾羌喀什噶爾等處。乃其巢穴。俱宜陸續辦理。計厄魯特賊眾約有數千戶。可得戰兵五六千。伊等皆自知必死。如我兵力弱。恐致逃竄。至

平定縣志卷之四

天

勦滅賊眾後。即應於特穆爾圖淖爾納林等處。休息馬力。進取回城。臣等公同詳議。明春遣發大兵。勦滅賊眾。收其牲畜。直搗回酋巢穴。現奉聖謨指示。實已洞鑿事機。臣成衮扎布等及滿福所領兵。共二千七百餘名。臣兆惠及富德瑚爾起順德訥端濟布所領兵。共三千四百餘名。合計現兵六千餘名。計可挑選四千名。軍營馬匹。既

多倒斃疲乏。濟爾哈朗一帶。久住草枯。惟烏魯木齊至瑪納斯一帶。水草俱佳。可以游牧過冬。仍派兵五百名。安設臺站。查駐兵之地。至沙喇肇勒程期。約四五十日。若於來年正月下旬進兵。計三月十五日前後可到。餘兵千餘名。令愛隆阿帶領至魯克察克。整理豫備。再派巴里坤綠旗兵一千。合為二千餘名。在魯克察克豫備。

平定縣志卷之四

天

又現在吐魯番屯田綠旗兵八百名。亦令攜帶籽種。於來春在哈喇沙爾或伊拉里克等處種地。令魯克察克豫備兵二千餘名同往。以壯聲援。又豫備哈薩克貿易。派綠旗兵五百名。并令額敏和卓酌派回兵。遣往烏魯木齊種地。俱先至魯克察克。自巴里坤辦給口糧籽種。至進剿官兵口糧及籽種器具。均須大員經理。臣等公

議派臣永貴前往。再臣等現議來年正月進兵。

若趨赴京師。復回軍營。恐踰期限。謹酌擬領隊

大臣侍衛等。開列名單。恭候

欽定。奏入。

上諭軍機大臣曰。成袞扎布等奏稱來年正月進兵。

若趨赴京師。往還恐逾期限等語。著照所請。不必

來京。但朕昨命策布登扎布。同兆惠明歲進兵。今

平定準噶爾方略正編卷四十六

辛

阿逆已逃入俄羅斯。喀爾喀處。索取阿逆。及辦理

地方事務。伊兄弟二人。不可不駐劄一人。成袞扎

布年長。喀爾喀素所心服。策布登扎布年力富強。

著伊同兆惠進勦。成袞扎布仍著來京請訓。再赴

喀爾喀辦理事務。成袞扎布奉到此旨。其將軍印

務。交與兆惠。兆惠俟策布登扎布到日。以副將軍

印務交代。時值冬寒。成袞扎布不必速行。惟量力

前進。明歲進兵。策布登扎布富德哈寧阿羅卜藏

多爾濟明瑞鄂博什。溫布俱著在哨探隊內行走。

其巴圖魯侍衛。酌量派出。巴圖濟爾噶爾送馬到

日。亦在哨探隊內行走。郭木尼勒圖富紹酌派領

隊。其駐兵魯克察克。豫備回部。永貴一人不足。著

雅爾哈善同順德訥愛隆阿酌派巴圖魯侍衛二

員前往。永貴既在魯克察克辦事。候事竣。再赴西

平定準噶爾方略正編卷四十六

壬

安巡撫之任。其餘大臣侍衛官員。分隊安臺屯田

牧馬等事。俱照所奏行。前曾諭策布登扎布雅爾

哈善帶兵先行。兆惠富德來京。馳驛回營。尚可追

及。伊等奉到此旨。如已起程。亦不必中途復回。再

額敏和卓。現同阿里袞。追勦沙喇斯等賊衆。如已

竣事。卽回游牧休息。來年辦理回部。著同富德在

哨探隊內行走。又

諭曰成袞扎布兆惠等奏來京恐誤進兵之期朕已

允所請富德奉到此旨如尚未起程即不必來京

至伊所奏遣使赴哈薩克時令其供備口糧駝馬

一事哈薩克甫經歸附且素習會吝不可稍有派

累即遣使前往攜帶物件亦可換易口糧今阿睦

爾撤納逃入俄羅斯努三不必在哈薩克久住著

行文撤回

平定縣縣志卷之六

三

命留乾清門侍衛富紹侯送添撥軍營馬匹

上諭軍機大臣曰成袞扎布等奏稱明歲進兵計馬

八千匹不敷派撥請添送二千匹等語已諭黃廷

桂釐辦矣著於巴圖濟爾噶爾三人內留富紹守

候巴圖濟爾噶爾等大隊前行已經搜剿嗎哈沁

富紹護送此項馬匹不必多留兵丁惟酌量足敷

照管馬羣可也

丙辰

獎諭戶部侍郎阿里袞等

上諭軍機大臣曰阿里袞額敏和卓奏稱伊等山阿

斯罕布拉克和什特勒克一路取道速行於十月

二十八日抵沙喇斯瑪呼斯游牧之哈喇沙爾等

處搜查山僻賊眾至塔本順和爾納木噶擒獲嗎

哈沁奇齊克等男婦二百餘口今往呼魯木什和

平定縣縣志卷之六

三

羅侯剿滅瑪呼斯賊眾再越達朗嶺進剿沙喇斯

昂吉岱賊眾等語阿里袞額敏和卓此次辦理頗

屬奮勉從前因阿里袞帶兵遲延交部議處經部

議革職朕諭以且觀後效今既自知罪愆奮勉行

走著加恩免其革職額敏和卓著賞緞四端遣往

偵探之佐領愛斯瑪特及奮勉之官兵回人等俱

著查明獎賞再據嗎哈沁供稱瑪呼斯得木齊和

通告稱滿都統遣伊前來。現在兩三路進兵等語。則似滿福已招服瑪呼斯人等矣。滿福現在何處。究未奏及。著阿里袞等帶兵速進。即使滿福業已招降。亦不可憑信。仍行勦殺。滿福甚屬無用。一切事務。阿里袞惟與額敏和卓悉心商酌。併將滿福信息。作速奏聞。

丁巳

平定準噶爾方略正編卷之六

請

命原任巡撫定長以副都統銜。馳驛前赴西路軍營。辦理糧餉事務。在領隊大臣上行走。

議增派吐魯番屯田兵丁。

軍機大臣奏言。臣等查將軍成袞扎布等奏稱。來年派兵二千。自魯克察克起程。前往哈喇沙爾。伊拉里克等處。請將吐魯番屯田綠旗兵八百名。攜帶籽種同往。即在哈喇沙爾等處耕種。

等語。但吐魯番今歲耕種已有成效。非特不可空閑。更當增加開墾。臣等酌議吐魯番現在耕種之綠旗兵。准其移往哈喇沙爾等處。應請旨交雅爾哈善查明吐魯番現種熟地若干頃。此外有無可墾之土。共需兵若干。酌定數目。移咨黃廷桂派出兵丁。辦給籽種器具。遣往吐魯番接種。庶地無遺利。而軍食益饒矣。奏入。報

平定準噶爾方略正編卷之六

請

聞。

大學士管陝甘總督黃廷桂疏奏辦解軍營馬駝。

黃廷桂奏言。臣於十月二十八日。至十一月二十一日。共解送軍營馬八千餘匹。茲准巴里坤辦事大臣移送將軍成袞扎布疏稿。內稱臺站兵需馬一千。又添給官兵馬一千。共需解馬一

萬匹等語。臣即將發回各營餘馬。委員沿途挑

選解肅。趕送出關。又查晉省辦駝三千餘隻。於

九月陸續抵肅。今准提臣豆斌咨取撥用。臣因

此項駝隻。往來解送。不無疲乏。隨挑選堪用駝

二千隻。於十一月十二三等日解送。餘駝仍令

牧養。查甘省近邊。多有商駝行走。即密行涼州

平涼寧夏西寧各府。速為購買轉解。雖略需時

平定縣續修縣志卷之六

六

日。但巴里坤現辦官兵口糧。已有羊二萬餘隻。

其餘米麵等項。分次起運。自可無悞。奏入。報

聞。

戊午。

命以軍營奮勉兵丁。行文本旗陞補。

上諭軍機大臣曰。據成袞扎布等奏稱軍營索倫兵

丁。行走已及四年。伊等本旗缺出。俱坐補在家之

人。以致陞轉遲滯。請將軍營奮勉兵丁。列為一等

者。咨行該旗。遇應陞之缺。即行陞補。其吉林察哈

爾綠旗兵丁。亦請照此辦理等語。所奏甚是。但現

在索倫等本地。出缺及遇有他處缺出。軍營行走

之人。原有補放之例。因該處未曾行文軍營。伊等

無從得知。著軍機大臣交部。將此等補放之人。查

明知會軍營。其軍營造冊保送之索倫吉林察哈

平定縣續修縣志卷之六

六

爾綠旗兵丁。亦即行文各該處。於行文到日。遇有

應行陞補之缺。俱以軍營之人擬正。奏請補授。即

使伊等年資稍淺。而効力疆場。與家居者迥異。必

如此拔擢。方足以示鼓舞。併傳諭各該將軍總督

總管等知之。

平定準噶爾方略正編卷之四十七

乾隆二十二年冬十二月辛酉

諭酌派兵丁護送軍營馬匹

上諭軍機大臣曰據吳達善豆斌奏稱護送軍營馬八千匹將所派兵丁編隊行走等語所辦甚是其吉林索倫察哈爾等間散餘丁俱酌量賞給昨成袞扎布等奏請增馬二千匹已諭黃廷桂趨送并

平定準噶爾方略正編卷之四十七

一

留富紹照料計此旨到時巴圖濟爾噶爾等早已起程著傳諭吳達善等作速行文巴圖濟爾噶爾等將所領兵五百名內挑選索倫蒙古兵一百名交富紹帶回巴里坤護送續進馬匹現在將軍等撤兵烏魯木齊等處過冬其地距巴里坤千餘里如相去不遠則巴圖濟爾噶爾兵已足用或尚不足即於巴里坤添派綠旗兵丁護送若將軍處迎

馬兵丁到來即遣回綠旗兵在富紹隊內行走亦

可今吳達善等已行文軍營迎取馬匹并著傳諭成袞扎布等令其速遣至前項馬匹交收後所派綠旗兵不必回巴里坤或人進剿回部隊內或留於屯田處効力將軍等酌量辦理命戶部侍郎阿里袞回巴里坤辦事

平定準噶爾方略正編卷之四十七

二

上諭軍機大臣曰昨據阿里袞奏稱同額敏和卓進剿沙拉斯瑪呼斯等賊衆距滿福祇隔三站即速爲接應等語此時會否會合一處勦滅賊人但巴里坤辦事甚屬緊要雖有豆斌德舒仍須大臣駐劄阿里袞未奉朕旨自必帶兵前進著傳諭阿里袞若沙拉斯瑪呼斯事竣即回巴里坤辦事
壬戌
諭散秩大臣和碩齊等駐兵勦賊事宜

上諭軍機大臣曰。前命和碩齊護送哈薩克使臣。途

中遇阿睦爾撒納及大隊賊眾。即行擒剿。并著唐

喀祿帶兵策應。現在伊等若未與賊人相遇。於護

送來使歸伊游牧後。即駐劄額爾齊斯附近。明歲

西路之兵。於正月下旬。自烏魯木齊起程。二月中

旬。可至沙喇孛勒。若和碩齊唐喀祿往返道途。必

至遲悞。今即就近駐劄。既可辦理。逋逃賊眾。亦得

以休息馬力。著駐劄科卜多大臣接濟伊等行糧。

俱速行傳諭知之。又

諭曰。據審訊賊黨烏勒木濟供稱。去冬阿睦爾撒納

在烏梁海時。都爾伯特之孟克博羅特曾相隨同

去。後又往納木奇游牧等語。從前愛隆阿剿殺納

木奇賊眾之時。未有孟克博羅特名目。或竄入額

爾齊斯等處藏匿。亦未可定。著和碩齊等留心查

查。

平定回疆方略卷七

三

擊解送來京。

叅贊大臣富德疏奏辦理撤兵及勦賊官兵功

次。

富德奏言。臣准兆惠咨文。奉到

諭旨。以阿睦爾撒納逃入俄羅斯。順德訥等不必在

彼守候。即應遵

旨撤回。因遣往哈薩克之額爾克沙喇努三等尚未

回營。暫令留駐。臣於十月二十五日。令鄂博什

帶兵二百名。前往額林哈畢爾噶沿途搜勦嗎

哈沁。與將軍會合。昨據往哈薩克貿易人等帶

來額爾克沙喇等書札。聞阿布賚游牧移向巴

顏鄂拉。又聞巴圖爾烏巴什出痘身死。屬實。再

臣等聞烏梁海安濟格斯奎與俄羅斯素有讐

隙。派出署防禦達色等於本月二十四日。至布

查。

平定回疆方略卷七

四

平定準噶爾方略正編卷五

五

克圖爾瑪安濟等十餘戶迎戰。達色追射安濟。遇石傷足。前鋒卓丹卽奮力前進。將安濟生擒。其格斯奎亦被擒獲。計勦殺烏梁海三百餘戶。獎賞藍翎烏勒德克陣亡。三等侍衛喀勒扎卜等帶傷。又於庫克郭勒地方。遇郭勒卓輝之烏梁海等二十餘人。放鎗迎敵。我兵墜馬者數人。有寧古塔披甲人英德訥。黑龍江打牲達呼里達三保奮勇救出。盡勦賊衆。又在臣隊前隊行走奮勉之三等侍衛畢拉爾海。吉林署協領扎庫齊。索倫署協領金濟噶爾。阿第木保。察哈爾署協領喇嘛扎卜。藍翎侍衛達桑阿等。俱出衆効力。謹將伊等功次。列單恭呈御覽。奏入得。

旨。富德所奏前隊効力之畢拉爾海。授爲二等侍衛。

平定準噶爾方略正編卷五

六

扎庫齊。金濟噶爾。阿第木保。俱授爲協領。喇嘛扎卜。授爲頭等侍衛。達桑阿。授爲三等侍衛。擒獲烏梁海安濟。格斯奎之達色。卓丹。俱授爲藍翎侍衛。勦殺烏梁海之英德訥。達三保。俱授爲三等侍衛。其餘奮勉効力及陣亡得傷官兵。俟造冊到日。該部照例議叙議卹。

諭。巴里坤辦事。巡撫吳達善。分別辦理軍營効力之厄魯特等各事宜。

上諭軍機大臣曰。富德所奏。軍營効力之厄魯特。普爾普。賽音庫本。烏穆什。巴圖濟爾噶爾。達瓦等五人。熟悉回部道路語言。著同伊等妻子。送至巴里坤。給與口糧。以備進兵。照調遣。其瑞達喇等十人。著分賞官兵。又巴爾達穆特。得木齊。袞楚克。扎卜。効力軍營。已授爲二等侍衛。與同行之瑪勒占等。

十人送至巴里坤時。著派員解送來京。可傳諭吳達善等。遵照辦理。

戶部侍郎阿里裘等疏奏都統滿福被害信息。阿里裘等奏言。臣等聞都統滿福於十一月初六日。過肯色嶺。追勦沙拉斯瑪呼斯。臣等輕騎前進。於十三日。遇滿福帶往之吉林佐領麻色等官兵一百七十餘人。陸續步回。急問情由。始

平定縣志卷之七

七

知滿福帶領官兵二百七十餘人。於初七日。遇乘馬賊人百餘。因直前攻擊。賊俱敗走。初九日。滿福得臣等來信。即欲駐候同行。隨據將軍處遣來厄魯特七名。有沙拉斯得木齊敦多克哈什哈。瑪呼斯得木齊敦多克車凌。呈驗印文。令將賊首擒拏。招降餘眾。並言路徑險阻。須先遣數人同往招降。初十日。滿福所遣索倫兵勒克

圖回稟云。同厄魯特二名。呈送羊隻。現在敦克哈什哈已將賊首擒拏等候。並派兵修路迎接。十一日。滿福行至哈喇和落地地方。見厄魯特

等修路。山徑尤險。樹林甚密。下有深溝。滿福懷疑。急令前隊收回。忽賊眾千餘。自林內突出。截斷我兵。戰至日暮。賊眾始回。麻色等聚集兵丁。探問滿福信息。有吉林披甲人平泰告知賊眾

平定縣志卷之七

八

圍急。滿福厲聲大呼。奮力射賊。忽數賊衝入。滿福被鎗刺墜溝中。麻色即令平泰前引。覓路下溝。見一帶傷厄魯特云。此溝甚深。並無可下之處。又詢以賊人游牧。據云。敦多克哈什哈豫通信息。將戶口於十月十五日移過達朗嶺。留兵守候交戰。今已將海都河橋渡嶺路。俱行毀壞。往投巴圖爾烏巴什游牧等語。麻色等過嶺沿

河覓路不得。因步行回報。臣等查麻色等官兵。除得傷之外。其餘軍器俱盡。因給以口糧。暫令撤回。臣等即帶兵。尋取滿福身屍。追剿賊衆。奏入。

上諭軍機大臣曰。據阿里衮等奏稱滿福追剿沙拉斯瑪呼斯。因叛賊敦多克哈什哈等。以迎降誘入伏中。被鎗陣亡等語。滿福雖為賊所愚。究屬捐軀。

平定準噶爾方略正編卷七

九

盡節著照陣亡之例議卹。其隨從奮勉官兵。及陣亡得傷人等。即造冊送部。照例分別敘卹。至阿里衮此行。係接應滿福。今所奏初未自行引咎。及憤恨賊人。豈專為取滿福信息耶。現在時屆冬寒。兵力亦乏。伊等奉到此旨。如不能竣事。即可撤兵。哈寧阿亦不必前行。俟來年大兵進剿。額敏和卓就近往游牧休息。阿里衮即回巴里坤辦事。併傳諭。

駐劄烏魯木齊將軍大臣等知之。又

諭曰。滿福追剿沙拉斯瑪呼斯。被叛賊敦多克哈什哈敦多克車凌等誘害。伊等効力軍營。為成衮扎布等信用。遣往招降。乃與賊衆相通。情尤可惡。來年將軍大臣等進兵。務將二賊嚴行查拏。送京看。倘有可疑。或即於軍營正法。或派員解送來京。不可致令逃脫。

平定準噶爾方略正編卷七

十

癸亥。

命山西巡撫塔永寧購辦軍需駝隻。上諭軍機大臣曰。據黃廷桂奏稱現在軍營需用駝隻。業經行文晉省。購買三千隻。陸續解送等語。著傳諭塔永寧。即照該督所奏。選委委員。分路購買。務擇應壯口輕者。隨得隨解。從前明德採辦時所

定價值。未免減少。此次購買。倘有不敷。即酌量加增。亦無不可。總期於軍行無悞。仍遴選妥員。加意照料解送。

乙丑。

申諭散秩大臣和碩齊等駐兵防賊事宜。

上諭軍機大臣曰。昨諭和碩齊唐喀祿於送哈薩克

使臣之便。帶兵駐劄額爾齊斯附近。截擊逃賊。以

平定縣志卷之十一

十一

候阿睦爾撒納信息。今據策布登扎布奏稱。來年

大兵前進。巴圖爾烏巴什等賊若欲逃入俄羅斯。

必經由塔爾巴噶台愛呼斯等語。著傳諭和碩齊

等於額爾齊斯等處。酌量留兵堵截。伊等即帶兵

至塔爾巴噶台愛呼斯。察看賊人來路。安設卡倫。

勤為瞭望。如有逃賊。即行勦滅。不可致令偷越。仍

將駐兵處所。酌定具奏。

授副將軍喀爾喀郡王策布登扎布帶往軍營之藍

翎侍衛拜達爾為三等侍衛。虛銜藍翎赫倫泰

莫寧察為藍翎侍衛。可鞍佛爾賽賞給虛銜藍

翎。仍賞銀各五十兩。員外郎色楞賞銀一百兩。

丙寅。

諭添派屯田兵丁。備勦回部。

上諭軍機大臣曰。來年進勦沙喇擊勒賊眾。派兵四

平定縣志卷之十一

十三

千名。由魯克察克往辦回部。派兵二千名。計兵已

六千。自屬足用。但魯克察克二千兵後。再得應援

之兵。更為有益。所有烏魯木齊等處屯田兵丁。雖

耕作時人力宜多。播種後即可酌減。著傳諭黃廷

桂雅爾哈善等。將各處屯田兵。約計若干。留十分

之三四。守候成熟。其餘仍隨同進兵。若可得三千。

則合之軍營。幾及萬人。即可號稱數萬。愈覺聲勢

雄壯。如屯田兵不敷抽調。卽於綠旗兵內添派。綠旗兵頗善步行。祇須每人給馬一匹。令隨同雅爾哈善暫駐魯克察克之兵。進勦回部。其酌量抽派之處。伊等行文酌議。一面辦理。一面奏聞。併傳諭兆惠策布登扎布知之。又

諭曰。前因成衮扎布等以屯田事宜奏請。已命雅爾

哈善等相度可耕地畝。支給籽種。出派兵丁。今又

平定準噶爾方略正編卷四十七

三

於屯田兵內。抽調三千積進。可傳諭黃廷桂雅爾

哈善所派屯田兵丁。務與地畝相稱。既使可耕之

土。不致荒閒。亦於進勦有益。其悉心經理。條晰具

奏。

丁卯。

諭軍營將軍大臣籌辦屯田市馬各事宜。

上諭軍機大臣曰。昨命黃廷桂雅爾哈善查勘屯田

處所。廣為播種。勿致荒閒。添派兵丁。以資耕作。來

年我兵進勦。自應立奏膚功。卽使未盡剪除。必蓄

積有餘。始可次第辦理。可傳諭兆惠富德等。留心

經畫。務使地無遺利。至哈薩克約於來年貿易。所

到馬匹。亦須多為購買。馬蕃糧足。共樂飽騰。於軍

務甚有裨益。此二事宜與黃廷桂雅爾哈善等。同

心商辦。再努三從哈薩克初回。自悉彼處情形。軍

平定準噶爾方略正編卷四十七

十四

管現亦無事。著來京以備詢問。

命順天府南路同知范清曠調補甘肅洮州同知。承

辦哈薩克貿易事務。

己巳。

諭添派綠旗兵丁及進勦回部事宜。

上諭軍機大臣曰。昨策布登扎布奏請添派綠旗兵

丁。接續進勦。已命黃廷桂等於屯田兵內。酌量抽

調三千名矣。今阿里袞額敏和卓奏稱領兵至哈

喇和落。捉生詢問。知敦多克哈什哈等。同沙拉斯

得木齊都噶爾瑪呼斯得木齊根色等。帶領游牧

由庫車向葉爾羌和闐逃去。已遣人從庫車間道

引兵堵截等語。看來辦理回部一事。伊等既知覺

豫備。則兵勢更須壯盛。可傳諭黃廷桂於前抽調

兵丁外。添派綠旗兵五千名。即在甘肅等標管內

平定縣志卷之五

五

調撥。於來年春盡夏初前進。其糧餉馬匹。俱應速

為料理。帶領前後綠旗兵八千名。著派馬得勝丑

達。再派總兵一員同領。仍曉示官兵。務須顧惜顏

面。奮勉効力。併傳諭軍營將軍大臣等知之。又

諭曰。據阿里袞額敏和卓奏稱領兵至哈喇和落。知

沙拉斯瑪呼斯游牧已逃往庫車等處。現在遣熟

識路徑之人。取近堵截。頗合機宜。伊等遇賊游牧。

收其馬駝牲畜。固可以增兵力。但與賊眾相持。則

帶兵尙覺其少。朕心頗為慮念。阿里袞等惟相機

行止。如勢難猝辦。即可撤兵。尙額敏和卓確見庫

車可取。亦不必遠回游牧。

諭將軍大臣等。查詢脫出兵丁情節。

上諭軍機大臣曰。據吳達善等奏稱。由臺站呈報。隨

滿福進剿之索倫署領催遜坦等。因滿福被害。伊

平定縣志卷之五

六

等力戰不支。至日暮時脫出。已送往軍營。并於吐

魯番派兵二百名。接應阿里袞等語。所辦尙是。但

遜坦等之言。未足深信。若果力戰得脫。其情自有

可矜。如臨敵即逃。豈可顧預不問。蓋大臣勦賊。所

恃官兵擁護。若大臣方奮勇向前。而官兵乃棄將

先遁。以致勢孤被害。尤為軍法所不宥。著傳諭兆

惠富德阿里袞等。將脫出人等。加意體訪詢問。有

無此等情節。查明具奏。

賊黨烏勒木濟正法。

癸酉。

恩授新附烏梁海宰桑等官職。並定入貢賞賚之例。

上諭軍機大臣曰。據納穆扎爾奏稱阿勒坦淖爾之

烏梁海宰桑特勒伯克扎爾納克等。新經歸附。請

照察達克等之例。於來年入貢等語。烏梁海等輸

平定準噶爾方略正編卷之七

十七

誠入貢。甚屬可嘉。宰桑特勒伯克扎爾納克授為

三品總管。賞戴孔雀翎。得木齊奇爾吉斯敦多克

策楞巴哈雅克。俱授為佐領。賞戴藍翎。准於來年

入貢。至伊等貢物數目。已較舊時裁減。仍加以賞

賜。嗣後每貢貂鼠十個。賞緞一端。灰鼠二十個。賞

布一疋。察達克等入貢。亦照此例。納穆扎爾即傳

諭車木楚克扎布等。明白宣示。俾邊隅臣僕咸知

德意。

命議敘叅贊大臣富德奏報之勦賊護糧各官兵。

上諭軍機大臣曰。據富德奏稱過鄂爾和楚克山。至

摩和爾岱地方。有賊衆三十餘戶踪跡。派鄂博什

領兵。追至達爾達木圖河。官兵奮勇攻擊。勦殺男

婦二百餘。收其馬駝軍器等語。此次勦賊効力之

委署營總瑪津泰。署驍騎校溫泰托新。著戴獎賞

平定準噶爾方略正編卷之七

十八

翎。仍同各官兵造冊送部。照例議叙。又據奏喀喇

沁臺站署章京旺楚克帶兵從濟爾哈朗。護送行

糧。並無失悞等語。旺楚克著賞戴孔雀翎。亦同官

兵等送部議叙。

諭大學士管理陝甘總督黃廷桂酌辦屯田耕種事

宜。

上諭軍機大臣曰。黃廷桂奏稱來春烏魯木齊屯田。

准巴里坤大臣咨取耕牛五六百隻。甘涼肅等處

牛隻僅敷耕種。難於購辦。除將收取厄魯特等牛

二百餘隻備用外。請與巴里坤牧放之揀剩馬匹。

一同解送等語。驟馬乘馬不堪乘騎者。雖可資耕

犁之用。但軍營馬匹。關係緊要。巴里坤牧放之馬。

即有臆分不齊。總宜留備乘騎。不得因牛隻短少。

遂為遷就。至烏魯木齊一帶地方。自宜廣為開墾。

平定縣志卷之七

十九

已傳諭管理屯田大臣。令其不必拘泥。即以人力

犁鋤。亦無不可。如綠旗兵果能出力。自當量為獎

賞。黃廷桂可并知此意。隨宜辦理。至甘省現存馬

五千匹。朕意尚須豫備馬一萬匹。方足供緩急之

用。昨歸化城副都統法起奏稱。陝省營馬。已買補

萬餘匹等語。黃廷桂可飭令各營。善為餵養。以備

來年三四月間。調遣其價值草料。或於定例外。因

時量為加增。總期實足濟用。可將此傳諭知之。

甲戌。

諭叅贊大臣富德。查明鄂羅斯拜逃走情節。

上諭軍機大臣曰。據富德奏稱。察哈爾護軍鄂羅斯

拜於十月二十五日夜。騎牽馬匹逃走等語。鄂羅

斯拜派往軍前効力。反向哈薩克逃去。情甚可惡。

但伊雖哈薩克種類。來投之後。即作為護軍。給與

平定縣志卷之七

二十

產業。豢養二十餘年。家屬俱在察哈爾。有何被迫

情事。隻身逃往哈薩克耶。向來兵丁迷路。則該管

官罪重。若逃走則罪輕。或該管官員。希圖避罪。以

逃走詳報。亦未可定。除將伊家屬。交該總管暫行

嚴加監候外。著富德將鄂羅斯拜或係迷路。或實

係逃走。查明具奏。此時伊或潛回察哈爾。著該旗

亦嚴行緝捕。

諭山西四川督撫協辦馬匹牛隻

上諭軍機大臣曰黃廷桂請將軍營用剩之馬挑選數百匹為烏魯木齊等處屯田之用昨已有旨詳

悉傳諭矣軍需馬匹不妨多為豫備著傳諭塔永

寧於晉省營馬內擇其曠分壯健者酌撥二三千

匹解甘其挑缺營馬另籌買補如定例價值不敷

不妨據實奏明量為加增至烏魯木齊一帶屯田

平定準噶爾方略正編卷五十一

三

需用牛馬甘省耕牛難購騾馬菜馬亦屬無多如

晉省民馬內除買補營馬外有騾馬及不堪乘騎

之細小馬匹俱可酌量收買或五六百匹或千餘

匹即行解赴甘省至川省所產犛牛頗多其馬匹

雖小不堪馳驅進勒而服犁耕地尚屬可用可傳

諭開泰將川省牛馬酌量購買一二千即騾馬亦

可添數於來年陸續解交甘省即不能趨赴春耕

亦可補下年之用得此兩省協濟無煩另為籌辦

矣并傳諭黃廷桂其如何豫備員弁接收分送俟

開泰塔永靈咨到之日一面辦理一面奏聞

乙亥

封賞招服烏梁海之王公台吉等

上諭軍機大臣曰車木楚克扎布數年來効力行間

近復招服博和勒那木查爾等烏梁海善為撫納

平定準噶爾方略正編卷五十一

三

著加恩封為郡王原任公多岳特自行告入叛逆

烏梁海寨內勤勞可念著加恩賞給公品級四等

台吉帕克穆伍良海陞授三等台吉伍良海身故

令伊子承襲內大臣察達克賞緞六端副都統赤

倫散秩大臣圖布慎各賞緞五端赤倫之弟察罕

賞戴孔雀翎署驍騎校索倫班圖巴爾虎扎卜俱

授為驍騎校索倫領催什第著署驍騎校其察達

克所屬得木齋收楞額及兵丁等。著納穆扎爾酌量賞給銀緞。

丙子。

諭叅贊大臣永貴等酌辦策應阿里衮官兵。

上諭軍機大臣曰。永貴奏派愛隆阿帶兵三百名。策

應阿里衮等。伊卽往魯克察克籌辦軍務。探聽阿

里衮愛隆阿信息等語。所辦尙是。但阿里衮等此

平定縣學堂藏書

三

時恐已遠去。不能追及。則往返徒勞兵力。可傳諭

永貴愛隆阿若不能追及阿里衮等。或伊等由別

路撤兵。卽將愛隆阿調回。

庚辰。

命革叅贊大臣舒赫德職。留軍營効力贖罪。

上諭大學士曰。舒赫德前在軍營。屢干重譴。狀皆曲

爲寬宥。今春西師兩路進剿。一時不得其人。將伊

加恩起用。凡一切機宜。俱詳悉面諭。令其到軍營

時。傳諭將軍成衮扎布。并戒以不可如前恇怯。善

爲協辦軍務。詎意舒赫德自進兵以來。所辦諸事。

全不奮勉。成衮扎布係蒙古人。雖經戰陣。然未面

領訓諭。舒赫德自應盡心襄助。乃此次所辦諸事。

動失機宜。卽如招服克勒特烏魯特等游牧後。卽

當收其馬匹。以益兵力。使賊伎倆難施。方得駕馭

平定縣學堂藏書

三

之道。乃伊等任其屯駐山中。致使賊有餘力。大兵

旣過。隨卽叛逃。舉此一端。可見諸事全無成算。及

朕降旨詰責。始東遮西露。往來道途。疲馬力於無

用之地。此皆舒赫德並不將朕諭旨詳悉傳示成

衮扎布之所致也。蓋兵法忌怯弱。而舒赫德選懦

性成。兵法忌諱飾。而舒赫德最工文過。合計伊前

後罪譴。卽正法亦不爲過。但西路進兵以來。雖未

能就緒。尚不至大挫軍威。若即寬重辟。伊反得諉過於成衮扎布矣。朕念成衮扎布去年擒青滾雜卜之功。看伊顏面。賞舒赫德以不死。然其不足復用。所謂下愚不移。亦屢試而知之者。舒赫德著從寬免死革職。令為兵丁。自備資斧。在軍營効力贖罪。伊子舒常亦因加恩舒赫德復授為侍衛。遣往軍營。今舒赫德既經革職。舒常仍革退侍衛。發往黑龍江。至鄂實以叅贊大臣。前往軍營。不過隨同將軍行走。並未奮勉効力。亦當治罪。但較之舒赫德尚屬稍輕。鄂實著革職。降為藍翎侍衛。自備資斧。在軍營効力行走。

平定準噶爾方略正編卷五十七

五

諭查勦叛賊琿齊等並定大臣侍衛等罪。

上諭軍機大臣曰。前命成衮扎布等來京。沿途查勦巴哈曼集等賊眾。其叛逃之琿齊額林沁達瓦等。

令富德於歸途之便。就近查勦。伊等奉到諭旨。但將端濟布等所報巴哈曼集為得木齊哈勒拜所殺。隨帶兵進勦等語具奏。而沿途曾否遇賊。並未奏及。即端濟布追賊已久。亦未聞探取信息奏聞。計此時琿齊額林沁達瓦等皆逃往沙喇孽勒。來歲進兵。務宜留心勦滅。至所奏總管職銜五十六將應正法回人。脫逃一名。未經具報。請革職治罪。五十六著從寬免罪。降為藍翎侍衛。効力行走。托倫泰索取多爾濟馬匹。以致控告。甚不安靜。理應正法。姑從寬革退侍衛。効力贖罪。再舒赫德屢獲罪譴。加恩復用。乃不能領會訓旨。協辦軍務。若重治其罪。伊反得諉過於成衮扎布。是以將伊革職。於軍營効力贖罪。鄂實全未奮勉。亦降為侍衛。効力行走。已頒發諭旨。成衮扎布雖不可謂無罪。而

平定準噶爾方略正編卷五十七

五

去年擒獲青滾雜卜功足相抵仍傳諭成衮扎布
兆惠等將軍營事務及端濟布所辦扎哈沁賊衆
信息作速奏聞。

申諭大學士管理陝甘總督黃廷桂添派兵丁事宜。
上諭軍機大臣曰據黃廷桂奏稱添派綠旗兵三千
名計哈喇沙爾等處屯田兵內抽調十分之六仍
須派兵一千九百名請於甘省標營及巴里坤屯

平定縣學堂編卷之四十七

十七

田兵內派足等語巴里坤屯田兵一千名若抽調
六百則該地恐不敷用宜酌量辦理昨聞賊衆投
往回部因慮兵力單弱又諭於三千綠旗兵外添
派五千黃廷桂想尚未奉到此旨看來各處屯田
兵數尙少若可耕處多則續派五千名卽留十分
之四亦無不可且先後兵八千名酌留一二千屯
田六七千進勦均覺裕如黃廷桂其與雅爾哈善

加意辦理。

癸未。

命兆惠爲定邊將軍策布登扎布爲定邊右副將軍
成衮扎布仍爲定邊左副將軍辦理北路事務。
上諭軍機大臣曰今命兆惠爲定邊將軍策布登扎
布副之來年辦理進兵惟兆惠等是賴可傳諭兆
惠當與策布登扎布富德同心協力不可自分畛

平定縣學堂編卷之四十七

十八

域至額敏和卓因其熟悉回部情形人亦果毅已
命爲叅贊大臣在前隊行走兆惠等務宜優待以
收其益一切軍前事務相機辦理善自策勵以奏
膚功。

叅贊大臣永貴疏奏阿里衮等進勦信息。

永貴奏言臣於十二月初八日至吐魯番詢問

沙拉斯瑪呼斯賊人信息知阿里衮等前至哈

喇沙爾賊衆伐樹舉火。截斷山路。因取間道。捉生詢問。知賊已逃往庫車。阿里裘於十一月二十四日。至哈喇沙爾之西南庫爾勒地方。額敏和卓遣人持書。往諭庫車頭目。尙無信息。臣伏思阿里裘等口糧。宜爲接濟。今派愛隆阿等帶兵齎送。查巴里坤運送軍營口糧。駝隻回程。經過吐魯番。擬截留三百隻。於闐展存貯米石內。

平定準噶爾方略正編卷之五

五

動支起運。至臣卽應前往魯克察克辦事。因吐魯番取阿里裘等信息較近。是以暫行駐劄。其阿里裘章奏文書。均關進剿要務。若有就近辦理事件。恐俟報遲延。請卽行閱看。亟需辦理者。一面辦理。隨卽具奏。奏入。報

聞。

命將軍大臣等來年進兵。曉示回部。

上諭軍機大臣曰。來年進剿回部。宜先傳旨曉諭。以波羅泥都霍集占兄弟。在噶爾丹策零時。獲罪拘禁。大兵平定準噶爾。始行釋放。因係回部頭目。令其仍歸故土。安集所屬。以承恩澤。伊等自應感激。圖報。永矢恭順之忱。乃敢戕害使臣。稱兵抗拒。情罪難追。但聞諸事皆霍集占陰謀不軌。至波羅泥都頗圖安靜。其屬下人等。亦係一時被脅。非其本

平定準噶爾方略正編卷之五

三

心。今大兵進剿。惟正霍集占之罪。若波羅泥都能將霍集占縛獻。亦必宥罪加恩。如此一面曉諭。卽一面進剿。不可按兵俟變。若伊等果相猜忌。自於軍事有益。可傳諭兆惠及雅爾哈善等知之。申諭簡派魯克察克辦事大臣。

上諭軍機大臣曰。據成衮扎布等奏稱。追剿沙拉斯等賊衆。已派哈寧阿愛隆阿陸續策應。阿里裘等

永貴既奉命署理巡撫。其辦理魯克察克事務。舒

赫德巴祿即起程前往。其巴里坤送來馬匹外。再

送吐魯番馬二千匹。派兵一千。策應阿里衮等。乘

賊不備。速行掩襲。收其馬駝牲畜。則進勦回部。益

增兵力等語。屯田事務。已諭雅爾哈善。永貴定長

等辦理。至署理巡撫。何必定須永貴。惟屯田最為

緊要。永貴宜加意奮勉。舒赫德已降旨革職。無庸

承辦。巴祿亦不必前往。來年再領隊進勦。

諭副都統巴圖濟爾噶爾等。改道解送馬匹。

上諭軍機大臣曰。哈寧阿奏額林哈畢爾噶一路。氣

寒雪盛。全無水草。若軍管馬匹。由此行走。恐致損

臆。惟自吐魯番至烏魯木齊。雪薄而水草亦好。兩

路遠近相等。已行文巴里坤大臣及解送馬匹官

員等語。所見甚是。可傳諭巴圖濟爾噶爾等解送

平定縣縣志卷之四十七

三

馬匹。須由吐魯番一路。經行若已。向額林哈畢爾

噶一路。而前行未遠。亦另行取道。仍由吐魯番行

走。併諭巴里坤辦事大臣等知之。

定邊左副將軍成衮扎布疏奏起程來京日期。

成衮扎布奏言。臣欽奉

諭旨。辦理北路事務。來京請

訓。謹將定邊將軍印信。移交兆惠。臣於十二月初四

日起程。奏入。報

聞。

甲申。

恩免甘省官員彌補軍需。仍賞給督撫銀兩。

上諭大學士曰。據黃廷桂奏稱甘省各官承辦軍需。

有借動公項墊辦銀十萬一千餘兩。請撥補一半。

其半仍令各該員自行彌補等語。甘省連年承辦

平定縣縣志卷之四十七

三

軍需該督悉心籌畫董率屬員該撫吳達善同心協力往來經理。著勞績在事各員頗能奮勉出力於間閭毫無擾累深屬可嘉所有墊辦銀兩既係因公費用著加恩免其彌補黃廷桂著賞銀一萬兩吳達善著賞銀五千兩俱於正項錢糧內支給用示優眷賢勞之意。

丙戌。

平定準噶爾方略正編卷七

七

議派撥綠旗兵丁事宜。

軍機大臣奏言臣等前經遵

旨傳諭黃廷桂於屯田綠旗兵內抽撥三千名再於

甘省各營添派五千名給與口糧馬匹令總兵

官馬得勝丑達帶領再派總兵官一員同領今

該督奏稱從屯田兵撥出一千三百名外添派

一千七百名仍於各營選派五千共八千名派

馬得勝丑達及總兵五福一同帶領其領隊將弁速行各該提鎮遴選等語俱係遵

旨辦理應如所奏行又據奏減半撥給馬匹每兵各

給一馬官兵跟役亦俱減半給與是需馬不過

八千數百匹今甘省有未解餘馬二千匹又直

隸解甘馬五千匹自應卽於此內選用仍於各

營挑選足額其軍裝器械等項統照進剿之例

平定準噶爾方略正編卷七

七

辦給內盛甲一項不過壯觀無濟實用徒費駭

載口外用兵利於便捷應停其帶往查巴里坤

有存貯棉甲應按數給與事竣交回再甘省現

辦駝二千隻僅供撥運行營口糧之用卽塔永

寧前後協辦駝五千隻恐一時不能卽到該督

所奏暫僱車輛每兵丁餘丁四人合給一車自

屬通融籌辦亦應如所奏辦理至各兵口糧實

不便多行裹帶。今該督既稱於巴里坤裹帶一月口糧。又辦羊二萬隻。作一月口糧。俟駝隻解到。再為接濟。事屬可行。所有應增羊價。及沿途草料。統於軍需項內核銷。再屯田兵丁。自應廣為墾種。臣等現在遵

旨傳諭該督於備勦兵內酌量抽撥。應令遵照辦理。

奏入。

上從之。

平定準噶爾方略正編卷之四十八

七

平定準噶爾方略正編卷之四十八
乾隆二十三年春正月己丑

諭加給陝甘買補營馬及屯田牛隻官價。

上諭大學士曰。據黃廷桂奏稱現在陝甘買補摘缺

營馬官價八兩。實有不敷。及買解巴里坤等處屯

田牛隻。請於官價四兩四錢外。添給一兩六錢等

語。兩省連年需馬甚多。市價未免昂貴。若拘定成

平定準噶爾方略正編卷之四十八

一

例。誠有不敷。著於定價八兩外。准其加給二兩。至

牛隻係本省農民所需用。時屆春耕。不惟官價四

兩四錢不足。即增一兩六錢。亦未必充裕。若再加

二兩。給以官平足數。採買自屬易集。而閭閻亦無

滋累。因此次購辦過多。特格外加恩。以示體卹。後

不為例。

以接濟軍營牛馬事宜

諭大學士管陝甘總督黃廷桂。

上諭軍機大臣曰。據黃廷桂奏稱川省既無黃牛。而晉省騾馬多老不堪用。已諭開泰塔永寧停其購辦。但令晉省於標營內挑取不中乘騎之騾馬一千匹。解甘備用。至軍營牛馬自應充裕。現命軍機大臣於太僕寺上駟院牛馬羣內挑取。亦可以資接濟。著傳諭知之。

庚寅。

平定準噶爾方略正編卷之四

二

諭定邊將軍兆惠等奮勉相機進剿。

上諭軍機大臣曰。昨因將軍成袞扎布等辦理進剿。毫無端緒。業已分別示懲。兆惠策布登扎布富德等領兵剿賊。當以為戒。同心協力。自可奏功。此時如逆賊阿睦爾撒納有竊發之信。即將剿除賊黨。及辦理回部之事。暫行停止。專意擒拏。若無信息。

則將沙喇擊勦賊衆。回部諸城。於本年內辦竣。方為妥協。數年來屢次用兵。自當休息。即阿逆未就擒獲。亦可相機辦理。著傳諭兆惠策布登扎布富德等知之。

諭參贊大臣雅爾哈善等傳示阿奇木伯克霍集斯。上諭軍機大臣曰。從前平定伊犁時。達瓦齊敗走回部。為圖爾璦阿奇木伯克霍集斯等遣阿舒爾瑪。

平定準噶爾方略正編卷之四

三

特擒送軍營。不知此時圖爾璦地方尚係伯克霍集斯辦事。抑或更替他人。可傳諭雅爾哈善等於進兵時訪問。若仍係伯克霍集斯辦事。則即向伊等云爾。等從前將達瓦齊擒獻。係有功之人。皇上即施恩賞賚。尚欲陸續加恩。因辦理厄魯特等無暇。今厄魯特等俱已平定。領兵前來。專為問爾和卓木之罪。與爾等無涉。爾等惟誠心效順。自必永。

承恩澤仍酌賞緞疋等物以示獎勵凡大兵經過地方皆當如此宣示及酌量獎賞俾回人出風歸嚮或將逆酋拏送亦未可定卽不然而衆心內附逆酋等自必力窮無助我兵擒勦亦易如歸附人等有奮勉行走者更宜核實獎賞雅爾哈善等當加意辦理。

諭定邊將軍兆等專辦進勦沙喇孽勒賊衆

平定邊將軍奏摺

四

上諭軍機大臣曰兆惠等奏稱正月內馬匹送到卽進勦巴圖爾烏巴什等再往葉爾羌喀什噶爾擒拏波羅泥都霍集占倘辦不隨意不能卽入回部則且屯田積穀市哈薩克健馬俟次年整兵再進等語兆惠等所見亦是但不可有意遲疑惟當相機以應如上年進兵時卽計及辦理回部其後竟託空言今謂賊人在沙喇孽勒恐又復他往或向

內來俱未可定若伊等果在沙喇孽勒坐食勢必貧人盜竊其富家不堪爲命互相殺害斷無安靜之理我兵乘機取之甚易兆惠所奏未免豫留地步卽非有心觀望而怯懦固其本懷以爲事若無成伊已先爲奏及不知臨時果有阻滯卽俟次年辦理又有何礙况策布登扎布陛辭日朕已諭今年儘力趕辦如趕辦不及卽明歲辦理亦可且辦理回部現諭添派綠旗兵八千名兆惠惟帶原議四千兵前往沙喇孽勒其辦理回部已命雅爾哈善額敏和卓前往觀今日兆惠所奏顯係以兵少爲慮欲留雅爾哈善所帶之索倫兵一千用壯聲勢耳可於綠旗兵八千內派出一千合原議之四千兵前往沙喇孽勒其索倫兵一千仍令雅爾哈善帶往

平定邊將軍奏摺

五

善帶往

諭恭贊大臣雅爾哈善等專辦進剿回部

上諭軍機大臣曰。朕因兆惠有辦理需時之慮。已命專辦沙喇孽勒賊眾。其葉爾羌喀什噶爾回部。令雅爾哈善額敏和卓二人辦理。已添派綠旗兵八千名。合之雅爾哈善所帶索倫兵一千。自足敷用。額敏和卓熟悉回部情形。伊等盡心商酌。以奏膚功。卽或今歲不能竣事。惟整兵前進。蹂其禾稼。振旅而還。彼方自絀。將來進取更易。至額敏和卓傳示庫車回人之事。及此次進兵。何時起程。作何辦理。著卽行奏聞。再兆惠處侍衛頗多。雅爾哈善進兵時。可咨取數人。以備差遣。

辛卯

申諭將軍大臣進剿事宜。

上諭軍機大臣曰。昨命兆惠雅爾哈善等分路進剿。

平定準噶爾方略正編卷之六

六

以專責成。但兆惠既有畏難之心。雅爾哈善至今猶未至魯克察克。朕心深為慮念。辦理沙喇孽勒賊眾。已派兵五千。自屬裕如。兆惠等宜加意擒剿。不留餘孽。若仍不能集事。朕惟兆惠是問。至由庫車阿克蘇進兵回部。雅爾哈善惟與額敏和卓同心協力。資其計畫。加以鼓舞。不可稍存歧視。再額敏和卓所屬之回兵。亦屬可用。宜向彼商酌。派出或得一千。或得數百。卽將綠旗兵照數撥除。此項撥除兵丁。所得分例。著賞給回兵。

平定準噶爾方略正編卷之六

七

分派直省大員。專司巡察臺站。

上諭軍機大臣曰。自京至巴里坤所設臺站。向俱特派人員巡察。今觀內地軍臺遞送事件。較前稍覺遲滯。總因日久懈弛。馬匹亦多疲乏。著將直隸軍臺事務。交按察使永寧。山西軍臺。交按察使明山。

陝西軍臺交布政使武忱。自甘肅至巴里坤軍臺。交巡撫吳達善專司巡察管理。如馬匹有疲乏者。或令更換。或於事簡臺路。調撥壯健者應用。其應如何辦理之處。即各具摺奏聞。

命獎勵巴里坤至軍營臺站官兵。

上諭軍機大臣曰。數年進兵以來。自巴里坤至軍營

所設臺站官兵。馳送事件。尚無貽誤。且有勦殺賊

平定縣縣志卷之八

八

衆。奪回劫擄官物者。應加特恩。以示獎勵。著永貴

吳達善查明臺站筆帖式內。有遇賊勦殺。奪回官

物者。或即題補本部主事。或交部議敘。請旨。其餘

兵丁。槩賞兩月錢糧。巴里坤以外臺站事務。即著

永貴巡察管理。臺馬有疲乏者。即會同吳達善等

調撥更換。

壬辰。

諭續送軍營馬匹。派給魯克察克之索倫兵丁。

上諭軍機大臣曰。昨命黃廷桂再辦馬二千匹。留富

紹於巴里坤。續送烏魯木齊軍營。今雅爾哈善領

兵由魯克察克進發。著改送魯克察克。分給所領

索倫兵一千名。富紹將馬匹交收後。即在雅爾哈

善隊內行走。其巴圖濟爾噶爾郭木尼勒圖將前

起馬匹。送至烏魯木齊。即在軍營行走。可傳諭兆

平定縣縣志卷之八

九

惠雅爾哈善。富紹等知之。

申諭叅贊大臣雅爾哈善辦理回部事宜。

上諭軍機大臣曰。朕昨諭雅爾哈善將額敏和卓所

屬回兵。派出進剿。因伊等情形熟悉。而額敏和卓

亦便於指使。但恐回人馬匹不敷。著傳諭雅爾哈

善將原派綠旗兵。每人馬一匹。照數給與回兵。此

次辦理回部。朕專交雅爾哈善額敏和卓二人。應

進兵時。卽一面具奏。一面起程。惟知會將軍兆惠。毋庸往返咨商。再雅爾哈善等由阿克蘇庫車。進取葉爾羌。喀什噶爾等城。所有收獲器什。除應交內府者。酌量齎送外。其衣服等物。卽獎賞兵丁。至軍器馬駝。尤當盡行查取。以給軍用。

諭定邊將軍兆惠等進剿賊衆事宜。

平定準噶爾方略正編卷之四十六

十

上諭軍機大臣曰。聞向來進兵時。自哨探兵丁外。又派數十人瞭望。謂之墨爾根哨探兵。凡行兵遣發哨探。特爲豫偵賊人信息。掩其不備之意。今於哨探隊前。復遣人行走。設爲賊所窺。得以豫作準備。而大兵遠隔。一時不能猝至。轉似與賊送信者然。是名爲審慎。其實自示怯懦。有何裨益。此次進兵。不過與大營相去四五十里間。遣發哨探。一見賊踪。卽行馳報。則大隊兵丁。自可接踵迎擊。至厄魯

特性習。反覆無定。往往自相戕害。從前達瓦齊在伊犁時。人心尚且離散。今日豈有堪爲統率之人。卽如巴圖爾烏巴什。亦嘗收合黨衆。究未聞推爲台吉。今又伏宴誅。則哈薩克錫喇等小醜。焉能使衆賊服從。且衆厄魯特等。已成嗎哈沁。冬寒竄伏。棲止一處。必致互相爭奪。大兵乘其潰亂。迅往襲擊。立可奏功。兆惠等勿因其烏合之勢。過爲顧慮。卽遵朕節次諭旨。相機辦理。

平定準噶爾方略正編卷之四十六

十一

申諭戶部侍郎阿里衮等酌量剿賊撤兵。上諭軍機大臣曰。據阿里衮等奏稱。現在前往庫車。於所到山谷內。搜捕嗎哈沁偵探賊人踪跡等語。阿里衮等前次奏事。距今二十餘日。朕心深爲廕念。今雖稱尋踪追賊。然伊等兵馬之力如何。未經奏及。前已降旨。令伊等撤兵。令額敏和卓同雅爾

哈善辦理回部。此時能收服庫軍回衆。固善。否則竟回游牧暫息。再整兵往魯克察克。一切與雅爾哈善商酌辦理。阿里袞亦不必前赴軍營。仍回巴里坤辦事。

癸巳。

命革職原任巡撫盧焯在巴里坤辦理糧餉處効力。

甲午。

命副都統濟福等馳驛前往青海辦事。

上諭軍機大臣曰。副都統濟福帶領乾清門二等待衛查拉豐阿察哈爾三等待衛那木查爾差往青

海有應辦事件。濟福著賞銀五十兩。查拉豐阿那

木查爾各賞銀三十兩。整裝馳驛前往。

諭副都統濟福等備勦沙喇斯瑪呼斯賊衆。

上諭軍機大臣曰。去年進勦厄魯特叛賊餘黨。分路

平定縣志卷之六

三

逃竄。近據阿里袞等奏稱沙喇斯瑪呼斯賊人俱

逃向愛什瑪山之東南。察其踪跡。應在呼爾塔克

山羅卜淖爾等處藏匿等語。羅卜淖爾等處與噶

斯相近。可通青海。或賊人逃往彼處。亦未可定。因

特派濟福查拉豐阿那木查爾前赴西寧。與副都

統德爾素青海郡王索諾木丹津貝子那木查爾

策凌等會同辦理。濟福等至西寧。德爾素即同往

平定縣志卷之六

三

青海。令索諾木丹津等派兵一千。聽候調遣。仍選

派熟識路徑兵丁三四十名。交查拉豐阿那木查

爾等帶往噶斯一路。跟尋賊人踪跡。若有藏匿逃

竄之厄魯特等。查拉豐阿報知濟福等。即帶兵前

往搜勦。若並無踪跡。查拉豐阿等亦即回京。濟福

可傳諭索諾木丹津等密為豫備。小必宣露。

諭恭贊大臣雅爾哈善等酌辦沙喇斯瑪呼斯賊衆

事宜。

上諭軍機大臣曰。據阿里衮奏沙喇斯瑪呼斯賊人向愛什瑪山之東南呼爾塔克山逃去。呼爾塔克山與羅卜淖爾相近等語。因披覽地圖。呼爾塔克山羅卜淖爾等處與魯克察克相近。未知阿里衮曾否行文雅爾哈善等。可傳諭雅爾哈善在魯克察克一帶留心訪查。此時阿里衮若已追及賊人。

平定準噶爾方略正編卷之四

古

固善倘又逃往他處。或向噶斯一路。已調青海蒙古兵丁豫備堵截。再呼爾塔克山等處。既與魯克察克相近。去巴里坤亦當不遠。巴里坤大臣等亦應遠設卡倫。加意瞭望。如有賊人踪跡。即行搜剿。似此分途防範。賊衆自難藏匿。又

諭曰。據舒赫德等奏稱。闢展秋收豐稔。已行文黃廷桂派綠旗兵四百名。今歲廣為墾種等語。所辦尚

是。但舒赫德已革職。令於軍營効力。將軍等遣往

魯克察克。辦理沙喇斯等賊衆。看來非伊所能承辦。可傳諭雅爾哈善等。就近堵剿。若賊踪甚遠。亦無關緊要。即於進剿回部之便。再為搜捕。亦可。舒赫德不必在魯克察克。即遣回軍營。効力贖罪。至屯田一事。實為要務。亦傳諭雅爾哈善。永貴等。雅爾哈善在軍營無應辦之事。著速至魯克察克與永貴商辦一切。若屆進剿回部之期。即宜奮勉前往。

平定準噶爾方略正編卷之四

五

乙未。

命優卹哲卜尊丹巴胡土克圖。

上諭軍機大臣曰。喀爾喀親王桑寨多爾濟等奏稱。哲卜尊丹巴胡土克圖。係喀爾喀四部落遵奉之大喇嘛。

雖不比前人德壽兼全。久興黃教。然伊在時亦能作興黃教。極力安眾。朕用是疊沛恩施。常加優禮。今聞圓寂。深為軫惻。著加給敷教安眾喇嘛封誥。印信。照舊例頒賜器幣鞍馬品物。以示優卹。

丙申。

諭乾清門頭等待衛官長保獎勵內大臣察達克。

上諭軍機大臣曰。納穆扎爾等奏據車木楚克扎布

平定縣學政馬之甲

七

等呈稱。遵旨將訪查阿睦爾撒納信息。傳諭察達

克。察達克以遣人前往俄羅斯。恐形跡可疑。於事

無益。查俄羅斯圖喇外。有從前逃走之烏梁海特

楞古特。擬帶兵以擒拏逃人為名。訪取阿逆確信。

若可擒拏。即行呈報等語。察達克所見甚是。近因

此事。特命官長保前往。著傳諭官長保。獎勵察達

克。即就伊所見。相機辦理。阿逆若果在俄羅斯圖

喇附近。毋論內外。酌量擒拏。若相離甚遠。不必輕進。即訪取確信。作速奏聞。再伊等往俄羅斯圖喇時。官長保自宜同行。如察達克等有恐內廷侍衛分功之意。即不必前往。

丁酉。

命議敘甘肅辦解馬匹官員。

上諭大學士曰。據巴里坤辦事大臣等奏稱。甘肅解

平定縣學政馬之甲

七

送軍營馬一萬二千匹。俱陸續妥協解到。今已辦

理起程等語。黃廷桂辦解軍營馬匹。妥協無悞。深

屬可嘉。黃廷桂及承辦馬匹官員。俱交部議敘。其

解送馬匹至巴里坤官兵。著黃廷桂查明。官員交

部議敘。兵丁酌量加恩賞給。以示鼓勵。

戊戌。

命喀爾喀扎木巴勒多爾濟喇嘛掌管喀木布諾門

汗印信

上諭軍機大臣曰。據桑寨多爾濟奏稱。尚卓特巴遜都卜多爾濟等請將扎木巴勒多爾濟掌管經教。衆心悅服等語。著照所請。將喀木布諾門汗之印給與扎木巴勒多爾濟掌管。勤宣黃教。約束喇嘛。其尚卓特巴遜都卜多爾濟著協辦事務。命解送回人阿卜都爾瑞來京。

平定準噶爾方略正編卷之四

六

軍機大臣奏言。哈密拘禁莽噶里克差遣之回人阿卜都爾瑞。及跟隨阿舒爾瑪特。三達色前來之回人厄魯特。共二十三人。查阿舒爾瑪特。三達色。摯送京城時。阿舒爾瑪特於途次病故。現在拘禁之阿卜都爾瑞。係莽噶里克遣探信息之人。應行正法。其餘二十二。人分賞額教和卓主素富之處。請

旨遵行。奏入。得

旨。著將阿卜都爾瑞解送來京。

庚子。

命停止副都統愛隆阿議敘。

定邊將軍兆惠奏言。據副都統愛隆阿呈稱。伊從前擒拏巴雅爾。與哈薩克對陣。奪回奇徹布

尸骸。叅贊大臣富德。俱未奏報等語。臣等照伊

平定準噶爾方略正編卷之四

九

原呈查詢富德。據稱查從前愛隆阿原報。並無奪回奇徹布尸骸之語。查詢隨從奇徹布兵丁麟保。諾卜奇。俱云。伊二人護守尸骸。送赴軍營。愛隆阿欲留奇徹布之馬。經貝勒羅卜藏多爾濟勸解。始發給馱載。至擒拏巴雅爾後。卽委羅卜藏多爾濟愛隆阿等。將官兵功次呈報。將愛隆阿領隊行走之處。特爲聲明。業經蒙

恩交部議敘。惟圖倫楚達禮等因一時遺漏復補

請加

恩並無隱匿等語。臣等查愛隆阿呈詞情節與原報

不相符合。顯係爭功妄控。伏乞

皇上勅部將愛隆阿嚴加議處。以為軍營造言生事

者戒。奏入。

上諭軍機大臣曰。據兆惠等奏稱愛隆阿呈控伊從

平定縣獲盜匪案原大

三

前擒拏巴雅爾。及奪取奇徹布尸骸等事。俱為富

德隱匿。今查擒賊功次。已經奏報。而奪取奇徹布

尸骸。伊原報並無此事等語。愛隆阿貪功訐告。甚

屬器小。理應從重治罪。但伊此次行走。尚為出力。

著加恩免其治罪。所有議敘之處。即著停止。又

諭曰。愛隆阿以領隊大臣。在軍前効力行走。已降旨

交部議敘。自無可格外加恩。伊乃貪功告訐。其意

以羅卜藏多爾濟書封王爵。伊第邀議敘。心懷不

足耳。殊不思羅卜藏多爾濟係蒙古台吉。從軍出

力。固應加恩。即循次晉階。亦其常分。愛隆阿何可

相比。今但停止議敘。免其治罪。已屬加恩。前曾降

旨。令在雅爾哈善隊內行走。此次進兵。伊當知立

功自贖。若不奮勉効力。必將伊從重治罪。斷不寬

宥。并將此曉諭愛隆阿知之。

平定縣獲盜匪案原大

三

諭叅贊大臣雅爾哈善酌留索倫接馬兵丁帶往。

上諭軍機大臣曰。雅爾哈善奏於十二月二十日起

程往魯克察克。前諭雅爾哈善將兆惠所領索倫

兵一千名帶領前進。此時若已到魯克察克。甚善。

若尚未到。現有接取解送馬匹之索倫兵丁。雅爾

哈善即可存留帶往。一面咨行兆惠於遣來索倫

兵內。合計所留兵數裁扣。亦通融辦理之法。併傳

論兆惠知之。

命將私閱軍臺文報之五十七摺解巴里坤正法

上諭軍機大臣曰。據兆惠奏稱。查出私開文報之委

署臺站筆帖式五十七請卽正法等語。軍臺文報

關係緊要。五十七以委署筆帖式竟敢私行竊看

情甚可惡。著將五十七拏解。將前項情節沿途通

行曉示各臺站人等。至巴里坤卽行正法。

平定準噶爾方略正編卷之甲八

三

諭定邊將軍兆惠等奏報進兵日期。

上諭軍機大臣曰。兆惠等從前擬定今年正月內起

程進兵。今已屆初旬矣。或就馬匹解到。卽行起程。

或待草青。以濟馬力。俱當奏報。軍營奏事。數日不

至。朕卽爲廛念。雖時當新歲。例有行禮進宴等事。

而伊等在外。時切懸懷。豈以朕爲令節歡娛。竟忘

爾等耶。朕豈如是之主耶。兆惠富德皆內廷行走

之人。豈不知朕意。伊等理宜用心辦理一切諸務。

其應行辦理者。卽行辦理。應陳奏者。卽行陳奏。乃

何以並未奏報。卽如巴圖爾烏巴什身死果實。則

但餘舍楞等辦理更易。至衆賊烏合。未知哈薩克

錫喇亦在其內否。或在沙喇孽勒居住。或漸移近

地。此等情節。兆惠等亦當遣發哨探。擒拏嗎哈沁

詢問。伊等曾否如此辦理。於何時進兵。馬力若何。

平定準噶爾方略正編卷之甲八

三

俱作速奏聞。

甲辰。

喀爾喀親王桑寨多爾濟等疏奏逆賊阿睦爾

撒納出痘身死。

桑寨多爾濟等奏言。本年正月初七日。據俄羅

斯畢爾噶底爾。遣圖勒瑪齊畢什拉等報稱。阿

睦爾撒納因被追兵所迫。入我交界。溺水幾斃。

我卡倫人等救出。拏送固伯喇納托爾處監禁。

旋即出痘身死。我固伯喇納托爾念與大國和

好。若但將阿睦爾撒納身死情節。備文通知。恐

不足取信。今將伊身尸移至我等邊界。大國速

遣人來。或至塞楞格城。或至恰克圖邊界驗看

等語。臣等伏思阿睦爾撒納一案。節經理藩院

行文該薩納特衙門。理應將阿逆身死。備文移

平定縣路編參罕

函

覆。乃伊等邊界頭目。但移知臣等。其中或有別

情況。伊等並不將同阿逆拏獲之人若干。是何

名目。或同阿逆尸骸解送與否。現今身尸。或已

腐壞。或尚完全。分晰具報。殊屬含混可疑。臣等

現將此等情節。行文畢爾噶底爾等。令其據實

聲明。即派頭等台吉齊旺扎卜前往。察看情形。

俟回文到日具奏。奏入。

上諭軍機大臣曰。桑茶多爾濟等據俄羅斯邊界報

稱逆賊阿睦爾撒納出痘身死。今將身尸移至恰

克圖等處。請遣人驗看等語。看來逆賊阿睦爾撒

納罪惡貫盈。身死屬實。林丕勒多爾濟向認識阿

睦爾撒納。今天氣尚寒。逆尸想未腐壞。接到此旨。

桑寨多爾濟即遣林丕勒多爾濟速往恰克圖驗

看。並曉示彼處頭目云。爾等念兩國和好。將逆賊

平定縣路編參罕

呈

之尸送來。以彰信義。大皇帝深為嘉悅。已命理藩

院行文爾薩納特衙門。一面命我取逆賊身尸。解

送京師等語。如逆尸已到恰克圖。林丕勒多爾濟

即取以來。倘伊等謂逆尸在塞楞格城。亦即前往

驗看。勿因恰克圖是交界。在彼住候。或伊等祇令

驗看。不肯發遣。務宜嚴行曉示。仍先期作速奏聞。

委署前鋒叅領觀音保前鋒奎思德。以護送哈

薩克貢馬至京。

命在雅爾哈善隊內行走。各賞銀三十兩。

乙巳。

命卹敘進勦扎哈沁官兵并

訓諭將軍大臣等。

上諭軍機大臣曰。據兆惠等奏稱鄂實等領兵追勦

逃往瑪納斯河源之扎哈沁哈勒拜等官兵奮勇

平定準噶爾方略正編卷之六

五

殺賊一百四十餘人。獲馬駝軍器甚多。厄魯特侍

衛達爾漢等九人陣亡。侍衛老格等二十六人得

傷等語。此次官兵勦賊甚屬奮勉。厄魯特侍衛達

爾漢。乃達什達瓦屬人。從前因進勦納木奇庫圖

齊訥爾鄂拓克。較衆尤爲出力。是以授爲二等侍

衛。賞給巴圖魯名號。今奮勇捐軀。深爲憫惻。著加

恩賞。給雲騎尉。令伊子承襲。仍將伊戶口移於察

哈爾。照例安插。并將此旨傳示達什達瓦屬人。及

軍前厄魯特等侍衛官員。其餘陣亡得傷官兵。俱

交部照例議卹。敘。至此次進勦。正值隆冬大雪

之時。馬力自當疲乏。尚能勦賊奏功。使去年進兵

若此。何患無成。彼時鄂實係叅贊大臣。有事但諉

之將軍。不加策勵。今自知負罪。不敢如去年之互

相推諉。是以直前勦賊。朕深悉其隱。著傳諭兆惠

平定準噶爾方略正編卷之六

五

等進兵之時。當似此各知奮勉。不可稍存意見。並

將鄂實畏罪圖功之處。曉示衆人。鄂實著加恩。授

爲三等侍衛。朔爾起端濟布與効力官兵。亦著交

部議敘。以示鼓勵。

命安插哈爾察海戶口於巴里坤。

上諭軍機大臣曰。兆惠等奏招降噶爾藏多爾濟之

哈爾察海等七十餘口。揀選七人。作爲嚮導。餘交

巴圖魯侍衛齊努渾解送巴里坤侯旨等語。哈爾

察海等見我九人前往招降。即率二十餘戶歸順。

非兵威迫脅可比。從前因厄魯特等反覆無常。故

送往肅州正法。今助惡逆黨。俱多殲滅。此輩原無

關緊要。當酌量安插。稍給產業。同綠旗兵支領錢

糧。以供調遣。使衆厄魯特聞知。猜懼之心稍釋。其

藏匿餘賊。自必來投。庶疆圉可以永靖。著傳諭巴

里坤大臣等現在哈爾察海等。即遵照酌量安插。

嗣後有似此者。一體具奏。俟事竣之後。量其情節。

分別辦理。并傳諭兆惠知之。

以逆賊阿睦爾撒納身死情節

諭定邊將軍兆惠等

上諭軍機大臣曰。昨俄羅斯報稱逆賊阿睦爾撒納

人伊邊境。出痘身死。將尸送驗等語。看其情節。尚

非虛假。蓋前此逆賊尚存。俄羅斯未必不思留用。

是以遲久未見擒送。今伊已死。留尸無益。又恐反

傷和好。因報明送驗。此亦情理之可信者。已遣林

丕勒多爾濟往取逆賊之尸。著傳諭兆惠於進兵

之便。再留心訪查。使所得信息。與俄羅斯告語相

符。則尤確實足信矣。然逆賊阿睦爾撒納雖死。而

哈薩克錫喇舍楞等。尚未就擒。兆惠等勿因此稍

存懈怠。務宜加意奮往。速奏膚功。并傳諭雅爾哈

善等知之。

丙午。

以逆賊阿睦爾撒納身死。

宣諭中外。

上諭大學士曰。準噶爾一事。自用兵以來。伊犁既已

蕩定。而哈薩克汗阿布賚等亦輸誠內屬。實皆仰

荷

上蒼之默佑。

列祖之鴻庥。獨因叛賊阿睦爾撒納遁逃未獲。以致勞

我師旅。於今三年。蓋此賊一日未能成擒。則西事

一日不能就緒。不得不極力追捕。以為邊圉久遠

之計。非朕之好為窮兵黷武。從前所降諭旨甚明。

去歲聞阿睦爾撒納竄入俄羅斯境內。俄羅斯向

平定準噶爾方略正編卷四十六

三

為和好之部。定議彼此不許容留逃人。况阿睦爾

撒納罪大惡極。尤非他逃人可比。當令理藩院行

文。俄羅斯薩納特衙門向索。今據辦理俄羅斯邊

界事務喀爾喀親王桑寨多爾濟等奏稱。俄羅斯

畢爾噶底爾差圖勒瑪齊畢什拉等前來。并移文

內稱。阿睦爾撒納逃至伊境。渡河被溺。隨經救出。

拘禁。旋因患痘身死。今將尸獻出等語。若惟恐不

能取信於天朝。而亟亟以獻尸為確據者。夫以阿

睦爾撒納之貪殘狡詐。胎害生靈。負恩悖叛。天良

滅絕。即暫逃於顯戮。必難追於冥誅。斷無久延視

息之理。其身死諒無可疑。至俄羅斯之收留叛賊。

始未嘗不欲撫而用之。及其已死。無可希冀。然後

獻出。亦係其實在情節。且彼既以謹守舊約。克全

信義為詞。自不當逆料其詐。拒而不受。更行深責

平定準噶爾方略正編卷四十六

三

也。况國家之所期必獲者。不過一阿睦爾撒納耳。

今其人已死。其尸已得。準噶爾全局。自可以告厥

成功。朕惟以大公之心。為順應之舉。斷不肯恃我

國威。誅求過當。萬一所獻不實。意圖欺罔。則其曲

自在俄羅斯。彼若妄生事端。則朕可以上告

天

地而下對臣民。再興師問罪。亦未為遲。即無知苟安之

徒亦無從議朕為好武矣。始議向俄羅斯索取阿
睦爾撤納時。眾人之意。未必不竊議。又生邊釁。是
總不知駕馭外藩之道。示之以謙則愈驕。怵之以
威則自畏。此二言。若子孫世世能守。實大清國億
萬年無疆之祿也。即如漢唐宋明。和親稱姪。歲幣
屢增。是亦遜讓之極矣。而於邊患寧稍救耶。即如

平定邊疆方略卷之四

聖

俄羅斯既已收留叛賊。若不嚴行索取。彼必不將
戶獻出。設從史貽直陳世倌所議。且將遷就隱忍。
竟若叛賊一入俄羅斯。遂無可如何者。所謂唾面
自乾之為。朕甚恥之。朕於軍國重務。惟有乘機度
勢。因物順理。不但初無構釁於俄羅斯之心。即此
用兵三年。雖未如康熙雍正年間之久。而朕已慮
眾人之勞。時切於懷。特因叛賊未獲。萬難中止。初
非朕之本意也。向使前後在事諸臣。果能迅合機

宜則叛賊自不至逃竄。亦當早為弋獲。何至輾轉
愆期。此用人不當。實朕之愧。然統計連年軍興徵
調。皆出自公帑。不但未加賦閭閻。而賑卹有加於
往歲。此亦天下臣民所共知者。今逆尸已獲。伊犁
全部。悉入版圖。徐謀耕牧。續成

皇祖

皇考未竟之緒。而自古未通中國之哈薩克。亦皆稱臣

平定邊疆方略卷之四

聖

納貢。其於我皇清疆宇式廓。萬年久安之道。為有
益。為無益。朕亦不更置論。至葉爾羌喀什噶爾等
回部。原可計日平定。不必更煩動眾。所有阿睦爾
撤納身尸。俟解到之日。驗明戮示。以彰國憲。先將
此通行曉諭知之。

臣等謹案阿睦爾撤納負

恩逃叛。聯隊駝走之餘。尚思潛踪煽惑。其任哈薩克

時。卽遣人入俄羅斯。冀增狡窟。以通刑憲。且其反覆叵測。衆所稔知。若非悉力窮追。或致踳伏滋蔓。誠有如

聖諭所云。阿逆一日不除。西陲一日不靖者。乃哈薩克既悔過輸誠。驅兇渠於境外。而俄羅斯於容納之初。度詞嘗試。

皇上洞燭情偽。飭索綦嚴。且搜捕餘孽。聲威四訖。阿

平定準噶爾方略正編卷之八

音

逆雖逃顯戮。遂伏冥誅。其罪大惡極。自不能復容於

覆載。於理固實有可憑。而俄羅斯富阿逆尚存。或不免稍懷觀望。及其既斃。則豈肯因臭腐之骨。致失恭順之忱。呈報逆屍。時不容緩。於情更確有可信。由此益見

德威昭播。遠服警懷。尺一所傳。捷於影響。當

廟謨甫授之時。彼狃於目睫之見者。方慮索逋寇以啟釁端。務爲姑息。奚啻夏蟲之不可語冰。今

恭讀

諭旨示之以謙則愈驕。休之以威則自畏。誠爲駕馭外藩之要道。我

國家億萬世無疆之福。所當敬守而弗違者也。

丁未。

平定準噶爾方略正編卷之八

音

授巴圖魯侍衛老格爲二等侍衛。

上諭軍機大臣曰。巴圖魯侍衛老格。同鄂實等。追勦扎哈沁賊衆。臨陣得傷。洵屬奮勉効力。著加恩授爲二等侍衛。

平定準噶爾方略正編卷之四十九

乾隆二十三年春正月戊申

申諭和碩齊唐喀祿等搜捕逸賊。

上諭軍機大臣曰阿桂等奏稱和碩齊唐喀祿遵旨

將哈薩克使臣送至邊界即前往額爾齊斯之和

尼邁拉呼布空郭勒地方堵截逃賊眾等語著

傳諭和碩齊唐喀祿伊等口糧充足前至駐劄地

平定準噶爾方略正編卷之四十九

一

方不可徒為坐守須向各處巡查如有隱匿逃竄

之賊即奮勉擒勦勿致免脫。

命賞副都統職銜莫尼扎卜食俸。

上諭軍機大臣曰阿桂等奏據車木楚克扎布報稱

莫尼扎卜等追勦烏梁海鄂木布屬人一百餘戶

惟五戶逃入俄羅斯邊界其餘俱行擒勦將婦女

分賞烏梁海兵丁等語莫尼扎卜招服烏梁海頗

知奮勉今追勦鄂木布屬人又能迅速奏功深屬

可嘉著賞給副都統俸以示獎勵。

獎諭哈密貝子玉素宮隨征効力。

上諭軍機大臣曰吳達善等奏稱哈密貝子玉素宮

呈請帶領回兵一百名隨營効力等語玉素宮係

回部望族今聞辦理葉爾羌喀什噶爾等回部情

願帶兵効力深可嘉獎著照所請同雅爾哈善額

平定準噶爾方略正編卷之四十九

二

敏和卓前往所有應得分例照蒙古貝子賞給回

兵照綠旗兵丁例賞給果能奮勉朕將格外施恩

著吳達善遵照傳諭辦理。

訓諭巴里坤辦事巡撫吳達善。

上諭軍機大臣曰吳達善奏稱現在辦解馬駝等項

請俟積調馬匹糧餉事竣後再回本任等語軍營

辦理事務必需大員駐劄倘事竣而阿里衮已至

吳達善自可回任。若尚未前來。則應仍留辦事。乃速行奏請。顯係思家念切。遂不覺率爾陳詞。豈滿洲大臣遇事勇往者所宜出此。著傳旨申飭。

原任藍翎侍衛圖爾番。以差看臺站。中途回轉。革職來京。

命仍以防禦職銜。往西路軍營効力。

已酉。

平定準噶爾方略正編卷之五

三

諭署定邊左副將軍納穆扎爾辦理新舊烏梁海等

事宜。

上諭軍機大臣曰。納穆扎爾所奏莫尼扎卜等追剿

鄂木布屬人。將擒獲賊衆。分別首從。正法治罪。及

指給博和勒等游牧。歸併管轄屬人等事。俱令酌

量辦理。莫尼扎卜奮勉効力。已加恩令食副都統

俸。其餘奮勇得傷人等酌賞緞疋銀兩。前諭察達

克往俄羅斯圖喇探取逆賊阿睦爾撒納信息。今

據俄羅斯報知逆賊身故。自可無庸前往。昨命官

長保所賞賞物。即行頒給。仍傳諭察達克等以阿

睦爾撒納既死。邊界之事。全無可慮。不過辦理沙

喇摩勒等賊事。竣後。伊等即永遠安居。從前令伊

等游牧內移。恐被賊黨擾害。今內外皆朕疆土。無

可分別。所有新舊烏梁海。或願在伊舊游牧。或於

平定準噶爾方略正編卷之五

四

現住處所。稍向外移。俱可。再總管那木查爾因出

痘暫留。今據伊子報稱身故。是否確實。著納穆扎

爾查奏。

以定邊左副將軍成衮扎布所奏機宜。

諭軍營將軍大臣等。

上諭軍機大臣曰。成衮扎布奏稱前年投來軍營之

庫車伯克鄂對烏什伯克塞梯巴勒氏噶岱默特

等請交與額敏和卓令其招降舊屬再將軍大臣等前往沙喇孽勒。經過納林。特穆爾圖。淖爾等處。宜曉示布魯特人等。令將霍集占等擒獻等語。成表扎布所見。甚合機宜。現在雅爾哈善等辦理回部。著將奏摺錄寄閱看。并傳諭兆惠若舊伯克鄂對等尚在軍營。卽送至額敏和卓處。令其招降舊部。再布魯特與回人相善。恐不知辦理緣由。或

平定回疆方略卷之九

五

協助霍集占等。兆惠經過其地。須曉示伊等以準噶爾俱已平定。伊犁等處。現在駐兵屯田。哈薩克全部歸降。今因霍集占等背叛。與師問罪。恐爾等妄生畏懼。其各安居游牧。若霍集占窮蹙來投。卽行縛送。大皇帝當格外施恩。亦傳諭雅爾哈善知之。

以去年進剿情節。

訓諭將軍大臣等。

上諭軍機大臣曰。朕閱成表扎布所奏。去年進剿情節。則兆惠未免巧於趨避。當逆賊阿睦爾撒納為我兵擊敗。兆惠身為將軍。自應親行追逐。乃駐兵濟爾哈朗。惟以勦賊立功。垂名史冊等空言。催促富德前往。經朕降旨詰責。伊始帶兵策應。彼時因辦事人少。從寬未加深究。至巴圖爾烏巴什等賊。

平定回疆方略卷之九

六

在兆惠等軍營附近。伊並不陳奏。蓋恐奏明。卽著令擒拏耳。但擒獲巴雅爾勦殺都爾伯特納木奇等。尚屬奮勉。至朱爾都斯一路。既早得巴圖爾烏巴什信息。乃經朕降旨詰問。始行陳奏。在將軍成表扎布未面聆訓旨。不知事之本末。尚可原諒。舒赫德選懦避事。亦與兆惠相似。其情節早已洞鑒。朕辦理庶務。一秉至公。此中外所共知者。兆惠此

次進兵。能知已過。諸事實心辦理則可。若仍趨避取巧。朕不能再為曲宥也。

辛亥

以俄羅斯哈薩克情形。

諭副都統順德訥等。

上諭軍機大臣曰。順德訥努三等奏葉克明安德濟

特以阿睦爾撒納之嫂為妻。聞阿逆敗逃。即帶阿

平定準噶爾方略正編卷之九

七

逆後妻。自森博羅特入俄羅斯。又哈薩克齊奇玉

斯之阿布拉該爾久送伊子於俄羅斯為質。阿布

賚亦近俄羅斯疆界過冬等語。伊等詢訪之處。自

屬確實。但現在俄羅斯之畢爾噶底爾報稱阿逆

出痘身死。將其尸送驗。則阿逆已伏冥誅。俄羅斯

亦克全和好。德濟特即竄匿其地。亦無能為。自可

置之不論。至哈薩克之人。本畏俄羅斯。即如伊等

前曾向噶爾丹策零納貢。因我師平定準噶爾。即

率屬歸降。則其與俄羅斯交好。自屬事勢宜然。且

哈薩克若抒誠入貢。自當賞賜。以示綏懷。即不來

亦無足重輕。伊之畏俄羅斯與否。更無庸介意。著

傳諭順德訥等知之。

命頭等侍衛努三來京。

上諭軍機大臣曰。據努三奏今年辦理厄魯特回部

平定準噶爾方略正編卷之九

八

懇請派伊於哨探隊効力等語。現在進兵官員。分

派已定。努三係烏拉齊等性習。所奏事件。文義繁

瑣。覽之多不可解。是以諭令來京。面詢哈薩克情

形。如有伊可効力之處。再行差遣。其奏留軍營之

厄魯特通事察罕庫本班第二人。亦令帶來。伊等

俱係巴雅爾扎哈沁屬人。業將伊游牧人等勦殺。

恐留彼聞知。不免疑懼。伊等隨軍効力。並無罪過。

朕當酌量加恩。若有妻子。并交黃廷桂查出。解送
來京。

申諭定邊將軍兆惠等進勦舍楞等事宜

上諭軍機大臣曰。順德訥奏。據哈薩克多羅特拜。巴

圖爾等告稱。聞巴圖爾烏巴什。出痘身死。哈薩克

錫喇之衆。俱爲嗎哈沁。惟舍楞由車陳哈喇逃往

沙喇壁勒。哈薩克之齊奇玉斯努爾。資汗兄弟。已

平定縣志卷之五

九

兩路帶兵追逐等語。從前朕卽謂沙喇壁勒賊衆。

人心渙散。力亦甚窮。我兵一到。卽可殄滅。今順德

訥所奏情形。果不出所料。再據奏稱哈薩克阿布

勒比斯言。伊帶兵前至伊犁薩滿。捉生詢問。知舍

楞等雖有萬餘戶。現俱乏食。但不行殄滅。我等游

牧終不得安。卽不能盡勦。亦必追至葉爾羌喀什

噶爾布魯特等處。方可結局。於是公同商議。齊奇

玉斯之額勒里蘇爾統等帶兵萬餘。至吹地方。鄂

爾圖玉斯之薩爾圖根巴圖爾等帶兵二千。由阿

克陶烏克陶起程。約至克勒布拉克。與哈巴木拜

會合。搶掠舍楞等。俟春季雪消始回。將所餘厄魯

特在何處棲止。知會大兵等語。兆惠等現在軍營。

於賊衆情形。何以全無信息。今看伊等窮蹙已極。

勢必互相盜竊戕害。是大兵未到。哈薩克早已俘

平定縣志卷之五

十

獲無遺。而兆惠等尙以沙喇壁勒賊衆繁多。頗有

畏難之意。可謂不諳事機矣。又舍楞等。或逃向特

穆爾圖淖爾及特克斯等處。若距軍行遼遠。卽酌

遣偏師。前往搜捕。以靖地方。其哈薩克厄魯特交

界處。恐厄魯特殄滅後。地多間曠。哈薩克不免侵

越。雖游牧無人。在我亦難盡守。然必先明疆界。或

哈薩克等。向將軍大臣懇求轉奏。朕亦可施恩賞

給方與體制允協。但不當聽具遽行侵越。或輕易給與。亦諭兆惠知之。

命速送烏梁海安濟格斯至於俄羅斯。

上諭軍機大臣曰。烏梁海安濟格斯。曾掠俄羅斯牧羣。後經富德拏獲。已命理藩院行文將二人送往。今據順德訥奏。因大雪不能行走。暫令帶回等語。現在俄羅斯以逆賊阿睦爾撒納出痘身死。將

平定準噶爾方略正編

十一

尸送驗。外藩尙知守信。則我大國檄送之人。自不便久羈。著額爾克沙喇歸途之便。將安濟格斯。率帶至烏里雅蘇台。轉交桑寨多爾濟。速送俄羅斯邊界。其各傳諭知之。

命副都統順德訥在雅爾哈善隊內行走。所奏驍騎校頂帶寧古塔雅庫准其隨帶効力。

壬子。

以辦理逆賊阿睦爾撒納始末
宣諭王大臣等

上諭大學士曰。今日王大臣等以俄羅斯獻出叛賊阿睦爾撒納身尸。準噶爾大功告竣。具表奏賀。試問王大臣等此奏。果皆實以為然耶。抑或尙有以叛賊之死為未可深信者耶。在諸臣之或信或不信。本亦不足深論。然朕之宵旰憂勤。將以為邊圉

平定準噶爾方略正編

十一

久遠之計。而庸懦無識者流。或未免退有後言。此則不可不明切申諭耳。即如阿睦爾撒納逃叛之初。朕方手勅諸將。銳意追擒。而盈廷之議。頗有以伊犁既已平定。不必窮追為言者。及其竄入俄羅斯。則更束手相視。付之無可如何。若惟恐朕之飭索過嚴。以致又啟邊釁。無論俄羅斯一部。向屬和好。彼此不許容留逃人。以理言之。固當向索。而叛

賊之奸詭狡詐既入俄羅斯豈能鬱鬱久居又必

將為其所用以為哈薩克一帶之患從前屢降諭

旨所謂叛賊一日不能成擒則西陲一日不能寧

謐者正為此也是以上年諭理藩院行文俄羅斯

有阿睦爾撒納在彼若能永遠拘禁即不送出亦

可之語然俄羅斯既已收留叛賊必且撫而用之

又豈肯永遠拘禁耶索之而不獻則其曲自在俄

平定縣志卷之九

三

羅斯興師問罪固屬事不容已然使竟不向索則

彼亦何肯將尸獻出可見駕馭外藩之道威德宜

於並用堂堂天朝豈有遷就隱忍苟且自安之理

至昨據努三奏稱德濟特攜阿睦爾撒納之後妻

投入俄羅斯境此則無關緊要留之俄羅斯不過

彼處多一豢養之人耳若亦嚴行飭索必令縛送

是未免深求過當即朕亦難辭好武之名矣朕於

此事乘時酌理惟求協平事機之至當從未設一

成見統計用兵以來既未多糜帑項亦未勞我民

力今逆口已出伊犁久定哈薩克又輸誠內嚮西

陲綏靖上續

皇祖

皇考未竟之鴻模稍可免眾人之浮議朕之願足矣安

可言賀且現在尚有葉爾羌等回部未經平定及

平定縣志卷之九

古

哈薩克錫喇等一二逆賊逃竄未獲雖易於經理

之事計日可以奏績然朕之日夜籌畫政不以事

將就緒而稍懈也因王大臣之奏爰以苦衷示之

叅贊大臣雅爾哈善等疏奏屯田事宜

雅爾哈善奏言臣等遵

旨酌議屯田事宜詢問額敏和卓之子素賚瑪伯克

扞克托之子阿卜都賚等據稱闢展魯克察克

吐魯番除官兵及回人屯種外。因水乏無可開
墾。吐魯番西百餘里。通哈喇沙爾托克三城。可
得兵丁五百屯種之地。水頗充足。再哈喇沙爾
通庫車阿克蘇大路。舊係厄魯特回人墾種。約
需兵丁二千各以上。海都河水甚足。烏魯木齊
約需兵丁一千名。水亦足用等語。臣等擬於哈

喇沙爾派兵二千四百名。烏魯木齊原派兵五

平定準噶爾方略正編卷五十九

五

百名。增派五百名。托克三與闡展魯克察克相
近。量增兵五百名。闡展仍派兵四百名。共需兵
四千三百名。除現在兵丁外。已移咨黃廷桂於
奏派八千名內。先派三千名。攜帶牛具口糧。前
赴魯克察克。於三月前趨到。計需籽種一千六
百石有奇。除動用闡展存貯外。移文巴里坤大
臣速為運送。奏入報。

聞

癸丑

以回酋霍集占罪狀。

宣諭回部各城。

奉

天承運

皇帝勅諭葉爾羌喀什噶爾庫車阿克蘇和闐等城

平定準噶爾方略正編卷五十九

六

之伯克回人等。朕為天下共主。罔有內外。一體撫
綏。無使失所。前因準噶爾變亂。自相戕害。厄魯特
等俱不聊生。不忍坐視。興師平定伊犁。擒獲達瓦
齊。就其台吉宰桑等級。分封錫爵。普加恩賚。方冀
守分安居。永享遐福。無如厄魯特豺狼成性。陰險
狡詐。逆賊阿睦爾撒納負恩逃叛。黨眾附和。反覆
無常。揆之天理國法。斷不可道。因再行進剿。以正

刑誅誠以凶頑不除。則邊圉不靖。不得已而出此。

皆爾眾伯克回人所深知者。至波羅泥都霍集占

兄弟在噶爾丹策零時。被拘於阿巴噶斯哈丹鄂

拓克。我兵初定伊犁。釋其囚繫。令為回人頭目。方

欲加恩錫爵。授以土田。乃乘厄魯特變亂。率伊犁

回人。逃往葉爾羌喀什噶爾。朕以其或懼厄魯特

騷擾。暫避以圖休息。尚未加兵。第遣使招撫。不料

平定回疆方略卷五十九

十一

竟敢戕害使臣。僭稱巴圖爾汗。情尤可惡。若不擒

獲正法。則回眾終不得安生。用是特發大兵。聲罪

致討。但聞霍集占起意倡亂。波羅泥都被迫從行。

已命分別辦理。夫伊等以兄弟至親。朕尚較其情

罪輕重。期無枉抑。何況爾等回眾。全無干涉。豈有

株連擾害之理。惟是霍集占頗稱奸狡。自知身犯

重辟。或圖苟延殘喘。定言惑眾。以厄魯特多被勦

殺為比。殊不思爾等皆無罪之人。朕何忍與叛逆

之徒一體誅戮。此次興師。特為霍集占一人。爾等

若將霍集占縛獻。自必安居如舊。永受殊恩。如執

迷不悟。聽從逆首指使。大兵所至。即不復分善惡。

悉行勦除。悔之何及。尚其熟思利害。毋自貽誤。特

諭。

諭參贊大臣雅爾哈善等。招撫回眾事宜。

平定回疆方略卷五十九

十一

上諭軍機大臣曰。今年進兵辦理回部。罪在霍集占

一人。與屬眾無涉。已命兆惠雅爾哈善等。宣諭招

撫。但回人雖較厄魯特稍為安靜。然在準噶爾數

世。亦恐不免漸染習氣。我兵招撫時。必須詳為審

慎。再行安插。即如初定伊犁時。回眾等業皆歸順。

後因逆賊阿睦爾撒納中叛。亦皆乘亂連逃。此皆

狃於撫馭。未震軍威。以致猖獗若此。雅爾哈善等

此次進取回城。須申明紀律。使其知畏。庶可潛消反側。而於安插亦易。亦傳諭兆惠知之。

命以欽差大臣關防暫給叅贊大臣雅爾哈善。

上諭軍機大臣曰。雅爾哈善奏稱辦理屯田進剿等

事。文移往返。必需印信。請將巴里坤所有欽差大

臣關防賞給等語。此次進兵。以雅爾哈善為將軍。

額敏和卓。哈寧阿為叅贊大臣。順德訥。愛隆阿主

平定準噶爾方略正編卷五

五

素富為領隊大臣。當特揀將軍印頒發。欽差大臣

關防著暫行取用。俟將軍印到日。將關防留與永

貴定長辦理屯田事務。其隨印辦事官員。現諭兆

惠等酌派數人。交與雅爾哈善。併傳諭知之。

申諭定邊將軍兆惠等。協心進剿。

上諭軍機大臣曰。據兆惠奏稱。奉到添派綠旗兵進

剿回部之旨。候巴里坤口糧馬匹送到。即往勦沙

喇嘛勒賊眾。再取葉爾羌喀什噶爾等語。肝兆

惠以沙喇壁勒聚賊萬戶。似有畏難之意。故令其

專辦厄魯特。計此時尚未奉到諭旨。然必知賊眾

尚易辦理。故如此陳奏。則從前之畏難。益可見矣。

去歲將軍成衮扎布等辦理無緒。朕已分別示懲。

兆惠等雖有微勞。但巴雅爾乃偶值軍鋒。哈薩克

亦久欲歸順。究未能追及阿睦爾撒納。是伊等本

平定準噶爾方略正編卷五

五

無可自矜。將來殄滅沙喇壁勒賊眾後。能趨赴回

部。更協事機。若謂進兵既有分地。不當分雅爾哈

善等之功。則又屬推諉故習。果能爭先奮勉。何患

無成。今命雅爾哈善為將軍。其隨印辦事官員。兆

惠等即於軍營內酌派數人發往。

進剿扎哈沁之署。叅領古爾特等。

授職議敘有差。

上諭軍機大臣曰。兆惠等將進勦扎哈沁哈勒拜之

鄂實。及所帶著有勞績之侍衛老格等五人。又溫

布呈報搜勦臺站附近賊人之湍濟勒圖百慶額

列單具奏。鄂實老格及陣亡得傷官兵。已加恩陞

授優卹。其委署叅領古爾特湍濟勒圖委署驍騎

校鄂勒都喀扎卜敦察。愛申保委署防禦百慶額

俱著准其實授。其溫布隊內陣亡得傷等官兵。亦

平定縣志卷之九

三

著交部照例議敘議卹。

命頭等侍衛努三辦理哈薩克貿易事務。

上諭軍機大臣曰。兆惠等奏稱今秋哈薩克前來貿

易。順德訥熟習哈薩克等情形。請令在烏魯木齊

駐劄。辦理貿易事務等語。順德訥已派令進勦回

部。其哈薩克貿易事務。著派努三辦理。努三可仍

遵前旨來京。朕面詢彼處情形。再行遣往。諒秋季

貿易之事。自不致遲悞。可傳諭兆惠雅爾哈善努
三等知之。

命叅贊大臣哈寧阿巴祿管理巴里坤以外臺站。

上諭軍機大臣曰。從前伊犁奏事到京。不過二十餘

日。今烏魯木齊較伊犁甚近。而亦需二十日。未免

過於遲滯。現在巴里坤以內臺站。已派大員巡察。

今大兵前進。巴里坤以外臺站。愈關緊要。雅爾哈

平定縣志卷之九

三

善隊內著派哈寧阿專管。兆惠隊內著派巴祿專

管。

定邊將軍兆惠等疏奏查訊索倫遜坦脫出情

形。

兆惠奏言臣等遵

旨以索倫遜坦等於滿福被害後脫出。恐有臨陣先

逃情節。隨詳加訊問。據稱滿福前行。令伊等看

守馱載。忽遇賊被圍。因無馬不能前進。而叛賊等已舉我軍大纛前來。是滿福被害之時。伊等尚未知覺。似無臨陣先逃之事。奏入。得旨。遜坦等的量賞給錢糧。仍効力行走。

委署防禦奇泰以質訊擒獲之厄魯特美諾和什來京。

授為藍翎侍衛。賞銀五十兩。令在雅爾哈善隊內行

平定準噶爾方略正編卷之四十九

三

走。

乙卯。

命查審侍衛郭木尼勒圖。收匪解送馬匹情罪。

上諭軍機大臣曰。據巴圖濟爾噶爾奏。伊解送之馬。

驚走七十三匹。恐混入郭木尼勒圖馬羣。詢其牧

羣章京喀勒占云。多出馬數相合。而郭木尼勒圖

堅稱無有。却陰令分入兩牧羣。又至蘇魯圖臺站

駐宿時查原議分隊馬羣。須相隔稍遠。且二隊不

可越過頭隊。乃郭木尼勒圖是晚移駐。將馬羣衝

入伊馬羣內。以致俱被驚散。次日收聚。據稱倒斃

十四。查係伊馬印記者三匹。餘馬惟餘頭蹄。無憑

查驗等語。巴圖濟爾噶爾頗知小心効力。所奏自

屬實情。且多出馬匹。藏入兩羣之言。俱係郭木尼

勒圖隊內章京自認。則愈可為證。郭木尼勒圖係

平定準噶爾方略正編卷之四十九

十四

欽差侍衛。不思有益公事。反將他人逸馬收留。又

故令驚散。甚屬卑鄙狡詐。著傳諭兆惠將郭木尼

勒圖革職查審。如情罪確實。即正法示眾。巴圖濟

爾噶爾不能作字。必伊隊內人等因被欺情急。代

為繕摺具奏。問之其人。即可得知。兆惠將來。仍好

為差遣。不可因伊係厄魯特人。且將郭木尼勒圖

首告。即行外視。再上年吞圖布之死。傳言未確。并

著兆惠於進兵之便。留心訪察。

丙辰。

以平定準噶爾及哈薩克歸降。

諭布魯特部落人等

奉

天承運

皇帝勅諭布魯特部落頭目人等。準噶爾自噶爾丹

平定準噶爾方略卷五十九

五

策零身故以來。互相殺害。羣生不得寧居。朕為天下共主。罔有內外。一體撫綏。何忍坐視其亂。用是特遣大兵。平定伊犁。擒獲達瓦齊。安集眾厄魯特部落。俾得其所。乃準噶爾人等聽逆賊阿睦爾撒納之言。反覆逃叛。為大兵擊敗。阿睦爾撒納逃入哈薩克。我兵深入追襲。哈薩克阿布賚拒戰大敗。僅以身免。始悔為逆賊所悞。於上年遣使歸誠。欲

擒獻阿睦爾撒納。逆賊知覺。復逃入俄羅斯。今已

出痘身死。俄羅斯遣人送尸請驗。在準噶爾人等

罪惡深重。不得已始行勦滅。以靖邊陲。爾布魯特

本不與準噶爾相涉。但舊為鄰國。今準噶爾全部

平定。則爾土地。即與朕疆界毗連。爾等若如哈薩

克慕化來歸。朕將令照舊安居。不易服色。不授官

爵。不責貢賦。惟遣使來請朕安。即加恩賞賚。其或

平定準噶爾方略卷五十九

五

爾等以外蕃習俗。與中國異宜。不欲投誠降服。亦惟爾便。但能約束所部。永守邊界。不生事端。朕亦不加兵騷擾。倘爾等不安常分。或越界游牧。肆行盜竊。則係自啟釁端。斯時問罪興師。爾悔將何及。朕仁愛為心。不惜開示利害。向其熟思審處。特諭。諭定邊將軍兆惠等招撫布魯特事宜。上諭軍機大臣曰。前據成衮扎布奏稱此次進勦沙

喇嘛勒再往辦回部。或經由布魯特。應諭令擒獻。霍集占等語。昨已命兆惠雅爾哈善等。照成衮扎布所見傳諭。今更繕發勅書。諭以平定準噶爾及哈薩克歸降等事。令其守分安居。兆惠等酌量頒給。此次進兵。伊等如不必經過布魯特。即另行取道。亦可。何以總未奏及。豈謂陳奏後。即當辦理攻取耶。布魯特以外。部落尚多。豈有盡行攻取之理。

平定準噶爾方略正編卷之五

五

然伊等若驚疑生事。又何可置之不問。惟先期曉示。庶可潛消禍本。再去年琿齊等叛逃。正值兆惠前赴伊犁之時。迂道相避。賊始得脫。此次進剿。不可復蹈故轍。

二月丁巳朔。

訓諭定邊將軍兆惠等。咨取順德訥兵丁。

上諭軍機大臣曰。吳達善等奏准兆惠咨稱。順德訥

已派往魯克察克。其所帶兵丁。在軍營原派數內。伊至巴里坤時。即交與侍衛瑞綽爾圖。速赴軍營等語。近因順德訥由哈卜塔克拜塔克至巴里坤。前往軍營。恐逾進剿之期。諭令至巴里坤稍為休息。聽雅爾哈善調遣。至兆惠此時。即應起程。猶固執原派兵數。候此數百人同進。豈因朕召回成衮扎布伊等。無可推諉。愈加恇怯。惟冀增兵以自衛。

平定準噶爾方略正編卷之五

五

耶。現在軍營兵丁。並非寡弱。馬匹口糧。均已陸續起運。且沙喇嘛勒等。逸賊復有何人。為之接濟糧馬。何以畏難若此。如必坐待青草發生。始行前往。則賊眾亦因此得延喘息。其力倍增矣。為今之計。宜帶兵進發。或緩行以養馬力。不當再為駐候也。順德訥之兵。仍遵前旨。即業經起程。亦速行追回。可傳諭兆惠雅爾哈善吳達善知之。

己未。

命以靖逆將軍印授雅爾哈善。

上諭軍機大臣曰朕命雅爾哈善為將軍專辦回部。

今授以靖逆將軍之印著派乾清門侍衛齊凌扎

卜賚送即留伊軍營効力行走。

庚申。

署定邊左副將軍納穆扎爾等疏奏烏梁海

平定邊疆方略編卷九

五九

貢賦戶口事宜。

納穆扎爾奏言據喀爾喀郡王車木楚克扎布

報稱現同察達克等查勘烏梁海戶口其各得

秦有十餘戶二十餘戶不等者補授得木齊收

楞額等員未免繁冗請將戶少者兼併約四十

戶以上編為一得秦其進

貢貂皮戶口據察達克等告稱當以馬匹牲隻之

多寡為定否則年齒雖壯不敢呈報查實有馬

匹牲隻者七百十九戶年壯無力者二百二十

六戶老幼殘廢者一百二十三戶應分別酌定

其總管莽噶拉克等戶口亦照此辦理再新經

歸附之鄂木布特楞古特三得秦無應授宰桑

之人請歸併察達克圖布慎等管轄又莽噶拉

克年幼時伊所屬九得秦曾作為三分同布珠

平定邊疆方略編卷九

三

庫輝齊賚之兄等分管今布珠庫已死輝齊賚

年老現在戶口僅足五得秦之數請均歸莽噶

拉克管轄或仍令輝齊賚分管等語臣等伏查

車木楚克扎布熟悉烏梁海情形應聽其酌量

辦理奏入報

聞。

辛酉。

中諭靖逆將軍雅爾哈善等招撫回衆事宜

上諭軍機大臣曰據雅爾哈善等奏從前擒送達瓦

齊之伯克霍集斯仍在圖爾瑞辦事等語則霍集

占等不能脅服人衆可知我兵至彼伯克霍集斯

等必來歸順然亦須留心防察如上年成衮扎布

等招降克勒特烏魯特等鄂拓克大兵既過隨後

叛逃卽其驗也雅爾哈善等進兵時如回人果能

平定準噶爾方略正編卷之四十九

三

恭順歸降自當收恤令其頭目從軍餘人仍居本

地其稍有抗拒者卽宜勦殺以振軍威勿慮伊等

前路驚疑稍事姑息蓋回人俱有城邑田廬非若

厄魯特之易於驚竄也若既取庫車阿克蘇等城

亦應留兵彈壓玉素富爲人誠實自必善守可於

二城內擇何處最要卽令駐劄既可堅新附之心

亦資以聯絡臺站再圖爾瑞地名是否卽係吐魯

番現任吐魯番爲額敏和卓游牧今伯克霍集斯

所居圖爾瑞與何處相近在何地方著查明因便

奏聞

王戎

諭靖逆將軍雅爾哈善等搜勦沙喇斯等賊衆

上諭軍機大臣曰據阿里衮等奏稱追勦沙喇斯瑪

呼斯賊衆入呼爾塔克山於塔喇圖烏沙克塔勒

平定準噶爾方略正編卷之四十九

三

兩處遇賊擒獲瑪呼斯得木齊額默根等據供因

大兵進勦巴圖爾烏巴什昂吉岱等不敢相投惟

藏於山林幽僻之處現在前往羅卜淖爾哈嗎爾

嶺等處搜捕等語昨雅爾哈善等奏據素賚瑞詢

問伊父額敏和卓遣來回人知阿里衮等追賊至

呼爾塔克勦殺嗎哈沁帶兵回程距吐魯番約五

百里因馬力疲乏兵多步行等語是伊等業已撤

兵今閱此奏似尚在窮追賊衆若馬力果乏亦當撤回其呼爾塔克等處距進剿回部之路相近雅爾哈善與額敏和卓應於此等地方留心搜捕或賊衆四散有往投昂吉岱等游牧者亦著兆惠嚴行搜剿其敦多克哈什哈等尤當拏送來京毋致免脫。

平定邊疆方略編卷之五十九

三

平定邊疆方略正編卷之五十

乾隆二十三年春二月癸亥


定邊將軍兆惠等疏奏軍營領隊大臣及官兵等功次

兆惠等奏言臣等伏查額林哈畢爾噶路領隊大臣侍衛等或屢次進剿或僅行走一二次有奉

平定邊疆方略編卷之五十九

一

旨交部議敘又交部察議功罪相抵及解送降人未經戰陣者俱毋庸議外謹將各隊即兵行走功次查明具奏其領隊大臣羅卜藏多爾濟愛隆阿鄂博什圖倫楚順德訥瑚爾起端濟布達禮善魯三滿綽爾圖奎瑪岱等功次列單恭呈御覽又據副都統瑚爾起呈稱從前在唐喀祿隊內行走擒拏巴圖博羅侍勦滅阿睦爾撒納所畜



烏梁海等業經邀

恩議敘。惟自塔爾巴噶台帶兵策應圖倫楚等奮勉

勦賊各官兵查有唐喀祿交付備賞之孔雀翎

一枝藍翎二枝。今揀選出眾得功之副總管西

通阿護軍校索薩勒圖。驍騎校綽羅和爾等。可

否准其戴用。亦將伊等功次列單恭呈

御覽。至軍營官兵立功列為三等。仍分晰次數查一

平定準噶爾方略正編卷五

二

載以來。以出眾効力存記者二百餘人。又於二

三次出眾効力之四十餘人內。揀選索倫署叅

領塔濟爾圖等二十人。巴圖魯侍衛扎延保等

十人。應請

旨交部補行議敘。又坐臺之委署筆帖式等。於事件

並無遲悞。又能搜勦嗎哈沁至五六十人以上

收取牲隻軍器。如健銳營前鋒署筆帖式富魁

力戰得傷。行走出眾。將功次另繕清單。其餘効

力人等。亦造冊送部議敘。又臣等隨帶之喀喇

沁等臺站叅領納旺等。及隨原任總管第魯巴

前來之烏拉齊扎勒桑等十三人。分管臺站。搜

勦賊眾。均能奮勉効力。請以應陞之缺補用。又

據索倫委署防禦清保。戴獎賞翎固寧保等。呈

稱伊等二十二。人於乾隆二十一年。隨扎拉豐

平定準噶爾方略正編卷五

三

阿回京時。遇準噶爾復叛。沿途與賊力戰。內三

人殘廢。遣回原籍。其餘十九人。現隨營効力。又

巴圖魯侍衛瑪瑞呈稱。隨行官兵十人。遇賊對

陣。惟索倫披甲人英格勒。圍肩中鳥鎗。奮勇脫

出。今仍効力軍營。其餘九人。未能脫出。懇乞照

例辦理。各呈報前來。應請送部議敘。其瑪瑞所

報未能脫出之九人。亦送部議卹。又索倫總管

布喇勒圖等三人俱在哨探隊奮勉行走。可否量為獎賞。准戴孔雀翎之處。出自

聖恩。奏入。得

旨。塔濟爾圖扎延保等俱交部補行議敘。其朱爾都斯路官兵。有似此未經查出者。即查明送部。富魁著授為主事。仍留軍營効力。餘俱照所請行。又

諭曰。從前曾派第魯巴往管西路臺站。正值賊人變

平定邊疆略略卷之辛

四

亂之際。或被戕害。或有他故。並無信息。若果為賊所害。亦應加恩優卹。著兆惠等查明奏聞。

定邊將軍兆惠等疏奏鄂羅斯拜逃走情形。

兆惠等奏言。臣富德前奏察哈爾護軍鄂羅斯

拜騎牽馬匹逃走。奉

旨。令將鄂羅斯拜或係逃走。或係迷路之處。確查具

奏。臣等即傳帶領鄂羅斯拜前往哈薩克之戴獎

賞翎布圖訥等詢問。據稱去年齋奉

恩賞哈薩克霍集伯爾根等。於十月二十五日

回程。夜間係鄂羅斯拜值班看守馬匹。忽行逃

走。徧覓不得。是以呈報等語。是鄂羅斯拜逃走

屬實。臣等已行文哈薩克查拏。務獲解送。奏入

報

聞。

平定邊疆略略卷之辛

五

乙丑。

訓諭定邊將軍兆惠等奏敘軍營功次。

上諭軍機大臣曰。兆惠富德將伊等去年出兵未經

查出之侍衛官員。分別功次。補請議敘。又將領隊

大臣羅卜藏多爾濟等功次。聲明具奏。甚覺繁瑣

無謂。夫恩自朕出。其効力行走之人。皆分所應爾。

豈可稍生覬倖。兆惠等在彼閒居。並不將現在切

要事件。留心計議。惟一味沽名。竇奏。在伊等之意。以為准其所奏。則官兵得以邀恩。即不准行。人亦咸懷感激。如此存心可乎。且將以此為辦事乎。然在侍衛官員前。此疎漏未經查出者。補請議敘。猶可。若羅卜藏多爾濟。因其効力。已封郡王。豈以為尚未加恩乎。即圖倫楚順德。訥俱加恩。授為副都統。伊等果能勝副都統之任否。其餘議敘陞級者。

平定準噶爾方略正編卷之五

六

尚多。若謂行走一次。即應加一次之恩。則與傭工取直何異。且兆惠身為將軍。兩路俱應視同一體。何以於朱爾都斯一路。未經查奏耶。朕因朱爾都斯一路。辦理無緒。將成衮扎布撤回。舒赫德鄂實降革。豈大臣獲咎。官兵內遂無一二効力者。乃兆惠僅將隨伊行走之人奏叙。此何理耶。若輩現在亦隨兆惠進兵。如此將何以冀其出力。若謂兆惠

等一路功多。亦不過獲一巴雅爾耳。而疎脫阿睦爾撒納者。獨非伊等乎。至奏將存留之翎。賞給西通阿等三人。有何緊要。况留翎三枝。即有三人効力。安得如此湊巧。何見之小也。但業經具奏。姑如所請。其朱爾都斯路。有効力行走官兵。從前未經查出者。可一併查奏。著傳諭兆惠等知之。

諭定邊將軍兆惠等酌調索倫兵丁。

平定準噶爾方略正編卷之五

七

上諭軍機大臣曰。據雅爾哈善等奏。稱所調陝甘綠旗兵丁。計二月二十日以外。可至魯克察克。自魯克察克至瑪納斯。又需二十日。於三月初十左右。始至軍營。距兆惠進兵之期。已逾一月等語。前因兆惠屢次奏請增兵。又將伊所領索倫兵一千名。撥給雅爾哈善。故派綠旗兵一千名前往。近因雅爾哈善奏。伊現在所有索倫察哈爾及富紹等送

馬兵丁將及三百名。擬分派哨探策應及巡察牧

羣之用。朕慮此數尚不敷用。諭將一切差遣回程

索倫兵。留於魯克察克。合計可得若干。如有不足

再自兆惠軍營遣發。又諭順德訥阿里。派兵丁。俱

歸雅爾哈善之隊。亦將及一千。但未知此內有索

倫兵若干。若得六七百名。已足敷用。則兆惠所領

索倫兵。即無庸調遣。或已經起程。行走未遠。亦可

平定邊疆方略卷之五

入

調回。再綠旗兵。雖赴調稍遲。而隨後進發。亦足增

聲勢。可仍行遣往。若兆惠竟不需用。即存留屯種

亦可。著傳諭兆惠雅爾哈善。一面咨商辦理。一面

奏聞。

丁卯。

諭巴里坤辦事巡撫吳達善安插降人事宜。

上諭軍機大臣曰。據吳達善等奏遵旨將厄魯特哈

爾察海等。俟送到時。賞給產業。同綠旗兵食糧嗣

後。有似此者。查照辦理等語。昨因厄魯特勤殺之

後。餘衆無多。若概行誅戮。恐聞風驚懼。以致各處

藏匿。故將哈爾察海等。如此辦理。但此等降人。情

節不一。著傳諭吳達善等。嗣後有似此送到者。俱

著奏聞請旨。哈爾察海等。亦不必安插巴里坤。俱

發往安西。歸入綠旗兵內差遣。仍加意約束。勿致

平定邊疆方略卷之五

九

脫逃。再丑達自軍營送回巴里坤。駝隻倒斃甚多。

所存俱屬疲瘦。是全不盡心照管。吳達善何以並

不叅奏。著一併傳詢。

署安西提督西寧鎮總兵官劉順以辦理戈壁

井泉有功。

命交部議敘。

戊辰

大學士管陝甘總督黃廷桂疏奏酌辦軍需情形。

黃廷桂奏言。伏查調往巴里坤吐魯番屯田綠旗兵二千名。先後調赴魯克察克兵九千名。派提督馬得勝總兵五福副將達世朗福昌等帶領。自本年正月初十至二月二十日。先後出關。計三月初可至魯克察克。其征屯兵丁隨帶行

平定準噶爾方略正編卷之五

一

裝。并軍營咨取之器械。農具籽種。無一不需。輓運。臣再四籌酌。以軍需固關緊要。而轉瞬卽屆春耕。民食攸繫。雖經嚴飭各屬。曉示商民。出車應募。尚恐稍有遲悞。幸蒙我

皇上天恩浩蕩。各州縣借辦軍需。概免賠補。民間舊欠新徵。疊予蠲豁。是以輿情鼓舞。村堡小民。亦爭出車輛。晝夜飛輓。今各項軍需。均已全數出

關。各站供支草料。俱無缺乏。其屯田借動民間農具。俱從涼甘製辦給還。現在惟晉省解駝六千隻。及豫備正餘馬一萬七千匹。所需豆石。自可從容辦運。其撥運各屬平糶倉糧。尚可稍緩。此時二月初旬。正民間耕犁之際。臣卽飭知各屬。將民間牛車。悉令解散歸農。毋許胥吏扣留勒索。至豫備馬匹。現飭陝甘各營挑選。約於四月初間。可以全到肅州。再從容送赴巴里坤。奏入。

平定準噶爾方略正編卷之五

土

上諭軍機大臣曰。據黃廷桂奏稱軍需辦解將竣。請暫停可緩之糧運。以便農功。具見悉心調劑。其所稱豫備正餘馬一萬七千匹。四月初間。可抵肅州等語。著飭交各該員。加意飼秣。俟春深時。口外青草豐茂。陸續酌撥。送赴巴里坤一帶。分廠牧放。聽

分易於滋長。兼可省內地芻豆。且免五六月間經
行戈壁之勞。將來遇有調遣。自可就近趨赴。不患
長途疲乏。可傳諭知之。

恩賞追勦鄂木布所屬烏梁海効力得傷之台吉班
第等二十三員兵丁一百十八名。緞疋銀兩有
差。喀爾喀馬甲索諾木傷重難痊。加賞銀五十
兩。

平定邊疆方略卷之三

三

定邊將軍兆惠等資送造辦鎖子甲之厄魯特
奇齊克瑪木特多爾濟到京。

命歸入蒙古旗分。在武備院行走。於造辦處成造。

已已。

命賞定邊左副將軍成袞扎布銀一千兩。藍翎侍衛
圖沙布蘇魯克沁銀各三十兩。馳驛前赴北路
軍營。

庚午

諭副都統巴圖濟爾噶爾等防護解送馬匹。

上諭軍機大臣曰。據兆惠等奏現在軍營口糧不敷。
官兵以馬為食等語。看伊等如此情形。不獨進兵
遲滯。且將所送肥馬。盜作口糧。亦未可定。已飭諭
兆惠等嚴行查拏。稍有疎縱。定將伊等治罪。著傳
諭巴圖濟爾噶爾等送馬到軍營時。暫行不必分

平定邊疆方略卷之三

三

給官兵照常分廠牧放。俟兆惠等到伊犁等處。再
行分給。仍於途次嚴飭送馬官兵。加意查拏盜竊。
庶馬匹胥歸實用。以利軍行。

訓諭定邊將軍兆惠等酌量揀補索倫等處員缺。

上諭軍機大臣曰。據兆惠等奏稱索倫等處員缺。行
文該將軍於副都統鄂博什等保薦軍前一等人
員內揀補。其索倫副總管伊靈阿佐領三達保已

奏特旨補授二等侍衛。副總管佐領與二等侍衛俱係四品。可否令其兼管等語。伊靈阿等兼銜之處。著照所請行。至該旗所出員缺。俱於鄂博什等保薦軍前人員內選補。則非矣。從前索倫達呼里等缺出。該將軍等揀選未及軍前人員。故降旨亦令得與。然其間亦有新舊久暫之殊。若謂本處缺出。皆應以現在出兵人員補授。則從前在和通呼

平定準噶爾方略正編卷之五

古

爾哈淖爾額爾得尼招等處。出兵得傷。曾經効力之人。因年老現未從軍。轉致陞補無期。於情理殊未平允。朕於効力人員。酌量加恩。並非不計功次。概行拔擢。况索倫人等。本屬渾樸。若使知從軍卽當優敘。必且驕縱。妄生冀倖。卽如具呈保送。本伊等不知之事。今如此辦理。乃兆惠等欲沽美名。潛相引誘之所致耳。信如所奏。將來軍前人等。加恩

則効力不加恩。卽不効力。有是理乎。兆惠富德所見甚屬錯謬。俱著傳諭飭行。嗣後索倫等處員缺。照常於軍前及在家人員內。酌量揀選補授。

署定邊左副將軍納穆扎爾等。疏奏辦理烏梁海游牧。

納穆扎爾等奏言。據車木楚克扎布將已降復逃之鄂木布三得秦人等。分別查辦。內瑪勒占

平定準噶爾方略正編卷之五

五

五戶。起意惑眾。情罪可惡。卽將男子正法。婦女分給衆烏梁海等。其舒都特穆爾八戶。因患病人多。暫留被脅。尚可寬宥。合併從前移來得木齊扣克勒濟等。歸察達克管轄。其新降烏梁海等游牧地方。車木楚克扎布與察達克圖布慎等會同詳議。伊等舊烏梁海。及新降之博和勒等。俱在烏蘭古木種地。其游牧在吹阿勒和碩

努肯穆倫哈里袞布拉克科卜多河緯和爾淖

爾二扎克賽博羅布爾噶爾察罕烏蘇素和克

達爾奇圖等處聯絡居住再新降烏梁海宰桑

那木查爾於去年十二月病故屬實其所屬三

得秦應請令伊子阿喇善管轄又據舒都之子

訥默庫供稱逃入俄羅斯之鄂木布及伊三子

郭勒卓輝博博等父子俱於前年秋季出痘身

平定邊疆方略卷之五

去

死臣等將俄羅斯書信內有奈曼噶雜克之人

投入內地之語詢問據供並無聞見等語奏入

報

聞。

甲戌。

諭靖逆將軍雅爾哈善等留心防範差遣回人

上諭軍機大臣曰據雅爾哈善奏稱去年隨成袞扎

布行走之庫車回人伯克鄂對等願往軍前効力

俟取庫車烏什阿克蘇等處後酌量差遣或令其

看守城池等語伯克鄂對等係何處頭目因何投

順伊等本處更有何人其妻子現在何處著傳諭

雅爾哈善查明奏聞再回人性情雖不同厄魯特

而近年與厄魯特雜處不免漸染習氣未可深信

取庫車等城後伯克鄂對等亦不當專令看守仍

平定邊疆方略卷之五

七

聽玉素富節制再留我領隊大臣一員彈壓始為

周密否則恐似厄魯特等於大兵前進之後乘間

復行變亂亦未可定著雅爾哈善會同額敏和卓

留意辦理不可稍有疎忽

定邊右副將軍策布登扎布疏奏起程日期

策布登扎布奏言臣於正月初八日至巴里坤

因所派官兵馬駝不敷酌留官兵三十餘名令

侍衛寧古禮續進。臣於十七日起程前往軍營。因額林哈畢爾噶雪大。由吐魯番路行走。從前奏請隨帶之協理台吉旺楚克在巴里坤患病。遣回游牧。又協理台吉齊旺扎卜於游牧患病。據桑寨多爾濟派出本旗協理台吉恭格前來。臣即帶往軍營。奏入報聞。

平定準噶爾方略正編卷之五十一
六

乙亥。

命御前侍衛侍郎副都統三泰驗看阿逆身尸。上諭軍機大臣曰。據桑寨多爾濟奏稱林丕勒多爾濟派往俄羅斯驗看阿睦爾撒納身尸。中途病故。已派親王齊巴克雅喇木丕勒等前往等語。著傳諭三泰齊巴克雅喇木丕勒雖經驗看。仍須親信大員前往方知是否確實。三泰即遵朕旨前往詳

悉驗看。又

諭曰。林丕勒多爾濟前在軍前効力。加恩封為公爵。今奉差中途病故。深可憫惻。其公爵著加恩於伊子內。揀選一人承襲。仍賞銀二百兩。經理喪事。喀爾喀郡王品級旺布多爾濟公品級三濟扎卜俱効力軍營。遣回游牧身故。旺布多爾濟之郡王品級。以長子車德卜承襲。三濟扎卜之公品級。以長子三都卜多爾濟承襲。厄魯特克勒特總管根達什。副總管莽蘇爾侍衛吹木丕勒等至京。命賞根達什銀五十兩。緞四端。莽蘇爾銀四十兩。緞三端。吹木丕勒銀二十兩。緞二端。其眷屬人等一併於察哈爾旗分安插。署定邊左副將軍納穆扎爾疏奏定議烏梁海

平定準噶爾方略正編卷之五十一
九

爵祿貢賦等事宜。

納穆扎爾奏言查烏梁海等仰沐

聖主仁化全部輸誠此內舊日歸順之察達克圖布

慎車根赤倫哈克圖莽噶拉克洪和等七人俱

奉

旨授為內大臣散秩大臣副都統三品總管有差其

新歸順之博和勒那木查爾特勒伯克扎爾納

平定邊疆聖諭卷五十一

辛

克等亦俱授為三品總管但伊等所屬鄂拓克

內每得秦俱有得木齊收楞額等辦理事務若

准給伊等項帶更足彈壓屬人昨奉

旨將阿勒坦淖爾之得木齊等俱賞給佐領職銜其

察達克圖布慎赤倫車根哈克圖莽噶拉克洪

和博和勒那木查爾之得木齊收楞額特勒伯

克扎爾納克之收楞額等應請

旨將得木齊等授為佐領收楞額等授為驍騎校給

與項帶至

恩旨賞給察達克及諸總管等俸祿例應赴京關領

但烏梁海游牧甚遠往返艱難且伊等多未出

痘據車木楚克扎布請於伊等赴京領俸之便

將察達克等俸祿代為領出至烏里雅蘇台傳

集分給似屬妥便再臣等將新舊烏梁海等頭

平定邊疆聖諭卷五十一

壬

目詳詢車木楚克扎布據稱輝齊齊年老人亦

平常伊現管得秦人眾原係莽噶拉克之父所

屬請仍歸莽噶拉克管轄其察達克圖布慎車

根赤倫哈克圖莽噶拉克洪和等屬人內有一

百二十三戶並無牲畜且俱係老幼殘廢人等

又有二百二十六戶雖無牲畜然年齒尚壯俟

二三年後生計較裕再令納貢現在堪以納貢

者共七百十九戶。每戶令納貂皮二張。計每年應納貂皮一千四百三十八張。新歸順之博和勒那木查爾特楞古特鄂木布共九得秦三百九十二戶。堪以納貢者一百九十二戶。阿勒坦淖爾總管特勒伯克扎爾納克等共四得秦一百七十五戶。堪以納貢者一百二十二戶。應俱照察達克等之例一體完納。其交收之例。察達

平定準噶爾方略正編卷之五

三

克博和勒等九總管內。應請輪派得木齊一人。送至烏里雅蘇台。阿勒坦淖爾之特勒伯克扎爾納克等四得秦人等。較察達克游牧更遠。應請於兩總管四佐領內。輪派得木齊一人交納。其監收大員。於策布登扎布車木楚克扎布二人內。輪值一人。會同將軍大臣等辦理。所有恩賞輟布。卽於交收時給發。又據車木楚克扎布告

稱奉

旨管理烏梁海事務。一應催科詞訟。必須諳練之員。副都統莫尼扎卜。深悉烏梁海情形。可否令其協辦事務。豫備差委。俱恭候

訓示遵行。奏入。

上從之。

丙子。

平定準噶爾方略正編卷之五

三

訓諭副都統濟福等。毋庸調集青海兵丁。上諭軍機大臣曰。濟福等奏稱前至烏蘭和碩。值索諾木丹津。巡查卡倫未回。因與貝子那木查爾策凌商議。卽飭傳派兵丁一千名。齊集扎噶蘇台等語。前諭酌量派兵。不過豫備賊人闖入。並非卽應起行者。今當春令。牲隻疲瘦之際。將兵馬指定處所。齊集一處。不得覓廠收放。勢必愈加疲瘦。且亦

苦累蒙古人等。此皆濟福等未悉朕旨。辦理錯謬所致。著傳諭濟福等奉到此旨。毋庸傳集兵丁。卽令在各游牧預備。量給扎拉豐阿那木查爾兵丁。前往偵探。如無賊人踪跡。則此兵卽可不用。并傳諭索諾木丹津那木查爾策凌知之。

授厄魯特宰桑三都克爲散秩大臣。

上諭軍機大臣曰。厄魯特宰桑三都克隨軍營將軍

平定靈蒙野驛編卷之五

五

大臣等。頗能効力行走。著加恩授爲散秩大臣。賞給京城官房一所。令其居住。近同根達什等送到人內。有三都克所聘妻室。卽令完聚。其存留巴里坤家口什物。著行文辦事大臣。遇便送京給還。

丁丑。

定邊將軍兆惠等疏奏辦理起程事宜。

兆惠等奏言。臣等節次奉到

訓旨。敢不益加奮勉。俟馬匹口糧軍器一到。卽速起

程。今副將哈尚德從巴里坤送羊二萬五千隻。

計倒斃一萬五千六百有奇。所存九千三百餘

隻。合之將來運到米麵二千五百石。以現兵四

千五百名計之。僅足四五十日之食。若坐候全

到。則更爲徒費。臣等酌議。惟俟軍器到日。卽可

起程。擬於二月初十日內外進兵。行文巴里坤

平定靈蒙野驛編卷之五

五

大臣。速爲運送。至續派綠旗兵一千名。雖足壯

聲勢。但巴里坤解送之馬。已分給魯克察克軍

營二千匹。旣不敷派給。又多費口糧。應請停其

遣發。又臣等准雅爾哈善咨調領隊大臣一二

員。巴圖魯侍衛一員。查魯克察克兵丁內。察哈

爾最多。隨派總管端濟布。三等侍衛諾爾本前

往。奏入。

上諭軍機大臣曰。兆惠等奏擬於二月初十日內外
進兵。不待口糧全到。所見尚是。沙喇孽勒賊眾烏
合易離。力亦窮乏。現兵四千五百名。足敷辦理。綠
旗兵一千名。自可停其遣發。著傳諭巴里坤大臣。
將軍器口糧。速為運送。至兆惠等進兵。雖中途無
賊人游牧。若到沙喇孽勒。即可收其牲隻。宜加樽
節。以濟軍食。計此時馬匹軍器口糧。自當陸續送

平定準噶爾方略正編卷之五十一

庚

到。可作速奏聞。即傳諭兆惠雅爾哈善等知之。又
諭曰。解送軍營羊隻。乃官兵口食所需。關係緊要。領
解官員。理應小心。分起運送。不致傷損倒斃。今哈
尚德自巴里坤送羊二萬五千隻。沿途即遇霜雪。
何至傷損過半。是全不以軍食為念。哈尚德不必
候阿里衮查叅。著即革職枷號。著落照數賠補。至
哈尚德呈稱。原領羊隻。多係瘦乏。兼有生癩者。此

語未必屬實。果爾何以哈尚德並不計及。能否到
去。竟冒昧領受耶。但看其倒斃如許。或巴里坤大
臣交付時。聊以充數。亦未可定。若果如此。則亦難
辭咎。自應分賠。著傳諭黃廷桂及巴里坤大臣。將
前項羊隻。係何處辦運。相距程途若干。曾否休息。
於何日送至巴里坤。如何交哈尚德。實在有無瘦
乏生癩。彼此詳悉查奏。如含糊奏覆。朕另派大員
查出。責有攸歸。嗣後辦送軍營羊隻。若當需用之
時。始行趨赴。既一時不能即到。一遇寒暑。勢必多
有傷損。應如何早為辦送。或在吐魯番牧放。備用。
期於軍食無悞。著黃廷桂悉心定議辦理。

平定準噶爾方略正編卷之五十一

壬

癸未。
訓諭戶部侍郎阿里衮明白回奏追賊情形。
上諭軍機大臣曰。閱阿里衮所奏。伊等已至呼爾塔

克山有賊人舊游牧踪跡。搜查無獲。今額敏和卓

遵旨回游牧休息。於正月二十七日起程。伊仍至

羅卜淖爾搜查剿殺。即回巴里坤辦事等語。前據

伊等奏稱追剿沙喇斯瑪呼斯等賊。向呼爾塔克

山前往。嗣據額敏和卓之子素賚瑞報稱阿里袞

等已回。距吐魯番五百里。候剿殺藏匿之嗎哈沁

等。即可撤兵。朕因與伊等原奏不符。暫行存記。今

平定回疆方略卷五十五

天

所奏殊屬含混。伊等如果因馬匹口糧不足。不妨

奏明撤回。何必復稱前進。乃既稱向前追剿。俟辦

畢始回。而究未得賊人踪跡。不過於中途遷延行

走。即謂為追襲。巧辭飾說可乎。額敏和卓係回人。

不足深責。阿里袞何為者。若朕未諭撤兵。則伊等

將如何辦理。計此時阿里袞亦將抵巴里坤。著傳

諭令其明白回奏。

諭靖逆將軍雅爾哈善等進剿回部事宜。

上諭軍機大臣曰。據雅爾哈善等議奏辦理回部事

務。俱協機宜。看來成功尚易。但用兵關係緊要。仍

當慎之又慎。於其易者難之。則事成更速。且示得

安定矣。今兆惠等進剿沙喇孽勒賊眾。已諭令竣

事後。取道夾攻回部。即剿賊需時。亦必派兵堵截。

然雅爾哈善係專辦回部。當與額敏和卓悉心計

平定回疆方略卷五十五

天

議。至所奏伯克鄂對等三人。俱係回人。頭目懇請

効力軍前。甚屬可嘉。著加恩授伯克鄂對為散秩

大臣。賞伯克色梯巴勒氏伯克噶岱默特三品頂

帶。俱著戴孔雀翎。仍傳諭伊等。若能招降各城回

人。即照舊令其管轄所屬。仍加恩封賞。又

諭曰。阿里袞等帶往軍前之右衛前鋒索諾木扎卜。

曾為厄魯特喇嘛等遣往回部。熟悉伊地情形。因

照額敏和卓所言繪圖令其訂正。奏呈朕覽。著將此圖發與雅爾哈善等閱看。如進兵時。有應行查勘者。卽相機辦理。索諾木扎卜仍著爲前鋒。在雅爾哈善隊內奮勉行走。又阿里袞等前至布某地方。搜獲回人巴雅爾等。據供係庫爾勒伯克托克托之屬人等語。雅爾哈善等進兵至庫爾勒。彼處人等若輸誠歸附。卽諭以仍令伯克托克托管轄。此時且隨軍効力。伊等既有名稱。前至葉爾羌喀什噶爾等處。招降所識人等。自屬有益。其他收服回人頭目。亦可照此辦理。再義州馬甲巴爾泰去年從回部脫出。頗知彼處路徑。亦著在前鋒効力。其從前由準噶爾脫出。安插安西之旗人內。有識回地路徑。情願効力者。俱行遣往。果能奮勉。將來仍令伊等來京。歸入本旗。俱著傳諭雅爾哈善等

平定準噶爾方略正編卷之三

三

知之。又

諭吐魯番貝勒品級額敏和卓曰。爾同將軍議奏進勦霍集占等情形。看來成事頗易。朕甚嘉悅。昨賜爾貝勒品級。貝勒分內。有應置長史護衛司儀等官員。卽於爾屬人內選補。俾得受朕恩。爾使令亦可得力。其職銜品級。已據該部開列。卽遵照補授。諭定邊將軍兆惠等。協勦回部事宜。

平定準噶爾方略正編卷之三

三

上諭軍機大臣曰。據額敏和卓奏稱。自沙喇壁勒前。往回部。由巴達勒可至喀什噶爾。由穆素爾嶺可至阿克蘇。兩路俱險僻難行。另有間道。選派熟識數人。前赴兆惠處。可作嚮導等語。額敏和卓所派之人。俱可信用。著傳諭兆惠等。務加意看待。再兆惠前往沙喇壁勒。在魯克察克進兵之先。如勦賊事竣。尚可趨赴。夾攻回部。萬一逾時不及。卽前額

敏和卓所派之人。於應行堵截之路。派兵防守。倘
回首窮蹙竄逸。自可弋獲。又據阿里衮將額敏和
卓向前鋒索諾木扎卜所繪回部地圖具奏。朕看
圖內。有自沙喇肇勒通喀什噶爾葉爾羌之路。著
發與兆惠等閱看。

平定準噶爾方略正編卷之五十一

三

平定準噶爾方略正編卷之五十一
乾隆二十三年二月甲申。

副都統順德訥等疏奏擒獲庫魯特宰桑摩羅
等。

順德訥等奏言。臣等帶領官兵。從察罕嶺向烏
隆古哈卜塔克拜塔克前來。十二月十八日。據
哨探伊薩穆等報稱。和博克河有十餘騎踪跡。

平定準噶爾方略正編卷之五十一

一

臣等即令公額爾克沙喇因濟爾巴圖魯瑤粹
爾圖委署營總阿達木保委署叅領額林沁等。
追至賽爾山。賊人放鎗迎敵。次日。我兵奮勇衝
入。前隊察哈爾那木扎卜索倫蘇勒鼐俱被鎗
傷。我兵將賊人十餘戶。盡行剿殺。餘二賊亦帶
重傷。詢係布庫努特得木齊庫本之屬人。庫本
亦被剿殺。因將伊妻查出詢問。據供宰桑吞圖

布被殺後。伊等往投巴圖爾烏巴什。不肯收納。遂逃至此地。打牲度日等語。正月初一日。在烏隆古擒獲厄魯特巴圖。詢知奇薩勒比斯。淖爾相近之博洛爾托輝。右哈薩克錫喇之得木齊。達什扎卜等藏匿。其水多魚。結寨住守。臣努三同瑞綽爾圖藍翎侍衛薩爾哈圖莽喀察等前往。初三日。遇賊人十餘戶。即行剿殺。初四日。探有賊人二十餘戶踪跡。令厄魯特察罕庫本班第等聲言收服。有根敦扎卜等投出。詢知達什扎卜等約八十餘戶。因令為前導。夜行達曉。始到其地。樹林深密。壘堅固。不易攻取。令察罕庫本等前往收服。達什扎卜向一喇嘛出見後。餘人俱出。收其烏鎗。將丁壯二百餘。剿殺。詢問達什扎卜。知多倫和濟格爾。有得木齊托拜居

平定準噶爾方略正編卷之五

二

住。又拜塔克有庫魯特宰桑摩羅等居住。常向巴里坤盜取馬匹。十一日。臣等至西巴克鄂博。令佐領阿爾噶勒沁等於多倫和濟格爾等處。分兵搜緝。見賊人百餘。俱行剿殺。托拜被傷擒獲。詢係哈薩克錫喇所屬。因年老傷重。即行正法。二月初一日。至拜塔克附近之烏塔莫和爾。探知摩羅等在拜塔克。臣努三於山峪防守。臣順德訥向額爾克沙喇瑞綽爾圖等。令藍翎侍衛薩爾哈圖營總金濟噶爾等哨探。據報賊人已將馬駝裝束欲逃。臣等急往攻擊。摩羅等散走山谷。我兵分路截擊。摩羅窮蹙。放鎗拒戰。阿爾噶勒沁等步行登山。射傷摩羅兩脛。始被擒獲。詢問摩羅。據供。前年冬。因在巴里坤被剿。帶領男婦四十餘人。於北山盜馬一百二十餘匹。

平定準噶爾方略正編卷之五

三

逃出去年五月。又往巴里坤盜馬百餘匹。今年

二月間。扎哈沁莫岱等從巴里坤盜馬一百餘

匹。來拜塔克附近居住。摩羅等遂與相合。今欲

移往喀喇薩爾奇。打牲度日等語。臣等將摩羅

達什扎卜。喇嘛羅林格隆等帶至巴里坤。應否

送京請

旨遵行。計二月十八九等日。可至巴里坤。其剿賊官

五定羅漢等奏至

四

兵列為三等。及陣亡得傷人等。造冊送部。至出

衆効力之官兵十三人。謹另繕名單功次。可否

特沛

恩旨。以示鼓勵。奏入。

上諭軍機大臣曰。順德訥等。自哈薩克邊界撤兵。途

中搜查逸賊。盡行剿殺。復將哈薩克錫喇之黨摩

羅達什扎卜等生擒。實屬可嘉。著加恩將順德訥

交部議敘。賞給世職。努三。授護軍統領。額爾克沙

喇封為貝子。其奮勉効力之侍衛等。按本身等級。

以次陞授。防禦授為佐領。佐領授為副總管。遇缺

卽補。委署防禦驍騎校護軍校。俱令實授。虛銜孔

雀翎授三等侍衛。虛銜藍翎准其實授。藍翎侍衛。

餘著造冊送部議敘。其陣亡人等。係虛銜孔雀翎。

藍翎俱照三等侍衛。藍翎侍衛職銜。委署防禦驍

五定羅漢等奏至

五

騎校護軍校俱照所署職銜。送部議卹。永著為例。

再厄魯特察罕庫本班第二人。著順德訥查明。若

未經授職。俱授為三等侍衛。已經授職。亦以次遞

陞。順德訥仍遵前旨。到巴里坤後。稍為休息。再隨

雅爾哈善奮勉前進。又

諭曰。從前兆惠等撤兵過冬。並未奏及沿途剿殺嗎

哈沁等。似伊等所行之路。全無一人。今順德訥既

將摩羅達什扎卜擒獲。復勦殺賊人如許。富德回
兵時亦然。看來逃匿賊人。正自不少。兆惠特未留
心搜捕耳。事屬既往。朕不復追究。著傳諭兆惠此
次進剿沙喇學勒賊衆。斷不可仍似從前疎略。務
宜盡絕根株。卽有藏匿賊人。聞信遠移者。必隨其
所向。縱橫追襲。勿謂已經解散。遂生玩忽。順德訥
奏摺併抄發。又

平定準噶爾方略正編

六

諭曰。順德訥等審訊擒獲厄魯特宰桑摩羅等。據供
三次至巴里坤盜馬三百餘匹等語。駐劄辦事大
臣竟未見一次具奏。卽所屬未經呈報。伊等漫無
覺察。所司何事。且安知非被盜隱匿。入於倒斃數
內。混行報銷者。著傳諭吳達善等將此二年內。巴
里坤馬匹共被盜幾次。實數若干。係何月日。何人
牧放。或屬人未報。或伊等未奏之處。務查明據實

奏聞。亦諭黃廷桂。一併查奏。其摩羅達什扎卜等
解至巴里坤時。吳達善等卽遣委官兵。速解來京。
命賑卹喀爾喀圖謝圖汗部落齊巴克雅喇木丕勒
六旗人等。

平定準噶爾方略正編

七

上諭軍機大臣曰。據桑寨多爾濟奏稱親王齊巴克
雅喇木丕勒公孟固貢楚克齊旺多爾濟扎薩克
固魯扎卜貢楚克車林等六旗蒙古人等。被災較
重。生計艱窘。朕心深爲憫惻。著派都統多爾濟帶
銀一萬兩。前赴圖謝圖汗部落散賑。以示體卹。又
諭曰。桑寨多爾濟奏親王齊巴克雅喇木丕勒六旗
人等被災。已降旨賑卹。至所奏停止派差之處。從
前喀爾喀內。一應差役。朕已加恩改爲官辦。不知
此外有何派累。著傳諭成衮扎布查明。若尚有差
役。將此六旗暫行停止。至所奏請將查拏賊盜之

協理台吉達瑪林扎卜。宰桑達什扎勒賞給孔雀

翎。伊等查拏本地賊盜。係其職掌。非軍前効力可

比。姑照所請賞給。若因已經賞翎。不加奮勉。著卽

行具奏。又據奏請令三都卜多爾濟協辦事務。近

經將軍成袞扎布奏令三都卜多爾濟協助桑

寨多爾濟辦事。朕已准行。未知卽此人否。若非其

人。則仍用成袞扎布所奏。但向西路軍管調取。尙

平定縣署署鑒至

八

需時日。親王齊巴克雅喇木丕勒。請練事務。卽著

派伊協辦。

命駐劄西寧辦事副都統德爾素來京。以副都統濟

福辦理青海事務。

軍管効力之厄魯特雅賽瑪木特。及克勒特等

十八人。由巴里坤送京。

命查其家口之已賞官兵者。給還安插。

乙酉。

定邊將軍兆惠等疏奏進兵日期。

兆惠等奏言。臣等奉到正月十三日

諭旨。以從前酌定正月進兵。今已初旬。尙未奏及。致

厪

聖懷。臣兆惠臣富德等蒙

恩教育。趨奉內廷。伏觀我

平定縣署署鑒至

九

皇上勅幾圖政。宵旰勤劬。至軍管奏報。雖當深夜。猶

於門隙傳

進。元旦仍辦理軍務。凡軍前臣僕微勞。無一不蒙

軫念。臣等常以曉示索倫蒙古官兵等。俱不勝感激。

今巴圖爾烏巴什出痘身死。係哈薩克人等傳

說。哈薩克錫喇等亦前往沙喇擊勒。不過互相

掠奪。臣等雖將瑪納斯附近之嗎哈沁等搜剿。

聞。

尚未得逃匿各賊消息。臣富德於進兵時。在前隊哨探。捉生詢問。卽速具奏。現在都司富勒渾蘇勒達三等侍衛訥克布藍翎侍衛愛普薩等。由巴里坤將頭撥軍器口糧。於二月初五日。運至軍營無悞。其駝隻一千八百有奇。惟倒斃一百餘隻。又據巴圖濟爾噶爾報稱護送馬匹。於二月初八九可到。臣等將軍器酌量分給兵丁。每人給馬二匹。稍有不敷。通融辦理。策布登扎布於正月十六日。從巴里坤起程。早晚可至。臣等擇吉。於二月初九日起程。在途次會合。至從前係臣富德管理臺站。今在前隊行走。其尾隨大兵。安設臺站。派巴圖魯侍衛瑪瑞管理。奏入報

平定準噶爾方略正編

十

命議敘都司富勒渾等。

上諭軍機大臣曰。兆惠等奏都司富勒渾蘇勒達三等侍衛訥克布藍翎侍衛愛普薩自巴里坤運送軍器口糧無悞。且愛惜駝隻。不甚傷損等語。著將富勒渾等及効力兵丁。造冊送部。照例議敘。申諭叅贊大臣。永貴等安設臺站事宜。上諭軍機大臣曰。前因軍營臺站。關係緊要。已有旨令永貴等加意安設。今兆惠等現在起程進兵。臺站馬匹。務宜肥壯。方不悞馳送事件。著傳諭永貴定長自巴里坤至軍營臺站馬匹。如有疲瘦者。酌量更換。或自巴里坤派發馬匹前往。俱安議辦理。並諭黃廷桂。吳達善等。四川解來馬匹。此時料已牧養足用。卽揀送巴里坤。以備接濟。俟永貴等各調時。速爲應付。

平定準噶爾方略正編

十一

以驗看逆賊阿睦爾撒納身尸確實。

宣諭中外。

上諭大學士曰。前據桑寨多爾濟奏俄羅斯畢爾噶底爾等報知逆賊阿睦爾撒納身死。須作速遣人往驗。當諭速派認識逆賊之人前往。今據覆奏。與親王齊巴克雅喇木丕勒會同哈畢坦等。詳驗阿逆身尸。肌肉尚完。並未朽壞。且面貌宛然。但據伊等告稱薩納特衙門。尚未有交付帶回之信。是以不敢輕與等語。據此。則阿睦爾撒納之死。益屬確實無疑。朕前經降旨。令將阿睦爾撒納尸骸解送京師。特以逆賊情罪重大。雖已自斃。亦應懸之藁街。以昭顯戮耳。但其罪惡貫盈。已伏

天誅。現今遣往之人。會同詳驗確實。毫無可疑。則俄羅斯將阿睦爾撒納之尸。解送與否。均可不必深論。

平定回疆方略卷三十一

三

著將所奏識認阿睦爾撒納尸骸確實緣由。傳諭中外知之。

臣等謹案阿逆逃入俄羅斯。見聞既確。我皇上睿斷獨操。謂孰言索取。亦惟乘機酌理。物來順應。不以一逆孽而更欲窮兵。然

德威昭播。遠服畏懷。哈薩克以曾匿逋逃之故。怵我兵臨。率屬面內。傳檄所至。固已不勞而定。俄

羅斯雖飾詞隱譎。未嘗敢有抗違。前此詭稱溺斃。早蒙

洞燭其奸。即不敢復萌欺妄。迨逆賊既伏冥誅。更懼徒乖恭順。且惟恐不能取信。亟請驗尸為確據。於情事尤無可疑。蓋處置得宜。誠有不怒而威於鈇鉞者。乃

聖諭則謂斷不恃我國威。誅求過當。况彼既護腊逆

平定回疆方略卷三十一

三

尸再經扣驗。則棄之窮荒。以聽蟲沙之自化。

固無異於費鼓懸街。置而不論。益欽

聖主知明處當之權衡矣。蓋我

皇上討逆殺遐。默運成算。故兇渠未靖。則力屏姑息

苟且之言。及操縱在我。則不為索垢求瑕之

舉。行乎其所當行。止乎其所當止。順

天而動。悉合機宜。洵足為萬世法也。

平定準噶爾方略正編卷之十四

十四

命副都統福祿往代阿蘭泰。辦理烏里雅蘇台事務。

上諭軍機大臣曰。副都統職銜阿蘭泰効力軍前。有

年。辦事雖未妥協。尚無貽誤軍機之處。著授為鑲

黃旗漢軍副都統。來京供職。副都統福祿著授為

叅贊大臣。前往烏里雅蘇台。協同成衮扎布辦事。

恩免原任將軍策楞等家屬治罪。

上諭軍機大臣曰。從前將策楞永常舒赫德玉保等

家屬治罪。持以用兵。伊始而伊等貽誤軍機。因緣

坐示懲。今逆賊阿睦爾撒納已死。軍務將次告竣。

著將策楞永常舒赫德玉保等于嗣。俱加恩免罪。

充發者召回。監禁者釋放。玉保妻女。前入辛者庫。

亦一併寬免。令歸本旗。

三月丁亥朔。

訓諭定邊將軍兆惠等查辦送馬情節。

平定準噶爾方略正編卷之十五

十五

上諭軍機大臣曰。據兆惠奏稱。巴圖濟爾噶爾等送

到馬匹。派給官兵。計現兵三千六百餘名。富德領

兵五百為前隊哨探。餘兵分半令策布登扎布哈

寧阿帶領續進。伊與巴祿在後進發等語。所辦尚

屬妥協。但巴圖濟爾噶爾所奏郭木尼勒圖將伊

隊內馬匹隱匿情節。已命兆惠秉公審訊。即未奉

到諭旨。此時巴圖濟爾噶爾豈竟無一語。兆惠等

亦豈未風聞巴圖濟爾噶爾係一不識字之厄魯

特若非情事迫切且因伊隊內送馬官員等慮賄

累處分又豈肯代為繕摺兆惠等乃總未奏及顯

係顛預息事何以服人之心從前數次進兵雖厄

魯特等頑梗難化反覆難信亦由此等徇私曲庇

不能感服之所致朕每為追歎行軍之道當以感

服人心為要兆惠等知此務將此事始末毫無偏

平定邊疆暨察哈爾

七

袒詳悉審擬具奏巴圖濟爾噶爾看來頗質實

兆惠等若能服其心尚可以得其力著傳諭知之

又

諭曰昨諭哈寧阿在雅爾哈善隊內行走今既同策

布登扎布進兵著傳諭雅爾哈善即派兵數百名

委順德訥為前隊無庸更調哈寧阿前往

命原任布政使著內閣侍讀學士溫福遇缺即補隨

定邊將軍印辦事

戊子

命厄魯特散秩大臣三都克在上駟院行走賞銀一

百兩

己丑

命安插厄魯特沙喇巴圖爾等於察哈爾

上諭軍機大臣曰前因厄魯特巴雅爾等八人隨端

平定邊疆暨察哈爾

七

濟布効力行走令從巴里坤咨送來京今巴雅爾

諾爾布曼集於中途病故其沙喇巴圖爾穆呼賴

和通托林特古斯俱授為護軍在察哈爾旗分安

插居住

庚寅

諭定邊左副將軍成衮扎布等嚴禁喀爾喀四部落

賊盜

上諭軍機大臣曰。據吳達善奏稱喀爾喀賽音諾顏
部落之策凌與同旗得秦鎗斃卡倫綠旗兵張存
義談成選尤雲啟三人。奪其駝隻軍器。車零旋被
拏獲。俟緝獲得秦質審正法等語。從前準噶爾猖
獗時。喀爾喀蒙古等畏懼。無敢越境盜竊者。今剿
滅厄魯特。以安喀爾喀。於巴里坤轉運糧馬。分臺
設哨。而車零等乃敢戕害兵丁。轉若厄魯特既平。

平定準噶爾方略正編卷之五

十一

更可向內地為盜。受恩蒙古舊僕中。有此敗類。情
甚可惡。但將伊等正法。不足蔽辜。著查明所有家
口產業。分給被害三人家。仍傳諭成衮扎布等
通行曉示四部落扎薩克等。務宜約束所屬。毋得
越界為盜。致干國憲。

辛卯。

靖逆將軍雅爾哈善等疏奏招撫回部事宜。

雅爾哈善等奏言。臣等欽遵

聖訓。體察回部情形。相機籌辦。伏思額敏和卓乃回
部素有名望。聞烏什城頭目伯克霍集斯兄弟
子姪。分居四城。其勢與兩和卓木相等。亦相聽
信。若額敏和卓。擇親信之人。設間於伯克霍集
斯。以離其黨。或能擒送逆酋。一面進兵安撫。成
功尤速。商之額敏和卓亦以為然。現在吐魯番

平定準噶爾方略正編卷之五

十九

有伯克霍集斯舊屬五六戶。擬選擇數人帶往。
俟取庫車後。相機差遣。至圖爾瑪與吐魯番同
異。詢據額敏和卓云。伯克霍集斯之父阿斯呼
濟原係吐魯番頭目。康熙年間。大兵入吐魯番。
我兩兄以魯克察克城歸附。阿斯呼濟。逃入準
噶爾。及大兵撤回。策妄阿喇布坦送回阿斯呼
濟。將我兩兄戕害。遷吐魯番魯克察克回眾。於

哈喇沙爾。又遷往烏什。故仍稱烏什城為圓爾
璦。即係吐魯番等語。再現在軍營索倫兵。合計
可得四百五十名。臣等行文兆惠派發索倫兵
五百名前來。以符一千名之數。奏入。

上諭軍機大臣曰。據雅爾哈善奏招撫伯克霍集斯
等事。頗合機宜。但額敏和卓既為叅贊大臣。即應
列名同奏。勿存分別之見。至行文兆惠調發索倫
兵丁。現在遣送兆惠軍營之綠旗兵一千名。因慮
難及師期。已停其前往。是兵丁本屬無多。且兆惠
之機宜在剿。雅爾哈善之機宜在撫。兩路所用索
倫兵。自當權其多寡。亦不必調往雅爾哈善軍營。
可傳諭兆惠雅爾哈善等。若所調索倫兵。起程未
遠。兆惠仍即追回。此旨著速行飛遞。

命肅州總兵官閆相師同丑達五福等帶領綠旗兵

平定邊疆聖鑒事

三

丁。在雅爾哈善軍營効力。
壬辰。

命更代科卜多軍營辦事大員等。

上諭軍機大臣曰。舒明在科卜多軍營。已閱數載。著
即來京。正紅旗蒙古副都統濟福駐劄西寧。其員
缺著扎隆阿補授。在科卜多辦事。其正紅旗蒙古
副都統。著德爾素署理。正白旗蒙古副都統順德
訥現在軍營。其員缺著舒明署理。

平定邊疆聖鑒事

三

諭駐劄西寧副都統濟福等酌辦堵截賊衆事宜。

上諭軍機大臣曰。昨據喀爾喀親王桑寨多爾濟奏
報逆賊阿睦爾撒納逃入俄羅斯。出痘身死。已命
齊巴克雅喇木丕勒往驗屬實。是大功將次告成。
雖尚有嗎哈沁等賊。此次進剿。即可掃除。著傳諭
濟福等向青海蒙古。通行曉示。前命扎拉豐阿等

於青海豫備堵截賊衆。看來卽有遁逃。必非大隊。若扎拉豐阿等派兵備剿。少涉張皇。則蒙古等未免驚懼。可酌量情形。如全無踪跡。卽當回京。現在辦理情形若何。作速具奏。

甲午。

大學士管陝甘總督黃廷桂疏奏籌辦哈薩克貿易事宜。

平定準噶爾方略正編

三

黃廷桂奏言。伏查哈薩克於本年七月在烏魯木齊等處交易。臣一切豫爲籌辦。其緞布等項。俱經運赴巴里坤收貯。今侍衛努三於二月二十九日抵肅。臣詳悉詢問。據稱哈薩克各部人皆散處。凡有調遣會集之事。俱各隨所願。貿易人數多寡。不能豫定。內地茶葉。非其所好。不必備往。卽粧蟒緞疋等件。亦宜酌量配搭。不可過

多。惟各色絨褐。氈毯印花布等物。是其所需。購運亦易。伊地婦女皆以白布纏頭。似宜多備等語。臣查烏魯木齊道途遙遠。不便臨時備辦。絨褐等件。係西安蘭州等處出產。臣擬分飭各藩司。將此數項。酌量購辦。先期運赴巴里坤收貯。倘哈薩克人數無多。布褐皆官兵常用之物。卽於彼處散給。扣餉歸款。再努三於三十日起程赴京。奏入。報

平定準噶爾方略正編

三

聞。

丁酉。

命佐領職銜郎中三寶經理達什達瓦游牧。上諭軍機大臣曰。富森現在病故。達什達瓦游牧。著三寶前往經理。其糧餉事務。著富勒赫僧保住辦理。

戊戌。

扎哈沁公扎木禪懇請入

覲。

命於本年七月初赴木蘭圍場。

己亥。

諭定邊將軍兆惠等堵剿沙喇孽勒等處賊衆。

上諭軍機大臣曰。去年命和碩齊等護送哈薩克使

平定回疆方略卷五十一

五

臣於歸途之便。在額爾齊斯相近之輝邁拉呼布

空郭勒等處駐兵。凡從沙喇孽勒竄逸及逃往俄

羅斯賊衆。相機堵剿。今兆惠等進剿。賊衆必聞風

奔潰。或向俄羅斯。或往額爾齊斯阿爾台竄逸。俱

未可定。兆惠等一聞信息。當遣發輕騎。知會和碩

齊等。令其協同堵剿。但不可因額爾齊斯等處。已

有和碩齊等堵截。遂將應行防範路徑。轉多疎忽。

致賊衆得以脫逃。至伊等進兵月餘。此時現到何

處。曾過伊犁否。賊衆情形若何。作速奏聞。

諭定邊左副將軍成袞扎布等酌議撤回索倫兵丁

事宜。

上諭軍機大臣曰。前因擒拏阿睦爾撒納勦捕逃竄

賊衆。派索倫察哈爾等兵丁。在烏里雅蘇台等處

駐劄。今阿逆既伏冥誅。阿爾台以往。地方寧謐。烏

平定回疆方略卷五十一

五

里雅蘇台兵丁。初無所事。轉似防範喀爾喀邊界

之厄魯特。恐策策策凌烏巴什等。不能無疑。且兵

丁駐劄年久。自應酌量撤回。以示休息。可傳諭成

袞扎布等於烏里雅蘇台科卜多等處兵丁。量足

看守倉庫。供應差遣外。其餘索倫察哈爾等兵丁。

應如何分隊撤回。著定議具奏。和碩齊。唐喀祿等。

帶兵不多。於歸途亦撤回游牧。再從前喀爾喀四

部落。每年派兵防秋。今準噶爾既入版圖。防秋之兵。或仍照例派撥。或當酌減。併著議奏。又

諭曰。索倫兵効力軍前。屢年未獲休息。今賊衆漸次

剿滅。大功將竣。自可不日撤回。現議在烏魯木齊

魯克察克等處屯田。令綠旗兵駐劄。雖嫻於耕作。

而鎮守巡防之用。不及索倫。若令索倫兵同駐。似

為有益。伊等每年進納貂皮。今移往駐防。既免其

平定準噶爾方略正編卷五

三六

納賦。又有錢糧養贍。射獵資生。自當更覺饒裕。可

傳諭綽爾多等於索倫兵丁內。揀選一千名。明白

曉示。以駐防之外。並無別項差遣。且於伊等生計

有益。或今年先遣兵丁前往。來年再將伊等眷屬

移去。料伊等自必情願。至揀選兵丁時。若戶口多

者。恐其親屬相離。毋庸派往。惟小戶單丁為善。其

作何選派。及攜眷駐防。果否與伊等有益。著綽爾

多等定議具奏。

宣諭原任副將哈尚德罪狀。

上諭大學士曰。前兆惠奏副將哈尚德解送軍營

食羊二萬五千隻。沿途倒斃一萬五千六百有奇。

據該員稟稱原領之羊。卽有疲癯等語。當卽降旨。

交該督黃廷桂。及巴里坤大臣等查明具奏。今據

陸續奏到。此項羊隻。哈密關展兩處。俱係巴里坤

平定準噶爾方略正編卷五

三七

大臣專委哈尚德查收牧放。自哈密起程時。該員

自行揀選。及至關展牧放。又經三四月之久。並將

疲乏羊隻退回。而關展接收之羊。亦係該員親揀

解往。且於正數外多帶一千六百餘隻。已屬足數。

何至倒斃一萬五千餘隻之多。哈尚德既經收牧

放。又親行挑解。並非倉卒交收。致有病乏等情。而

沿途辦理不善。遺失倒斃過半。尚種種捏飾。委之

無奈哈尚德田廢員加恩錄用。乃承辦此等要務。並不實心出力。貽誤軍需。罪無可道。哈尚德交巴里坤大臣柳號示衆。並勒令照數賠補。以爲怠玩公事者戒。俟賠補完日。再請旨發落。

戶部侍郎阿里袞等疏奏招撫羅卜淖爾回衆情形。

阿里袞等奏言。臣等於二月初九日。至羅卜淖

平定準噶爾方略卷之三

三

爾地甚寬廣。林木深密。有回人頭目哈什哈等投見。據稱伊等原有二千餘戶。數十年來。移往阿克蘇多倫等處。現在尚有六百餘人。以漁獵爲生。四十年前。大兵平定吐魯番時。將軍等曾經招撫。賞給緞布茶葉。撤兵之後。爲準噶爾所據。近聞大兵平定準噶爾。前年曾進

貢仙鶴。送交吐魯番頭目莽噶里克至今未知信

息。昨聞額敏和卓移居吐魯番。伯克托克托前年被瑪呼斯掠奪。逃至此地。聞亦歸附。懇准我等霑受。

皇恩等語。臣等詢問羅卜淖爾通達何處。有無厄魯特賊人藏匿。哈什哈告稱此水甚大。周行須兩月餘。準噶爾葉爾羌喀什噶爾等處。六十餘河。皆匯於此地等語。臣等沿途登高瞻望。不見涯岸。今大兵兩路進剿。恐將來有逋逃賊衆。隨派員查明伊等戶口。歸併額敏和卓管轄。并曉示哈什哈等。嗣後有厄魯特及他處回人逃匿。卽行報知。哈什哈等叩謝。復以狐兔皮乾魚等物。向兵丁等貿易而回。奏入。報

平定準噶爾方略卷之三

无

聞。

庚子

命酌賞青海蒙古官兵。

上諭軍機大臣曰。據濟福等奏稱奉到豫備兵丁。毋庸聚集之旨。卽傳諭索諾木丹津令其散遣。據稱若盡行撤回。恐倉卒難於調發。酌將近地者散遣。遠道者。仍在烏圖等處駐劄。水草甚佳。並無勞苦等語。昨令兵丁仍回各游牧。原所以示體卹。今伊等辦理頗爲妥協。卽照所奏行。從前曾有諭旨。若

平定準噶爾方略正編卷五十一

羊

調用伊等兵丁。加以恩賞。今雖未調發。業經聚集。亦應酌量賞賜。著濟福等會議具奏。

申諭黑龍江將軍綽爾多等。酌議索倫兵丁駐防事宜。

上諭軍機大臣曰。昨諭綽爾多等揀選索倫兵一千名。駐防烏魯木齊等處。並將攜眷前往之處議奏。特慮伊等兩地瞻顧。務使得所之意。今思人情安

土重遷。或攜眷亦非所願。且駐防兵丁。亦不妨更番戍守。著傳諭綽爾多體察情形。如不願攜眷。卽定以年限。派兵更代。酌量賞賜。若有更代駐防舊例。卽查照辦理。或無例可援。卽照出兵例。減半賞給。仍曉示伊等。以駐防非用兵可比。出自特恩。此事究竟如何辦理。綽爾多等。卽定議具奏。

平定準噶爾方略正編卷五十一

羊

平定準噶爾方略正編卷之五十二

乾隆二十三年三月辛丑。

定邊將軍兆惠等疏奏進剿賊衆情形。

兆惠等奏言。臣等於二月初九日起程。二十一

日。臣富德至喀喇烏蘇。捉生詢問。據供哈丹鄂

拓克之人。與阿巴噶斯人等。逃至博羅塔拉。今

年正月。土爾扈特舍楞等忽來搶掠。聞舍楞將

平定準噶爾方略正編卷之五十二

一

入俄羅斯等語。二十二日。至庫爾喀喇烏蘇。捉

生詢問。據供厄魯特鄂拓克人等。去年俱聚於

沙喇擊勒。十二月間。哈薩克遣兵二千。將巴爾

達穆特綽和爾搶掠。其昂吉岱哈薩克錫喇等

築壘固守。因誘哈薩克云。嗎哈沁等欲以妻子

易換馬匹。哈薩克存留百人。後爲伊等誘殺。俱

各分散。聞舍楞將入俄羅斯。布庫察罕向闖勒

奇前來。復爲昂吉岱所掠。再舍楞有千餘戶。過

闖勒奇向齋爾來時。擊敗哈薩克三百人。奪馬

數百匹。曾在博羅塔拉之博勒卓爾格訥居住。

布庫察罕有二百餘戶。曾在賽里木淖爾居住。

昂吉岱哈薩克錫喇鄂哲特卓托魯克喀喇沁

阿巴噶斯多果魯特穆爾齊塔本集賽喇嘛

等共千餘戶。自和濟格爾渡伊犁河。曾言。向固

平定準噶爾方略正編卷之五十二

二

爾扎濟爾哈朗等處居住。哈丹鄂拓克之數多

克帶百餘戶。遷來。曾在齊格特衣布拉克地方。

此時不知所向等語。臣富德伏思賊衆分爲四

支。彼此相近。若先剿一處。必致聞風驚竄。因按

兵以待。臣兆惠等輕騎前來。於本日公議。從前

臣等慮衆賊會合一處。以抗我兵。我

皇上先幾洞鑒。謂烏合之衆。不能久聚。萬里之外。誠

如目覩。臣等擬分兵進剿。如行圍之法。約期迴

合。盡與殲除。現在合臺站兵丁計有四千餘名。

臣策布登扎布富德與羅卜藏多爾濟鄂博什

温布領兵一千二百名。向博羅塔拉。剿捕舍楞。

再向賽里木淖爾。剿捕布庫察罕。由闡勒奇至

伊犁會合。又派兵六百名。看守馱載。接續臺站。

臣兆惠也祿領兵一千二百餘名。由博羅布爾

平定準噶爾方略正編卷之三

三

噶蘇。向伊犁。剿捕昂吉岱等。又派兵四百名。看

守馱載。三百名。接續臺站。再聞博羅布爾噶蘇

嶺內。鄂伯勒齊爾尼勒喀。有布魯古特之渾齊

二百餘戶居住。臣兆惠於所領兵內。派出四百

名。令瑚爾起巴圖濟爾噶爾等。前往尼勒喀。剿

捕臣兆惠。巴祿。同由屯圖倫楚領兵八百。至鄂

伯勒齊爾會合。同入伊犁。額駙色布騰巴爾珠

爾公明瑞。去年追剿昂吉岱。阿巴噶斯。游牧。未

獲成功。今懇請効力。亦同前往。其哈丹餘衆。僅

百餘戶。齊格特衣布拉克。相距亦近。令公敏珠

爾多爾濟。侍衛達禮善。前往剿捕。其各隊兵丁。

俱於伊犁會合。再行進剿。回部。至賊人供內。有

舍楞。將入俄羅斯之語。臣策布登扎布等。疾行

進剿。前經奉

平定準噶爾方略正編卷之三

四

旨。令和碩齊。唐喀祿等。堵截。臣等亦行文科卜。多大

臣。速為知會。惟期奮勉効力。一舉蕩平。奏入。報

聞。

定邊將軍兆惠等。疏奏。擒獲扎哈沁。得木齊哈

勒拜等。

兆惠等。奏言。臣富德於二月二十二日。帶兵三

百名。沿途偵探。據侍衛拉瑪錫等。報有賊人踪

跡。捉生詢問。據供。扎哈沁得木齊哈勒拜游牧。

在額卜推河。得木齊達爾扎。巴朗亦來相合等。

語。即令侍衛鄂實老。格拉瑪錫多爾吉勒圖蒙。

固勒岱等。分兵追襲哈勒拜。領隊大臣色布騰。

巴爾珠爾。明瑞鄂博什。巴圖濟爾噶爾侍衛正。

白旗額爾登額。烏爾登。正黃旗額爾登額。特通。

額等各帶兵。前往合圍。臣富德率侍衛畢拉爾。

平定縣志卷之五

五

海福齡安。達桑阿等。尾隨追擊。索倫署叅領塞。

爾默勒圖等。前至隘口橫截。達爾扎。巴朗等。見。

四面攻圍甚迫。率其眷屬四十餘口。投棄軍器。

高呼乞降。侍衛鄂實老。格追擒哈勒拜。勦殺屬。

人八十餘口。臣兆惠等。續到。詢問哈勒拜等。據。

供。去年大兵數次勦捕。扎哈沁游牧。我等四十。

餘戶。僅得逃出。因大兵已撤。始來平原牧馬。打。

牲度日等語。查哈勒拜既殺巴哈曼集。仍數抗。

我兵。達爾扎蒙。

恩授三等侍衛。令管臺站。乃敢叛逃搶掠。及至攻圍。

甚迫。始畏威乞降。罪無可逭。俱於軍前正法。巴。

朗係達什達瓦屬人。熟悉伊犁博羅塔拉等處。

暫留為嚮導。所餘人口。解赴巴里坤備賞收獲。

牲隻軍器什物。分給兵丁。臣等伏思。此次所遇。

平定縣志卷之五

六

雖非大隊賊人。而擒獲渠魁。盡俘黨眾。進兵伊。

始。實為順利。其奮勉官兵。應否交部議敘。出自。

特恩奏入報。

聞。

諭定邊將軍兆惠等。進勦賊眾事宜。

上諭軍機大臣曰。兆惠富德等。奏稱沙喇肇勒賊眾。

紛紜逃散。果不出朕前諭所料。但策布登扎布富。

德羅卜藏多爾濟等皆分勦舍楞。而進勦昂吉岱等衆賊。惟兆惠巴祿。恐兆惠未能辦理果決。然業經區畫。亦追改無及。其巴圖濟爾噶爾亦著爲領隊大臣。在前哨探。此次富德等擒獲扎哈沁哈勒拜等將賊衆全行俘獲。在事官兵甚屬奮勉。著造冊送部議敘。哈勒拜等俱屬小醜。自當在軍前正法。其哈薩克錫喇等渠魁。若經擒獲。仍解送來京。

平定準噶爾方略正編卷之三

七

看來進勦賊衆尚易竣事。雅爾哈善等辦理回部。若照前定期限。轉覺後時。著將兆惠等奏摺錄寄雅爾哈善等閱看。並令將辦理情形作速奏聞。又諭曰。據兆惠等奏稱擒獲賊人供內。有舍楞將入俄羅斯之語。已行文科卜多大臣。知會和碩齊唐喀祿等語。前經降旨。令和碩齊等在額爾齊斯等處堵截。由沙喇肇勒逸出。及逃往俄羅斯賊人。今沙

喇肇勒賊衆俱已潰散四出。而舍楞又有逃入俄羅斯之信。恐科卜多大臣等文移遲滯。著傳諭阿桂。行知和碩齊唐喀祿等。倘賊衆有向額爾齊斯逃往俄羅斯踪跡。伊等務留意堵截擒拿。解送來京。伊等駐兵許久。以逸待勞。斷不可稍有玩忽。致令中途逃脫。此旨到日。阿桂卽擇健馬飛遞。令和碩齊唐喀祿等遵照辦理。

平定準噶爾方略正編卷之三

八

論叅贊大臣永貴等協辦魯克察克以外臺站。上諭軍機大臣曰。據巴祿奏稱。現在進兵。由巴克庫蘇一路。所設臺站。馬駝倒斃者甚多。經兆惠等移文永貴定長酌量添補等語。軍臺關係緊要。馬匹駝隻。自應辦給足額。方可馳遞無悞。永貴等雖專辦屯田事務。及巴里坤。至魯克察克一路軍臺。而魯克察克以外臺站。更爲緊要。著傳諭永貴定長

一體查辦。勿分畛域。所需馬駝。卽照移文添補。仍

協同巴祿。不時巡察坐臺官兵。務令加意牧放。馬

駝。庶往還事件。不致遲滯。亦傳諭巴祿知之。

壬寅

命主事巴杭阿協同佐領職銜郎中三寶。照看達什

達瓦。激收。

癸卯

平定縣志卷之五

九

靖逆將軍雅爾哈善疏奏。派撥進勦官兵。

雅爾哈善奏言。臣等酌派領隊侍衛官員。有巴

圖魯侍衛寧古禮。噶布舒喀喇侍衛拜達爾藍

翎侍衛達克塔納桑。古善賀倫泰。莫寧察。吉林

驍騎校錫勒畢善健。銳營前鋒署筆帖式五十

八。佛保俱來。至魯克察克軍營。其侍衛富紹等

陸續帶來。索倫吉林察哈爾兵。共一千四百餘

名。無庸調取。兆惠等軍營兵丁。又哈密貝子玉

素富領回兵一百名。於三月初一日到營。其馬

得勝。丑達。五福等所領綠旗兵丁。現從巴里坤

起程。俟伊等到時。照所派吐魯番三百回兵之

數。撤留屯田。其應得之項。俱移給回兵。但派出

回兵。應得兩個月裹帶口糧鹽菜。理宜豫行支

給。以備刻期起程。請卽由闕展存貯銀米內給

平定縣志卷之五

十

發外。至綠旗兵丁。所得整裝銀兩。已從本地支

給。又仍留伊等屯田。請免其追繳。惟將馬匹換

給回兵。其三百回兵。應得整裝銀各三兩。俱從

奏帶備賞銀內。動用賞給。至伯克鄂對等俱係

庫車烏什庫爾勒等城頭目。乾隆二十年。平定

伊犁。伊等迎降。卽隨營行走。除同來子弟外。其

眷屬多被回首殺害。此次進勦。令其招撫各城。

臣等現候綠旗兵到營。卽前往哈喇沙爾。再將進剿日期具奏。奏入。報

聞。

乙巳。

命喀爾喀公林丕勒多爾濟之子策卜登多爾濟承

襲伊父公爵

大學士管陝甘總督黃廷桂疏奏解送軍營駝

平定準噶爾方略正編卷之五

十一

隻數目。

黃廷桂奏言。臣查陝甘各屬。及豫省一帶購辦

商民駝隻。又各營挑解孳生。上年晉省留餘。及

挑選各起厄魯特駝隻。共七千一百有奇。又晉

省辦解駝隻。六千四百有奇。共駝一萬三千五

百有奇。本年三月初九日。准吳達善咨送疏稿。

內開用過駝隻五千九百六十有奇。現需撥給

綠旗兵丁駝隻二千五百六十有奇。臣已檄催

速解。計四月初。可全抵巴里坤。尚有餘駝五千

餘隻。陸續解送。應付軍需。似屬富裕。奏入。報

聞。

丁未。

恩授軍前効力之厄魯特等官職。及

賞資安插有差。

平定準噶爾方略正編卷之五

十二

上諭軍機大臣曰。順德訥等隊內効力之厄魯特察

罕庫本班第俱著授三等侍衛。賞給衣服銀兩。派

乾清門侍衛德爾森保等送至雅爾哈善軍營。効

力行走其家口安插察哈爾人少旗分。嚮導擒剿

賊衆之巴圖魯敦扎卜。著同家口送京。伊等若未

出痘。亦在察哈爾旗分安插。

巴里坤辦事巡撫吳達善等疏奏馬匹被竊情

形。吳達善奏言。據厄魯特宰桑摩羅等供。節次盜取巴里坤牧馬三百餘匹。奉

旨交臣等查奏。查巴里坤牧放馬駝。有被竊之案。俱經陳奏。去歲九月。因雪大草枯。將馬駝移於塔勒納沁。十月間。巴里坤並無官馬。至倒斃馬匹。必有耳尾可驗。或牧馬人員。因被竊懼罪。作為倒斃。亦未可定。現在詳悉查辦。再乾隆二十一

平定回疆方略卷之五

五

年十二月內。勦殺沙克都爾曼濟。收其馬駝。牲隻。經分賞効力兵丁。係伊等自行牧放。或有遺失。被竊等事。臣等俱未能查出。不勝愧悚。請交部嚴加議處。奏入。得

旨。此次著從寬免其議處。嗣後當加意防範。

軍機大臣疏奏。詢問回人阿卜都爾瑞供詞。

軍機大臣奏言。前莽噶里克差遣探信之回人

阿卜都爾瑞在哈密拘禁。今據巴里坤大臣等遵

旨解送來京。臣等詢問阿卜都爾瑞。據供從前莽噶里克隨將軍和起厄魯特。尼瑪等往拏巴雅爾。行至關展。尼瑪等背叛。將軍被圍。并拘禁莽噶里克。迫脅其弟同行。莽噶里克始得脫回吐魯番。尼瑪復領兵脅降。莽噶里克不從。彼時將軍

平定回疆方略卷之五

五

兆惠及巴里坤大臣。俱遣人至吐魯番。莽噶里克即作書。令伊弟多里雅特。向我往魯克察克。送與公素賚瑞閱看。復書與將軍所遣之人。並差伊屬人默美特蘇卜。同往哈密。中途將軍所遣人等。自回巴里坤。我等見哈密大臣時。遣默美特蘇卜。即回。將我拏獲拘禁。莽噶里克。惟令我隨同將軍差遣之人。並無他說等語。又詢問

阿卜都爾璜從前和將軍至闕展見三十餘人
 踪跡令莽噶里克帶索倫十人往探回報云係
 尼瑪之兵又請將馬駝於山嶺牧放未幾尼瑪
 等卽來衝擊聞莽噶里克亦曾助力何得爲其
 隱瞞據供將軍見有賊踪令往看視莽噶里克
 並未前行係遣伊屬人同索倫往探其牧放馬
 駝是實但不知爲何人所告至將軍被圍時莽
 噶里克實未助力係乘亂逃回等語奏入得
 旨著將阿卜都爾璜發往杭州賞給將軍薩爾哈岱
 爲奴。

平定準噶爾方略正編卷之五

五

已酉。

定邊將軍兆惠等疏奏擒獲叛賊琿齊收其游
 牧。

兆惠等奏言臣等分兵後臣兆惠派兵四百名

交瑚爾起巴圖濟爾噶爾由呼斯坦至尼勒喀
 河襲擊叛賊琿齊臣兆惠巴祿領兵八百名入
 博羅布爾噶蘇口至鄂伯勒齊爾與瑚爾起等
 會合瑚爾起等於二月二十八日至呼斯坦適
 遇琿齊等百餘戶遷移游牧卽行圍剿殺賊四
 五十人琿齊等登山高呼乞降巴圖濟爾噶爾
 遣親隨布爾特庫將琿齊喚來瑚爾起盡收其
 游牧次日與臣兆惠等相見臣等責問琿齊已
 降復叛并詰以各賊藏匿處所據供去歲呈獻
 扎那噶爾布首級卽欲投至軍營因宰桑美諾
 和什云布魯古特投誠時盡行勦滅等語是以
 中變聞得昂吉岱哈薩克錫喇鄂哲特集賽之
 喇嘛等會合千餘戶向伊犁前來巴圖爾烏巴
 什出痘身死舍楞率所屬欲往俄羅斯向博羅

平定準噶爾方略正編卷之五

五

塔拉前去。布庫察罕有二百戶。在賽里木淖爾

居住。哈丹屬人。現在齊格特衣布拉克。其餘互

相殺掠殆盡。綽羅斯台吉阿南達哈什哈索遜

因被昂吉岱搶掠。僅帶數人投來我處。今亦被

擒等語。臣兆惠等。卽將馱載暫留。輕騎前往。掩

襲各賊。并令瑚爾起隨後策應。其琿齊阿南達

哈什哈索遜先行送京。所有屬人。令隨我兵行

平定邊疆略纂卷之五

七

走留兵看守伊等家口。俟臣進剿昂吉岱等事

竣酌量辦理。効力行走官兵。及得傷兵丁。應請

交部議敘。奏入。得

旨。巴圖濟爾噶爾瑚爾起。初次進剿。卽擒獲叛賊琿

齊等。盡收游牧。深屬可嘉。巴圖濟爾噶爾瑚爾起

著交部議敘。其奮勉官兵。亦查明送部。往喚琿齊

之厄魯特布爾特庫兆惠等酌量賞給銀兩。又

諭軍機大臣曰。覽兆惠等所奏擒獲琿齊等情形。事

機順利。自可早奏膚功。但伊等將所收琿齊等屬

人。俱帶領從軍効力。似覺可慮。倘逃走一二人。潛

通信息。致賊衆聞風竄逸。甚有關係。著傳諭兆惠

等。宜留心體察。倘稍露脫逃形跡。卽行辦理。

命分別查議運送軍需官員。

上諭軍機大臣曰。據兆惠等奏稱由巴里坤運送口

平定邊疆略纂卷之五

六

糧軍器之第二起遊擊菩薩保行走遲滯。駝隻疲

乏。倒斃者甚多。第三起遊擊唐朝舉相隔十日起

程。與二起同至。駝隻疲斃者較少等語。唐朝舉及

同行官兵。著與頭起之富勒渾等一體交部議敘。

菩薩保著交部嚴加議處。

命優卹察哈爾總管第魯巴。

上諭軍機大臣曰。據兆惠等查訊扎哈沁賊人。知總

管第魯巴於前年十一月。巡查臺站。至烏蘭烏蘇。遇扎那噶爾布等搶掠。隻身奮勇鏖戰。為賊所害。深可憫惻。著交部照陣亡例。加恩優卹。

諭飭定邊將軍兆惠等查審郭木尼勒圖匪馬情節。上諭軍機大臣曰。昨諭兆惠等將巴圖濟爾噶爾所奏郭木尼勒圖藏匿馬匹等情節。秉公查審具奏。今據奏稱郭木尼勒圖支吾推諉。應候提取原票

平定準噶爾方略正編卷之五

九

之章京喀勒占到時。再行質審辦理等語。此案情節。兆惠等宜向郭木尼勒圖嚴加詰問。不當於巴圖濟爾噶爾有意吹求。從來審理案件。未有舍被告之人。而專於原告是問者。非但不足服人之心。且致生其疑懼。兆惠等顯有偏袒姑息之意。著傳諭申飭。其郭木尼勒圖仍遵前旨審明。即行正法。諭大學士管陝甘總督黃廷桂等辦理擒獲之厄魯

特等

上諭軍機大臣曰。富德等擒獲厄魯特巴圖巴布奇等戶口。將巴圖孟庫伯勒克留為嚮導。餘俱解送巴里坤等語。昨諭將來降之厄魯特等賞給產業。歸入綠旗兵丁內差遣。特指誠心降附者而言。其兵力擒拏者。不在此例。此次解送之厄魯特家口。係拏獲之嗎哈沁。著照從前諭旨。送至肅州等處

平定準噶爾方略正編卷之五

十

辦理可傳諭黃廷桂吳達善等知之。庚戌。諭定邊左副將軍成袞扎布辦理四部落游食人等事宜。上諭軍機大臣曰。成袞扎布奏稱軍營附近等處四部落游食貧人甚眾。不行驅逐。恐致滋生事端。隨派出官兵。給與口糧。送回本旗。交該扎薩克嚴加

約束等語。軍營存貯米石備官兵之用。非易於運
致者。且蒙古等以茗酪為生。向不專資穀食。今將
逐回人等。給以口糧。使各游牧聞知。貪得米石來
者必多。轉非資遣之法。此次業經辦理。嗣後倘有
再來者。即量為懲治。驅逐無庸給與口糧。

定邊左副將軍成袞扎布疏奏受事日期。

成袞扎布奏言。臣於三月初十日。至烏里雅蘇

平定縣

至

台軍營。據納穆扎爾將定邊左副將軍印交送。

臣謹叩頭。祇受納穆扎爾遵

旨。於十四日起程回京。奏入。報

聞。

辛亥。

命巴里坤辦事提督豆斌巡查臺站。

上諭軍機大臣曰。現在兩路進兵。馳遞事件甚多。自

巴里坤至額林哈畢爾噶一帶。恐尚有藏匿山谷
賊人。為行旅之害。但嗎哈沁等諒亦無幾。可傳諭
吳達善在巴里坤兵丁內。酌派一二百名。令豆斌
帶領。加意巡查。一遇賊人。即行剿殺。以清臺路。

癸丑。

定邊將軍兆惠等疏奏昂吉岱等賊眾情形。

兆惠等奏言。昨據輝齊等供稱。昂吉岱等賊眾

平定縣

至

向伊犁前來。臣等於三月初三日。至額爾克巴

圖爾布拉克。捉生詢問。據供昂吉岱自去年從

阿圭雅斯逃至沙喇擊勒。哈薩克錫喇鄂哲特

等。以昂吉岱係噶爾丹策零近族。議立為大台

吉。布庫察罕舍楞等不從。舍楞欲入俄羅斯。布

庫察罕拒守伊遜薩們之源。昂吉岱遣特古斯

孟克鄂哲特來攻。為布庫察罕所敗。十二月初

哈薩克哈布哈之子圖古占領兵二千至沙喇
 肇勒掠取綽和爾及兩巴爾達穆特昂吉岱等
 於察林之橋渡連兵拒戰哈薩克阿布拉該爾
 之子額爾類又領兵千人來攻今年正月昂吉
 岱等遂移向伊犁布庫察罕掠取昂吉岱馬匹
 鄂哲特往追被擒隨行釋放因共攻昂吉岱聞
 昂吉岱特古斯孟克俱隻身逃出未知被獲與
 否鄂哲特於二月中遷移北去或往察罕烏蘇
 圖勒奇或合布庫察罕俱不得知現在鄂哲特
 有千餘戶等語臣等即尋踪往追并行文策布
 登扎布若賊衆向圖勒奇即行堵剿又哈丹餘
 衆在齊格特衣布拉克前遣敏珠爾多爾濟等
 往剿據報二月二十七日追至額卜推河截其
 後隊三十餘戶全行剿殺探知哈丹阿巴噶斯

平定準噶爾方略正編卷五

三

餘衆尚有七十餘戶逃向綽和爾等營壘隨至
 其地山險林密僅容單騎兩山埋伏鎗礮不能
 前進等語臣等即飭令奮力攻擊若不能即取
 當嚴守隘口不可致令逃脫并發給一月口糧
 又奉到
 諭旨令臣等酌量派給雅爾哈善索倫兵丁雅爾哈
 善調取索倫兵五百名咨文亦到臣等現帶之
 兵僅敷調遣且已至伊犁若將兵丁從額林哈
 畢爾噶發往魯克察克恐路途力乏查現辦解
 送入口至巴里坤亦須派兵擬俟剿賊事竣將
 索倫兵五百名由朱爾都斯押解入口送交雅
 爾哈善將索倫兵留用派綠旗兵丁押解入口
 轉赴巴里坤奏入
 上諭軍機大臣曰據兆惠奏稱派給雅爾哈善之索

平定準噶爾方略正編卷五

三

倫兵請俟剿賊事竣再行發往等語。此係伊等未進兵以前之旨。近又諭令停止。兆惠等若剿賊事

竣。卽與雅爾哈善合兵辦理回部。亦不必於押解

人口時發往。至所奏敏珠爾多爾濟等以哈丹等

餘賊營壘堅固。不能攻取。已飭令嚴守隘口等語。

賊衆藏匿險僻。不過偷生旦夕。久之必無口食接

濟。我兵自應於要路防守。相機攻剿。斷不可委之

平定縣學士

五

而去。此時若能辦竣。固善。否則將巴圖濟爾噶爾

溫布由屯等派出一二員領兵協助。務絕根株。嗣

後伊犁等處賊衆有藏匿抗拒者。亦照此辦理。

靖逆將軍雅爾哈善等疏奏進兵日期。

雅爾哈善等奏言。三月十一日。侍衛齊凌扎卜

齋送靖逆將軍印前來。臣謹叩頭祇受。將

欽差大臣關防。移交永貴定長訖。都統哈寧阿於十

三日前至軍營。臣等卽領兵起程。向哈喇沙爾進發。並將

恩旨所賞伯克鄂對等翎頂。傳諭賞給。伊等感激祇

領。現在叅贊領隊大臣總管侍衛等。俱各戴翎

於軍容甚爲整肅。惟帶領綠旗官兵。自提督馬

得勝外。其總兵官丑達五福。曹相師俱係領隊

大員。可否令其戴翎。出自

平定縣學士

五

特恩。臣等欽遵節次

訓示。於一切機宜。惟有和衷商辦。益加策勵。以告成

功。奏入。

上諭軍機大臣曰。近因兆惠奏派哈寧阿同策布登

扎布進兵。曾諭令前往兆惠軍營行走。今哈寧阿

既至魯克察克。尙往哈喇沙爾。恐接到此旨。又復

遣行。著傳諭雅爾哈善哈寧阿。此時若未趨赴兆

患軍營。卽停其前往。如已遵前旨起程。亦不必追回。其帶領綠旗兵之丑達等。俱照所請賞戴孔雀翎。

諭兩路將軍等和衷集事。

上諭軍機大臣曰。從前兩路將軍大臣等。領兵勦賊。往往分別彼此。以致所辦軍務。未能迅合機宜。朕曾屢降諭旨訓飭。今兆惠雅爾哈善分兵前進。本

平定準噶爾方略正編卷五十一

毛

路應辦事務。各宜奮勉。至若兩路聲息相通。及會合一處。尤貴和衷商確。兆惠雅爾哈善策布登扎布。俱世受國恩。爲朕簡用之人。自當視國事如家事。合兩路爲一體。現在辦理回部。雅爾哈善旣膺專閫之寄。一應章奏文檄。自宜首列。若兆惠進勦厄魯特事竣。往辦回部。兩路會合時。又當以兆惠居首。總期伊等同心協力。早奏膚功。勉之勿怠。

諭辦理屯田侍郎永貴等增兵耕種事宜。

上諭軍機大臣曰。昨因軍需羊隻。道遠多致倒斃。諭永貴等於屯田處所。廣爲墾種。以裕軍食。今據永貴定長等奏稱。本年在烏魯木齊關展。托克三哈喇沙爾等處。共派屯田兵三千六百名。墾地二萬九千二百畝。計布種一千四百餘石。可收穀三萬六千石。較去年吐魯番關展之數。加增三倍等語。多種地畝。於軍食有益。現派兵數。尚覺其少。或伊等計抽調留候成熟。僅得此數耶。抑或難於多得耶。但添派綠旗兵丁。其後隊尚未起程者。多係閒住。不妨暫令乘時布種。再陸續前往。至永貴等辦理屯田。當親往察看。董勸兵丁。其勤於力作。多種地畝者。卽量加賞賚。以示鼓勵。

平定準噶爾方略正編卷五十一

毛

甲寅

命厄魯特喇嘛羅卜藏原端同

雍和宮之扎薩克喇嘛居住。

議喀爾喀圖謝圖汗部落差役事宜。

定邊左副將軍成袞扎布奏言。桑寨多爾濟奏

稱圖謝圖汗親王齊巴克雅喇木丕勒等六旗

蒙古等。偶值災荒。請暫停差役等語。奉

旨交臣等查明。尚有何項差役。酌量辦理。查喀爾喀

平定縣志卷之三

三

等安設臺站。牧放牲畜。官兵及值班台吉等。現

俱給與錢糧。惟自游牧起程。辦給口糧軍器馬

匹。稍有費用。從前扎薩克圖汗賽音諾顏二部

落十餘旗被災。暫停差役。於各該部落內。通融

辦理。今圖謝圖汗之六旗。應請照扎薩克圖汗

等旗之例辦理。奏入。得

旨。軍機大臣議奏。尋議喀爾喀等此數年來。時被災

荒。生計維艱。我

皇上特沛恩綸。停其差役。悉從官辦。又發帑代還公

私逋負。近因圖謝圖汗之六旗被災。復發帑賑

濟。且伊等除台言官兵等起程前赴軍營。自行

整裝之外。並無別項差役。今既據成袞扎布等

援照扎薩克圖汗等旗之例。將圖謝圖汗之六

旗。暫停差役。於該部落內。通融出派等語。應如

平定縣志卷之三

三

所奏辦理。奏入。

上從之。

議遷移達什達八屬人事宜。

定邊左副將軍成袞扎布等奏言。臣等查達什

達瓦屬人。現在鄂爾昆等處游牧。與喀爾喀錯

處。致有盜竊事端。且伊等所種地畝。多未收穫。

請遵面奉

諭旨酌量移於通肯呼裕爾。應乘青草萌生時給與

兩月口糧。派官兵照管前往通肯呼裕爾。奏入。

得

旨。軍機大臣議奏。尋議遷移達什達瓦屬人。前經成

袞扎布在京時奉

旨交臣等會議。臣等議以俟成袞扎布回至軍營。相

度情形。具奏到日再議。今成袞扎布既請遷移

平定準噶爾方略正編卷之三

三

安插。應如所奏辦理。但上年伊等所種地畝。多

未收穫。又蒙

恩賞給籽種。應仍令其照常耕種。至秋收後遷移。庶

伊等所存牲隻得以休息。至伊等遷移後。時際

冬春。仍需接濟。請行文黑龍江將軍等酌定地

方豫為辦理。奏入。得

旨。遷移達什達瓦屬人一事。成袞扎布等此時且不

必宣露。若伊等知覺。即不肯努力耕種矣。再從前

將軍綽爾多等奏稱通肯呼裕爾地頗寬廣。達什

達瓦屬人。遷移甚便等語。此地近經安插厄魯特

等。今又將達什達瓦移往。其如何分別指給游牧

及豫備接濟之處。著綽爾多即妥議具奏。

平定準噶爾方略正編卷之三

三

平定準噶爾方略正編卷之五十三

乾隆二十三年夏四月丁巳

命陞敘擒賊瑣齊之効力出衆官兵

上諭軍機大臣曰據兆惠等奏稱擒賊瑣齊並收其

游牧在事官兵俱爲出力此內有索倫披甲達木

畢勒圖巴爾虎披甲多拉瑪索倫委驍騎校阿爾

吞巴圖濟爾噶爾帶領之厄魯特護軍碩端勞績

平定準噶爾方略正編卷之五十三

一

出衆已將備賞藍翎給合戴用等語官兵等効力

出衆勞績可嘉達木畢勒圖多拉瑪著委署驍騎

校阿爾吞著實授驍騎校碩端著授護軍校遇缺

卽補

定邊將軍兆惠等疏奏偵探賊衆情形

兆惠等奏言臣等昨在濟爾哈朗捉生詢問知

哈薩克錫喇等欲攻昂吉岱昂吉岱知覺與特

古斯孟克逃出不知所向哈薩克錫喇前往闡

勒奇臣等卽尋蹤追逐於三月初七日至衛和

爾里克據哨探侍衛納蘭圖等在闡勒奇擒獲

喇嘛卓特巴錫喇卜等據供昂吉岱等自沙喇

壁勒遷移一月十六日渡伊犁河至濟爾哈朗

十七日哈薩克錫喇鄂哲特等欲攻昂吉岱不

果因前往闡勒奇三月初一日布庫察罕來會

平定準噶爾方略正編卷之五十三

二

云於托里北之托和木圖探知大兵行走蹤跡

我等宜將游牧移往伊犁河又有差往偵探人

等歸言在賽里木淖爾東之察罕布木遇大兵

前哨拒戰收回布庫察罕哈薩克錫喇鄂哲特

等同議若大兵追逐甚急堅壁以守若未能追

及或從塔爾巴噶台入俄羅斯或渡伊犁入回

部於初三日卽前往伊犁又聞布庫察罕屬人

等言。伊等前來時。舍楞聞大兵信息。卽過欽達
蘭嶺。往塔爾巴噶台。又昂吉岱因往會舍楞。過

察罕布木。爲布庫察罕卡倫人等所殺。特古斯

孟克與昂吉岱屬人齊默特等同行。至洪郭爾

鄂博。遇哈薩克哨探兵五十餘人。將特古斯孟

克擒去。齊默特得脫。來投哈薩克錫喇。現在台

吉宰桑有鄂哲特瑪里格爾巴朗布圖庫特克

平定準噶爾方略正編

三

勒德克烏爾古勒。濟勒達什塔爾巴等。又聞吞

圖布去年爲伊屬人殺害等語。又原任侍衛托

倫泰等在烏里雅蘇台。捉生詢問。據供布庫察

罕等往伊犁之次日。見圍勒奇口有大兵一隊

追逐。此地現有巴爾達穆特等三十戶藏匿等

語。臣等派侍衛鄂實納蘭圖前往剿殺。收其牲

隻軍器。查臣等原議分兵左右翼。賊若渡伊犁

逃走。爲右翼兵所扼。若踰圍勒奇逃走。爲左翼

兵所扼。今賊人雖知覺遷移。而策布登扎布等

現已尾隨賊衆。又哈薩克哨探人等既經前來。

或係踐上年之約。且賊衆攜帶戶口輜重。斷難

免脫。臣等晝夜前追。並行知和碩齊唐喀祿等

堵截。以期盡剿。奏入。報

同。

平定準噶爾方略正編

四

定邊右副將軍策布登扎布等疏奏進剿賊衆

情形。

策布登扎布奏言。臣等分兵前往博羅塔拉。進

剿舍楞布庫察罕等。一路晝伏夜行。三月初一

日。至博羅塔拉。捉生詢問。知舍楞於二月十九

日起程。取道塔爾巴噶台。欲往俄羅斯。布庫察

罕在圍勒奇賽里木淖爾等處。而厄魯特總等

人等云。賊衆或入鄂拓克薩爾。亦未可定。臣策

布登扎布。過甘楚罕。直尋布庫察罕游牧。臣富

德紆道一日。前往鄂拓克薩爾堵截。約於圍勒

奇相會。初二日。臣策布登扎布。至賽里木淖爾。

詢知昂吉岱。爲布庫察罕屬人所殺。布庫察罕

聞大兵至。已過圍勒奇。赴察罕烏蘇等處。與哈

薩克錫喇相會。初四日。追至和落霍漸河。見賊

平定縣路馬驛參差

五

蹤跡。卽奪渡過河。賊已遷移游牧。山上餘衆不

多。卽領官兵四百餘名前進。忽伏賊千餘突出。

直前衝擊。因令副都統職銜溫布扎薩克達什

居左。公品級扎薩克三都卜多爾濟巴圖魯侍

衛古爾格勒圖居右。臣策布登扎布與郡王羅

卜藏多爾濟及侍衛官員等居中。奮力迎射。格

鬪良久。賊始奔潰。又賊衆二百餘名。出我兵後。

復行擊敗。計一次殺賊三百餘人。緣我兵之馬。

晝夜遭行疲乏。不能窮追。暫集兵丁。在和落霍

漸歇息。臣富德搜查鄂拓克薩爾營壘。准到知

會。卽趨回同議。乘賊人喪膽之際。酌派兵丁。前

往擒剿。現護布庫察罕之從兄阿都齊解送兆

惠軍營。所得甲仗。賞給奮勉兵丁。查原議兆惠

過博羅布爾噶蘇。臣等過圍勒奇。在伊犁會合。

平定縣路馬驛參差

六

今布庫察罕等聞賊逃竄。糾合哈薩克錫喇。臣

等惟有相機前進。仍知會將軍兆惠。以便協剿。

奏入。

上諭軍機大臣曰。策布登扎布富德等探知布庫察

罕往合哈薩克錫喇之信。分兵追捕。奮力剿賊。斬

獲頗多。皆策布登扎布勇往所致。甚屬可嘉。著將

從前所賜伊父額駙策凌超勇之號。卽賞與策布

登扎布副都統職銜溫布著補授副都統公品級
扎薩克三都卜多爾濟若已賞翎卽賞緞四疋若
未賞翎著賞翎仍賞緞二疋扎薩克達什授為公
品級其餘効力之侍衛官員兵丁人等卽酌量賞
翎及造冊送部議敘伊等既會兵一處仍候續報
捷音以膺懋賞又據兆惠等奏稱哈薩克錫喇布
庫察罕等被策布登扎布窮追或逃入俄羅斯已

平定準噶爾方略正編卷七

七

行知和碩齊唐喀祿等堵截所見甚是。可傳諭和
碩齊等嚴行堵截。并傳諭成衮扎布朕原擬自科
卜多。派兵數百名。前往策應。恐未能趨赴。但亦不
妨豫備成衮扎布仍酌量現有兵馬若干。交阿桂
等豫備策應。此次剿擒。兆惠策布登扎布等既協
力尾追。而哈薩克之兵。若又對面迎敵。前後夾攻。
賊可全獲。至堵剿舍楞雖有和碩齊等若發兵一

隊尾追。亦夾攻之道。可傳諭兆惠卽派兵數百名。
仍令策布登扎布富德帶領前往。相機辦理。

命原任按察使納世通赴巴里坤辦理糧餉。

上諭軍機大臣曰。按察使納世通丁憂回京。奏懇差
遣。著以原銜前往巴里坤。與德舒一同辦理糧餉。
巴里坤辦事巡撫吳達善疏奏派遣軍營嚮導
人員。

平定準噶爾方略正編卷七

八

吳達善奏言。准將軍雅爾哈善咨稱。欽奉
諭旨。從前駐劄安西旗人內。有熟悉回部路徑。情願
効力者。遣往軍營行走。但安西距魯克察克路
遠。恐難趨赴。查從厄魯特脫出之旗人內。有曾
作軍營通事。留於巴里坤者。應行酌量派遣等
語。臣等查得前鋒雙全。繆克圖。護軍拜凌阿。七
十五。明德。烏爾德。福祿等七人。頗熟回部路徑。

通曉回語。情願隨軍管効力。臣等照此次進兵之滿洲索倫兵丁。例治裝。於三月二十日。令前

往雅爾哈善軍營。八報

聞。

戊午。

諭定邊將軍兆惠剿賊後來京。

上諭軍機大臣曰。前諭兆惠等將厄魯特等辦竣。即

平定邊將軍奏摺

九

往辦回部。章奏列名。兆惠居首。其傳諭事件。仍以

雅爾哈善首列亦可。今思辦理回部。既有雅爾哈

善額敏和卓。且策布登扎布富德等亦可協助。兆

惠久在軍營。如已將哈薩克錫喇布庫察罕等擒

獲。惟餘舍楞。著富德前往追剿。仍令策布登扎布

往辦回部。兆惠即著來京。朕既可詢悉軍前情事。

而伊母年邁。亦得以省侍。或此時止舍楞一賊。即

辦竣來京。令富德等前往回部。亦可朕意。因辦理

回部。無用多人。兆惠既可乘便省母。稍為休息。如

有應辦事務。再行前往。又因一軍兩將。恐有掣肘

之虞。不若事權歸一。以專責成。可傳諭兆惠等知

之。

諭定邊左副將軍成袞扎布等辦理達什達及游牧

事宜。

平定邊將軍奏摺

十

上諭軍機大臣曰。昨成袞扎布等請遷移達什達及

游牧於通肯呼裕爾。經軍機大臣議奏。俟秋收後

辦理。朕即諭成袞扎布等將遷移游牧之事。不必

先使聞知。恐伊等因此懈於耕作。今思達什達瓦

游牧。移往通肯呼裕爾。恐非伊等本意。若到彼無

計謀生。仍須接濟。且或致脫逃。又滋事端。莫若移

住察哈爾。或在巴里坤附近。向濟必濟等處游牧。

俟巴里坤駐兵屯田等事議定。即令常住亦可。此事仍待朕熟籌交議。著傳諭成衮扎布。此時惟勸課伊等耕種。其應移駐何地。俟議定後。臨時再行曉諭。

諭約束發遣種地犯人。

上諭軍機大臣曰。部議於發遣重犯。有改發巴里坤

等處種地者。此等罪犯。俱係素不安分之人。故陸

平定準噶爾方略正編卷之

十一

續發往肅州。分派各屯田處所。令綠旗兵管束種

地。如果守分出力。自予矜全。若仍不安本業。妄行

生事。或乘間脫逃。即當嚴拏。正法示眾。其管束伊

等之綠旗兵丁。不得以伊等從內地發遣。稍存姑

息。果有悍惡滋事。即行處死。亦罪所應得。著傳諭

黃廷桂。將此等人犯抵肅時。作何分遣。及交與綠

旗兵丁。嚴加約束之處。會同巴里坤魯克察克大

臣等議奏。

己未

諭大學士管峽甘總督黃廷桂。來京酌議屯田事宜。

上諭軍機大臣曰。昨命兆惠擒斬厄魯特賊眾後。即

著來京。原為商辦屯田事務。看來厄魯特餘賊既

除。則回部亦易於平定。惟明歲駐兵屯田。最關緊

要。雖烏魯木齊等處。現在耕種。而伊犁尚屬荒閒。

平定準噶爾方略正編卷之

十三

倘被布魯特等侵占。又須經理。朕意於伊犁等處。

駐劄索倫兵及健銳營兵。二三千名。合之綠旗屯

田兵丁。聲威自壯。此事須黃廷桂同來商辦。著將

兆惠等追賊奏摺。錄寄黃廷桂閱看。黃廷桂亦不

必趨行。可詢問兆惠起程信息。先期來京。其屯田

事宜。即留意區畫為要。

獎賞藍翎豐泰解送厄魯特阿喇布圖巴拉

至京。

授藍翎侍衛。賞銀五十兩。在雅爾哈善軍營行走。

庚申。

定邊將軍兆惠等疏奏賊衆逃竄情形。

兆惠等奏言。查布庫察罕哈薩克錫喇等賊。在

和落霍漸之客伊地方會齊。向伊犁下游逃竄。

策布登扎布領兵過關勒奇嶺尾追。臣等領兵

平定縣志卷之三

三

在博羅布爾噶蘇一帶策應。後聞策布登扎布

之兵。在和落霍漸擊敗賊衆。臣等即晝夜前追。

沿途遇有逸賊。盡行殲戮。三月初九日。至車齊

罕河。准策布登扎布知會云。兵至博羅呼濟爾

數次捉生詢問。或稱賊人投往哈薩克。或稱投

往俄羅斯。或稱自庫庫托木逃去。所供不一。我

兵自宜窮追務獲。但現兵雖有四百。而馬匹疲

乏。日有落後之人。仍需揀選馬力有餘。可多行

數日之兵。三四百名。前來接濟。餘兵令在伊犁

等處。牧放馬匹。將來進剿回部。亦可得力等語。

臣兆惠巴祿同領隊大臣色布騰巴爾珠爾明

瑞圖倫楚巴圖濟爾噶爾選兵三百餘名。晝夜

兼行。接應策布登扎布之兵。再賊人蹤跡四散。

恐於山僻藏匿。現據侍衛老格等在車齊罕河

平定縣志卷之三

古

等處。勦賊百餘人。收取人口二百餘。及馬駝軍

器等物。仍派副都統由屯瑯爾起在後。收齊陸

續到來之兵。分往搜勦。其疲乏馬匹。於和落霍

漸等處牧放。以備進剿回部之用。又臣將擒獲

瑛齊阿南達哈什哈等屬人五十名。帶往軍前

効力。所有家口。派索倫兵五十名。同瑛齊等家

口。俱送至吐魯番。俟雅爾哈善將索倫兵留用。

另派綠旗兵送至巴里坤。其布庫察罕之從兄
阿都齊亦派索倫兵送至吐魯番。照前轉解到
京。奏入報。

聞。

命暫停辦理効力軍營之厄魯特等家口。

上諭軍機大臣曰。兆惠等奏稱揀選瑄齊阿南達哈

什哈等屬下壯丁五十人。現在隨軍効力等語。可

平定準噶爾方略正編卷之五

五

傳諭巴里坤辦事大臣等。於此等効力之厄魯特

等家口解到時。送往肅州。暫行安置。看伊等在軍

前出力與否。再為定奪。此外所送人口。俱照從前

辦理。亦傳諭黃廷桂知之。

諭靖逆將軍雅爾哈善等辦理回部事宜。

上諭軍機大臣曰。昨諭兆惠等將舍楞哈薩克錫喇

布庫察罕等擒勦後。即著策布登扎布富德前往

回部。兆惠來京。另有商辦事件。恐其一軍兩將。或

致有掣肘也。雅爾哈善既總統回部事務。一切事

務。當與額敏和卓悉心籌畫。奮勉辦理。看來辦理

回部。較準噶爾為易。伊等屬人內。如有悔罪求生。

將波羅泥都霍集占擒獻者。即可竣事。但附和逆

酋為惡之人。若不嚴加殲戮。則回眾無所儆懼。且

後又必滋事。雅爾哈善宜詳詢額敏和卓將此等

平定準噶爾方略正編卷之五

六

附和稔惡之人。務必全行擒獲。不留餘孽。庶地方

常得寧謐。至蕩平回部後。即當定其貢賦。仍視準

噶爾所取之數。毋得增減。或因伊等變亂之後。力

不如前的量稍減尚可。所有貢賦。俱著齋至巴里

坤官為運送。其各城頭目。應令入覲者。作何分年

來京。亦定議具奏。現在伊等軍行所至。情形若何

作速奏聞。

辛酉。

定邊左副將軍成衮扎布疏奏都爾伯特汗策
凌身故。

成衮扎布奏言。准駐劄科卜多辦事叅贊大臣

阿桂咨稱。三月十九日。都爾伯特護衛通噶拉

克稟稱我汗策凌於三月十三日出痘身故等

語。隨曉示親王策凌烏巴什。貝子瑪什巴圖辦

平定縣志卷之五

七

理游牧。本日又據長史騰格等稟稱我汗策凌

臨危時。屬云。從前準噶爾變亂。我歸誠

聖主以來。受

恩深重。今病勢難生。爾等於我身故後。稟知將軍大

臣。我只一子索羅木衮布年十九歲。懇奏請

聖主仁恩等語。并呈送托忒字文一紙。臣等曉示騰

格等云。爾汗生前受

皇上深恩。今身故後。爾等哈屯幼台吉當約束所部。

永承

聖眷。又都爾伯特扎薩克達什敦多卜亦於三月初

三日身故。臣等查明應襲之人。再行具奏。奏入。

上諭軍機大臣曰。都爾伯特汗策凌當準噶爾擾亂

之初。即能識時慕義。率屬歸誠。及準部蕩平。始終

感激朕恩。抒忱効力。約束游牧人等。甚屬安靜。今

平定縣志卷之五

六

聞溢逝深為軫惻。著加恩賞銀一千兩。緞八端。治

辦喪事。仍派乾清門侍衛官長保薩木坦前往奠

醴。其汗爵即令伊子索羅木衮布承襲。伊子年已

十九。應學習辦理事務。著將策凌盟長之缺准其

實授。策凌烏巴什等俱係現在盟長。著賞策凌烏

巴什緞六端。博斯和爾緞四端。剛多爾濟巴圖博

羅特瑪什巴圖各緞三端。可傳諭伊等與索羅木

袤布同心協力。約束所部。以副朕懷。其扎薩克達什敦多卜身故。著於烏里雅蘇台侍衛內。派出一員前往奠醊。

臣等謹案都爾伯特為四衛喇特之一。台吉

策凌值準部內亂。一時渠酋咸徵其伙助。乃義明順逆。知若輩攘奪無成。計惟歸命

天朝。可以保全游牧。率先歛附。畢獻愀忱。我

平定準噶爾方略正編卷五

九

皇上開誠撫納。資予便蕃。自是諸部聞風。延頸踵踵。

洎乎

惡命分封。鈞崇爵號。而阿逆忽心懷叵測。自外

生成。逐影吠聲之徒。紛紜脅附。策凌等卒未嘗少為

搖動。是以屢屢

屢更出籌耕牧。及其既歿。而

因禮始終。賞延後嗣。較三部落之披猖反覆。竟底滅

亡者不啻霄壤。然後知栽培傾覆。

天道與

聖心相為默契。而福由已求。孽亦自作。惟視其人之所取耳。

定議量撤烏里雅蘇台等處兵丁。及停派防秋兵事宜。

定邊左副將軍成袞扎布等奏言。臣等欽奉

平定準噶爾方略正編卷五

十

諭旨。烏里雅蘇台等處駐劄索倫察哈爾等兵。應行

酌量撤回。又四部落每年派出防秋兵丁。亦應

裁減。查上年臣等奏准北路軍營留索倫兵一

千名。察哈爾兵一千名。右衛綏遠城滿洲兵五

百名。喀爾喀兵五百名。綠旗兵三百名。除挑往

西路索倫兵四百五十名外。餘兵五百四十名。

在軍前年久。應行撤回。其索倫兵因和碩齊等

帶去三百名。又察哈爾兵一百名。尚在駐防。請

將烏里雅蘇台科卜多之索倫察哈爾兵。暫時

留駐。俟和碩齊等兵丁回程之便。全行撤回。至

烏里雅蘇台等處。倉庫牲隻。均需照管。其乾隆

二十一年調來滿洲兵五百名。駐防未久。喀爾

喀兵五百名。亦在游牧附近更換。請將此兩項

兵丁。俱行存留。同綠旗兵三百名。一體給與糧

平定縣志卷之三

三

餉。再四部落防秋兵。從前每年派兵三千名。辦

給三個月錢糧。定地齊集。今準噶爾既平。此項

防秋兵。毋庸齊集。即在各游牧豫備。以省糜費。

奏入。得

旨。軍機大臣議奏。尋議成。袞扎布請留滿洲綠旗等

兵。照看倉庫牲隻。應如所奏。其索倫兵丁。現在

無多。俟和碩齊等歸途。一併撤回。尚屬可行。惟

察哈爾兵丁駐防甚久。無庸守候。應請即行撤

回。再所請喀爾喀兵五百名。一體支給錢糧。查

從前將喀爾喀兵派往烏里雅蘇台軍營。因伊

等在游牧之內。並未支領。後因有差遣。蒙

恩賞給。而現在地方無事。應照舊例停支。或因食糧

有年。准其減半支給。至防秋兵丁。既毋庸齊集。

亦應如所奏。令其在各游牧豫備可也。奏入。得

平定縣志卷之三

三

旨。喀爾喀兵丁錢糧。仍照原奏支給。俟索倫等兵撤

回時。再如所議行。餘依議。

壬戌。

命派送軍營馬匹牛隻。

上諭軍機大臣曰。現在商都達卜遜。淖爾達里剛愛

等牧場內。揀選馬匹牛隻。送至巴里坤。以備屯田

及兵丁口糧之需。著派乾清門侍衛瑚什科普撤

額爾登額蒙古勒分隊管領仍派公扎拉豐阿統率照看。

乙丑。

定邊將軍兆惠等疏奏追剿賊衆情形。

兆惠等奏言。臣等隨策布登扎布富德行踪。輕騎追賊。三月十一日。至庫克烏蘇。次日遇策布登扎布等所留索倫管總索音達爾等。詢知富

平定準噶爾方略正編卷之三

三

德聞哈薩克錫喇等晝夜逃奔之信。領兵二百。裹糧前追。於初七日。越博羅呼濟爾嶺。見賊衆分爲兩隊。遂令鄂博什等爲左翼。羅卜藏多爾濟等爲右翼。追及於哈魯勒托羅海。擒獲卓托魯克得木齊車隆。據供。哈薩克錫喇鄂哲特等自薩瑪勒河。分路向伊犁逃去。布庫察罕現在前路等語。因馬力難於疾追。先遣叅領納旺署

營長賓圖。持托忒字印文。往招布庫察罕。令擒

哈薩克錫喇自贖。行至庫克烏蘇。納旺等帶布

庫察罕之喇嘛等來見。請暫緩大兵。卽率屬迎

降。富德等恐係飾詞。仍前追襲。遇賓圖來言。布

庫察罕等夜間商議。忽然潰散。台吉庫魯勒岱

等宰桑塔什等來降。布庫察罕逃去等語。隨卽

前追。擒獲宰桑和碩齊。剿殺喇嘛及賊衆二百

餘人。捉生詢問。據供。布庫察罕在必濟納喇特

等處。現今富德尋踪追襲。策布登扎布相繼前

行。臣等伏思布庫察罕止存百餘戶。尚易追剿。

哈薩克錫喇傳聞逃往阿勒坦額默勒。富德等

約於彼處相會。臣等亦前往策應。仍令圖倫楚

帶兵往額蘇克。尋踪追襲。俱於伊犁會合。又令

由屯帶兵往追鄂哲特等。現在收降台吉衮布

平定準噶爾方略正編卷之三

三

等係綽羅斯種族。派員送京。其節次所收戶口。

派索倫兵送至吐魯番。聽雅爾哈善將兵留用。

另派綠旗兵轉解巴里坤。奏入。

上諭軍機大臣曰。兆惠等奏稱。哈薩克錫喇布庫察。

罕鄂哲特等潰散逃走。現在分兵追剿等語。伊等。

皆叛賊渠魁。自應全行弋獲。今進剿回部。有雅爾。

哈善等承辦。兆惠務將此數賊擒剿。即遵旨來京。

平定回疆方略卷之五

五

其伊犁圍勒奇等處之鄂拓克及塔本集賽游牧。

藏匿之嗎哈沁等著策布登扎布富德嚴行搜捕。

不留餘孽。俾地方寧謐。再往辦回部。至所奏酌派。

索倫兵。給與雅爾哈善。今追賊正需兵丁。不當頻。

為遣發。但業已發往。亦不必調回。其隨策布登扎。

布等勦賊効力之舒德勒瑪呼富音保佛爾賽奎。

蘇喀什喀賞戴孔雀翎。科丕塔格森泰伊薩勒圖。

機擊之。否則速約續至各兵。并力攻剿。或分兵。

繞赴哈密。先襲其綴城偏軍。使彼首尾莫顧。我。

乃前後夾擊等語。計議頗為詳慎。但防兵雖不。

可被誘。而有時機在可乘。援師雖不可輕敵。而。

有時利於速戰。情形難以預料。惟在該督提等。

審時度勢。動出萬全。庶可制勝。又西寧赴援青。

海一條。據稱青海蒙古逼近西寧。設有緩急。應。

平定回疆方略卷之五

五

照善後原議。自西寧派兵。或二千或三千。赴援。

查該處實存馬三千八百三匹。駝五百隻。不敷。

撥用。但西寧至青海。不過百餘里。倘有調遣。自。

可輕裝前往。毋庸多給馬駝。應按現有馬駝。通。

融預備馬步兵各一千五百名。聞調即行等語。

應如所奏辦理。至所稱以冬防為詞。於西寧鎮。

標內派守備千把四員。帶兵百名。前赴各處要。

種若干。收糧若干。較去年多增幾倍。足敷兵丁若干人幾月之食。來年亦照此加增核計具奏。至平定回部後。屯田兵丁若同征兵撤回。則將來又煩跋涉。自應留住彼處。來年墾種地畝。應添兵丁。或於征兵內酌量存留。伊等口糧。卽在現收穀石內支給。但足敷幾月之食。能及收穫之期否。俱著籌酌奏聞。

平定準噶爾方略正編卷之三

三

巴里坤辦事大臣阿里衮疏奏運送軍營口糧

牛隻。

阿里衮奏言。臣遵

旨於三月十五日。自魯克察克起程。二十七日。至巴

里坤。查應送雅爾哈善軍營駝隻口糧。及烏魯

木齊哈喇沙爾等處屯田牛隻。俱陸續解送。其

進勦回部兵丁。尚未全至。雅爾哈善於三月十

五日起程。途中緩行以待。其應送兆惠軍營之

軍器口糧俱全行運送。其哈尚德應賒食羊一

萬五千餘隻。共應抵補米麩炒麩。一千八百餘

石。挑選現到駝隻。先行起運。其餘應得口糧。亦

卽陸續運往。又臣於吹什臺站。查得被賊搶掠

力戰中鎗身死之綠旗兵閻惠。回兵呢雅斯。傷

重之回兵黑里默錫克。請照陣亡及得傷例賞

平定準噶爾方略正編卷之三

天

卹。奏入。報

聞。

諭定邊將軍兆惠等。摺節糧餉。

上諭軍機大臣曰。據阿里衮奏稱。從前哈尚德所解

羊隻。倒斃數多。先以米麩計算抵補。其應支糧餉。

待駝隻到齊。陸續運送等語。兵餉關係緊要。軍行

程途更遠。運送正復不易。自當加意摺節。若運到

時卽盡行分給。恐兵丁等糜費過多。致將來不能接濟。兆惠等進勦時。所收賊人口糧。牲隻。自可分給兵丁。其送到之糧餉。酌量給發。仍豫籌貯備。務使留餘。可傳諭兆惠等知之。

命按察使職銜納世通辦理屯田事務。

上諭軍機大臣曰。昨命納世通在巴里坤辦理糧餉。

今駐劄既有大員。且無必需承辦之事。著前往魯

平定縣辦理屯田事務

完

克察克同永貴定長辦理屯田事務。

甘肅巡撫吳達善疏奏撥運哈密倉糧。

吳達善奏言。臣查巴里坤軍儲。關係最重。現在

進勦及臺站屯防各官兵。約一萬八千有奇。九

月以前。穀未登場。尚需轉運。請於哈密倉糧內。

撥運粟米六千七百石。麩六千七百石。炒麩六

千六百石。共二萬石。陸續委員運送。仍照上年

之例。於四月初旬起。至八月以內。全數運足。以實軍儲。奏入。報

聞。

丁卯。

定邊將軍兆惠等疏奏擒獲喀喇沁宰桑恩克圖及收阿勒塔沁等游牧。

兆惠等奏言。臣等於三月十五日。據侍衛占丕

平定縣辦理屯田事務

三

納報稱。行至哈套。晚見烟火。移入庫隴突山口。

隨捉生詢問。知布庫察罕敗逃後。有喀喇沁宰

桑恩克圖多果魯特宰桑布圖庫噶勒雜特宰

桑特克勒德克阿勒塔沁宰桑塔爾巴等領二

百餘戶。欲渡伊犁。有伊等游騎探知。大兵已至。

遂移往庫隴突山險藏匿。臣兆惠色祿色布騰

巴爾珠爾溫布領兵一百名。入庫隴突山口。臣

策布登扎布領兵一百名。過阿勒坦額默勒。與富德羅卜藏多爾濟鄂博什從後掩襲。臣兆惠伏兵山背。派叅領庫林保驍騎校卓倫德領催錫勒都內固蘭岱厄魯特嚮導策伯克及新降之庫本諾雅特台吉舒倫哈什哈偵知賊衆照常牧放馬匹。有人巡察。臣等慮黎明進剿。賊見我兵少無援。不知畏懼。遂於五鼓直前掩襲。行

平定準噶爾方略正編卷之三

三

未二里。抵賊游牧。一面令巴圖魯侍衛扎延保厄魯特侍衛達什策凌等驅其牧馬。我兵卽呼噪叢射。賊衆驚竄。值大霧迷漫。賊棄其帳房器物。赤身乘馬。逃據山巔。放鎗滾石相拒。我兵奮前攻擊。卽部院章京筆帖式等皆爭先射賊。侍讀學士職銜溫福副將高天喜各携一礮。奔赴高山。將山上賊衆擊死。此次鏖戰。色布騰巴爾

珠爾得烏鎗傷。鉛子從腋透出。幸未傷骨。因達什策凌應援得脫。委署防禦衮布及兵丁一名陣亡。索倫營總西通阿等三員及兵丁三名得傷。藍翎侍衛伍岱射恩克圖直貫其項。爲厄魯特特默齊喀喇擒獲。因氣息漸微。卽凌遲處死。塔爾巴亦被剿殺。共殺賊二百餘人。收獲馬駝牲隻什物。派舒赫德三格查點。分別賞給備用。仍行策布登扎布截殺過嶺賊衆。又圖倫楚探賊回營。卽令其追剿布圖庫特克勒德克。臣等於庫隴癸山內。搜捕餘賊。偵探哈薩克錫喇信息。奏入。

平定準噶爾方略正編卷之三

三

上諭軍機大臣曰。兆惠等偵知恩克圖等藏匿庫隴癸山中。卽乘夜掩襲。擒剿賊衆。甚屬奮勉。効力。自兆惠以及効力官兵。皆當加恩議敘。其陣亡得傷

人等。但著查明送部議敘議卹。

靖逆將軍雅爾哈善等疏奏軍行途次情形。

雅爾哈善奏言。臣等前奏。計算進剿回部之綠

旗兵。自肅州起程。於三月初。可至魯克察克。自

魯克察克至哈喇沙爾。結筏渡海都河。歇馬一

二日。卽整旅前進。麥熟之時。可抵庫車。今三月

十四五等日。馬得勝等兵丁。大半至魯克察克。

平定縣志卷之三

三

分隊起程。其續到之兵。臣等因候順德訥所帶

索倫兵。途次緩行。於二十三等日。在托克三

等處。全行趨赴。惟照管輜重之兵。尙隔四站。查

兵丁人給馬一匹。六兵合給車一輛。路遙載重。

多推輓緩行。俟到察罕通古哈喇沙爾等牧場

水足之處。令哨探兵前行。臣等接續進發。約五

月初可抵庫車。奏入。報

聞。

平定縣志卷之三

三

平定準噶爾方略正編卷之五十四

乾隆二十三年夏四月戊辰。

定邊將軍兆惠等疏奏哈薩克錫喇等信息。

兆惠等奏言。臣等於三月十四日。過阿勒坦額

默勒。至明布拉克會合。詢問兩路俘獲人口。俱

稱哈薩克錫喇鄂哲特等揀選馬駝。渡伊犁河。

或云在山僻藏匿。或云逃入回部。十五日侍衛

平定準噶爾方略正編卷之五十四

一

占頗圖等報稱哈薩克游騎五十餘人前來。臣

等喚來詢問。稱係阿布勒該爾汗之子額爾類

之人。額爾類領兵五千名。於伊犁遇哈薩克錫

喇所攜餘衆。將及百戶。盡行掠取。哈薩克錫喇

惟帶一人逃走。追之不及。臣等告以去年阿布

賚等歸降。承受

大皇帝恩澤。爾額爾類應照霍集伯爾根等之例來

見隨令侍衛納爾圖等同伊等游騎前往。俟額爾類回覆。再行具奏。奏入。

上諭軍機大臣曰。昨據兆惠等奏擒勒恩克圖塔爾

巴等之奮勇効力官兵。已令分別議敘。至色布騰

巴爾珠爾夤夜鏖戰。致受重傷。著加恩復封親王。

厄魯特二等侍衛達什策凌驅賊收羣。攻奪山險。

又應援色布騰巴爾珠爾。著加恩授為散秩大臣。

平定準噶爾方略正編卷之五十四

二

給與三品世職。仍賞銀一百兩。伍岱授為三等侍

衛。錫勒都內授為藍翎侍衛。其現戴獎賞翎者。加

賞級各二端。自將軍兆惠等至効力官兵。俱交部

議敘。此次進剿。頗合機宜。但據哈薩克游騎所稱

哈薩克錫喇脫身逃走。窮蹙已極。兆惠等宜遣二

三十人。乘健馬往追。而必候哈薩克來信。尚未慍

朕心。昨命兆惠事竣來京。今渠魁未獲。難云竣事。

務宜加意追擒。以正國法。再富德追期布庫察罕。信息若何。作速奏聞。又

諭曰。從前阿睦爾撒納副班第平定伊犁。命色布騰

巴爾珠爾同行。會諭以阿逆狡詐難信。當留心體

察。若妄動滋事。即行辦理。伊若稍有識見。雖不能

辦理。亦當據實陳奏。乃伊來京。並無一語。設在他

人。竟似與阿逆相通矣。朕因革其王爵。以示懲戒。

平定回疆方略卷之五十四

五

此次遣往軍營。伊自悔前愆。頗知奮勉。是以復封

親王。所封王爵。在伊家達爾漢親王之外。伊為朕

子婿。有過則督責之。能改則體恤之。似此効力行

走。庶幾不負教育之恩。而於眾內扎薩克更增光

寵。著通行曉諭知之。

恩賞派送軍營牛馬之喀爾喀兵丁。

上諭軍機大臣曰。解送巴里坤之豫備軍營牛馬。已

派公扎拉豐阿同侍衛等前往。但沿途須有防護

兵丁。若遇嗎哈沁等。亦可乘便搜剿。著傳諭成衮

扎布就近派喀爾喀兵一百名。遣往推河豫候。仍

照出兵之例。減半賞給銀兩。以示體恤。

厄魯特雅賽等。

授職賞銀有差。

平定回疆方略卷之五十四

四

上諭軍機大臣曰。綽和爾鄂拓克之雅賽於擒剿吞

圖布時。曾求為嚮導。及伊等游牧叛逃。復捐棄妻

子。偕其弟瑪木特來投。効力軍營。甚屬可嘉。雅賽

著加恩。授為三等侍衛。在上駟院行走。賞銀三十

兩。瑪木特著在司轡上行走。賞銀二十兩。其克勒

特鄂勒椿等十八人。俱會隨軍効力。著加恩賞銀

各十兩。在察哈爾旗分安插。

大學士管陝甘總督黃廷桂疏奏豫籌屯田事

宜。

黃廷桂奏言。伏查巴里坤至伊犁。分駐官兵屯田。由近及遠。漸次舉行。凡阨塞諸處。一切修建城堡。分別管站。仍聽將軍臣兆惠辦理。至屯田需用牲隻。我

皇上特勅太僕寺解牛萬頭。極為充裕。其鑄造農具。請於秋冬酌量運送。計由巴里坤至烏魯木齊

平定準噶爾方略正編

五

南路一帶。如闕展。托克三。哈喇沙爾等處。今歲俱已種植。自烏魯木齊以內。察罕烏蘇。穆壘北路一帶。未設臺站。舊係噶爾藏多爾濟部落。地多砂磧。難於開墾。由穆壘至烏魯木齊一帶。則可墾之地最多。近因哈薩克貿易。派同知范清曠承辦。並遵

旨。揀選副將一員。帶兵二百名。管押貨物。應請乘便

遴委道員。同往彈壓。卽於經過之處。將會否開

墾地畝。及氣候寒暄。土脈肥瘠。水泉多寡。繪圖貼說。臣再加酌議。請

旨遵行。奏入。報

聞。

已已。

命封額敏和卓為貝勒。

平定準噶爾方略正編

六

上諭軍機大臣曰。吐魯番貝勒品級額敏和卓効力軍前。備抒誠悃。朕心嘉悅。著加恩實封貝勒。仍以叅贊大臣。同將軍等辦理軍務。又

諭曰。現在雅爾哈善額敏和卓進取回部。自可立奏膚功。但擒獲逆酋後。仍另選本處伯克令其辦事。伊等俱係新附。恐一時難知賢否。且伊犁駐兵屯田。關係甚重。亦宜豫為籌畫。從前伊犁地畝。皆回

人耕種。今俟回城平定。即將回人酌量遷移。與綠旗兵參雜。額敏和卓係回部望族。應同將軍大臣等管束屯田兵丁。俟耕作嫻習。主客相安。再回吐魯番。方為有益。昨已諭將軍成衮扎布。携眷駐烏里雅蘇台。額敏和卓若願携眷前往伊犁。亦准其同往。至一切進剿事宜。額敏和卓願屬實心効力。已命賞封貝勒。嗣後益加奮勉。策勲懋賞。朕將疊

平定邊疆方略卷之五

七

沛殊恩。可傳諭雅爾哈善額敏和卓知之。

庚午。

定邊將軍兆惠等疏奏進剿賊衆情形。

兆惠等奏言。臣策布登扎布令副都統職銜温

布搜捕賊衆。至額爾克騰鄂拓克。三月初九日。

在鄂爾多布拉克之察起爾山。追及賊衆。奪其

營壘。殺賊四十餘人。十三日。偵知圖古里克有

巴爾達穆特十餘戶。即令温布敦多克往勦。臣兆惠於十四日過阿勒坦額默勒。見有塵起。令公明瑞往探。隨進兵攻擊。會温布等正在擊賊。明瑞擒獲濟喇特轄默爾根等。餘賊及家口。俱行勦殺。詢默爾根云。數日前。有推素隆集賽八十餘戶。亦由圖古里克逃往鄂勒錐圖嶺。今願為嚮導。臣等派明瑞安泰瑪瑞。即日起程。晝夜

平定邊疆方略卷之五

八

尾追。十六日黎明。自鄂勒錐圖嶺口。追及賊衆。

我兵僅五十名。安泰瑪瑞分為兩翼。泰領縹諾

庫虛銜翎蒙庫爾克署驍騎校巴雅爾領催羅

托截其去路。明瑞帶兵合擊。賊不能支。將駝隻

倒臥拒守。隨令厄魯特阿塔什。高呼招降。惟得

木齊薩木坦等十一口。向安泰投降。其餘賊衆

仍放鎗拒戰。我兵四面攻擊。射斃賊駝。將八十

餘戶二百五十餘口。盡行剿滅。收其牲畜軍器。

臣等查明瑞安泰瑪瑞係

御前行走之人。受

恩深重。毋庸邀請議敘。其奮勉効力之索倫領催羅

托馬甲策卜。登令戴獎賞藍翎。其力戰及得傷

官兵。應請交部議敘。濟喇特轄默爾根留營聽

用。家口送巴里坤安插。奏入。得

平定準噶爾方略正編卷五

九

旨。明瑞等領兵甚少。剿殺賊衆。奮勉効力。深屬可嘉。

明瑞安泰瑪瑞及効力官兵。俱著交部議敘。餘照

所請行。

申諭定邊將軍兆惠等。速擒哈薩克錫喇等賊首。

上諭軍機大臣曰。昨據兆惠等奏稱策布登扎布至

庫隴突嶺之北。堵截逃出賊衆。未見踪跡。已回營

暫爲休息。現有圖倫楚尾追。且富德在前堵截賊

人。斷難藏匿。俟富德圖倫楚等撤兵。卽進剿回部

等語。厄魯特等勢甚窮蹙。剿除雖易。但渠魁未獲。

難云竣事。現據所奏明瑞安泰等剿殺推素隆集

賽八十餘戶。不過嗎哈沁之類。並無爲首要犯。乃

遽請進剿回部。不知辦理回部。已專委雅爾哈善

額敏和卓。兆惠何爲舍本身承辦之事。而欲助他

人。且伊等此次所奏軍行道路。殊未明晰。如鄂哲

平定準噶爾方略正編卷五

十

特哈薩克錫喇等。遁逃未久。若悉力窮追。自當擒

獲。乃於賊人逃走方向。俱未聲明。惟以攻擊潰散。

便可了局。且從前曾派巴圖濟爾噶爾鄂實等由

沙爾塔克嶺。過伊犁追賊。此路似與哈薩克錫喇

等踪跡相近。曾否遇賊。未據呈報。卽傳喚回營。豈

不徒勞往返。凡此俱朕所不解。兆惠等務宜速爲

奮勉。擒獲渠魁。若回部尚須協辦。祇令富德等前

往。兆惠遵旨來京。或雅爾哈善等業已奏功。亦無庸再往。祇於伊犁左右。搜捕逃匿賊眾。俾無遺孽。即將來年駐兵屯田等事。相度形勢。詳悉議奏。

壬申。

命革阿里衮戶部侍郎職。以副都統革職留任。

上諭軍機大臣曰。阿里衮近在軍營。辦理沙喇斯瑪

呼斯賊眾。未能奮勉。著革去侍郎。仍以副都統革

職留任。

乙亥。

訓諭定邊將軍兆惠等奮力追剿賊眾。

上諭軍機大臣曰。朕閱兆惠等節次奏報。於追賊一

事。全無端緒。惟圖苟且結局。哈薩克錫喇瑪里格

爾巴朗布庫察罕鄂哲特烏爾古勒濟勒鄂勒錫

等。皆叛賊渠魁。俱已免脫。焉能竣事。卽如布庫察

罕富德曾受其欺。今並未奮往追擒。半途卽返。去

年富德頗爲効力。邇來似不如前。至哈薩克錫喇

隻身遁逃。據俘獲生口所供。伊同布庫察罕等與

哈薩克約誓。或逃入彼處等語。兆惠等自應窮追

向索。乃並無一言奏及。去年追阿睦爾撒納時。我

兵直抵哈薩克邊界。今亦當提兵壓境。令其速行

擒送。若稍有支吾。卽進兵搜捕。方合事機。不可以

賊眾業已潰散。遂欲往辦回部。卽現在起程前往。

亦遵旨復回。務俾渠魁全獲。此次策布登扎布富

德等尚稍能効力。兆惠巴祿有何勞績。前年兆惠

領隊進剿。軀命所關。始知奮勉。今統率多人。卽生

推諉。往往避難就易。卽如所奏賊踪已向伊犁。伊

等皆約於伊犁會合者。何以未曾相遇。若謂竄伏

潛逃。則軍營自有卡倫。焉能偷越。兆惠等務將何

平定縣志卷之五

七

平定縣志卷之五

七

人追逐。何人堵截。明白回奏。又所奏巴圖濟爾噶爾擒獲噶勒雜特宰桑特克勒德克。甚屬可嘉。兆惠等進剿時。若早遣其効力。應已多擒數賊。不致漏網。巴圖濟爾噶爾及各隊効力官兵。俱著交部分別議敘。再圖倫楚尾追布圖庫未及而回。若云應當議罪。則兆惠等亦未能奮勇追賊。獨無罪乎。可傳諭兆惠等加意奮勉。俟現在情形。回奏到日。

平定準噶爾方略正編卷之五

三

再將圖倫楚等一併交部察議。又

諭曰。適據巴里坤大臣等奏稱。現在豫備軍營之馬。計一萬七千匹。已飭該管加意防守收羣等語。此項馬匹。俱係參養臙壯。若兆惠等馬匹疲乏。卽休息收放。將巴里坤馬匹。調赴軍前應用。俟原馬臙壯時。互相更替。自必有益。可傳諭兆惠等若事屬可行。卽派巴圖濟爾噶爾領兵至巴里坤收送軍

營。若軍營馬匹。尚可應用。卽毋庸調撥。再運送軍營口糧。曾諭留意樽節。今據奏又經續運。現在收獲賊人牲隻頗多。口糧自必充足。兆惠等宜設法存貯。勿恣糜費。

命送厄魯特舒倫哈什哈等來京。

上諭軍機大臣曰。兆惠等奏稱庫本諾雅特台吉舒

倫哈什哈巴爾達穆特宰桑塔什額爾克騰宰桑

平定準噶爾方略正編卷之五

四

和碩齊及塔什之叔袞楚克扎卜等俱請送京等

語。伊等既在軍營効力來京之後。朕將酌量加恩。

其眷屬人等。亦查明送京。不可送肅州辦理。

諭靖逆將軍雅爾哈善等。沿途搜剿沙喇斯瑪呼斯

等餘賊。

上諭軍機大臣曰。昨據雅爾哈善等奏帶領各隊兵

丁。至哈喇沙爾等處取齊。接續前進等語。此時應

已至哈喇沙爾。其地為沙喇斯瑪呼斯舊游牧。若有餘孽未盡。卽當剿除。再沿途遇有嗎哈沁等亦宜搜剿。庶大兵既過。不致乘間搶奪。著將現在情形具奏。

申諭提督豆斌巡查臺站。

上諭軍機大臣曰。阿里袞等奏稱現派巴里坤駐劄之索倫吉林綠旗兵二百名。令豆斌帶領巡查臺

平定縣縣志卷之五

五

站。於四月初八日起程等語。從前諭豆斌帶兵。自巴里坤以至額林哈畢爾噶臺站左右。山林幽僻之處。所有嗎哈沁等。盡行搜剿。以清道路。不可專在附近地方行走。伊等馬力有餘。將哈布塔克拜塔克及阿濟必濟等路。亦如此辦理。若必須紆道行走。俟歸途巡查亦可。如相隔甚遠。卽毋庸前往。命甘肅巡撫吳達善回任。并

諭巴里坤辦事副都統阿里袞等辦理羅卜淖爾回

人等事宜。

上諭軍機大臣曰。現在阿里袞已抵巴里坤。吳達善著回甘肅巡撫之任。至阿里袞所奏招服羅卜淖爾回人一事。此等回人。自守其地。無甚關係。卽有逃匿之厄魯特等。伊等亦未必能擒獲。前經賞給緞布茶葉。嗣後不得援以為例。

平定縣縣志卷之五

六

丙子。

議解送馬駝倒斃官員處分。

軍機大臣奏言。臣等查口外解送軍需。遇有倒斃馬駝。俱係領兵大臣。按道里遠近。數目多寡。酌量應賠應免。咨部辦理。並未定有成例。其馬匹一項。現據戶部。因陝甘督臣所請。每百准銷六匹。為數過多。駁令再議。至駝隻倒斃。查乾隆

二十年九月北路軍臺總管等曾因途次風雪

以每百或准銷四隻或准銷八隻奏請奉

旨准銷八隻亦係一時

恩准之數未可援以為例今由巴里坤運送軍需之

遊擊菩薩保所倒駝隻該將軍未將應否賠補

數目聲說應令查明辦理至遲候軍需處分兵

部向議照原叅情節定議其革職者於議處本

平定準噶爾方略正編卷之五

七

內以該員應否仍留軍營効力請

旨但現在巴里坤非軍營可比若准留効力誠如

聖諭轉可為異日開復地步無以杜微幸之漸應令

該督等查明菩薩保所倒駝隻如應賠補即行

著追完結不必給咨送部引

見奏入報

聞

丁丑

申諭定邊將軍兆惠等速擒哈薩克錫喇等賊首

上諭軍機大臣曰兆惠等據由屯呈報領兵至伊犁

疾追烏爾古勒濟勒等已派瑪瑞策應由屯大兵

亦相繼進發等語兆惠等自進兵以來雖數次擊

敗賊衆而渠魁如哈薩克錫喇等未能擒獲且今

日奏報中並未言及又有奏賀阿睦爾撒納身死

平定準噶爾方略正編卷之五

六

一摺阿睦爾撒納之死諸人俱可慶賀惟兆惠富

德疎脫逆賊未曾擒獲尚宜愧恥乃亦覲然奏賀

豈謂逆賊既伏冥誅大事已竣而哈薩克錫喇等

賊俱可置之不論乎此時賊衆若向特克斯等處

即宜迅速追剿若已逃入哈薩克亦應勒兵索取

仍分兵至博羅塔拉擒拿舍楞等務期弋獲至所

奏喀喇烏蘇之呼魯蘇台臺站被賊搶奪兆惠等

領兵進剿。自應令巴祿照管臺站。兩將軍兩叅贊。

閒居一處何為。而巴祿更屬無事。伊等豈欲效去

年西路所行乎。奉到此旨後。若達禮善等尚未追

剿哈丹鄂拓克善披領集賽等餘賊。即派巴祿領

兵二三百名。前往搜捕。又所奏瑚爾起等收取伊

克胡喇勒得木齊巴蘇泰。由屯收取杜爾把集賽

等戶口。皆係畏威乞降。解至巴里坤時。仍送肅州

平定衛營務處奏言

九

辦理。

戊寅。

議停撤維拉沙木等十三卡倫。

辦理西藏事務將軍伍彌泰等奏言。前奉

諭旨。準噶爾地方平定。衛藏沿邊所設卡倫。應行裁

撤。俟擒獲阿睦爾撤納後。再行請旨。今阿逆已斃。

應行請

旨裁撤。奏入。得

旨。軍機大臣議奏。尋議衛藏之北。西起阿里。東至喀

喇烏蘇。所設雜拉沙木等十三卡倫。平定準噶

爾後。自應裁撤。因阿睦爾撤納未獲。奉

旨。仍舊安設。今阿逆既斃。準噶爾全部蕩平。但現在

辦理回部。該地亦與葉爾羌。喀什噶爾等處相

通。應請暫停裁撤。俟辦理回部事竣。再行請

平定衛營務處奏言

十

旨。奏入。

上從之。

定邊左副將軍成衮扎布疏奏。派兵策應和碩

齊等。

成衮扎布奏言。遵

旨。令臣等將科卜多。現在兵丁馬匹若干。酌量豫備。

協擒叛賊舍楞。伏思舍楞逃向俄羅斯。此時由

科卜多派兵擒拏。雖覺稍遲。但賊衆為大兵所迫。藏匿山谷。亦未可定。臣等查科卜多現駐索倫察哈爾喀爾喀兵一千名。應酌派三百名。卽行文阿桂委員帶領起程。策應和碩齊。臣等將烏里雅蘇台察哈爾兵三百名。委副都統職銜栢起帶赴科卜多。奏入。報

聞。

己卯。

議哈薩克入

觀事宜。

軍機大臣奏言。據努三奏稱前與哈薩克阿布賚。阿布勒比斯定約。在烏魯木齊貿易。其阿布賚等子弟及所屬人等。來京入

覲事宜。應請豫為籌議。奉

平定準噶爾方略正編卷之五十四

主

旨交臣等議奏。伏思哈薩克貿易一事。努三恭承皇上訓諭。敬謹遵行。至阿布賚等子弟及屬人等。有

願瞻仰

天顏者。行至烏魯木齊時。努三卽查明人數。派員照管。仍騎伊等本馬至巴里坤。將所攜什物存留。輕裝就道。再阿布勒比斯會言擒獲厄魯特台吉宰桑等。卽行呈送等語。若果擒獲解送。俟至

平定準噶爾方略正編卷之五十四

主

烏魯木齊時。如願入

覲。亦派員照管至京。如願回游牧。卽接收解犯轉送。酌量來人職銜大小。及獲犯多寡。加以賞賜。於貿易緞疋內支給。以昭

聖朝柔遠之至意。其臨期一應事宜。令努三酌量辦理。奏入。

上從之。

命都爾伯特扎薩克達什敦多卜之長子博貝承襲

扎薩克品級。

壬午。

辦理青海事務副都統濟福疏奏賞給備勦兵

丁。

濟福等奏言。四月十八日。據查拉豐阿等報稱

我等於三月二十九日。領兵起程。於四月初四

至噶斯等處巡查。並無逃賊踪跡等語。臣等

臣

即將現在駐劄烏圖兵丁。計其游牧最遠者。先

行發回。行文西寧地方官。動支緞疋銀兩賞給。

此次派出副台吉一員。管旗章京二員。各賞緞

疋。副管旗章京甲拉等官十八員。各賞緞一

疋。兵丁一千名。各賞銀三兩。其查拉豐阿那木

查爾等即遵

查爾等即遵

旨回京。候德爾素與臣交代印務後。續行具

奏。奏入。報

聞。

癸未。

議豫備伊犁屯田事宜。

軍機大臣奏言。大學士管陝甘總督黃廷桂疏

奏伊犁一帶屯墾要需。請先期備辦一摺。奉

旨交臣等議奏。查臣等原議請由巴里坤以西之伊

臣

勒巴爾和碩穆壘特訥格爾烏魯木齊瑪納斯

安濟哈雅濟爾哈朗等處。以次建堡屯田。派兵

駐劄。自近而遠。各以就近餘糧。陸續辦理。直達

伊犁。所有伊犁等處屯田籽種農具口糧牛馬

駝隻。自應豫為備辦。但宜漸次經理。該督所奏

豫備籽種七八千石。農具五六千副。陸續轉運。

豫備籽種七八千石。農具五六千副。陸續轉運。

尚易爲力。至所奏口糧一萬五千石。駝一萬五千隻。每駝運米一石。每年可運一次。毋論直隸山西。一時難於購買。即使拮据足數。而於商民貿易有礙。物價亦必騰踊。且恐來年收成稍歉。則又須照前餽餉。更爲勞費。臣等愚見。請俟將軍兆惠等相度定議後。再爲措置。又查準噶爾舊例。係回人耕種交租。請俟回部蕩平。將葉爾羌等處回人。酌量遷移耕種。仍查明回人原納租糧。足數屯田兵丁若干人之食。其不足者。以貨物交易。若尚有不足。或仍照原議。由近及遠。以次經理。奏入。

上諭曰。黃廷桂所奏豫備伊犁屯田事宜。頗似欲速。徒滋繁擾。若將原奏及爾等所議。俱錄寄雅爾哈善等。令其酌量情形。詳悉具奏。

平定準噶爾方略正編卷五

五

甲申
定邊將軍兆惠等疏奏擒獲叛賊鄂哲特收其游牧。

兆惠等奏言。臣兆惠巴祿追賊至庫克烏蘇。即派副都統由屯尾隨叛賊鄂哲特等踪跡。過伊犁河。復派巴圖魯侍衛瑪瑞前往策應。四月初八日。據由屯報稱。官兵量馬力追賊。三月十七日。收取阿克把集賽之尼爾巴喇嘛伊什車木畢勒得木齊圖爾布等一百十三口。又遣來降之特克伯克於華諾輝山口對面之和濟格爾收取杜爾把集賽得木齊伊什博什等六十八口。又於阿里瑪台收取綽和爾鄂拓克之遂爾托哈什哈普爾普等二十口。詢問鄂哲特瑪里格爾巴朗等踪跡。據稱鄂哲特等前往穴卜察

平定準噶爾方略正編卷五

五

里山嶺已過三日等語即帶兵二百餘名令喇

嘛伊什車木畢勒等前導晝夜趨行二十一日

追及賊衆於察卜察里河口之蘇瑪爾罕令哈

坦巴圖魯佐領委署管總薩壘爲左翼佐領委

署管總奎蘇德爲右翼我與新巴爾虎頭等侍

衛委署管總莫托和爾三等侍衛拉瑪錫居中

奪賊所踞山谷追至特克斯河殺賊二百餘人

平定縣志卷之五

毛

其鄂哲特瑪里格爾巴朗瑪濟克等妻子俱經

收獲擒獲阿克把集賽之藍翎羅卜桑津巴遂

諭所獲之固英哈什哈博倫烏克圖喀爾噶什

袞布等五人云爾等若將鄂哲特等誘擒即可

不死固英哈什哈等於次日將鄂哲特瑪濟克

擒獻又問瑪里格爾巴朗向何處逃去烏爾古

勒濟勒於何處分散俱不深知隨派管總莫托

和爾等前往特克斯河上下搜捕我與奎蘇德

在格登托羅垓等處追擊二十七日叅領都倫

保錐寬等從特克斯河下流至庫克烏蘇哈喇

博和齊嶺等處追及賊人三十日莫托和爾等

從特克斯河上流追賊見二十餘人從華諾輝

嶺傍行走俱盡行勦殺收獲軍器馬駝衣物等

語臣等查鄂哲特曾爲散秩大臣扎爾呼齊瑪

平定縣志卷之五

天

濟克係昂吉岱所用宰桑應送京備訊伊等家

口解送巴里坤其由屯等帶領官兵三百餘人

渡伊犁河又過特克斯至穆素爾嶺擒勦賊衆

收其游牧應請交部議敘奏入得

旨副都統由屯領兵沿途勦賊擒獲鄂哲特等收其

游牧甚屬奮勉効力由屯著賞給世職與効力官

兵交部議敘其得傷官兵照例賞給銀兩仍交部

議敘。

定邊將軍兆惠等疏奏敏珠爾多爾濟等勦賊不力情形。

兆惠等奏言。臣等前令察哈爾公敏珠爾多爾濟侍衛達禮善將哈丹游牧結壘固守之賊。奮勉攻取。今據報稱三月二十五日。在濟爾哈朗遇賊二百餘人。據險放鎗。我兵力戰竟日。殺賊

平定準噶爾方略正編卷之五十四

天

十餘人。捉生詢問。知伊等糾合賊眾抗拒。其游牧已歸綽和爾等語。計陣亡兵三名。得傷官兵十四名。又臣等前令吉林營總扎庫齊二等侍衛訥克布往勦善披領集賽十餘戶。因呼魯蘇台臺站。被嗎哈沁搶掠。復飭令嚴行搜捕。今據報稱三月十六日。攻賊山險。自卯至未。不能奪取。計殺賊八人。我兵陣亡二名。得傷五名。十七

日。聞臺站被掠。一面派兵安設。隨追至伊犁河。殺賊十餘人。捉生詢問。係烏喇特屬人。即收其馬駝。仍回賊人所守山嶺。逃去三四日等語。臣等查敏珠爾多爾濟達禮善扎庫齊訥克布等。或因賊人據險難攻。不行防守。遽爾撤兵。或因接續臺站。致賊乘間逃脫。日久未能擒獲。應請交部嚴加議處。奏入。得

平定準噶爾方略正編卷之五十四

三

旨該部嚴察議奏。

訓諭定邊將軍兆惠等速擒哈薩克錫喇布庫察罕等賊首。

上諭軍機大臣曰。據兆惠等奏稱伊犁等處賊人游收俱已殘破。準噶爾事體將竣。現兵三千餘名。請分千餘名。令策布登扎布巴祿同領隊大臣色布騰巴爾珠爾羅卜藏多爾濟鄂博什圖倫楚駐劄

伊犁搜捕餘孽。兆惠富德領兵二千餘名。同領隊

大臣明瑞由屯瑚爾起溫布。巴圖濟爾噶爾由伊

犁進剿回部等語。由屯係領隊大臣。領兵甚少。尚

能擒賊。若兆惠等協力前追。更易集事。徒駐兵伊

犁何益。且將軍及叅贊大臣。卽不親往。亦應調遣

領隊大臣。乃多派侍衛。朕所不解。此次進兵。專爲

哈薩克錫喇布庫察罕等渠魁。至鄂哲特。不過稍

平定縣志卷之五

三

有名目之宰桑。瑪濟克更屬微末。甫經擒獲。遂謂

準噶爾之事將竣。豈不可愧。富德去年頗著勞績。

今觀其疎脫布庫察罕。焉得謂之奮勉効力。著伊

等明白回奏。至哈薩克錫喇等逃入哈薩克之言。

全不可信。伊等卽投哈薩克。不過奴隸使之。且去

年哈薩克將達什策凌齊巴罕烏勒木濟等縛獻。

哈薩克錫喇等豈不慮爲前人之續。不過藏匿伊

犁附近。俟撤兵復出。兆惠等並未計及此。遽信浮

言。希圖塞責可乎。著傳諭兆惠富德等此時若能

擒賊。尚可功過相抵。如仍未擒獲。富德卽領兵將

敏珠爾多爾濟等。攻取未得之哈丹等游牧。搜剿

俘獲。增我兵力。由彼往擒布庫察罕。或逃入哈薩

克。亦駐兵邊界索取。兆惠仍追擒哈薩克錫喇。如

渠魁漏網。斷不可謂爲竣事。所有現在情形。作速

平定縣志卷之五

三

具奏。

乙酉。

論將軍大臣等搜捕逸賊。以清臺站。

上諭軍機大臣曰。永貴等奏據奎屯等臺站委署筆

帖式拜靈阿報稱。有呼爾滿台吉巴顏等百餘口。

在庫爾河源藏匿。搶奪博羅通古臺站牲隻。和落

霍斯奎屯等處。仍有嗎哈沁來往。卽派守備馬蛟

雲委署章京達爾扎桑帶兵往剿。仍知會將軍兆惠及辦理哈丹等餘賊之敏珠爾多爾濟等語。所辦尚是。前因搜剿嗎哈沁。以清道路。已命豆斌前往。永貴等亦當移咨催督。令其協力搜剿。至兆惠等進兵時。辦理哈丹等餘賊。即應派大員如溫布鄂博什等前去。乃用敏珠爾多爾濟未經諳練之人。達禮善亦一尋常侍衛耳。伊等不能取賊。固責

平定準噶爾方略正編卷之五十四

五

有攸歸。而將軍大臣。任使不當。則誰執其咎。昨諭富德領兵往剿哈丹等餘賊。再追擒布庫察罕。若敏珠爾多爾濟及馬蛟雲等。此際尚不能竣事。富德即遵照前旨辦理。并傳諭豆斌知之。

諭辦理收獲之厄魯特等。

上諭軍機大臣曰。兆惠等奏稱收降得木齊訥默庫等七十餘口。已選熟識路徑之三十六人。帶往軍

營。其餘俱送巴里坤等語。現在軍前收獲賊人甚多。俱係屢經叛亂。非誠心降服可比。自巴里坤解至肅州。仍照前辦理。再琿齊之宰桑齊奇爾巴朗。尚係要犯。如未被擒殺。或在解送入口之內。即看守送京。著傳諭阿里衮黃廷桂知之。

前。即行正法。

平定準噶爾方略正編卷之五十四

五

命以叛賊布爾古特台吉理齊於故總管巴寧阿墓

平定準噶爾方略正編卷之五十五

乾隆二十三年五月丙戌朔。

叅贊大臣阿桂等疏奏派兵策應和碩齊唐喀祿。

阿桂等奏言臣等因和碩齊唐喀祿等堵截沙喇孽勒潰逃賊衆未得信息派侍衛奎薩班珠爾等領索倫察哈爾兵二百五十名於四月十

平定準噶爾方略正編卷之五十五

一

五日起程前往策應續准成衮扎布咨添派兵丁五十名令協理台吉公格帶領於十八日起程合爲一隊沿途偵探賊人踪跡相機堵剿奏入報

聞。

丁亥。

訓諭巴里坤辦事副都統阿里衮等辦理遣犯事宜。

上諭軍機大臣曰據阿里衮等奏稱發遣巴里坤種

地人犯現擬分屯築堡相度地畝酌量安插已咨

行黃廷桂等語甚屬不曉事體此等發遣人犯俱

係情罪重大應行正法之人因有一綫可原量予

減等若留內地徒滋擾累今魯克察克烏魯木齊

等處現在屯田是以發交綠旗兵丁令其督率耕

種倘稍不安靜即行處死亦罪所應得所降諭旨

平定準噶爾方略正編卷之五十五

二

甚明若在巴里坤附近分地築堡安插則是効力

之兵丁轉應遠去而減等之克犯乃當大費帑金

爲之籌畫久遠即從前發遣拉林等處及給與兵

丁爲奴之犯亦未有似此之辦理周章者豈欲伊

等富饒抑或懼其背叛乎且伊等若逃歸故里即

可緝獲正法或逃入回部亦不過爲人奴僕何愛

於此輩而爲之饅餵過計耶凡此皆與發遣之本

意全無干涉。黃廷桂尚未奏到。諒不至無識若此。此等人犯。發遣到彼。卽賞給屯田兵丁爲奴。如安分則已。否則照前旨辦理。阿里衮著傳旨申飭。並傳諭黃廷桂。永貴等知之。

戊子。

恩蠲甘肅來年地丁錢糧。

上諭大學士曰。甘肅地方。數年以來。辦理軍需。悉頒

平定準噶爾方略正編卷之三

三

帑項。雖絲毫不以累民。而小民急公趨事。甚屬勤勞。殊堪厯念。前經降旨。將本年地丁錢糧。槩予蠲免。又將二十二年以前。舊欠銀糧。草束。通行豁除。但該省爲軍需總滙。民風淳厚。出力尤多。朕心時切軫念。著將甘肅通省。乾隆二十四年分。應徵地丁錢糧。再行加恩。悉與蠲免。該督撫等。其董率屬員。豫行出示曉諭。毋任不肖官吏。從中舞弊。以副

朕格外加恩。優卹邊氓。至意。該部卽遵諭行。

己丑。

命革甘肅布政使武忱。糧道成德職。効力贖罪。以蔣炳爲甘肅布政使。

上諭大學士曰。據黃廷桂奏。甘肅布政使武忱。糧道成德。因私廢公。漠視軍務。有玷方伯監司之任。等語。司道爲方面大員。非端謹率屬。何以整飭官

平定準噶爾方略正編卷之三

四

常。况軍需關係緊要。伊等身係滿員。尤當奮勉集事。乃任意怠玩。悞公。彼此瞻徇。甚乖職守。武忱成德。俱著革職。交與該督黃廷桂。令其効力贖罪。其甘肅布政使員缺。著蔣炳補授。卽馳驛前往。訓諭大學士管陝甘總督黃廷桂等。辦理回人屯田貿易事宜。

上諭軍機大臣曰。黃廷桂奏伊犁一帶。駐兵屯田。南

路回人相距甚近。請將屯兵所餘地畝。分撥墾種。

減其租賦。有情願前往者。酌量賞給緞疋等語。所

謂知其一。不知其二。籌辦回人一事。已屢諭雅爾

哈善等悉心經理。將來回部蕩平。為我臣僕。俾謀

生有策。較從前準噶爾之誅求無已。迥不相同。伊

等自當踴躍急公。勤耕作而豐儲待。將來果能屨

勉効力。或可量加賞賚。以示鼓勵。若豫為籌備。不

平定縣志卷之三十五

五

但招徠屯墾。向無懸賞以待之事。亦於駕馭遠人

體制。未為允協。再回人安插伊犁。數少。則不敷耕

作。數多。則恐駐防官兵。難於約束。此處正當豫為

密籌。看來伊犁屯田一事。即不能尅期促辦。稍待

一二年。由近及遠。如前旨所諭。亦屬可行。但不得

因有此旨。遂存中止之見。黃廷桂當綜核全局。有

應行豫備者。不動聲色。照常經理。俟雅爾哈善事

竣。再行定奪。亦未為遲悞也。又

諭曰。前諭雅爾哈善等奉定回部後。在伊犁屯田。量

徒回人與綠旗兵丁雜耕。又因黃廷桂籌運屯田

兵丁口糧駝隻。會交軍機大臣議奏。錄寄雅爾哈

善閱看。總期兵民兩利。緩急得宜。今黃廷桂又以

招募回人。屯田貿易具奏。看來伊犁屯田。所有駐

防兵丁。不過二三千人。非從前準噶爾之部落聚

平定縣志卷之三十五

六

處可比。若招募人多。則兵少。亦有可慮。雅爾哈善

應留心詢問額敏和卓。伊自揣果能彈壓回眾。且

使回人等心服與否。至貿易一事。從前回人在準

噶爾時。尚且視如佃僕。今既歸我版圖。即應收其

賦稅。如有採買。祇當給與平價。不可與外藩交易

一例。過為優渥。致將來轉生缺望。且今歲成功後。

即來年不及駐兵屯田。亦自無礙。可傳諭雅爾哈

善等將一切措置機宜。悉心議奏。再伊等四月十日。奏事。後今又兩旬。軍前現在情形若何。作速奏聞。

庚寅。

靖逆將軍雅爾哈善等疏奏進兵哈喇沙爾日期。

雅爾哈善等奏言。臣等帶領各隊官兵。由博爾

平定準噶爾方略正編卷之五

七

圖嶺前進。緣道路頗狹。陸續行走。今於四月十

六七等日。官兵全抵哈喇沙爾。臣等會議庫車等處回人。聚處城堡。不似厄魯特四散游牧。大

兵所至。自易成功。臣額敏和卓順德訥。玉素富

及侍衛等官四十一員。領索倫兵四百五十名。

吉林察哈爾兵二百三十名。綠旗兵六百名。回

兵四百名。在前哨探。遇賊擒斬。俟臨城之日。會

合大兵。先示招降。不服即行攻取。其大隊之吉

林察哈爾阿拉善喀爾喀厄魯特等兵八百餘

名。令愛隆阿端濟布阿拉善公袞楚克喀爾喀

台吉耶袞扎卜分領。綠旗兵四千餘名。令馬得

勝丑達五福。胃相師分領。臣雅爾哈善哈寧阿

總統進兵。官兵等皆思奮勉効力。再臣等由托

克三進兵時。索倫叅領額林策等渡海都河。至

平定準噶爾方略正編卷之五

八

哈喇沙爾路口。遇嗎哈沁二十餘人。即行剿殺。

詢據重傷婦人。供係沙喇斯之人。取魚為活。伊

等游牧。久已奔散等語。奏入。

上諭軍機大臣曰。雅爾哈善等奏稱官兵已抵哈喇

沙爾。皆思奮勉効力等語。覽之殊為欣慰。從前會

議兩路進兵。夾攻回部。今兆惠等雖進剿厄魯特

賊衆。尚未將渠魁擒獲。則辦理回部。專倚雅爾哈

善額敏和卓等務宜和衷商確。早奏膚功。至此大聲罪致討。惟在波羅泥都霍集占。及附和為惡之數人。與回眾無涉。雅爾哈善等應宣示回家。若將首惡擒獻。非但無罪。且必加恩。則伊等自生內變。又從前議於特穆爾圖。淖爾等隘口。防範逆會等潛逸。即哈薩克錫喇等。由此路投入回部。亦可邀擒。俱宜早為布置。至沙喇斯瑪呼斯賊眾。大概逃入回部。或哈薩克布魯特等處。若謂竟自分散。恐非實信。雅爾哈善等亦當乘便搜捕。庶逸賊盡殄。臺路可清。併傳諭兆惠等知之。

平定邊將軍兆惠奏摺

九

申諭辦理屯田侍郎永貴等籌畫墾種收成分數。上諭軍機大臣曰。永貴等奏稱前與雅爾哈善會商。無分進剿屯田兵丁。隨到即令開墾地畝。續因耕牛農器。不能先到。先就開展等處所有畚鍤。令其

開溝築堤。又哈喇沙爾之海都河水勢湍急。必須渠深岸固。方免衝齧等語。看來今年播種之期。似稍遲悞。但將進剿兵丁後隊截留。人力有餘。或可將烏魯木齊等處。俱行墾種。可傳諭永貴等現在籌議屯田處所。交秋以後。成熟穀石若干。來年伊犁等處屯田。能以次興作否。併將伊等奏摺錄寄黃廷桂閱看。俾得酌量豫備。

平定邊將軍兆惠奏摺

十

壬辰

諭定邊將軍兆惠等速追舍楞等賊。上諭軍機大臣曰。據和碩齊唐喀祿等奏稱哈薩克阿布賚遣使來告。伊等派兵往博羅塔拉。與舍楞布庫察罕相攻。俘獲特古斯哈什哈等百餘戶。哈薩克兵馬亦多傷損。舍楞等尚有千餘戶。未知去向等語。看來布庫察罕為舍楞所迫。逃向伊犁。又

爲我兵擊敗。舍楞仍在博羅塔拉附近藏匿。從前朕謂舍楞必不竟入俄羅斯。諭兆惠等派兵搜捕。與和碩齊等所奏適相符合。則兆惠等向來並未

疾速追擒。第欲以投入俄羅斯結局。昭然可見。可

傳諭兆惠等。此時兆惠即往回部。尚有策布登扎

布等在伊犁。先行追剿舍楞等賊衆。兆惠奉到此

旨。亦即回兵策應。又有和碩齊等堵截。賊勢自必

平定準噶爾方略正編卷之五

七

窮蹙。且近與哈薩克交兵。未必往投。即往投。必被

其俘送。斷難漏網。但不可徒恃哈薩克之協助。而

懈我軍心耳。又阿布賚來信云。伊等派兵於三月

起程。五月中旬。可抵洪郭爾鄂隆等語。併諭兆惠

等知之。又

諭曰。和碩齊等奏舍楞等賊衆。未知所同。現於由塔

爾巴噶台愛呼斯前來之布空郭勒。及和尼邁拉

呼等處。可入俄羅斯之要路。俱安設卡倫等語。從前屢諭伊等堵截逸賊。今又諭兆惠等派兵搜查。策應。其加意防範。勿使遁逃。

癸巳。

申諭定邊將軍兆惠等擒賊不力。

上諭軍機大臣曰。兆惠等奏報久稽。閱今日所到各

摺。凡剿賊機宜。總未籌及。惟信俘獲人口供詞於

平定準噶爾方略正編卷之五

主

哈薩克錫喇。則云已入哈薩克。舍楞則云已入俄

羅斯。又不親往追襲。但云已行文和碩齊唐喀祿

等堵截。及哈薩克阿布賚擒送。遂請往辦回部。聊

以塞責。即如鄂哲特供稱。哈薩克錫喇。因馬力有

餘。得以逃去。則從前所奏。被哈薩克搶掠。隻身潛

遁之言。俱不可信矣。又如巴里坤所送口糧。即不

能運往回部。亦應留貯伊犁。乃行文停其續送。是

何意見。兆惠於去年追擒阿睦爾撒納時。並未親往。經朕飭諭。始策應富德。因姑從寬免。何得復蹈

前轍。自取罪戾。著傳諭申飭。若能將渠魁弋獲。尚

可自贖。且兆惠此時。卽先往回部。亦當嚴促哈薩

克。轉送逃入之渠魁。若尚在藏匿。則回部既平。同

雅爾哈善經理後。仍宜回至伊犁。務將哈薩克錫

喇等擒獲。方為歲事。在朕意本欲於今歲成功。卽

平定回疆方略編參彙

三

可一勞永逸。若來年再圖大舉。糜費兵馬錢糧。必

歸咎於前此之逗撓不力。豈伊等所能承任乎。至

策布登扎布所奏在哈什空格斯等處。搜捕逸賊。

此等處所。伊等進兵時。俱已經過。何必重勞馬力。

現在哈丹。阿巴噶斯餘衆。及舍楞等大隊。俱未剿

除。殊屬不知緩急。伊等其自知愧悟。益加奮勉。又

據奏送從哈薩克逃出之巴顏克什克。及喇嘛原

端達什等。行至巴里坤。卽解送來京。併諭阿里袞知之。

定邊將軍兆惠等疏奏。隱匿馬匹之郭木呢勒

圖審明正法。

兆惠等奏言。原任侍衛郭木呢勒圖。將巴圖濟

爾噶爾隊內。驚走之馬七十三匹。隱匿不交。又

故驅馬羣。衝入巴圖濟爾噶爾隊內。以致各羣

平定回疆方略編參彙

四

混亂。臣等請提首告之章京喀勒占對質。今昨

月十一日。喀勒占到案。臣等詳訊供詞。與巴圖

濟爾噶爾所奏情節無異。郭木呢勒圖亦俯首

無辭。臣等遵

旨。將郭木呢勒圖正法。奏入。報

聞。

庚子。

訓諭定邊右副將軍策布登扎布等量力追剿賊衆。上諭軍機大臣曰。昨諭策布登扎布等不必在經過之哈什空格斯等處。搜捕逸賊。惟以擒剿舍楞等爲要。但策布登扎布曾有舊疾復發之奏。朕心深爲軫念。此時應已痊可。羅卜藏多爾濟聞亦有足疾。此時得全愈否。若尚未愈。則現在領隊有人。卽令其回游牧調理。至得傷之侍衛官兵等。平復與

平定準噶爾方略正編

五

否。俱乘便查奏。再哈薩克阿布賚等若遣使前至軍營。或詢及伊兄成衮扎布。卽告以會奉恩旨。念其在軍前一載有餘。暫令於烏里雅蘇台休息。是以命我接辦軍務之語。庶外藩不致猜疑。併傳諭策布登扎布知之。

申諭散秩大臣和碩齊等嚴防舍楞逃竄。

上諭軍機大臣曰。近因成衮扎布奏從前遣往哈薩

克之侍衛旺楚克多爾濟回營。迺阿布勒比斯之言。謂舍楞曾在博羅塔拉之道圖托羅海藏匿。遣人前往俄羅斯。爲哈薩克擒殺等語。看來舍楞從伊犁逃往俄羅斯。必有間道可行。不定由布空郭勒和尼邁拉呼一路。是以和碩齊等未能相遇。可傳諭伊等。將舍楞可入俄羅斯路徑。逐一訪問。堵截要隘。遇賊卽行剿殺。不可但於布空郭勒等處駐候。此旨仍著成衮扎布派官兵數十名飛遞。和碩齊等章奏。卽令其齎回。

平定準噶爾方略正編

六

辛丑。

訓諭定邊將軍兆惠等勿停運送糧餉。

上諭軍機大臣曰。阿里衮等奏稱准兆惠咨文。業經前往回部。所有補給糧餉。不能趨赴。應停其運送。已飭糧運官員。止照策布登扎布官兵分數交收。

其餘給與臺站官兵等語。軍需糧餉所關最要。遠

道馱載物力維艱。即云有賊人性隻接濟。而米石

甚不易得。今雖趨運不及。自當先給現在伊犁及

臺站官兵。其餘留貯軍營。派兵看守。何必退回。即

如策布登扎布現稱兆惠將伊等口糧取去。兆惠

等進兵之初。曾通計前抵沙喇壁勒再往回部之

糧。今從伊犁起程。則已較沙喇壁勒為近。富有贏

平定邊疆方略卷之五

七

餘。何至取策布登扎布之糧。且既取之後。亦不為

人豫籌補給。及將來回抵伊犁之用。轉行文停止

運送。是何意見。夫此項趨運之糧。兆惠等雖暫時

不用。而策布登扎布現在彼處。即留於策布登扎

布。亦未為不可。往返運送徒勞駝隻。有是理乎。可

傳諭兆惠策布登扎布等。進到糧餉。務宜加意撙

節。有餘即當貯備。併傳諭阿里袞速飭糧員。照常

運送。毋得視為不急之務。致有盜竊糜費。

壬寅

叅贊大臣阿桂等疏奏舍楞信息。

阿桂等奏言。五月初四日。據巴爾虎領催巴岩

察哈爾署護軍校津巴索倫披甲車登至營告

稱。四月二十七日。遇行文和碩齊之侍衛布三

泰。問知我等係唐喀祿前鋒。於二十一日。在布

平定邊疆方略卷之五

六

固圖河。為叛賊舍楞等所敗。因馬力脫出。其大

臣侍衛官兵等。不知如何。布三泰即給馬二匹。

令晝夜馳報。並行知侍衛奎薩等。速來策應。途

次遇奎薩等。告知前事。奎薩即領兵。於五月初

一日。輕騎前趕布三泰。又換給馬匹。令我等報

知等語。臣等詢問巴岩。據稱。哨探侍衛穆倫保

於四月十六日。捉生詢問。知布庫察罕等。為大

兵擊敗舍楞在阿古爾哈爾海結寨拒守和碩齊等即領兵追襲哨探兵十人只三人脫出十七日遇舍楞之弟勞章扎卜被巴爾虎都圖等射傷擒獲據供伊兄現欲歸順和碩齊等遣人往撫舍楞遣宰桑三人約降十九日和碩齊唐喀祿領兵三十名往會舍楞約於二十一日來降先一日將勞章扎卜放回至日舍楞等賊眾二千餘人前行至河或或甫渡忽回向我兵排立和碩齊等詢問仍以駐候牲隻為詞日中伊等忽分兩翼衝擊與我兵互有殺傷良久惟見賊眾紛擾及帶鞍馬匹驚逸武連射三賊左手大指被傷與索倫噶什圖及一案倫一察哈爾向西衝突三人俱被賊追刺我因馬力得脫等語臣等復詢以舍楞所向大約逃往俄羅斯伏

平定準噶爾方略正編卷之五

九

思巴岩之言雖未可盡信但奎薩等自應領兵速往臣等就現兵二百餘人并追回已撤之察哈爾兵三百人內挑選四百五十名於五月初七日起程策應又成衮扎布派給臣等喀爾喀兵一百名將抵軍營令圖薩拉克齊瑪克蘇爾添派兵丁五十名續行接濟口糧務得和碩齊等信息奏入

平定準噶爾方略正編卷之五

十

上諭軍機大臣曰阿桂聞和碩齊唐喀祿為舍楞所誘我兵失利之信即領兵策應甚屬奮勉著加恩賞戴孔雀翎逆賊狡詐如此情殊可惡著傳諭策布登扎布計此時舍楞尚未入俄羅斯必擇地藏匿即領兵速進與阿桂合力攻擊從前亦屢降諭旨伊等由博羅塔拉前往路亦甚近至伊犁餘賊俟兆惠歸途辦理亦可再成衮扎布亦當派兵三

四百名親往科卜多駐劄候信相機策應并傳諭

郎中三寶於達什達瓦游牧派兵二百名令總管

鄂齊爾帶往成衮扎布軍營聽其調遣仍查伊等

游牧有無存貯錢糧有則照進兵之例賞給否則

俟抵科卜多後補領其和碩齊等所領官兵有為

賊傷害者著查明加恩賞卹萬一逆賊逃入俄羅

斯亦作速奏聞仍命理藩院行文該薩納特衙門

索取

命議處寧夏解馬官員等

上諭軍機大臣曰黃廷桂奏寧夏滿營協領齊卜

騰昌阿禮佐領伯色涼州佐領二格等解送巴里

坤馬匹照管疎忽致多遺失請交部嚴加議處等

語此項馬匹係豫備軍前調撥關係甚重自應留

心看守收放向來滿營解送馬匹勝於綠旗官兵

平定縣志卷之三

三

乃齊卜騰等較之綠旗轉多遺失甚屬不知愧恥

除將送馬兵丁嚴行責懲外齊卜騰等俱著交部

嚴加議處仍勒令分賠將軍社圖肯嵩阿禮平時

不能管束教訓亦著交部嚴加察議

癸卯

申諭定邊左副將軍成衮扎布等辦理舍楞賊衆

上諭軍機大臣曰據成衮扎布奏稱得阿桂所報舍

平定縣志卷之三

三

楞信息即同莽古賚領兵三百名前往布延圖策

應所奏深協機宜適與朕所諭脗合舍楞等為我

兵窮追逃竄其力有限阿桂既領兵策應又有成

衮扎布等相繼前行愈為妥協伊等至布延圖軍

營惟在相機辦理又思車木楚克扎布頗諳軍務

今烏里雅蘇台無事有福祿等在彼足矣成衮扎

布前往策應若用伊為哨探似屬有益至達什達

瓦屬人亦於地方熟習。但游牧稍遠。未必能趨赴。若軍前需用。自可調來接濟。或非所必需。而業經派調。即酌量賞給遣回亦可。又

諭曰。阿桂昨奮勉過行。朕已加恩賞。伊若得舍楞確信。須量力而進。倘賊勢頗強。即候成衮扎布等合力攻剿。固不可輕身嘗試。亦不可心存懼怯。其巴爾虎領催巴岩即令其馳驛來京。以備詢問。

平定準噶爾方略正編卷五十五

三

乙巳。

議駐劄索倫官兵事宜

黑龍江將軍綽爾多等奏言。臣等欽奉

諭旨。揀選索倫兵一千名。攜眷前往伊犁烏魯木齊等處駐防。續奉有伊等若不願攜眷前往。即令其更番戍守之

旨。臣等遵將打牲索倫等。傳集詢問。據稱情願本身

前往効力。臣等揀選年力精壯者一千名。派副

總管二員。佐領十二員。驍騎校十二員。於六月

間。由克爾倫一路起行。三年一次更換。查駐防

官兵。俱按俸餉賞給。官員賞俸二年。兵丁賞銀

四十兩。請將此次派出官兵。減半賞給。所有跟

役馬匹。及鹽菜口糧。俱賞給銀兩。其軍器等件。

酌於四城官兵內取給。火藥鉛子麻繩亦於存

平定準噶爾方略正編卷五十五

請

貯數內動用。仍由理藩院派出筆帖式領催等帶領前往。其總統官員請候

命下遵行。奏入。得

旨。軍機大臣速議具奏。尋議派撥索倫官兵。蒙

恩諭體恤。令其更番戍守。今綽爾多等請三年一次

更換。應如所奏辦理。索倫官兵。原無俸餉。今照

駐防官兵例。減半賞給。其跟役馬匹。及鹽菜口

糧銀兩均請照例賞給軍器等件亦照兵數帶

往惟火藥鉛子麻繩馱載多費應令向烏里雅

蘇台支給此次駐防兵丁軍前自有大臣統轄

似不必再派將軍副都統等即於副總管內揀

派一員令其管領再西路所有索倫兵在軍前

年久俟此次官兵到日即行撤回其由理藩院

派員帶領亦係循照舊例應派筆帖式一員領

平定縣志卷之五

五

催二名馳驛前往經過喀爾喀各游牧俱添派

兵丁照管至烏里雅蘇台離西路不遠由成袞

扎布派撥帶領兵丁其筆帖式等即令回京奏

入得

旨帶領索倫官兵不必派出筆帖式等著御前侍衛

敦察理藩院主事留保住前往至烏里雅蘇台時

成袞扎布或於達什達瓦屬人或於扎哈沁屬人

內熟習從阿濟必濟經過哈卜塔克拜塔克至巴

里坤路徑者派出二名隨敦察等沿途搜捕嗎哈

沁抵巴里坤後即著回京餘依議

丙午

申諭定邊右副將軍策布登扎布等親往會剿舍楞

上諭軍機大臣曰據策布登扎布奏稱派喀爾喀公

品級達什等搜捕空格斯附近逸賊俟回兵後再

平定縣志卷之五

五

遵旨前至塔爾巴噶台探叛賊舍楞所向等語伊

等從前初聞舍楞逃信若即行尾追又有和碩齊

等堵截必為我兵擒獲何至有約降失利之事今

舍楞已遁逃兩月餘此時豈尚在塔爾巴噶台坐

待追兵耶現在阿桂及成袞扎布俱前往策應可

傳諭策布登扎布惟速赴額爾齊斯會同剿賊不

可派員前往至所奏圖倫楚追擒布圖庫未獲又

派往策應敏珠爾多爾濟攻剿哈丹餘賊等語。圖倫楚此次追賊。全未奮勉効力。著革去副都統降為二等侍衛。以觀後效。

申諭定邊將軍兆惠等進剿招降事宜。

上諭軍機大臣曰。據兆惠等奏稱四月十三日。渡伊犁河。已抵格根喀爾奇喇。詢問嚮導人等。由特穆

爾圖。過巴爾理嶺。穿行布魯特境內。計一月

平定準噶爾方略正編卷之五

五

可至葉爾羌喀什噶爾等語。前經屢降諭旨。令兆

惠等將伊犁等處叛賊渠魁。全行擒獲。再往回部。

今來奏業已進行。自毋庸復返。但伊等帶兵不多。

當沿途休息馬力。候雅爾哈善信息。隨後會合。方

克有濟。此時兆惠等已往回部。策布登扎布等。又

往追舍楞。伊犁無兵駐守。或哈薩克錫喇等乘間

復出。亦未可定。可傳諭兆惠等。平定回部後。仍遵

前旨。回抵伊犁。盡剿遺孽。如渠魁一人未獲。不可謂之蕪事。其沿途所見情形。仍陸續奏聞。又

諭曰。從前勅諭布魯特部落之吉久。經頒發兆惠等。既經過其地。即將前旨通行曉諭。或應加以撫慰。或應示以兵威。惟在相機辦理。

丁未。

命以發遣人犯賞給安西等處綠旗兵丁。

平定準噶爾方略正編卷之五

五

上諭軍機大臣曰。發遣巴里坤屯田人犯。前據阿里

衮奏請分地安插。已諭由黃廷桂處行文申飭。今

該督覆奏。尚未悉辦理本意。此等人犯。與賞給黑

龍江索倫兵為奴之犯無異。但從前定議時。僅將

此列入屯種事宜各條內。未有賞給兵丁為奴之

語。無怪外省之瞻顧拘泥。視為高難辦理之舉也。

著再行詳悉傳諭黃廷桂等。俾得知所從事。此時

屯田一事。既由近及遠。則人犯亦不必遽行遠發。著先賞安西綠旗兵為奴。俟安西數足。再發往哈密。二三年後。以次及巴里坤。烏魯木齊等處。兵丁為奴。如滋事潛逃。拏獲即行正法。該督等更當留心體察。并傳諭永貴定長知之。

已酉。

議屯田增兵措餉事宜。

平定縣志卷之五

无

辦理屯田侍郎永貴等奏言。臣等欽奉

諭旨。令將現在屯田收穀分數。合計兵丁口糧。來歲

可增兵墾田若干。及酌留平定回部兵丁。就近

屯田等事。籌議具奏。臣等伏思平定回部後。若

將兵丁撤回巴理坤。於次年屯田時再往。未免

勞費。自應酌量存留。現在屯田兵三千六百名。

可收穀三萬零六百石。其魯克察克吐魯番附

近喀喇和卓等處。雖有餘地。實為曠瘠。不必增

兵。烏魯木齊地廣而荒。擬前往查勘再議。托克

三餘地尚多。水亦足用。惟當脩堤濬渠。應請增

兵四百名。哈喇沙爾地最廣。海都河水甚足。但

河身低於渠道。須大加脩築。應請增兵二千名。

合之現在兵丁共六千名。益以官員胥役。自本

年十月。至來年九月收穫時。所需籽種口糧。計

平定縣志卷之五

辛

本年所收之穀。可支六月。尚不足五月餘之食。

須由巴里坤運送。恐滋勞費。但臣等查奏收成

分數。特就去年闢展所得。約略計算。若官兵奮

勉力作。能倍加收穫。自當酌減運送之口糧。或

有增添。亦即行文補給。奏入得

旨。軍機大臣議奏。尋議屯田一事。原為駐防兵丁省

轉餉之勞。必勸課力田。一人所耕。可給數人之

食方為有益。今永貴等奏稱除支給屯兵口糧外。所餘無幾。未免有名無實。或係墾闢之初。人力不齊所致。嗣後若仍不能多獲。則自屬辦理不善。應俟秋收之日。再為查核。其烏魯木齊等處。度地增兵。應如所奏辦理。至所奏六千兵丁。尚不敷口糧五月餘。又云運送恐滋勞費。乃慮留兵太多。則口糧不足之意。永貴等係專辦屯

平定準噶爾方略正編

三

田大臣。見聞既確。自應明白陳奏。請

勅下永貴等。令將來年應增兵丁若干。口糧若干。且

巴里坤既難運送。可否向回人交易。據實奏

聞。若回地出穀有限。不能交易。即將前後屯田兵丁

暫行撤回巴里坤。其附近吐魯番所收穀石。令

額敏和卓派兵看守。惟烏魯木齊等處較遠。酌

於駐防索倫兵一千名內。派五六百名。前往看

守。仍令黃廷桂將屯田需用各項。先期送至吐魯番。俟來年將屯田兵丁遣往。收穫有效。再於伊犁等處。漸次經理。奏入。

上諭曰。屯田積穀本意。原為駐防兵丁口食有資。且省餽餉之勞。俾邊民得以休息。若所收穀石。僅足供給屯田兵丁。復有何益。此奏著交與雅爾哈善。額敏和卓等。悉心籌酌。據實定議具奏。

平定準噶爾方略正編

三

壬子。

參贊大臣阿桂等疏奏堵剿舍楞官兵信息。

阿桂奏言。臣等於五月初十日。駐兵多托淖爾。

據和碩齊隊內。察哈爾護軍賽音圖索倫署驍

騎校薩爾巴圖巴爾虎領催達賚等報稱。四月

初八日。和碩齊唐喀祿等聞哈薩克汗巴巴領

兵前來。將舍楞差往俄羅斯之三人掣獲。十四

日領兵五百名。至布固圖河。十七日。擒獲舍楞之弟勞章扎卜。據供舍楞情願歸降。因釋放回巢。舍楞請定地遷移游牧。唐喀祿恐為所誘。和碩齊欲察看情形。同唐喀祿富錫爾佛爾慶額前往。和碩齊恐舍楞疑懼。令官兵下馬。舍楞遣人送酒。和碩齊飲之。即直造其營。久未回返。忽賊眾喧噪攻擊。我兵猝起迎敵。至額卜克特山。

平定縣志卷之五十五

五

察哈爾護軍畢里克圖親見和碩齊更衣走入賊隊。侍衛穆倫保等奮力殺賊四十餘人。傷賊二百餘人。穆倫保及察哈爾署叅領巴特瑪扎卜。索倫署叅領額爾古勒等陣亡。戴獎賞翎托爾蘇岱署叅領額德爾德被傷最重。察哈爾管總齊巴勒索倫叅領車伯勒敏遜阿喇卜坦俱被傷。察哈爾署叅領拜音察克受傷被擒。營總

齊巴勒等辨認遺尸。收集兵丁二百餘名。二十

三日遣來呈報。臣等於五月十二日。兵至索勒

里布拉罕之伯勒齊爾厄魯特藍翎侍衛碩通

唐喀祿家人百歲等前來。詢知唐喀祿等於四

月二十日。至舍楞之營。坐談良久。伏賊忽起。害

唐喀祿并斫其腹。佛爾慶額同時被害。富錫爾

起立。射殺一賊。賊眾競前斫仆。百歲傷首得脫。

平定縣志卷之五十五

五

碩通告稱賊人逃走踪跡。係過喀拉瑪嶺。投入

俄羅斯由布固圖前往。十餘日可至。賊眾約二

千餘人。又據脫出之巴爾虎兵扎雅圖親見和

碩齊在賊隊內散行。又聞賊眾渡額爾齊斯河。

將和碩齊釋放。并給與馬匹等語。又據前遣遞

送

諭旨之護軍校七格回營告稱。四月十七日。至布空

郭勒見和碩齊等業已移兵二十三日。至布固圖河。見官兵被害情形。望見賊眾烟火。隨潛身偵探。為瞭望賊人所覺。追來接戰。七格與索倫署驍騎校禪新。署領催祿吉圖。各射殺一賊。奪取馬匹軍器。沿途收集官兵五十餘名。分給口糧。馬駝。令其續到。臣等仍策應侍衛奎薩營總班珠爾等。速追舍楞。令碩通為導。一面護送脫

平定準噶爾方略正編卷之五

五

出之時。傷官兵等。回科卜多休息。遣回各游牧。其餘官兵有情願再往雪恨者。仍行帶往。奏入。上諭軍機大臣曰。據阿桂奏報。和碩齊唐喀祿等為賊舍楞所誘。唐喀祿等被害。和碩齊更衣降賊等語。唐喀祿雖一時被誘遇害。尚能奮勇捐軀。深可憫惻。著交部照陣亡副都統例議卹。侍衛富錫爾。穆倫保。佛爾慶額等。亦著交部議卹。俱給與世職。

其餘陣亡得傷官兵。著阿桂查明送部分別議敘。議卹。侍衛奎薩營總班珠爾。聞信前追逆賊。亦著議敘。護軍校七格。著加恩授為二等侍衛。賜號哈坦巴圖魯。藍翎侍衛碩通。授為三等侍衛。賜號卓里克圖。巴圖魯。賞銀各一百兩。營總齊巴勒敏。遜遇應陞之缺。即補。驍騎校薩爾巴圖。遇佐領缺。出即補。護軍賽音圖。領催達賚。以驍騎校。即補。至和

平定準噶爾方略正編卷之五

五

碩齊白。歸附以來。加恩擢至散秩大臣。今遇賊叛。降。情罪可惡。倘戀其妻子。潛回游牧。即行拏送來京。仍遣納穆扎爾。馳驛至察哈爾。將伊妻子全行誅戮。以彰國憲。又諭曰。阿桂領兵速追逆賊。尚屬奮勉。若舍楞未入俄羅斯。務宜體察賊勢。相機擒剿。或需增兵。即知會成。衮扎布前往策應。阿桂仍候辦理。哈薩克錫喇

布庫察罕事竣再行撤回。成衮扎布此時暫駐科卜多候信。其脫出得傷官兵。阿桂卽量加賞給。令回游牧休息。前所派達什達瓦兵丁。成衮扎布亦酌量賞給調回。昨據舒明奏請與成衮扎布同往策應阿桂。則科卜多軍營之任。又將誰屬。殊不曉事。豈以一經陳奏。便可塞責耶。著仍駐科卜多辦事。

平定準噶爾方略正編卷之五十六

手

平定準噶爾方略正編卷之五十六
乾隆二十三年五月癸丑。

靖逆將軍雅爾哈善等疏奏攻圍庫車城情形。雅爾哈善等奏言。臣等於五月初六日至庫車之東雅哈托和龍。見有回衆遷移踪跡。次日兵抵庫車。哨探副都統順德訥見庫車城附近。有回人三騎。因諭以兩路將軍帶領大兵擒擊賊首。撫恤爾等回衆。伊等隨告知守城伯克。遣其弟出城告言。我等須候和卓木信息。乞寬限五日。順德訥令其投見。伊等不敢前來。惟聞招降文書。臣等因遣散秩大臣伯克托克托署守備。馬英德筆帖式官住持回字文書。交給卽返。托克托等至城下曉諭。有兩回人接收。忽城中二十餘騎突出。兩回人遂擒托克托馬英德官住

平定準噶爾方略正編卷之五十六

一

急返亦被追擒。臣等即領兵攻城。因散秩大臣伯克鄂對之言。令順德訥領兵二百名。先據近城樹林。城中亦以百餘騎來爭。見我兵即退。臣等圍城四面。自未至酉。城上鎗石如雨。總兵閔相師被石傷首。署前鋒侍衛常保住署叅領觀音保及官兵人等。亦有得傷者。我兵亦殺賊甚多。次日雲梯造成。官兵從巳至酉。四面攻襲。賊

平定準噶爾方略正編卷之五

二

於城堞內施放烏鎗。貝勒額敏和卓右額被傷。官兵亦有得傷者。兩日力攻未克。臣等不勝憤恨。務期盡行殲滅。此時先將賊人村落所種麥苗蹂踐。杏桑等果摘食。又於卡倫擒獲回人六名。訊據供稱庫車舊有九百戶。去年添駐回人及厄魯特等共騎兵八百餘。守城頭目名阿卜都克勒木。再去年沙喇斯瑪呼斯餘眾投降。安

插於葉爾羌。喀什噶爾。小和卓木在葉爾羌。大和卓木在喀什噶爾。又於阿克蘇附近之烏斯哈雅築城。以阿卜都克勒木之弟阿卜都哈里克守之。聞大兵至。必來救援等語。臣等現飭卡倫人等。嚴行瞭望。但賊城險峻堅固。威遠礮尚不能攻。所攜四大神礮。係故明所造。年久不甚堅固。昨於哈喇沙爾試放。及此次攻城。俱已斷

平定準噶爾方略正編卷之五

三

裂。若領兵衝擊。徒致傷損。惟有合圍據險。伊等自生內變。至額敏和卓。年逾六旬。尚屬壯健。臣等沿途同議。伊意謂辦理霍集占等。當以計取。不可力爭。詢其如何設計。但云到彼相機酌定。今因招降不從。甚為慚愠。督兵進攻被傷。臣等以言撫慰。惟云受恩深重。必舍身力戰等語。又伯克鄂對雖係庫車頭目。其舊屬俱已被殺。及

遷徙葉爾羌等處。伊但能指引路徑。不能招服。回人臣等伏思。回人因額敏和卓等。並非貴族。未能招服。必須大兵辦理。奏入。

上諭軍機大臣曰。據雅爾哈善奏稱。兵至庫車。攻圍二日。尚未得城等語。回眾恃城為守。非厄魯特可比。當以計取。不可徒恃攻戰。且亦難刻期成事。雅爾哈善所奏情形。未免失之躁急。蓋畏朕責其怠玩也。將軍大臣等。領兵剿賊。其勤怠皆在朕照鑒中。不當揣摩欲速。况我兵既四面攻圍。扼其要路。且捉生詢問。知城中儲蓄無多。此時即未能攻克。則分兵一半。令哈寧阿圍城。誘令出戰。或乘其防守疎懈。相機攻取。雅爾哈善帶兵一半。離城前進。聲言庫車抗拒回人。已行勦殺。不投降而抗拒者。罪亦如之。仍蹂其禾稼。俾野無餘積。即有援兵。必

平定回疆方略卷之五十六

四

聞風逃散。且庫車回人。見我兵少。或出城微利。斯時蹙而擊之。更易為力。若庫車尚難攻克。雅爾哈善又當退兵併力。一得庫車。即可駐兵過冬。明年再辦理葉爾羌等處。亦可。其相機設計之處。不知伊等曾籌及否。仍將現在情形。作速奏聞。又諭曰。朕因額敏和卓老成諳練。熟習回部情形。故命其叅贊軍務。並非欲伊身在行間。親當矢石也。今聞奮勇得傷。深為軫念。著加恩賞賜御用荷包。仍賞銀一千兩。嗣後惟盡心協力。相機辦理。不可冒險攻戰。致有疎虞。

平定回疆方略卷之五十六

五

密諭靖逆將軍雅爾哈善等。撫慰額敏和卓。上諭軍機大臣曰。雅爾哈善等奏額敏和卓稍有觀望情形。因招降不應。奮往被傷。伊並非貴族。不為回人所服等語。所奏非是。前命額敏和卓叅贊軍

務不過因其熟習情形。可與雅爾哈善籌畫。非將平定回部之事。責成取必於伊也。豈有同為大臣。而聽其舍身攻戰。不行勸阻之理。且伊既如此効力。若不加愛護。以結其心。或詞氣間轉有相輕之意。甚至別生一事。亦未可定。朕深為慮念。可密諭雅爾哈善。好為撫慰。以示鼓勵。即雅爾哈善等亦不得冒險欲速。致徒損官兵。於事無益。其相機辦理之處。已另降諭旨矣。

平定準噶爾方略正編卷之五

六

諭定邊左副將軍成袞扎布等辦理舍楞等事宜。上諭軍機大臣曰。成袞扎布奏稱。前往策應阿桂。倘叛賊舍楞已入俄羅斯。即合兵駐邊索取等語。所見尚是。但不必久待。如守候數日。仍無信息。當告以現在奏請行文爾薩納特衙門。即行撤兵。阿桂之兵。在和尼邁拉呼等處。堵截布庫察罕哈薩克。

錫喇。成袞扎布之兵。在科卜多豫備策應。至所奏令舒明帶左副將軍印。回烏里雅蘇台。同福祿辦事。扎隆阿隨伊在科卜多辦事。伊所管盟長印信。交值班處。俟車木楚克扎布到日。暫行護理。俱照所請行。前命車木楚克扎布在成袞扎布哨探隊行走。今不必前往。并傳諭策布登扎布亦不必往額爾齊斯。仍於博羅塔拉等處。查拏哈丹等餘賊。及布庫察罕等賊首。俟兆惠等至伊犁會合。

平定準噶爾方略正編卷之五

七

命新派索倫兵。照進剿例賞給。上諭軍機大臣曰。昨命綽爾多派索倫兵一千名。往伊犁等處駐防。其整裝銀兩。照進剿兵丁例。減半賞給。現在進剿回部。或有調遣之處。著加恩照進剿之例。綽爾多即遵旨賞給。豫備行裝。俟御前侍衛敦察到日。帶領起程。

甲寅

定邊將軍兆惠等疏奏招服布魯特等部落。

兆惠等奏言。臣等領兵至善塔斯嶺。令巴圖濟

爾噶爾瑚爾起帶兵哨探。四月三十日。佐領委

署叅領布尼馬甲委署防禦巴岱馬甲對音布

巴圖等。見百餘騎。隨至特穆爾圖淖爾之岸。收

其馬羣。伊等放鎗救護。我兵射殺三人。傷一人。

平定邊將軍奏摺卷之六

八

當令厄魯特齊里克齊聲言大兵至此。忽眾騎

中一人告稱我等是布魯特。聞大兵在和落霍

漸等處。勦滅厄魯特。今因馬羣被收。一時不識。

情願投順等語。齊里克齊等。招其頭目圖魯啟

拜鄂庫丹所屬六十餘人。臣等詢問圖魯啟拜

等。據稱圖魯啟拜。係薩伊克鄂拓克之比。比者

卽厄魯特室桑。回人伯克之謂。與比舍爾伯克

分管五百餘戶。又薩喇巴哈什鄂拓克亦有五

百餘戶。係瑪木特呼里拜鄂庫丹分管。舊在右部

安集延游牧。去歲聞大兵平定準噶爾。招服哈

薩克。我等亦欲投降。近聞嗎哈沁等傳說大兵

將到。是以前來。我布魯特人等。早有歸順之心。

因為準噶爾所隔。如不見信。請將我等。或我子

弟。留以為質。差人前往。則各鄂拓克。必相繼歸

平定邊將軍奏摺卷之六

九

誠。并派屬人協助大兵。我布魯特右部十鄂拓

克。左部五鄂拓克。我等居右。今遷於哈爾哈里

固勒米圖古斯塔老。其左部呼車薩老。賀泰三

鄂拓克。共千餘戶。距右部有十五日之程。俱可

令其頭目來見。其餘左部二鄂拓克。在安集延。

右部八鄂拓克。與喀什噶爾相近。到彼再行招

服等語。臣等曉示圖魯啟拜云。我大兵所至。順

者撫卹。逆者誅滅。準噶爾哈薩克。卽其驗也。爾等果誠心効順。

大皇帝必加恩撫卹。今大兵征討回部。士馬糧餉甚足。不須協助資給。但選派熟識道路。及招服各部落之人。隨軍効力。至厄魯特等。盡已殲滅。惟布庫察罕哈薩克錫喇等脫逃。如在爾境內。自當擒獻。據稱並無投入之人。臣等又曉示云。大兵啟行時。計當經由爾地。

平定準噶爾方略正編 卷五十一

十

大皇帝洞鑒情形。已有

恩旨前來。隨恭捧

勅書。譯讀宣示。圖魯啟拜等叩頭告稱。

大皇帝仁恩如此。我布魯特婦人孺子。無不歡感。遂復行禮拜。臣等察其情形屬實。卽告以派員恭

齋

諭旨。同往曉示。圖魯啟拜等。以馬送臣等為贊。次日。

臣等設宴相待。令觀騎射。給以緞疋烟草等物。俱各歡悅。卽派留任侍衛烏爾登原任侍衛托倫泰。達什達瓦。屬人伯勒克。原係布魯特人。同圖魯啟拜等。前往招撫各鄂拓克。於五月初四日起程。留其子弟為質。又據巴圖濟爾噶爾等報稱。四月三十日。佐領署營總達什扎卜馬甲。委署防禦拉什雅勒圖。厄魯特護軍校碩端。於蒿沁托和賴。見賊一騎。被索倫錫勒爾圖。厄魯特齊里克齊擒獲。詢知賚卜里木集賽之三十餘戶。隨阿勒巴齊鄂勒椿居住。因令導至伊等游牧。阿勒巴齊鄂勒椿等。俱束手迎降。收其家口馬駝軍器等語。臣等卽選派丁壯五十名。隨軍効力。奏入。得

平定準噶爾方略正編 卷五十一

十一

吉巴圖濟爾噶爾瑚爾起等遇布魯特頭目。卽行招服。並收逃匿之厄魯特戶口。此次官兵効力可嘉。著加恩將布尼達什扎卜。俱授爲叅領。拉什雅勒圖。巴岱。俱授爲領催。仍委署防禦。對音布。巴圖錫勒爾圖。俱授爲領催。碩端齊里克齊。授爲藍翎侍衛。仍交部照例議敘。再發孔雀翎十枝。藍翎二十枝。以備獎賞。

平定邊疆方略卷之五十六

三

諭定邊將軍兆惠等進剿回部事宜。

上諭軍機大臣曰。昨諭兆惠等進剿回部。沿途相機辦理。蓋因伊等帶兵尚少。經過布魯特等處。恐煩籌酌耳。今布魯特頭目。旣已迎降。雅爾哈善兵抵庫車。攻城未克。則伊等自可前往協助。而策布登扎布。亦當帶兵策應。但布魯特部落。無專轄頭目。或見我兵旣過。復行盜竊。亦未可定。可傳諭兆惠

平定邊疆方略卷之五十六

三

等務宜小心防範。如果徑抵葉爾羌喀什噶爾與雅爾哈善聲息相近。卽調策布登扎布等前往。於今年竣事。更爲妥協。若此時尚未信息。或葉爾羌等處。不能卽得。仍回伊犁。查拏哈薩克錫喇布庫察罕亦可。不必拘泥前奏。冒昧深入。至辦理回部。不徒恃兵力攻取。當因糧於敵。且蹂其禾稼。俾野無所積。賊勢自窮。又聞霍集占將投降之沙喇斯嗎呼斯宰桑等殺害伊等舊屬。必懷憤恨。或遣軍營厄魯特等。設間招撫。亦是辦理回部一策。皆宜加意辦理。適據策布登扎布奏稱。公品級達什。巴圖魯侍衛老格等帶兵二百名。於哈什河收取烏魯特得木齊托羅和卓等六十餘戶等語。托羅和卓等係哈柳之姪。著併其家口送京。其効力官兵。查明送部議敘。可傳諭策布登扎布不必搜查逸

賊卽領兵策應兆惠所諭兆惠之旨亦交令速行遞送併將兆惠奏摺錄寄雅爾哈善令其以招降布魯特情形傳示回衆知之又

諭曰據兆惠等奏稱索倫兵三千餘名久在軍營請交黑龍江將軍於從前撤回及未經派出之索倫達呼里等揀選二千名更換等語所奏甚是朕因軫念軍前索倫兵効力有年已諭另派索倫兵一千名令御前侍衛敦察帶往軍前更換此次派出兵丁到日將應撤之兵令回游牧休息仍以恩旨宣示若所派尚不敷用卽降旨增派前往

命揀選礮位送往雅爾哈善軍營

上諭軍機大臣曰雅爾哈善等奏帶往軍前之四大神礮係故明所造年久不甚堅固試行演放俱已斷裂等語著黃廷桂阿里袞於現有大神礮及

平定準噶爾方略正編卷之五

十四

其餘力可攻城之礮揀選堅固者數位派員送至雅爾哈善軍營軍前礮位關係最重從前係何人揀發乃輕忽若此著黃廷桂查明參奏交部議處諭勸懲晉省辦解馬駝官弁

上諭大學士曰據黃廷桂查奏晉省辦解馬駝官弁分別勸懲一摺此次解赴肅州駝隻管解官弁沿途小心牧養廐分不減著交部議敘以示鼓勵其所解馬匹多有疲乏倒斃自屬該官弁等辦理不善但此次兒驄馬匹均係臨時振辦非管驛挑選者可比長途行走難免勞乏情尚可原著從寬免其議處

平定準噶爾方略正編卷之五

十五

上諭軍機大臣曰黃廷桂覆奏伊犁駐兵屯田一切事務

上諭軍機大臣曰黃廷桂覆奏伊犁駐兵屯田一切

應行豫備事宜。不動聲色。照常經理一摺。已於摺

內批諭矣。現在辦理回部未竣。則屯田伊犁。原可

暫緩。惟於烏魯木齊一帶。及噶爾藏多爾濟游牧

之羅克倫等處。極宜相度地畝。廣為屯種。以濟軍

食。并可省一切轉運之費。俟將來酌量情形。由近

及遠。即俟一二年後。亦無不可。著傳諭黃廷桂。及

永貴定長等知之。

平定縣志卷之五

六

六月乙卯朔。

諭黑龍江將軍綽爾多添派索倫兵丁。

上諭軍機大臣曰。近因辦理回部。曾諭綽爾多派出

駐防索倫兵一千名。其整裝銀兩。俱照進剿之例

賞給。尚慮不敷。調遣著傳諭綽爾多。再於索倫兵

內。揀選一千名。亦照前賞給銀兩。與前次所派兵

丁。一同起程。

丙辰。

命副都統福祿散秩大臣永慶乾清門侍衛額訥慎

塔爾海烏爾圖納遜帶領索倫兵丁。前往軍營

効力。

丁巳。

申諭靖逆將軍雅爾哈善等。攻取庫車等城事宜。

上諭軍機大臣曰。據雅爾哈善等奏。現圍庫車城。斷

平定縣志卷之五

七

其水草。誘賊出戰二次。俱有殺傷。俟雲梯防牌造

成後。即可尅期攻取等語。所辦雖是。但察其情形。

似恐以延緩取咎。不知用兵之道。或遲或速。惟在

相機行事。其軍前諸臣之勇怯。朕自有明鑒。不必

過於急迫。若尚未攻克。仍即分兵略地。至額敏和

卓。年力就衰。感恩圖報。力戰被傷。甚屬可念。此時

曾否痊可。其善為調攝。以副眷懷。再額敏和卓所

言。從前準噶爾人等圍城九月始克之語。伊等惟知野戰。攻城自非所長。且或因攻圍未克。更迭往返。亦未可知。若久困城下。此必無之事。今以我兵力。計一月間自應攻克。卽力有未能。宜分兵往攻烏什等小城。其阿克蘇城。或難急攻。但蹂其禾稼。撤回兵丁亦可。至所奏回城草料漸盡。現取楊桑等樹皮葉飼馬。此語從何得來。可作速具奏。又

平定準噶爾方略正編卷之五

六

諭曰。雅爾哈善所奏庫車情形。著傳諭兆惠。此時若能直取葉爾羌等城。擒獲逆酋。自可贖疎脫哈薩克錫喇之罪。但務宜探聽雅爾哈善等信息。如信息未通。亦不必冒昧前進。卽帶兵轉回。查拏哈薩克錫喇等。至前據哈薩克人等所言。哈薩克錫喇隻身逃走。及伊母渡河溺死。殊不足信。或借此浮言。懈我軍心。因而潛行招引。亦未可定。兆惠回至

伊犁。當加意察訪。如果哈薩克有招引情事。卽帶兵壓境。嚴行索取。自可弋獲。仍將進兵情形。作速奏聞。

戊午。

命侍衛永德。馳驛前往烏魯木齊。協辦哈薩克貿易事務。
已未。

平定準噶爾方略正編卷之五

九

議派兵牧放貿易馬匹事宜。
軍機大臣奏言。烏魯木齊等處。與哈薩克交易馬匹。若送至巴里坤。恐辦理回部需用。徒多往返。請將所易馬匹。卽在該處牧放。聽候調遣。所需牧馬兵丁。應請交察哈爾總管等。揀選一千名。其整裝銀兩。照進勦兵丁例賞給。前往烏魯木齊。將所收馬匹。加意牧放。萬一今年回部未

平來歲用此等兵丁接濟。更為得力。其帶兵大員已遵

旨派出總管薩木都卜。恐一人不足。有總管敏珠爾人尚可用。或從牧廠調回。與薩木都卜同行。甚為有益。奏入得

旨。此次派出之察哈爾官兵。著派乾清門侍衛訥齊訥棟保。公特通額。同薩木都卜。敏珠爾帶領行走。

平定邊疆暨編參奏

三

其賞給官兵銀兩。著蘇巴什里達青阿帶往。會同薩木都卜等賞給。餘依議。

諭護軍統領努三。多易哈薩克馬匹。

上諭軍機大臣曰。前命努三辦理哈薩克貿易事宜。曾面諭以不可多給價值。現在進剿回部。恐本年未能竣事。來歲需馬更多。可傳諭努三。俟哈薩克以馬貿易時。不妨多為購辦。即價值稍昂亦可。至

所易馬匹。牧放需人。綠旗兵雖不可用。若巴里坤有察哈爾兵。當酌量揀派。暫令牧放馬匹。仍著一面奏聞。一面咨明巴里坤大臣辦理。現在擬派察哈爾兵一千名。星速前往。其加意牧放。以利軍行。昨命永德協辦貿易事務。努三俟其到時。更宜留心指示。俾得學習行走。

諭山西巡撫塔永寧。動帑報銷解駝雜費

平定邊疆暨編參奏

三

上諭大學士曰。塔永寧奏稱。解肅駝隻。除沿途草料口糧。動項報銷外。尚有鹽茶藥料等費。請於通省各官養廉內。公捐補欸等語。所奏殊非政體。年來辦理軍需。一切動支公帑。從無私毫派累。况官員養廉。原以體恤下情。使用度有資。方可勵清操而急公務。豈可輕言捐派。現在解駝需費。果係必不可少之項。自應奏明。於公項內支給。不必在額設

養廉。另籌捐補。山西向來因循陋習。近經釐剔。庶可肅清吏治。若一遇辦公。復有捐貲之議。恐不肖人員。因此轉多藉口。又何以飭官方。集公事耶。此項解駝需費。著該撫查明動項。咨部核銷。該部即遵諭行。

庚申。

諭大學士管陝甘總督黃廷桂籌備馬匹糧餉

平定準噶爾方略正編卷之五

三

上諭軍機大臣曰。黃廷桂所奏哈薩克貿易馬匹。籌辦牧放事宜一摺。自屬小心防範之意。昨已派察哈爾兵一千名。前往烏魯木齊。照看牧放。可無匪竊之慮。至所稱大兵指日成功。亦無需馬之處。則於軍務情形。尚未稔悉。現在雅爾哈善領兵進剿。回部。設一時未能就緒。則來年必需添派兵馬。理當豫為籌畫。卽口糧一項。亦應酌足一二萬兵之

用。庶不致臨事周章。雖不必過涉張皇。亦不可不留心經畫。若於哈薩克送來馬匹。多為購備。更屬妥協。可傳諭知之。

辛酉。

申諭定邊將軍兆惠等。招撫回人事宜。

上諭軍機大臣曰。近以辦理回部機宜。節次諭知兆惠。雅爾哈善等。伊等兩路進兵。若今年能攻克葉

平定準噶爾方略正編卷之五

三

爾羌喀什噶爾等城。固善。倘不能克。於應行撤兵之時。卽在擒獲回人內。酌揀數人。明白曉示云。大兵進剿。惟欲擒獲波羅泥都霍集占。與回眾無涉。恐爾等被其恐嚇。妄相附和。今大兵雖暫時休息。來年仍必進剿。亦定將田野種植。盡行蹂踐。務獲二賊方止。如此頻年進兵。耕種無期。必致餓斃。豈不為厄魯特之續。爾等若悔罪歸誠。卽聽於本地

各安生業。有能擒獻首惡。大皇帝必格外加恩。爾

等與其被脅而死鋒鏑。孰若來投以樂室家。利害

昭然。所宜熟思審處。今將此意作書。交爾等傳示

回衆。使人知覺悟等語。卽行釋放。似亦攻心之策。

若慮逆酋等先期設備。則次年卽不進兵。伊等亦

未必弛備也。但必俟應行撤兵之時。方可如此辦

理。再本年或不能取葉爾羌喀什噶爾。僅得庫車

平定回疆方略卷之六

書

烏什。阿克蘇等城。屆撤兵之期。若令降人管轄。恐

賊復來奪據。若留兵戍守。兵少則力弱。兵多則餉

艱。雅爾哈善額敏和卓等。身在行間。其體察情形。

詳悉議奏。

壬戌。

靖逆將軍雅爾哈善等疏奏庫車回人窮迫情

形。

雅爾哈善等奏言。臣等攻圍庫車城。於東南面

臺上瞭望。城內情形。甚屬窮迫。詢問伯克鄂對

等。據云。數日內。應有賽里木阿克蘇援兵。臣等

議於五月十八日。一面誘賊出城。勦殺。一面攻

取城池。於先一日。令哈密回人三百名。更換衣

帽旗幟。由阿克蘇前來大路。揚塵爲救援之勢。

亦令我卡倫兵飛報。又將滿洲索倫兵。埋伏要

平定回疆方略卷之六

書

隘。令綠旗兵張滿洲。索倫旗幟。前往迎戰。俟賊

衆一出。卽截斷勦殺。至日。城內賊人。果鳴鼓吹

角。步賊登城呼噪。騎賊於西門排立。不敢卽出。

數放號火。我綠旗兵。遠用鳥鎗。攻擊引誘。賊仍

不出。始將各兵撤回。又與額敏和卓。玉素富等

酌議。射書招降。亦無回信。看來賊衆死守。必當

力攻。計惟多造雲梯。分路競進。賊衆四面受敵。

不能支吾。能由一二處入城。即可攻克。奏入。

上諭軍機大臣曰。雅爾哈善等圍困庫車。令回人等
改裝誘賊。雖驚疑未出。而情形窮迫。俟攻具齊備。
即可取城等語。尚屬龜勉。但攻城非野戰可比。不
必過於欲速。萬一此時未能攻克。仍遵前旨。分兵
攻取烏什。阿克蘇等城。即不能克。亦可蹂其禾稼。
且防守嚴密。伊等窮迫之至。必生內變。自可成功。

平定準噶爾方略正編卷之五

五

至攻城之道。固難尅期。但須時刻進兵。作為攻擊
之勢。使賊疲於接應。漸生怠惰。然後乘間猝發。自
無不倉皇潰敗之理。再所用官兵。雖有滿洲索倫
綠旗回人等隊。皆朕臣僕。惟視伊等効力如何。不
可稍有偏向。著發孔雀翎十枝。藍翎二十枝。交雅
爾哈善等酌備賞給。其加意鼓勵。佇待捷音。
諭定邊右副將軍策布登扎布等。向哈薩克索取哈

薩克錫喇布庫察罕。

上諭軍機大臣曰。策布登扎布等奏稱。據哈薩克察
哈瑪巴圖爾來告。伊等從前在岳羅畢特巴圖爾。
必濟喀喇塔拉等處。刺殺宰桑布圖庫。擒獲布庫
察罕。已送與阿布齊等語。朕昨諭策布登扎布不
必往追舍楞。俟擒拿哈薩克錫喇布庫察罕。即策
應兆惠。今布庫察罕既為哈薩克擒獲。則哈薩克
錫喇亦必逃入哈薩克。可傳諭策布登扎布在哈
薩克索取布庫察罕時。并索取哈薩克錫喇。前聞
哈薩克錫喇逃入哈薩克之特柳克等處。不妨告
知阿布齊。令其遣人至特柳克。以從前縛送達什
策凌齊巴罕等。蒙恩厚賞為例。若隱匿不送。則游
牧必致驚擾。明白曉示。計彼時兆惠亦已回抵伊
犂。兩隊合力。務將哈薩克錫喇布庫察罕。拿獲解

平定準噶爾方略正編卷之五

五

京仍著策布登扎布行文兆惠知之。

諭大學士管陝甘總督黃廷桂查明琿齊等家口病斃虛實。

上諭軍機大臣曰。據阿里衮等奏稱。派出護軍校額爾賽解送琿齊阿南達哈什哈索遜等眷屬一百九十二口。除途次患病身死一百三十口外。其餘人造冊送往肅州。候黃廷桂分別辦理等語。所奏

平定縣志卷之三

天

甚屬含混。解送人口病故。何至如許之多。即使防護人少。中途逃遁。不過為餓斃之嗎哈沁。更將何往。是解送者尚可寬宥。若圖脫罪匿報。則斷不可著傳諭黃廷桂。俟此次厄魯特家口解到。將因何致斃多人。及有無匿報之處。查明據實具奏。

癸亥。

恩宥叛賊和碩齊之弟姪。寺仍於察哈爾安插。

上諭軍機大臣曰。據納穆扎爾奏稱。伊至察哈爾將

和碩齊之妻子正法。所有馬匹牲畜。交與該旗分收管。其和碩齊之弟圖固里克及其妻子。請旨辦理等語。和碩齊負恩降賊。伊之妻子自應正法。其弟姪等尚可寬宥。著加恩將圖固里克及其妻子。仍留察哈爾安插。明白宣示。俾知感激。其查出馬匹牲畜。交與扎拉豐阿帶至軍營備用。可傳諭署總管呼魯斯罕知之。

平定縣志卷之三

天

諭大學士管陝甘總督黃廷桂。豫備來年軍餉。上諭軍機大臣曰。前經傳諭黃廷桂。先期備貯糧餉。為來年添派兵丁之用。今思甘省河東河西各處。向有存貯糧石。原為儲備軍需。此時自應速行籌運。如本省糧已足用。自不必更事採買。倘為數不敷。則應咨商開泰。令於四川附近甘肅各州縣。先

期購運。大概務足二萬官兵一歲之糧。能於今冬運至巴里坤。或哈密存貯應用。方為有濟。其妥協辦理。勿致臨期遲悞。可傳諭黃廷桂知之。

議折給官兵口糧事宜。

甘肅巡撫吳達善奏言。軍營糧餉。從肅州哈密轉運至巴里坤。每石運費至十二三兩。上年進

勦屯田各官兵萬餘人。經臣奏撥哈密倉糧二

平定準噶爾方略正編卷之五十一

三

萬石。今春即不敷支給。又經請撥哈密甘肅三色糧二萬石。運送軍營。今年各項官兵計二萬餘人。原數既不敷用。而屯田必俟收成。似應通融辦理。查向來凱旋官兵口糧。多支者按日扣

抵。少領者按日補給。伊等在軍前。或有借貸。及添置衣履。多藉補給之糧。出糶應用。商民乘其

急需。未免故抑價值。請於將來平定回部凱旋

官兵抵巴里坤日。其未領口糧。給以二成本色。

八成折價。其折價無論色樣。每石概以八兩定

價。倘有借食他人口糧。仍准支本色。其願全領

折價者。亦聽其便。奏入。得

旨。軍機大臣議奏。尋議軍糧關係甚重。現奉

諭旨。令黃廷桂預備接濟。至巴里坤存貯糧石無多。

將來大兵凱旋。未領口糧。即需補支。若概給本

平定準噶爾方略正編卷之五十一

三

色。既多轉運之勞。而商民又未免故抑價值。應如該撫所奏辦理。庶兵丁需用既便。亦可節省運費。奏入。

上從之。

甲子。

諭定邊左副將軍成衮扎布等。防範達什達瓦游牧。上諭軍機大臣曰。據成衮扎布奏稱。和碩齊隊內脫

出之巴爾虎兵丁克什克圖濟雅圖告稱。達什達瓦所屬八人帶同巴爾虎察哈爾兵丁二人俱逃入哈薩克等語。達什達瓦屬人未必逃入哈薩克。想亦往投和碩齊耳。此時若明言伊等往投和碩齊。恐達什達瓦人眾驚疑。可傳諭成袞扎布當伴為不知。仍向哈薩克索取。至達什達瓦人等殊難深信。雖不必遽行辦理。亦當密為防範。再都爾伯特人等願於卡倫外遷移游牧。與喀爾喀並無妨礙。即照所請行。其汗索羅木袞布因病請暫離游牧。禮拜胡土克圖亦聽其自便。

丙寅。

申諭定邊將軍兆惠等酌量接濟糧餉。

上諭軍機大臣曰。據兆惠等奏稱伊等已過特穆爾

圖。淖爾所餘口糧無幾。不能回至伊犁。仍招撫布

平定縣志卷之五

五

魯特辦理回部。就其所獲。以給軍食等語。所奏殊不知朕軫念伊等之意。譬如伊等所稱口糧不能回至伊犁。辦理回部。就其所獲。以給軍食之說。倘若不得。將奈之何。由此觀之。朕實不能釋懷。況伊等果係口糧不足。自伊犁起程時。又何必停止巴里坤運送口糧。前後所奏。自屬矛盾。已諭將兆惠等停運糧餉。仍送至伊犁。交策布登扎布。昨又令策布登扎布前往策應。其應接濟兆惠等口糧。即著策布登扎布帶往給與。再雅爾哈善等現在尚未攻克庫車。則葉爾羌喀什噶爾又焉能即至。兆惠等若得雅爾哈善攻勦回部消息。量其力量。可以兩隊夾攻。自當奮勉前進。否則仍回伊犁搜捕。哈薩克錫喇等渠魁。其相機設辦。作速奏聞。又諭曰。兆惠等以糧餉不足為詞。若本年未能平定回

平定縣志卷之五

五

部則軍食關係甚重屯田收穫諒亦無幾巴里坤距伊犁頗遠不便一時起運當挑選駝隻陸續將米麵等物運至吐魯番烏魯木齊等處預備可傳諭阿里袞速為接濟仍行文永貴定長令將存貯處所轉運事宜酌量辦理。

定邊左副將軍成袞扎布疏奏安設臺站。

成袞扎布奏言臣等從前行文和碩齊唐喀祿

平定準噶爾方略正編卷之五

書

等俱由科卜多送往今復帶兵策應阿桂若仍

派兵徑送則需人多而事轉遲滯今自起程之

地約行四百里即留二十五人派員安設臺站

交與主事明善總管計抵俄羅斯界止需二百

餘人庶事件不至稽遲馬駝亦得休息奏入報

聞。

丁卯。

賜三等侍衛伍岱統墨爾根巴圖魯賞銀一百兩授厄魯特台吉舒倫哈什哈宰桑塔什為三等侍衛及厄魯特二等侍衛袞楚克扎卜賞銀各五十兩在京居住。

戊辰。

諭定邊左副將軍成袞扎布等酌量撤兵駐劄。

上諭軍機大臣曰叛賊舍楞等計此時已竄入俄羅

平定準噶爾方略正編卷之五

書

斯布空郭勒等處亦未必有逃來之厄魯特阿桂

等在彼堵截徒糜糧餉著傳諭成袞扎布阿桂等

若阿桂報稱舍楞尚未遠竄成袞扎布宜速行策

應如未得信息即不必前往仍回科卜多駐劄阿

桂奉到此旨亦視舍楞之遠竄與否若賊眾已過

無復逃來之人即派兵嚴密搜捕遇有嗎哈沁俱

行勦殺以十五日為期亦回科卜多軍營仍將現

在堵剿情形作速奏聞。

平定準噶爾方略正編卷之五十七

奏

平定準噶爾方略正編卷之五十七

乾隆二十三年六月己巳。

靖逆將軍雅爾哈善等疏奏防範庫車應援要路。

雅爾哈善等奏言。臣等攻圍庫車城。與領隊大臣及伯克鄂對等共議回城。雖係土築。頗屬高堅。此時賊衆不敢出戰。自應多備雲梯土袋。於

平定準噶爾方略正編卷之五十七

一

夜間努力攻取。一面絕其水道。又據鄂對告稱。回衆俱爲阿卜都克勒木切制。未必投降。所有各城應援要路。俱宜安設卡倫。城東南通庫爾勒哈喇沙爾。係我兵來路。現有臺站軍營。尚無可慮。惟準備截殺援兵。城北通賽里木一帶高山。遮隔有沙勒達朗鄂斯克伯什二隘口。若以石壘塞。自難偷越。彼處只有山泉。可駐步兵防

守城西通沙雅爾六十里外有鄂根河水長時

可以行舟若安臺瞭望自無遲悞等語臣等即

分派侍衛等查勘派兵防範五月二十日守備

莫倫岱領綠旗兵八十名至沙勒達朗壘塞隘

口忽山內有百餘騎突出莫倫岱射賊三人官

兵鎗矢競發傷賊數十人向西敗走想係阿克

蘇等處偵探之賊二十三日四鼓署叅領第雅

平定準噶爾方略正編卷之五

二

隆阿在城東北築壘處埋伏見有馬步賊二百

餘人即領吉林索倫兵五名綠旗兵二十名從

牆洞內放鎗發矢追至城下賊人墜馬受傷者

甚衆計殺賊五十餘人其莫倫岱擬請陞補都

司栢萃病故員缺第雅隆阿等應請送部議敘

臣等又詢問軍管伯克及順德訥等知霍集占

等係傳授經教之人得脫回巢僭稱汗號殺害

伊舊台吉素爾統等後嗣因令順德訥作書聲

其罪惡招撫衆回其額敏和卓面傷現已平復

又准將軍兆惠咨五月初旬已至布魯特游牧

臣等仍候攻具齊全相機辦理並繪圖恭呈

御覽奏入

上諭軍機大臣曰雅爾哈善等以攻圍回城防守要

隘繪圖具奏辦理頗屬奮勉諒賊衆自難久守倘

平定準噶爾方略正編卷之五

三

尙未攻克仍分兵前進場言已取庫車懈其應援

再用兵之道捉生詢問可知虛實今我兵殺賊五

十餘傷賊三十餘而未見擒獲一二人何耶此時

賊衆即出城交納兵器乞降仍宜整肅隊伍於各

要害加意巡防勿以輕敵受欺所奏勦賊之第雅

隆阿著交部議敘莫倫岱即陞補都司其効力得

傷官兵俱著照例議敘另摺所奏伊犁屯田尙非

目前急務。自可從容辦理。

庚午。

命直省等處購備馬匹。

上諭軍機大臣曰。巴里坤一帶。現在墾種地畝甚多。兼之辦理回部。均需豫備馬匹。若就陝甘兩省採買。一時恐難足數。應於附近各省。分路採買。自易爲力。直隸著辦馬三千五百匹。山西二千五百匹。

平定縣縣志卷之七

四

山東河南各一千匹。陝西二千匹。著傳諭各督撫。卽派委賢員。速爲購辦。解赴肅州。交總督黃廷桂。驗收轉解。務於十月內。趨至巴里坤。以備派撥。各省若能及時買足。固善。或不能趨辦。准於營驛馬匹內。挑選壯健者。湊足解往。其缺額限本年內陸續買補。併傳諭黃廷桂知之。

辛未。

命涼州將軍嵩阿禮監鑄礮位。

上諭軍機大臣曰。據黃廷桂奏稱甘肅等處。現存礮位。年久不堪應用。現在僱覓良工。趨造大神礮二十三位。請交嵩阿禮監造。就近演放。交臣轉解等語。軍營現需礮位。自宜製作精堅。著傳諭嵩阿禮督同鎮道等員。監視工匠。加意鑄造。但必俟全數鑄就。始行轉解。未免稽遲時日。且解送亦殊繁費。惟酌量鑄成三四位。或五六位。卽爲一起。轉解可也。

平定縣縣志卷之七

五

諭大學士管陝甘總督黃廷桂。續查解送入口。病斃虛實。

上諭軍機大臣曰。據阿里衮等奏稱。將軍兆惠派佐領巴濟勒圖等。解送厄魯特訥默庫等。男婦二百三口。中途病故四十一口。又署章京烏拉凱等。解

送賚瑪里木集賽等二百六十口。病故一百九十口等語。前因解送厄魯特致斃多人。曾交黃廷桂查明具奏。今兩次所解四百餘人。復斃其半。殊屬可疑。著仍交黃廷桂將因何致斃多人。及有無捏報情弊。查明據實奏聞。

甲戌。

諭靖逆將軍雅爾哈善等進取回城事宜。

平定準噶爾方略正編卷之七

六

上諭軍機大臣曰。據雅爾哈善等奏稱。侍衛噶布舒齊凌扎卜等領兵渡鄂根河。至沙雅爾城。擒獲伯克之子喀啓巴巴克等。復近城招降不從。誘令交戰。亦不出。因泥濘未能衝擊。將擒獲賊衆。俱行剿殺。惟留喀啓巴巴克送京備詢等語。據喀啓等所供。則沙雅爾並非大城。雅爾哈善等不必久留攻擊。致稽時日。宜進取阿克蘇等城。既克之後。此等

小城。自然畏懼降服。至所供沙喇斯瑪呼斯等餘賊竄入庫車。爲逆酋拒守。攻克之日。不可稍存姑息。卽回衆開門獻城。亦應分別查訊。或撫或剿。此次進攻沙雅爾。雖侍衛喀喇等有所俘獲。而毀其種植。俾野無餘積。未見奏及。何耶。現因辦理回部。已調索倫兵二千。察哈爾兵一千。健銳營兵一千。

名。并挑選健馬一萬匹。遣往巴里坤豫備。可傳諭

平定準噶爾方略正編卷之七

七

雅爾哈善知之。

諭定邊將軍兆惠等。曉示布魯特人等協力進剿回部。

上諭軍機大臣曰。雅爾哈善等訊問擒獲賊人供詞。有云。兩和卓木曾殺害舊頭目伊克和卓木。其子逃入布魯特。現在撫養等語。看來布魯特人衆與逆酋有隙。前諭兆惠等。速向阿克蘇不必從布魯

特取道。此時若尚在布魯特。即曉示伊游牧人眾。若能協力進兵。則所有沿途俘獲。當酌量賞給。以示鼓舞。即同抵葉爾羌喀什噶爾擒剿逆酋。其留心體察。相機辦理。

申諭定邊右副將軍策布登扎布等速向哈薩克索取哈薩克錫喇。

上諭軍機大臣曰。據策布登扎布等奏稱領兵搜查

平定縣勇擊獲逆首五十七

八

阿呼爾哈爾海等處。並無舍楞踪跡。六月初一日。

由阿勒坦特卜什起程。往塔爾巴噶台。計二十日。

可至布空。哈拉瑪嶺等語。舍楞已竄入俄羅斯。策

布登扎布不必復往追襲。仍遵前旨。至哈薩克。索

取哈薩克錫喇等。且伊等所奏哈薩克約倫伯克

巴圖爾等云。哈薩克錫喇不知被阿布勒哈里之

人擒獲與否。我等相隔甚遠等語。則愈為可據。更

宜速往查拏。勿致遲悞。

命尚書納穆扎爾侍郎三泰馳驛前往軍營。

上諭軍機大臣曰。兆惠雅爾哈善富德等久在軍營。

冬季撤兵。當來京請訓。並籌辦一切事宜。著尚書

納穆扎爾侍郎。三泰馳驛前往西路軍營。以察贊

大臣行走。亦可漸習軍務。兆惠等來京時。其將軍

印務即令納穆扎爾署理。

平定縣勇擊獲逆首五十七

九

授察哈爾賽音圖為藍翎侍衛。

上諭軍機大臣曰。察哈爾獎賞翎賽音圖會擒獲勞

章扎卜。且於舍楞誘害官兵時。奮勇脫出。甚屬可

嘉。著加恩授為藍翎侍衛。賜號固濟爾巴圖魯。仍

賞銀一百兩。

乙亥。

諭靖逆將軍雅爾哈善等籌備駐兵糧餉。

上諭軍機大臣曰。昨閱雅爾哈善等進攻沙雅爾之

奏。已諭以不必攻圍此等小城。惟將田野種植毀

棄。即前往阿克蘇等處。今思本年若未能攻取葉

爾羌喀什噶爾。僅得庫車阿克蘇等城。至應行撤

兵之時。若仍為賊人所據。來年又煩辦理。自當留

兵戍守。則糧餉亟宜籌備。可傳諭雅爾哈善等此

時攻城之際。不妨令綠旗及回人等刈賊之穀。以

平定準噶爾方略正編卷之七

十

濟口糧。其未成熟者。亦不必毀棄。蓋賊既不敢出

城。則種植業為我有。且克城之後。賊人口糧。非食

用俱盡。即焚棄不留。自當豫圖接濟。惟與賊相近。

及我兵不必駐劄之地。則仍行毀棄可耳。至駐兵

既遠。糧運宜早為經理。現在巴里坤所儲糧石。當

陸續運往回部。復由內地撥運巴里坤備用。若馱

載維艱。回地頗屬平坦。或可兼用車驢否。亦傳諭

黃廷桂阿里袞等籌酌具奏。

丙子。

黑龍江將軍綽爾多等疏奏續派索倫等官兵

事宜。

綽爾多等奏言。臣等奉到

諭旨。續派索倫兵一千名。同前派官兵前往軍營。查

現在索倫達呼里共二千三百餘名。不敷挑選。

平定準噶爾方略正編卷之七

十一

酌於呼倫貝爾等處之索倫巴爾虎兵內。奏足

一千。其派出管轄官員俸餉銀兩。均照前次賞

給。其軍器等件。於齊齊哈爾等處奏辦。共派索

倫兵二千名。候

御前侍衛敦察等至日。帶領起程。奏入。報

聞。

丁丑。

諭定邊左副將軍成衮扎布等策應阿桂。邀擊舍楞。

上諭軍機大臣曰。成衮扎布等據和碩齊隊內脫出

之厄魯特叅領鄂勒椿告稱逆賊舍楞逃至俄羅

斯圖喇附近。先遣五人送信。聞已被拘執。狐疑不

決。欲投往土爾扈特。復遇哈薩克四百人。舍楞率

衆迎敵。哈薩克等。佯退相誘。成衮扎布即派藍翎

侍衛拜靈阿。知會阿桂。令其邀擊等語。所辦甚是。

平定縣志卷之三

三

舍楞既未入俄羅斯。又遇哈薩克之衆。或仍回塔

爾巴噶台和尼邁拉呼。必與阿桂相遇。自可擒獲。

成衮扎布等仍整兵前往策應。至鄂勒椿係散秩

大臣鄂齊爾之弟。中鎗被擒。乘間脫出。途遇索倫

協領阿喇卜坦等。殺馬共食。步行回營。甚屬可嘉。

著加恩授爲二等侍衛。賜號錫都爾呼巴圖魯。賞

銀一百兩。可傳諭三寶曉。示達什達瓦游牧人等

知之。

戊寅。

申諭定邊左副將軍成衮扎布等宜速取舍楞實信。

上諭軍機大臣曰。昨諭成衮扎布等策應阿桂。擒拏

逆賊舍楞。因思伊等所帶口糧。僅敷九月以前之

食。若屆期未能竣事。仍須接濟。今福祿巴奏請預

備三箇月口糧。由科卜多運送軍營。成衮扎

平定縣志卷之三

三

布等。自可吞取無悞。至脫出之鄂勒椿。會到阿桂

軍營。自必早得賊人實信。阿桂即當一面知會成

衮扎布策應。一面將辦理緣由奏聞。何以總未奏

及。豈疾行追賊。無繕摺之暇耶。著成衮扎布即行

傳諭。令其速奏。倘阿桂以鄂勒椿情事。因成衮扎

布奏聞。致降旨詢問。遂爾心生猜忌。則徒自取罪

戾耳。

己卯。

諭定邊左副將軍成袞扎布等速取逆賊舍楞。

上諭軍機大臣曰。據成袞扎布等奏。和碩齊隊內脫

出達什達瓦兵丁沙喇巴圖爾告稱五月初。舍楞

等遣人入俄羅斯未回。又欲他往。俄羅斯復行阻

止。遂以舟相渡。安插於森博羅特城附近。請遣人

至彼索取。並將所發俄羅斯文書呈覽。從前成袞

平定準噶爾方略正編卷之五十七

古

扎布起程之時。即諭以舍楞若入俄羅斯。即行索

取。今脫出人等所告。確有可據。自當一面索取。一

面奏聞。乃必再行請旨。以致稽延時日。實所不取。

但此時若仍行向索。則伊圖喇人等。反得飾詞預

備。成袞扎布。不妨領兵潛至森博羅特。若舍楞在

彼棲止。我兵即徑行擒剿。若已經聞信遷移。則仍

聲言索取。惟在相機辦理。沙喇巴圖爾被擒脫出。

著賞銀五十兩。令回游牧休息。其策布登扎布不

必追剿舍楞。仍向哈薩克索取哈薩克錫喇。并促

圖倫楚達理善等速清哈丹。阿巴噶斯餘孽。所降

諭旨。亦由西路臺站馳遞。

諭叅贊大臣阿桂等。剿殺往投舍楞之嗎哈沁。

上諭軍機大臣曰。據黃廷桂奏。稱詢問解到之璦齊

等家口。在博羅布爾噶蘇台等處。遇嗎哈沁搶掠

平定準噶爾方略正編卷之五十七

主

人口牲畜。俱係舍楞所屬等語。此等嗎哈沁。雖欲

往投舍楞。斷不能及。且有阿桂在彼堵截。可傳諭

阿桂務必留心擒剿。又解送人等。亦有在托里等

處被掠之語。并傳諭永貴等酌量派兵前往。仍知

會豆斌一體搜捕嗎哈沁。不可致令逃脫。

庚辰。

諭巴里坤辦事副都統阿里袞等。查奏捏報解犯病

故官兵

上諭軍機大臣曰。黃廷桂奏稱詢問軍營解到之厄魯特等。知搶掠人口牲畜。係舍楞屬人等語。從前阿里衮等奏報節次解送厄魯特等中途病故。過半。朕曾降諭旨。謂脫逃數名。而解送之人。不過疎防。若捏報則為欺罔。因諭黃廷桂查奏。今據奏實係被賊掠奪其病故者祇有數人。當日抵巴里坤

平定縣志卷之七

夫

時何以並未查詢。可傳諭阿里衮。此次管解人口各官兵。若仍在巴里坤。即遵前旨分析查詢。酌量議罪具奏。若已回軍營。亦行文將軍大臣等查明議罪。

諭大學士管陝甘總督黃廷桂等。籌辦牧養馬匹事宜。

上諭軍機大臣曰。昨諭直隸山東山西河南陝西等

處。購馬一萬匹。由肅州轉送巴里坤。豫備來年進

兵之用。計送到時。已屆冬寒。彼處雖可牧放。恐馬匹廕分已減。難於長發。不若分槽養。自易充肥。巴里坤現未備貯草料。由內地解運。恐難如期足用。或留其半於肅州一帶。俟需用之前。再行趨送亦可。但我兵計日可取庫車阿克蘇等城。即宜留兵戍守。來年從此進兵。若能於巴里坤吐魯番等

平定縣志卷之七

七

處。籌辦草料。或即起此時。起運將馬匹陸續解送更善。可傳諭黃廷桂酌議具奏。有應行事宜。亦可先舉。併傳諭阿里衮永貴等與黃廷桂會商辦理。辛巳。

靖逆將軍雅爾哈善等疏奏。勦殺應援庫車賊衆。

雅爾哈善等奏言。臣等圍困庫車城。派兵防範

要隘。據伯克鄂對告稱。城東面安設臺站之雅哈托和龜。有地名托木羅克。可通賽里木拜城。亦宜防範。臣等即派藍翎侍衛達克塔納領綠旗兵一百八十名前往。六月十五日。據報托木羅克有賊人踪跡。帶兵往迎。見嘛尼轟一桿。賊衆五六十名。後面又有兩大隊。誘至雅哈托和龜。賊止不行。見我兵甚少。遣四五百人。兩路來攻。我兵緩行相誘。體察賊衆不及三千人。在戈壁前溝邊住歇。臣等即派兵二千四百名。令順德訥愛隆阿端濟布袞楚克朗袞扎卜。五福帶領侍衛官員等前往。次日黎明。排列隊伍。綠旗回兵居中。滿洲索倫蒙古兵分爲兩翼往迎。已刻。賊望見我兵。即據溝邊高阜排列。彼此施放鳥鎗。賊正欲衝我兩翼。我兵四面呼噪。發矢放

平定準噶爾方略正編卷之五

九

鎗。合圍攻擊。賊衆大亂。擁聚溝中。惟以鎗刀格鬪。我兵奮勇擊射。自午至未。盡行勦殺。僅逃脫一二十人。俱已帶傷。計勦賊二千餘人。亦有厄魯特在內。我兵陣亡者數人。得傷者亦少。獲馬千餘匹。殺傷者亦千餘匹。駝百餘隻。鳥鎗千餘桿。似礮鳥鎗二十桿。又帶鞍馬二匹。詢問俘獲人口。供稱係領兵伯克阿卜都哈里克等之馬。又據供。聞得霍集占由沙雅爾路來援。沙勒達朗一路。亦有前來者。因大營滿洲索倫兵少。順德訥等即收兵回營防範。初九日。據坐臺人等告稱。距沙雅爾五六十里。有行塵火光等語。臣等即派兵往鄂根河偵探。所有奮勉勦賊官兵。俟辦過沙雅爾來援之賊。再行查奏。又擒獲受傷回人阿舒爾瑪特。係伯克霍集斯屬人。從前

平定準噶爾方略正編卷之五

九

達及齊。係其執送。謹暫行看守。以備詢問。其餘賊即行正法。奏入。

上諭軍機大臣曰。據雅爾哈善等奏。勦殺應援庫車賊衆二千餘人等語。賊衆初次來援。我兵即勦殺殆盡。其鋒已挫。諒葉爾羌喀什噶爾等處。無難攻取。官兵奮勉効力。深屬可嘉。雅爾哈善額敏和卓。玉素富哈寧阿。順德訥愛隆阿。各賞御用荷包。鼻

平定縣志卷之三

三

烟壺。仍交部議敘。端濟布。袁楚克。朗袁。扎卜。五福。俱著議敘。其奮勇勦賊。及陣亡得傷官兵。著查明送部議敘。議卹伯克鄂對。熟悉要隘。豫籌防範。著賞銀一百兩。現在有攻克之回城。即授爲伯克。藍翎侍衛達克塔納。授爲三等侍衛。此次所勦殺賊衆。因應援庫車而來。其俘獲之人。當遣往城下曉示。令其絕望。不知曾如此辦理否。再據俘獲人等

所供。霍集占將有來援之信。則葉爾羌喀什噶爾。自可乘間襲取。兆惠此時。或候雅爾哈善信息。兩路夾擊。或仍回伊犁。搜捕餘孽。可傳諭令其詳悉奏聞。

命派健銳營官兵。前往西路軍營。

上諭軍機大臣曰。著派健銳營兵一千名。前往西路軍營効力。該營大臣務須加意挑選。仍行文經過

平定縣志卷之三

三

之直隸山西河南陝西甘肅等省。照例備辦車馬。諭大學士管陝甘總督黃廷桂。辦理軍需事宜。上諭軍機大臣曰。甘省連年承辦軍需。雖一絲一粟。不以派累閭閻。而起送兵丁。轉輸糧餉。多資民力。急公趨事。朕心時屢於懷。今歲得雨較遲。更爲軫念。此時各屬。曾否徧霑雨澤。秋收不致甚歉。從前未種之地。曾補種雜糧否。當此連年餽運之後。繼

以雨澤愆期。米穀自必短少。黃廷桂於拮据勞勩之後。更宜曲為體恤。現在派出京兵一千。前往軍營。朕意即令其裹帶四個月口糧。以省甘肅購備之費。是否簡便可行。於邊民有益。著傳諭黃廷桂籌酌具奏。再前經降旨。令該督豫備來年征兵口糧。如本省不敷。則移咨開泰於四川購運。務足二萬人一歲之用。並著速行會商。妥協辦理。

平定準噶爾方略正編

三

辦理屯田侍郎永貴等疏奏新種地畝情形。

永貴等奏言。臣等前奏本年屯田地方。闢展烏魯木齊。已經墾種。喀喇和卓托克三哈喇沙爾尚在開墾。今據各該管官員報稱喀喇和卓墾地八千七百畝。托克三墾地五千三百畝。哈喇沙爾墾地四千餘畝。俱經種植。臣等合併闡展所種一萬畝。烏魯木齊所種八千畝。共三萬六

千八百餘畝。較去年增墾七十三百餘畝。所種禾苗。先後長發。臣等督率官兵。盡力耕耘。引水灌溉。今秋可望豐收。奏入。報

聞。

壬午。

諭吐魯番公素賚璠派兵巡查臺站。

上諭軍機大臣曰。據屯田侍郎永貴等奏稱。巴里坤

平定準噶爾方略正編

三

解送軍營火藥鉛子等件。行至庫爾勒臺站。遇賊搶掠等語。此等賊人。或係沙喇斯瑪呼斯之嗎哈沁。今大兵進剿。臺站關係最要。已諭巴里坤大臣派兵巡查。吐魯番公素賚璠乃貝勒額敏和卓之子。伊父感激朕恩。在軍營奮勉効力。伊必克承父志。將軍雅爾哈善所設臺站。距吐魯番不遠。且聞搶掠之賊。僅三十餘人。可傳諭素賚璠。即派所屬

數十人來往巡查搜捕逸賊務期剿殺淨盡以清臺路。

大學士管陝甘總督黃廷桂疏奏豫備口糧牲隻等事宜。

黃廷桂奏言臣欽奉六月初九日

諭旨來年添派官兵先期購辦口糧查官兵二萬合

之隨役餘丁約二萬五千餘人每名日給米八

平定縣志卷之七

七

合三勺或炒白麵一飭計一年約需糧餉七萬

六千石有奇須豫備十萬石方覺充裕現在撥

運哈密倉糧六萬石祇足備巴里坤接濟軍需

及本年軍營屯田臺站兵丁支用臣與司道等

官籌議甘省河西糧石節經動撥河東各屬尚

堪接濟謹酌於涼州寧夏蘭州鞏昌四府屬州

縣內分撥米四萬石小麥四萬石青稞二萬石

運赴肅州轉運出口以備來年二萬官兵之餉

至甘省倉糧仍須撥補若資川省協濟則棧道

險阻運費不貲應請於陝西近甘各屬採買京

石米麥二十萬石以豐儲備至羊隻一項本年

前後購買共六萬隻於正月間解送出口風雪

甚大疫癘傳染倒斃二萬四千隻有奇現在調

取管解各員分別懲治臣謹捐買一萬二千隻

平定縣志卷之七

七

賠補其半餘於購辦各州縣及差委各鎮營分

賠解送以備兩路官兵凱旋口糧此時軍營口

糧正須接濟又運送軍器農器均需駝隻來年

派兵二萬加以屯田運糧必備駝一萬隻查山

西歸化城直隸張家口外俱係產駝之處若山

西辦駝六千直隸辦駝四千尚易集事又現在

運補哈密倉糧及來年官兵口糧共十六萬石

前次陝省買騾三千頭。輓運日久。恐有缺乏。查

山西河南二省。商民騾頭甚為充裕。若每省買

騾一千五百頭。似亦易辦。伏祈

訓示。奏入。報

聞。

諭分購軍需駝騾。

上諭軍機大臣曰。西路進兵。需用駝隻。已派出副都

平定準噶爾方略正編卷三十一

三

統阿爾泰員外郎烏勒木濟齋銀前往西林郭勒

等處購辦。阿爾泰等到彼。即會同阿霸核親王索

諾木喇卜坦等揀選健駝三四千隻。送往巴里坤。

索諾木喇卜坦從前承辦事件。實心經理。是以此

次特加委任。著停其前赴木蘭圍場。其購辦駝隻。

如何解送行走。俟議定後再行傳諭。又

諭曰。甘省為軍需總匯。一切起送兵丁。轉輸糧餉。需

用駝騾自難一時猝辦。著傳諭方觀承於直隸辦

駝四千隻。塔永寧於山西辦駝三千隻。吳士功於

陝西辦駝一千隻。并騾一千五百頭。胡寶瑤於河

南辦騾一千五百頭。其各速為購覓。務得口輕騰

壯者。於今年九月十月內。趨解肅州。以利軍行。其

所發官價。若有未足。不妨酌量加增。仍一面辦理。

一面奏聞。

平定準噶爾方略正編卷三十一

三

恩賞大學士管陝甘總督黃廷桂銀兩。

上諭軍機大臣曰。甘省連年辦理軍需。黃廷桂急公

集事。俱無貽誤。今歲春夏以來。一切轉運糧餉。復

甚妥協。勤勞懋著。深慰朕懷。著加恩再賞銀一萬

兩。於軍需正項錢糧內支取。以示體恤。

議解送軍需駝隻。

軍機大臣奏言。臣等遵

旨傳諭阿霸孩親王系諾木喇卜坦等購買駝隻查
去年山西駝隻官價十八兩較市價不足蒙

恩旨按隻加增二兩此次應請每隻定價二十兩計

駝四千隻給銀八萬兩七八月間似可購辦足

數彼時雖有調往西路索倫兵可由阿濟必濟

一路但送至巴里坤早已水草枯涸恐致疲乏

臣等酌議現在直隸山西陝西俱買駝解送應

平定縣學監編卷之五

天

將西林郭勒駝隻就近送至殺虎口歸併山西

駝隻內送往肅州則內地草豆甚便自可一體

壯健於軍需有益如蒙

俞允臣等行文山西巡撫及該親王遵照辦理奏入

上從之

軍營効力之厄魯特巴圖根敦扎卜由巴里坤

至京俱

授為藍翎侍衛在上駟院行走賞給銀兩衣服如例

癸未

諭靖逆將軍雅爾哈善等以收獲口糧牲隻賞給兵

丁

上諭軍機大臣曰昨據雅爾哈善等奏稱剿殺由托

木羅克來援賊眾獲馬千餘匹傷斃馬亦千餘匹

駝百餘隻等語此次剿賊二千餘收獲馬駝甚多

平定縣學監編卷之五

天

且賊眾自必裹帶口糧應為我有官兵奮勇剿賊

自當均勻賞給以示鼓勵且可減內地轉運之勞

何以未見奏及可傳諭雅爾哈善等留心辦理

命釋回人莽噶里克之子白和卓

授為三等侍衛賞衣一襲在上駟院行走

甲申

訓諭定邊將軍兆惠等查拏哈薩克錫喇

上諭軍機大臣曰。兆惠等接到節次諭旨。奏請停止。前往回部。俟招服布魯特事竣。即分兵追擒哈薩克。錫喇布。庫察罕等語。覽伊等奏摺。富德除被布。庫察罕偽降逃脫外。尚知自勵。兆惠身為將軍。於哈薩克。錫喇等渠魁。未能弋獲。且初遇哈薩克人等。已知哈薩克。錫喇等所向。即解送來京之特克勒德克。亦稱哈薩克。錫喇。投西哈薩克。特柳克。布庫察罕。投北哈薩克。汗巴巴。兆惠豈竟不行詢問。若伊等早抵哈薩克邊界。索取何至逃脫。乃此時尚稱或投入特克斯。阿圭雅斯等處。亦未可定。欲分兵搜捕。顯係掩飾。前非希圖卸過。且伊等奏報。往往前後不符。如兆惠由伊犁起程。曾將運送糧餉退回。後又云口糧缺乏。不能回至伊犁。今復云所存口糧。尚數十數日。觀此情形。則伊等惟圖草

平定準噶爾方略正編卷五十七

三

率結局耳。再伊等領兵二千餘名。請往回部。朕尚慮其少。今復分為三隊。而富德又取道布魯特境內。愈為可慮。現在策布登扎布。由塔爾巴噶台前。往哈薩克。索取布庫察罕。兆惠亦有布庫察罕為哈薩克之布喇鄂。拓克人等所擒。已解送阿布賚處之語。想不久自當縛獻。富德索取哈薩克。錫喇。既由沙喇孛勒。著策布登扎布帶兵往迎。若賊果投特柳克。恐不似阿布賚之已經歸附。即時縛獻。富德惟酌量進兵。查拏策布登扎布。亦領兵策應。以壯聲援。再兆惠等前奏領兵已至布魯特。不便復回。朕又諭以若布魯特距回城較遠。即間道襲取阿克蘇。與雅爾哈善會合。此時諒已奉到。若業經遵照。即毋庸復回。總在酌量軍前形勢。相機辦理。仍將進兵情事。作速奏聞。

平定準噶爾方略正編卷五十七

三

訓飭叅贊大臣阿桂追賊不力

上諭軍機大臣曰阿桂奏稱詢問由逆賊舍楞處脫

出之厄魯特鄂勒椿謂舍楞不能入俄羅斯將由

哈薩克逃往土爾扈特或又不能達恐復回準噶

爾藏匿必在輝巴朗經過一面派兵於彼處守候

仍探取實信若已入哈薩克相距甚遠即帶兵索

取候其擒送等語從前成衮扎布詢問鄂勒椿後

平定準噶爾方略卷五十八

三

即行奏聞朕因鄂勒椿過阿桂軍營會給以口糧

阿桂自應一面具奏一面領兵速追舍楞方可得

真實信息乃成衮扎布又續奏舍楞入俄羅斯之

信而阿桂始以鄂勒椿所告奏聞且稱舍楞若逃

去已遠不能追及即在哈薩克邊界駐候擒送更

屬錯繆阿桂初次領兵理應奮勉乃即如此觀望

遲延甚屬不堪造就著傳旨嚴行申飭

平定準噶爾方略正編卷之五十八

乾隆二十三年秋七月乙酉朔

諭靖逆將軍雅爾哈善等與定邊將軍兆惠合兵相

機擒拿霍集占

上諭軍機大臣曰雅爾哈善等奏稱遣總管扎爾善

等至鄂根河瞭望未見賊踪又沙雅爾有兩路可

通庫車若遣兵前往恐與來援賊眾不能相值惟

平定準噶爾方略卷五十八

一

嚴設卡倫防範等語所辦甚是看來伊等所領滿

洲索倫兵尚少昨因兆惠有分兵向厄魯特回部

交界搜捕哈薩克錫喇等之奏檢閱地圖所指道

途距回部甚近兆惠即前赴雅爾哈善所在以兵

相付仍來京請訓若另有辦理之處則俟事竣來

京亦可又雅爾哈善等奏擒獲回人阿舒爾瑪特

據供則副都統阿敏道被拘霍集占曾云大國使

臣不可傷害。留侯布魯特信息。若不能取勝。則仍
有用處等語。似阿敏道尚未被害。將來取葉爾羌
時。宜籌畫阿敏道脫出之策。或此時霍集占見事
勢已迫。詭稱不敢傷害。欲行送回。以緩我兵。不妨
乘機撫納。俟其投見。即時拏解。若霍集占雖未害
阿敏道。仍留以為質。則告以阿敏道已照陣亡例
賞卹。爾等送與不送。俱可。仍一面進兵辦理。但能
將阿敏道救出。則更善。第不可因此墮賊計中。致
悞軍事。可傳諭雅爾哈善兆惠等知之。

平定準噶爾方略正編卷之六

二

命陞敘防守沙勒達朗卡倫官兵。

上諭軍機大臣曰。雅爾哈善等奏稱。沙勒達朗卡倫
守備莫倫岱。遇賊眾馬步六百餘。前來衝擊。率步
兵百餘人迎敵。殺賊甚眾。身亦被傷等語。莫倫岱
以少勝眾。奮勉可嘉。著加恩。以遊擊卽用。賜號墨

爾根巴圖魯。賞戴孔雀翎。并賞銀一百兩。其効力
及陣亡得傷官兵。著查明送部議敘。議卹。

諭定邊右副將軍策布登扎布酌量馬力進兵。

上諭軍機大臣曰。策布登扎布前奏和落霍漸之捷。
已加恩賜以伊父超勇之號。今詢問擒獲之鄂哲
特等。知賊眾先將游牧移踞高岡。伏兵邀擊我師。
策布登扎布等奮勇衝突。賊不能支。待衛瑪琯等

平定準噶爾方略正編卷之六

三

亦奏稱我兵甚少。副將軍身先士卒。所向無前等
語。朕聞之實為嘉悅。著加恩賞鑿金黃帶以示旌
異。至策布登扎布敗賊之前。已得舍楞逃竄信息。
彼時未卽追剿。或因不能兼顧。亦事勢使然。此時
布庫察罕逃入哈薩克。料伊部自必縛獻。惟哈薩
克錫喇在投西哈薩克之特柳克。富德兵少。窮追
稍覺可虞。昨已諭策布登扎布策應。自必奮勇前

往但亦須酌量馬力倘有不足卽與富德撤兵暫回伊犁俟來年再舉亦可在他人遲延觀望朕每降旨催督策布登扎布夫性勇往是以諭令酌量現在領兵所至情形如何可卽速奏聞

戊子

大學士管陝甘總督黃廷桂疏奏撥運巴里坤

糧餉

平定縣續修縣志卷之八

四

黃廷桂奏言竊巴里坤爲軍需總匯之區備貯

兵糧最關緊要今年春間甘肅撫臣吳達善奏

准於哈密甘肅等處撥運各色糧二萬石經臣

飭令沙州各衛協濟長車五百輛並廣僱駝騾

現在陸續運竣恐車駝分散難於催覓仍令軍

需局查議添撥一萬石在案臣因近奉

諭旨派出索倫察哈爾兵丁明年又添派官兵二萬

聞

須豫備一歲口糧請於甘省各屬運糧十萬石乘此夏秋之間道路便於行走又值哈密車輛駝騾聚集之時應先從哈密存貯糧石內米麩兼撥儘力運送巴里坤務於九月前運足五萬石其哈密缺額再於內地運往補足庶儲侍有資不致臨期周章繁費奏入報

平定縣續修縣志卷之八

五

庚寅

靖逆將軍雅爾哈善等疏奏擊敗霍集占援兵

雅爾哈善等奏言六月十六日黎明據攻圍庫

車城官兵報稱西門外有賊衆踪跡復據瞭望

兵丁報稱離城十里有二三處賊衆等語臣等

議將滿洲索倫蒙古綠旗兵丁派領隊大臣順

德訥愛隆阿端濟布袞楚克朗袞扎卜馬得勝

等帶領侍衛官員分路迎勦。臣等駐兵高曠之地。見塵埃空起中。我兵衝擊賊陣。自卯至辰。賊眾不支紛紛逃竄。我兵追勦六十餘里。直抵鄂根河。未刻始收兵回營。據愛隆阿報稱。領吉林索倫等兵至庫車城南。據遣往沙雅爾路埋伏之索倫協領阿定保等。望見賊踪。即前往迎敵。城內賊人數百。自西門出。衝我綠旗兵。我與侍

平定準噶爾方略正編卷之六

六

衛富紹德爾森保等接戰。來援賊眾亦至。夾攻我兵。隨衝斷賊陣。分三路敗走。亦即分兵追勦。至鄂根河。賊眾爭渡。殺溺甚眾。我兵惟披甲昂蘇蘭陣亡。領催色爾呼德得傷六處。披甲六十。五得傷九處。據順德訥報稱。我兵敗賊後。城西門外尚有賊眾數百。侍衛鄂里克塔等衝擊賊。大敗入城。鄂里克塔及侍衛達克塔納俱得鳥

鎗傷。又總管扎爾善等報稱。同侍衛奇泰參領額林車鄂爾魁喀爾瑪勒圖等領右翼兵衝斷賊陣。追至河口。計殺溺賊人八百餘。又據委署營總阿爾噶勒沁報稱。領官兵六十餘名。擊敗賊五百餘。侍衛噶布舒奎瑪岱等追至河口。計殺溺賊亦八百餘。厄魯特侍衛班第署驍騎校特木德勒圖披甲威滿察吉克定察陣亡。又得

平定準噶爾方略正編卷之六

七

傷者八名。據端濟布報稱。同侍衛齊凌扎卜諾爾本齊努渾公裘楚克台吉朗袞扎卜額林沁等衝賊右翼。追至河口。復將逃往蘓巴什山之賊人三百餘。全行勦殺。我兵得傷者五名等語。查來援賊眾共三千餘人。據俘獲人口供稱。霍集占率其伯克十餘人。聚集各城人馬前來。敗逃時。左肩中箭。未透衣服等語。此次勦賊。殺溺

死者計一千六百餘人。收獲贊巴喇特烏鎗十

烏鎗五百。弓箭撒袋百。長鎗千。刀斧等械五十。

鎖子甲三十。馬一百。駝二百。傷斃駝馬無算。又

陣獲大纛二。臣額敏和卓識為霍集占之纛。其

鐫刻圖寫字樣。俱回部經教之語。非屬下伯克

等所敢用。謹一併封奏。又俘獲賊人多羅特瑪

特。訊係英噶薩爾城之伯克。據供隨霍集占至

平定回疆方略卷之五

八

鄂根河。遇前次托和龍敗遁之伯克阿布都哈

里克。同受傷賊人三十餘。告知二千人俱被勦

殺。伯克鄂郭勒中箭身死。霍集占駐候援兵二

日。遣人探知庫車城尚未破。遂於十五日夜趨

行。至天明被大兵勦殺。我等逃散。不知霍集占

存亡信息。霍集占所帶從伊犁脫歸之回人二

千。貿易回人五百。新降之沙喇斯瑪呼斯五百。

又阿克蘇烏什馬步兵各一千。計兵五千。有馬

者三千。伊兄波羅泥都領兵二千。在喀什噶爾

防範布魯特。從前霍集占與各頭目定議。以甫

免為厄魯特役使。今若投誠。又當納貢。不若自

長一方。種地守城。足為扞禦。波羅泥都云。從前

受辱於厄魯特。非大國兵力。安能復歸故土。

恩不可負。即兵力亦斷不能抗。霍集占不從。又有屬

平定回疆方略卷之五

九

下伯克等助其狂悖。冀有掠獲。起程時波羅泥

都追送書信云。聞大國有兵。由特穆爾圖淖爾

前來。作何備禦。霍集占令加意防守。及行至鄂

根河。聞托和龍之眾。盡被勦殺。眾人畏懼。勸阻

霍集占仍執意前來。遂致此敗。去年春間。有布

魯特之伯克呼瓜。為喀什噶爾頭目。所管千戶。

因霍集占曾搶掠布魯特之冲噶巴什哈卜察

克兩鄂拓克。遂啓猜疑。率屬徑回布魯特。波羅泥都。惟恐啓釁。亦不曾追趕。至大國使臣阿敏道。及兵丁數十名。俱留養於葉爾羌。霍集占此次來援。帶至阿克蘇。始行戕害等語。查多羅特瑪特尚。悉回部情事。但重傷將死。未便道其顯戮。謹卽行正法奏入。

上諭軍機大臣曰。據雅爾哈善等奏稱。逆酋霍集占

平定準噶爾方略正編卷五十八

十

率賊衆數千。親援庫車。大臣官兵等。斬馘擐旗。逆酋負傷僅免。深屬可嘉。著查明功績等次。造冊送部議敘。公袞楚克頭等台吉。朗袞扎卜。閑散台吉額林沁。在軍前素稱効力。此次益爲奮勉。著加恩賞袞楚克孔雀翎。朗袞扎卜。封爲公。額林沁。授爲頭等台吉。將軍雅爾哈善。叅贊大臣額敏和卓。哈寧阿。一體交部議敘。額敏和卓。前年自瓜州移居

吐魯番。魯克察克時。牲隻間有傷損。著雅爾哈善等籌議。賞給價值籽種。俾生計充裕。貝子玉素富著賞緞六端。亦交部議敘。散秩大臣伯克鄂對。總管職銜噶岱。默特色梯巴勒氏。各賞緞四端。伊等子弟五人。各賞緞二端。其陣亡官兵。著交部照例議卹。領催色爾呼德。披甲六十五。得傷甚重。色爾

平定準噶爾方略正編卷五十八

十一

巴圖魯。賞銀各一百兩。又雅爾哈善等前奏。我兵奮勇縋城。賊人鎗礮木石競下。我兵倒落者十數人。亦有得傷者。縋城得傷。較野戰尤爲竭力。著查明加倍議敘。此次戰功。誠爲卓越。但稍有不愜朕心者。當此賊人破膽。卽宜乘勝派兵急追。且賊遠道來援。我兵以逸待勞。偵逆首所逃之地。并力攻擊。渠魁旣獲。各城必望風歸命。不知雅爾哈善等

曾否如此辦理。抑或因滿洲兵少。不敷調遣。可傳

諭伊等。倍加奮勉。再所奏庫車西門。有賊人出城

形跡。即於十里外。見賊衆塵起。似內外豫先約會。

然後同時舉事。若使賊得通信。必我卡倫防守不

嚴。雅爾哈善等。即查明嚴加議罪具奏。至波羅泥

都。雖云人尚謹愿。頗勸阻其弟。然此言亦不可深

信。伊果能將霍集占擒獻。再行酌量辦理。今亦不

平定回疆方略卷之五十八

三

妨遣人諭波羅泥都及各城回衆。以霍集占悖逆

罪重。所欲得者惟此一人。與爾等無涉。但遣我軍

中回人。恐被賊戕害可憫。惟於俘獲人口內遣往。

更爲妥協。俱著雅爾哈善等作速奏聞。併傳諭兆

惠等。遵照前旨。速赴回部。合軍進剿。雅爾哈善奏

摺。即錄寄伊等閱看。

辛卯。

諭巴里坤辦事副都統阿里袞。豫籌糧運事宜。

上諭軍機大臣曰。近派察哈爾兵一千名。令侍衛訥

齊訥總管薩木都卜領至巴里坤。前赴雅爾哈善

軍營。著傳諭阿里袞將應行豫備口糧駝隻。就現

在之數派撥。如有不足。即行文黃廷桂辦送。俟訥

齊訥等到日。即可遣行。再運送口糧駝隻。若自巴

里坤逕達軍營。長途未免疲乏。此時應先撥駝隻

平定回疆方略卷之五十八

三

於吐魯番一帶有水草處。豫行牧放。以備更換。其

吐魯番何處水草較好。應需駝若干。著阿里袞與

黃廷桂。永貴定長等酌議具奏。

壬辰。

定邊將軍兆惠等。疏奏招服布魯特部落情形。

兆惠等奏言。臣等前抵布魯特境。收服薩伊克

薩喇巴哈什兩鄂拓克頭目。圖魯起拜等遣侍

衛烏爾登托倫泰等向往招撫各部落。六月初

四日。據烏爾登等報稱。五月十二日。至圖魯起

拜之游牧地名珠木罕。次日傳齊所屬。宣讀

恩旨。適塔拉斯頭目邁他克之子額什博托亦在此

地。一同跪聽。俱以手加額。叩首告稱我等久欲

為

大皇帝臣僕。被準噶爾阻隔。今始得如願。不勝欣悅。

平定準噶爾方略正編卷之五十八

十四

詢額什博托云。塔拉斯有四千餘戶。係瑪木特

呼里比總管。哈喇博托邁塔克阿克拜分領。由

此處行走。五六日可至。托倫泰於十四日起程

前往招撫。烏爾登於十八日至圖固斯塔老。與

薩喇巴哈什頭目車里克齊相見。次日宣

旨。眾俱歡悅。叩拜如前。車里克齊等。獻牛羊百頭。願

謁見將軍。赴京入

覲。於六月初三。初四等日。行至軍營。臣等恭述

皇上恩諭。撫納。并示以哈薩克歸誠情事。若有厄魯

特通逃。在爾境內者。即當縛獻。眾皆合掌叩首

云。強如厄魯特。俱已勦滅。富如哈薩克。俱已降

附。我等微小部落。不歸誠

聖主。更將何往。臣等又告以進勦回部之兵。由吐魯

番一路。想已事竣。但布魯特在葉爾羌喀什噶

平定準噶爾方略正編卷之五十八

十五

爾之右。倘逆首窮迫來投。或經由爾境。應協力

擒送。以承

恩賞。車里克齊等敬諾。復云。我等舊游牧地。求給賞

為業。臣等曉示云。爾等曾被厄魯特驅逐。借安

集延等處游牧。即現在耕種之納里特珠木罕

塔拉斯等處。從前尚為厄魯特所據。今大兵平

定。準噶爾。格根喀爾奇喇特穆爾圖。淖爾等處。

仍須安設卡倫。伊犁有大兵駐防。若爾等游牧狹隘。惟抒誠懇。請恭候。

大皇帝天恩指賞。不可私行遷徙。車里克齊等敬諾如初。又詢以入

覲人數。據稱我瑪木特呼里比年九十餘。身體過胖。坐時腹垂至地。不能乘馬。惟車里克齊圖魯起

尼沙三人赴京等語。初六日。臣等設宴令觀騎

平定邊將軍兆惠等奏

大

射。眾皆驚羨。初九日。派三等侍衛達桑阿照看車里克齊等。赴京其托倫泰招撫之塔拉斯。俟

回報續具奏

聞奏入得

旨。下部知之。

諭定邊將軍兆惠等。分兵搜捕逸賊事宜。

上諭軍機大臣曰。據兆惠等奏。稱伊等分兵擒剿厄

魯特餘孽。伊自造哈至和爾岱海喇巴特搜捕。向

哈什伯勒齊爾與富德會合等語。此等地方。不但無哈薩克錫喇等賊。亦未必有嗎哈沁。惟造哈和

爾岱等處。與回部相近。即由此往會雅爾哈善。至

富德所奏。經由布魯特塔拉斯游牧。抵西哈薩克

邊界。偵探哈薩克錫喇信息。搜捕吹沙喇孽勒餘

賊等語。從前兆惠富德雖有分兵之奏。而由何路

平定邊將軍兆惠等奏

七

回至伊犁。尚未奏及。朕即諭富德務由沙喇孽勒

回轉。又諭策布登扎布領兵由此路策應。今覽所

奏。與前旨適相符合。富德其加意搜捕逸賊。若慮

兵少。即由沙喇孽勒通信策布登扎布。速往會合。

俱著傳諭知之。

命安西提督豆斌。分管綠旗兵丁。

上諭軍機大臣曰。從前屢諭豆斌巡查臺站。搜捕沿

途之嗎哈沁等。嗣據奏報所獲無幾。看來未必有
大隊賊入藏匿。著將現領兵丁就近前赴雅爾哈
善軍營。其馬得勝所領綠旗兵。即著豆斌分管。

癸巳。

申諭靖逆將軍雅爾哈善等速擒賊首事宜。

上諭軍機大臣曰。逆首霍集占親援庫車。為雅爾哈
善等擊敗。奏到時。朕即謂彼時若能乘勝追逐。必

平定準噶爾方略正編卷之八

大

獲渠魁。但恐滿洲兵少。不敷調遣。詢問伊等如何
辦理。夫我兵尚欲遠攻葉爾羌喀什噶爾。以擒霍
集占。罪人斯得。則各城望風效附。今霍集占自來
送死。我兵既奪其肅。逆首負傷僅免。此即擒賊之
一大機會。且雅爾哈善等三人。於勦賊時。駐兵高
岡。以望形勢。彼時雖不知霍集占親來之信。而賊
肅積經認識。又有俘獲人口供詞。若遣哈寧阿領

兵追襲。逆首未必即回巢穴。或被迫入沙雅爾阿
克蘇。即移庫車之兵。併力攻擊。與直取葉爾羌等
城。何異若慮移兵時。庫車賊人出城追襲。則亦如
勦殺援兵之例。更覺便於殲滅。乃徒以兵少坐失
機會。朕甚惜之。昨已傳諭兆惠就近領兵與雅爾
哈善會合。即有索倫兵二千餘。斯時斷不可坐困
庫車。須分兵另取一城。或將軍營久駐之馬。換給
乘騎。一切機宜。俱當酌量辦理。至軍營索倫等兵
効力年久。已派兵二千更換。但此時未能即到。且
兵不厭多。若有年力精壯。仍願留營効力者。即分
別加賞。其餘人俟更換後。賞給遣回。仍以朕旨宣
示。云留營之兵。必不曠日持久。用昭體卹愛養之
意。所有現在情形。著作速奏聞。

平定準噶爾方略正編卷之八

九

甲午。

靖逆將軍雅爾哈善等疏奏擊敗庫車賊眾。及賽里木歸降信息。

雅爾哈善等奏言。六月十八日辰刻。庫車城下有騎賊三百。步賊八百餘。來往行走。以誘我兵。臣等駐兵排陣。登放鎗礮。殺賊六十餘人。賊復來毀我軍壘。又勦殺四十餘人。賊眾遂擁擠入城。不及回顧。我兵仍向稠密處攻打。是以傷賊

平定回疆方略卷之五十八

三

甚多。城內晝夜哭聲震動。此次擊賊。巴圖魯侍衛海蘭察阿拉善署叅領烏巴什得烏鎗傷。吉林索倫蒙古兵得傷者八人。綠旗兵陣亡者十一人。守備察凌阿得烏鎗傷。又兵丁得傷者三十二人。是日有賽里木城回人阿瓜斯伯凱遣人報稱將霍集占所用之伯克阿里等擒獻。率五百餘戶歸降。俟來至軍營。續具奏。

聞。奏入。

上諭軍機大臣曰。覽雅爾哈善等所奏勦殺庫車賊眾二百餘人。餘皆擁擠入城。不敢復出。是賊膽已寒。自可計日攻克。此次奮勇効力。及陣亡得傷官兵。著查明送部議敘。議卹。得城後。留貝子玉素富駐守。雅爾哈善等即領兵前進。庫車圍久未破。員固宜懲。著將壯丁俱行勦殺。量留老弱。若賊人此時被迫獻城。則仍行寬貸。但渠魁必當正法。可派員解送來京。行至巴里坤。即加拘繫。至回人阿瓜斯伯凱等。雖舉城歸附。亦不可輕忽。當收取軍器。置其妻子於庫車附近村莊。俟各城平定。仍歸舊地。亦可。可傳諭雅爾哈善等留意辦理。

平定回疆方略卷之五十八

三

命陝西等省增購糧運騾頭。上諭軍機大臣曰。前經降旨令陝西河南二省辦騾

一千五百頭恐不敷用著陝西河南各增購騾一千頭山東購騾一千頭山西購騾二千頭統於今年歲九月趙解肅州均毋遲悞可傳諭鐘音胡寶琮塔永寧阿爾泰知之。

大學士管陝甘總督黃廷桂疏奏籌運軍營糧餉。

黃廷桂奏言臣因西路大兵現在庫車糧運關

平定準噶爾方略正編卷之五十八

五

係緊要查口外遐曠路徑多可旁通聞有可自

哈密直趨關展吐魯番一帶之路隨委員查勘

據報有夾山路徑騾駝皆可通行水草饒裕較

繞行巴里坤更近三站今奉

諭旨令籌庫車阿克蘇等城駐防官兵糧運可否行

車臣即會同阿里衮委員迅往查勘但思若俟

覆到之日始由巴里坤辦運未免稍遲不若此

時先將糧石運貯吐魯番以後只由吐魯番轉

運更加迅速臣擬於此時將哈密現辦車騾留

其半運送巴里坤備貯糧石分其半竟由哈密

運至吐魯番收貯若勘明可以行車即委員修

理如山險不便請迅飭甘省各屬挑買健驢解

送俟直督及山陝撫臣購辦駝騾到日均令由

哈密運往軍營回空之時再將吐魯番貯備糧

平定準噶爾方略正編卷之五十八

五

石轉運軍營較之巴里坤又省吐魯番往回之

二十餘站似覺更速奏入

上諭軍機大臣曰黃廷桂所奏籌辦庫車等處糧運

一摺甚合機宜若拘泥成規必俟查明道路解到

駝隻始由巴里坤起運前往即極力趨赴已需時

日朕正在降旨籌辦而黃廷桂即能計慮及此請

將糧石運貯吐魯番與朕旨適相照合閱奏不勝

欣慰。黃廷桂身體素弱。如此悉心計畫。朕不惟嘉之。且深憐之也。其從前所請辦駝一萬隻。已諭直隸等處購買。可傳諭知之。

乙未。

議酌籌增辦馬匹事宜

軍機大臣奏言。黃廷桂所奏酌籌增辦馬匹一摺。奉

平定縣學錄卷之五

舌

旨交臣等速議具奏。臣等恭查前奉

諭旨。令該督豫備明年二萬官兵口糧。係統計進剿

兵數而言。並非專用綠旗兵二萬。該督所奏綠

旗兵二萬人。給馬一匹。加以官員隨役。得馬二

萬五千匹。已足敷用等語。似屬誤會。查解往巴

里坤共馬一萬七千匹。又陝甘兩省派撥營馬

五千匹。新舊買補馬內。派撥八千匹。共得三萬

之數。即如所奏。再飭各營撥出五千匹。亦止三

萬五千。若以綠旗二萬。加以吉林索倫察哈爾

官兵。仍不敷用。現在雅爾哈善辦理回部。若今

年可取庫車。大兵前抵阿克蘇。則來年需用綠

旗兵。不過一萬。再加亦不過一萬五千。其吉林

等兵。約以五千為率。人給馬三匹。綠旗兵。人給

馬一匹。合之官役數。已足用。此外若有急需。自

平定縣學錄卷之五

重

可於軍營騎回馬內。挑選供應。至巴里坤留養

馬匹。既不便過多。則續派之一萬八千匹。應如

所奏。於十月內。酌量遠近。送至肅州。加意餉秣。

俟軍營需用。豫為知會。再行分起轉解。亦可無

悞。奏入。

上諭曰。來歲進剿回部。合吉林索倫察哈爾及綠旗

兵。不過一萬五千人。即再多亦不過二萬。該督等

辦一切。具見實心。然看來未免稍形拮据。轉恐遠近傳聞。張皇其事。當以靜鎮密籌為要。至馬騾駝。又交直隸及各省購辦。現又於鄂爾多斯購馬四千匹。駝一千隻。自可無悞軍行。著再傳諭知之。已亥。

命派出健銳營兵丁。由哈密前赴庫車。

上諭軍機大臣曰。現在派健銳營官兵一千名。於七

平定準噶爾方略正編卷八

庚

月二十八日。自京起程。分爲五起。每間二日。按起行走。可傳諭黃廷桂。京兵出口之後。卽由哈密取道前赴庫車。較之經由巴里坤。更爲直捷。其應給馬匹口糧。卽在哈密豫備。并傳諭布政使銜德行。卽赴哈密。妥協辦理。仍著甘肅巡撫吳達善親往督率。甘肅現有賑卹事宜。蘭州省城。不可無大員經理。著布政使蔣炳。自肅回蘭辦事。

壬寅。

申諭靖逆將軍雅爾哈善等。進取回城事宜。

上諭軍機大臣曰。昨雅爾哈善有豫籌撤兵之奏。雖亦先時部署。但伊等身為將軍。叅贊大臣。衆所觀聽。旣懷撤兵之念。則情形自必宣露。恐官兵等知之。不免懈怠退縮。且我兵圍城日久。防守漸疎。賊衆或乘隙衝突逃走。亦未可定。朕深爲慮。念用兵

平定準噶爾方略正編卷八

毛

之道。當於易懈之時。益加意警備。方無貽悞。凡賊可逃之路。自必安設卡倫。但須多派兵丁防禦。倘賊人衝突。以大兵追擊。更於要路堵截。又安所逃。至霍集占甚屬詭詐。此時或又集衆來援。當以偏師相持。而大隊從間道直走其後。兩路夾擊。自當就擒。雅爾哈善等宜相機辦理。若不以殲渠爲要務。而徒事得一城。再攻一城。則區區庫車。尚不能

猝下。由此而阿克蘇葉爾羌喀什噶爾愈難攻克。安望成功。况我兵雖未克庫車。而賽里木即已降附。則回部大勢可知。前聞波羅泥都與霍集占不協。或遣新降回人為間。而所得之城。仍令管領。但量派綠旗兵協同防守。先聲所至。必有相繼迎降者。總之惟在當事之人。其志先定。則雖暫有艱阻。必終歸成就。斷不可豫生畏葸。其加意奮勉。以作捷音。

平定縣志卷之五十八

元

臣等謹案逆賊霍集占僭德怙亂。糾黨應援。脅從之眾。咸懷觀望。若罪人斯得。則諸城震。警欵附。矧其冒死入城。無異釜魚。阱獸。苟偵。諜速而堵截嚴。未有不早就俘獲者。我皇上握符審幾。當舉旗克敵之日。即先事周防。惟恐游魂偷息。致稽捷奏。而

諄諭及之。且庫車未下。附近城邑。早已約降。賊人情見勢絀。乘間奔軼。亦事理所必然。至若頓兵持久。疎懈易生。斯時加意戒嚴。尤軍志所最亟。厥後降人踵至。詢及情形。始知逆賊出入自如。與逆黨阿布都克勒木等。先後倖脫。雖終歸獻馘。而重煩敵愾。皆由任事者養癰貽患。恭釋前後

平定縣志卷之五十八

元

諭旨。坐照如神。不獨么麼小醜。無所施其伎倆。即將率之畏葸。惟怯。亦不能自掩其情形矣。申諭定邊右副將軍策布登扎布等。策應叅贊大臣富德。上諭軍機大臣曰。據策布登扎布等奏。稱與巴祿同。追舍楞。至古爾班察爾。與阿桂合兵。知舍楞已入俄羅斯。隨派副都統鄂博什等。前往索取。又前遣

往哈薩克索取布庫察罕之納旺等尚未回報。因與阿桂暫行駐候。巴祿仍巡查臺站等語。所辦尚合機宜。朕前屢諭策布登扎布策應富德。計奉到此旨時。阿布賚已將布庫察罕縛送。策布登扎布即同阿桂前往。與富德合兵。向阿布勒噶爾索取哈薩克錫喇。如飾詞延緩。或適屆撤兵之期。亦即相機酌辦。頃已諭副都統德爾素為叅贊大臣。在

平定準噶爾方略正編卷之五十八

三

科卜多辦事。阿桂不必回科卜多。倘業經轉回。即來京請訓。至巴祿既仍舊巡查臺站。從前達禮善敏珠爾多爾濟等。追剿阿巴噶斯哈丹等游牧。日久未見奏報。巴祿著在額林哈畢爾噶等處。探聽達禮善等所在。協力剿除餘賊。毋徒以搜捕嗎哈必為事。并傳諭知之。

諭定邊左副將軍成袞扎布辦理烏梁海等事宜

上諭軍機大臣曰。據扎隆阿奏稱烏梁海原任總管博郭勒之子恩克率所屬七十餘戶逃走。現在軍木楚克扎布已領兵一百名。迅往追捕等語。可傳諭成袞扎布於應行調度事宜。豫為籌辦。至成袞扎布前奏追索舍楞一事。如何辦理。及領兵現於何處駐劄。作速奏聞。

平定準噶爾方略正編卷之五十八

三

大學士管陝甘總督黃廷桂疏奏解送之厄魯

特人口病故屬實。

黃廷桂奏言。臣欽奉

諭旨。以軍營解送之厄魯特等。病斃大半。有無疎脫。捏報情節。查詢辦理。今厄魯特納默庫等及齊瑪里木集賽等。男婦人口。於七月初四五等日。解到肅州。隨同軍需局司道等官。逐一查詢。據供實因長途饑疲致斃。且沿途看守無處脫逃。

眾口相同尚無捏報情節奏入報

聞

癸卯。

申諭靖逆將軍雅爾哈善等奮勉進取回城。

上諭軍機大臣曰據阿里袞奏稱由巴里坤運送庫

車口糧牲隻已於七月初起程又辦米五百石接

濟官兵糧餉俟車驟齊集亦即趨運等語看來巴

平定縣縣志卷之五

三

里坤供給軍需自無貽悞近復諭吳達善等由哈

密豫備糧餉送往軍營且官兵數次勦賊及回城

田野種植俱應有收穫何必籌及撤兵可傳諭雅

爾哈善等以奮勉効力為要。

定邊將軍兆惠疏奏右翼布魯特歸誠。

兆惠奏言准富德咨稱侍衛烏爾登招降布魯

特瑪木特呼里比遣其弟舍爾伯克等人

覲計六月十八日可至軍營烏爾登因托倫泰未到

令布魯特人往迎俟降八一到即令托倫泰伴

送十九日烏爾登率舍爾伯克及其族弟呼岱

巴爾氏來營查瑪木特呼里比遣弟入

覲甚屬恭順應即派烏爾登伴送赴京又所招布魯

特人內有克勒德拜者為眾所服因未出痘不

敢入京向臣等求給印文招撫各處布魯特臣

平定縣縣志卷之五

三

酌量給發又有貿易回人阿卜達喇瑪阿卜都

喇伊木願往招降安集延等處回眾臣即允其

給文約於來春至伊犁相會又運送糧餉之健

銳營前鋒托克托拜等於五月二十三日在昌

吉斯被哈薩克三百餘騎搶掠續週其頭目額

爾類詢知官兵什物即行查出交還并稱前奉

將軍發給印文此行原為查拏哈薩克錫喇等

語其情形甚為恭順。再二月間侍衛額爾登額因馬蹶傷脛不能行走。請送至巴里坤調理。奏人。

上諭軍機大臣曰。據兆惠等奏稱侍衛烏爾登招降布魯特馬木特呼里比。遣其弟舍爾伯克入覲等語。烏爾登伴送入覲之布魯特等。行至巴里坤肅州等處。俱著優加宴資。以示慈惠。其貿易回人。願

平定準噶爾方略正編卷之二十八

請

往招降安集延等處回眾。恐伊等如期來至伊犁。自當豫為守候。庶不失信遠人。策布登扎布富德回兵時。卽在彼駐劄辦理。或酌派大員亦可。至托克托拜。遇哈薩克額爾類將屬人所掠官物。查出交還。具見誠懇。著賞額爾類緞四端。仍傳旨嘉獎。并諭以據擒獲人口所供。哈薩克錫喇在阿勒沁部落。如能傳示縛獻。必沛殊恩。前鋒托克托拜行

走。既重。即回京調理。俱各傳諭知之。

平定準噶爾方略正編卷之二十八

重

平定準噶爾方略正編卷之五十九

乾隆二十三年七月甲辰。

靖逆將軍雅爾哈善等疏奏賽里木回衆歸誠。

沙雅爾回衆乞降。

雅爾哈善等奏言。臣等前奏賽里木城回人阿

瓜斯伯凱將霍集占所用之伯克阿里擒拏。先

解送伊子圖爾都錫到營。六月二十九日據沙

平定準噶爾方略正編卷之五十九

勒達朗卡倫官兵報稱回衆五百餘戶已至。隨

派侍衛寧古禮等同貝子玉素富前往照看。收

其軍器。安插於大營東十五里邨莊。復遣散秩

大臣鄂對等接應至營。臣等令阿瓜斯伯凱等

入見。據稱霍集占領兵來援。派我賽里木城出

兵一百名隨行。又聞欲將我等家屬。移於阿克

蘇。衆俱不願。乘阿里不備。於夜間持梃擊仆。其

助惡四十餘人。除殺死二十九人外。餘俱解送

來營等語。復詢同來回衆。俱稱賽里木原有五

千餘人。被霍集占殘害。傷損大半。今願舉阿瓜

斯伯凱爲伯克。臣等派護軍校瑚圖禮等將伯

克阿里解京。又據沙雅爾城舊伯克瑪哈默第

遣其子阿三和卓來報。聞將軍等擒獲喀啓巴

巴克並未殺害。久欲投誠。近因霍集占新用之

平定準噶爾方略正編卷之五十九

伯克阿布勒什木。挈眷潛逃。是以同心歸順。如

大兵前進。則城鄉回衆。無不帖服等語。臣額敏

和卓等俱知阿三和卓家世。詰其來降屬實。臣

等加以撫賞。派玉素富端濟布等領兵前往奏

入報。

聞。

靖逆將軍雅爾哈善等奏副都統順德訥疎

脫霍集占。

雅爾哈善等奏言。臣等於六月十六日。擊敗霍集占等。來援庫車賊衆。有賊數百人。被我兵截斷。不敢逃走。投入庫車城西門。十八日。城之四門。俱有賊衆踪跡。被我兵攻擊。仍堅閉不出。據哨探副都統順德訥。告稱與其坐守。莫若誘令出走。庫車西門。通沙雅爾。請暫撤圍城兵丁。設

平定準噶爾方略正編卷之五十九

三

卡賚望。若有賊走出。卽前往剿殺。臣等令其妥協辦理。詎二十四日。順德訥差領催錫勒畢善稟稱。昨夜有潛逃賊衆。已派兵百名追趕。臣等詳悉詢問。據稱三更時分。有騎賊數百。出西門往沙雅爾。當有卡倫兵報知。順德訥言。昏夜如何追賊。且俟天曉。至今早派兵前往。臣等卽催順德訥。作速接應。順德訥仍稱有面稟臣等之

言策馬向軍營而來。臣等又令侍衛齊努渾迎

往催督。始領兵前追。二十五日午刻。回營告稱。追至鄂根河。賊衆已渡。據橋爲壘。以鎗礮防守。天曉看賊踪跡。向賽里木阿克蘇逃去。我兵追逐三四十里。力不能及。等語。臣等正欲參奏。適沙雅爾回衆投誠。據回人阿三和卓。告稱霍集占。來援庫車。爲大兵擊敗。截斷。逃入城中。我沙

平定準噶爾方略正編卷之五十九

四

雅爾亦有數人同入。六月二十四日。逃回。告稱霍集占。於十六日入城。十八日出戰。被傷。二十三日。率四百人出西門。渡鄂根河。選精騎百餘。由戈壁逃走。不知所向。餘俱潰散。等語。查順德訥疎脫賊衆。違悞軍令。罪無可追。謹合詞參奏。現在軍營領隊大臣甚少。擬將巴圖魯侍衛寧古禮總管扎爾善。協領薩斯泰。暫行管理。請發

領隊大臣二員前來以備委用奏入。

上諭軍機大臣曰雅爾哈善等奏順德訥疎防致霍集占等免脫。又不急往追擒。真怯懦昏愆之極。順德訥著革職。以兵丁効力。此舉雖順德訥罪無可道。雅爾哈善等身為將軍。參贊大臣。所司何事。獨無罪乎。今渠魁遠遁。朕亦無可訓諭。惟督策兆惠速往協助。雅爾哈善等能從此奮勉。一面攻圍

平定縣縣志卷之五

五

庫車。一面追擒霍集占。尙是自贖之路。否則惟有按律治罪而已。昨雅爾哈善奏稱賽里木回人阿瓜斯伯凱率屬來降。著賞戴孔雀翎及大荷包一對。小荷包四個。緞四端。仍傳旨慰撫。以安新附。所舉侍衛寧古禮。總管扎爾善。協領薩斯泰等俱著暫行領隊効力。

諭參贊大臣納穆扎爾三泰等。速趕庫車市營。

上諭軍機大臣曰雅爾哈善等奏請派出大臣二員前赴軍營等語。可傳諭納穆扎爾三泰前往庫車。約於何時可抵軍營。卽計日具奏。近因順德訥等疎脫逆酋霍集占。看來雅爾哈善調度乖方。深負委任。現在傳諭兆惠速往辦理。納穆扎爾等其奮勉協贊。以奏膚功。

諭定邊將軍兆惠速往辦理回部。

平定縣縣志卷之五

六

上諭軍機大臣曰雅爾哈善奏順德訥疎脫霍集占。深爲可惜。可恨伊等無福成功。將自來送死之賊。任其免脫。尙可委用耶。今征回一事。全付之兆惠矣。前已諭兆惠速赴回部。此時或從造哈嶺。或從博登嶺前往。皆可。若已抵庫車。卽由彼進兵。將庫車令雅爾哈善駐守。至此次縱賊之罪。雖由順德訥。然雅爾哈善哈寧阿身為將軍。及參贊大臣。

豈能委過他人。脫身事外。除將伊等嚴加議處外。兆惠卽訊問順德訥。如縱賊情實。卽於軍營正法。示衆。若有別情。應叅奏者。卽嚴行叅奏。此旨尙未頒發。俟兆惠奏到。再行宣布。并以朕旨傳諭額敏和卓伊係回人。雖與雅爾哈善等不同。亦不得謂爲無過。念其素能出力。姑從寬貸。用觀後效。卽在兆惠隊內行走。

乙巳。

平定準噶爾方略正編卷之五十九

七

命革雅爾哈善哈寧阿職。以叅贊大臣尙書納穆扎爾爲靖逆將軍。侍郎三泰爲叅贊大臣。

上諭軍機大臣曰。逆賊霍集占逃脫一事。雖順德訥之罪。然雅爾哈善哈寧阿等所司何事。伊二人深負委任。俱著革職。以兵丁効力。靖逆將軍員缺。著納穆扎爾補授。叅贊大臣員缺。著三泰補授。納穆

扎爾三泰奉到此旨。速往庫車接印辦事。將雅爾哈善交與永貴。令在屯田處効力。再前此擊敗賊衆。或向鄂根河逃去。或被截入城。雖不知霍集占所在。然所奪之纛。業經認識。自當從此根究。且霍集占入城後。又親身出戰。敗而復入。其情形自異尋常。乃雅爾哈善等至此尙云不知。可見伊等並未親履行陣。著納穆扎爾等詢問所獲回纛。係從

平定準噶爾方略正編卷之五十九

八

何處奪取。卽行奏聞。已諭兆惠速往庫車。此時霍集占既已逃脫。則逆黨阿卜都克勒木亦必同逃。所留之人。量無關緊要。雅爾哈善應已得城矣。納穆扎爾等。惟以擒獲霍集占爲要。著傳諭知之。

申諭定邊將軍兆惠等。辦理回部事宜。上諭軍機大臣曰。雅爾哈善等縱賊憤事。已諭兆惠。速往庫車。今革雅爾哈善職。發往屯田處効力。以

納穆扎爾為靖逆將軍。但辦理回部。仍於兆惠是賴。可傳諭兆惠從前命伊來京。特以雅爾哈善尚可驅策。今失機若此。自不得不委之兆惠。兆惠勿因久在軍前。遂生懈怠。雅爾哈善即其前鑒也。朕委用大臣。再三審慎。一經付託。即望其成功。豈肯輕為更代。至不得已而治罪。皆其自取。夫豈初心。兆惠知此。惟一意奮勉。早為竣事。即今之第一功。

平定回疆方略卷三十九

九

臣也。若馬匹疲乏。現在庫車軍營駐牧者。可以調換乘騎。至兵丁口糧。則回地秋禾正熟。而巴里坤吐魯番等處。又俱陸續轉運。無虞匱乏。且我兵未進各城。回眾已遠來送款。則軍鋒所至。伊等自將霍集占擒送。如波羅泥都伯克霍集斯等。見霍集占窮蹙。縛獻自贖。俱令其入覲。再酌量辦理。至兆惠若先抵庫車。不必更候納穆扎爾。即收雅爾哈

善印信。訊問伊等情節。如順德訥縱賊是實。即正法示眾。倘有別情。或彼此相訐。即將雅爾哈善哈寧阿順德訥擊解來京。一面帶兵前進。其靖逆將軍印。暫交明瑞署理。俟納穆扎爾到日。仍趨赴兆惠軍前。併傳諭納穆扎爾等知之。

御前侍衛敦察等疏奏索倫兵起程日期。

敦察等奏言。臣等自京起程。六月十三日。至齊

平定回疆方略卷三十九

十

齊哈爾。據將軍綽爾多已將前派索倫兵一千名。整裝待發。其添派索倫兵一千名。據總管羅爾博岱等照例揀派整裝。臣等於二十九日。至海拉爾。七月初五日。官兵俱集。副都統福祿等亦於初六日到來。臣等於初八日。帶領起程。奏人報

聞。

丙午。

諭叅贊大臣富德等查拏哈薩克錫喇。

上諭軍機大臣曰。富德奏稱與兆惠分兵過吹塔拉斯。至西哈薩克邊界。索取哈薩克錫喇。如稍有推諉。卽領兵入境查拏。或實係逃往他處。亦卽遍行搜捕等語。所辦深合機宜。看來富德有承受朕恩之福。近據兆惠奏糧運章京托克托拜曾遇哈薩

平定準噶爾方略正編卷之五十九

十一

克額爾類。問及哈薩克錫喇逃往何處。而巴祿奏稱。阿布賚使人哈奈巴圖爾謂哈薩克錫喇向沙喇摩勒逃去。叅互觀之。哈薩克錫喇似不曾逃往特柳克處。或藏匿幽僻。亦未可定。可傳諭富德。俾能擒獲哈薩克錫喇。則厄魯特全部。可告成功。其悉心奮勉。以膺懋賞。

定邊將軍兆惠疏奏東布魯特歸誠。

兆惠奏言六月二十三日據遣往布魯特塔拉

斯之侍衛托倫泰告稱。招服霍索楚鄂拓克頭目邁塔克啓台鄂托克頭目喀喇博托等。途中遇叅贊大臣富德設宴相待。因喀喇博托年百餘歲。兩目失明。邁塔克年已望七。亦難行走。邁塔克遣其弟舒庫爾喀喇博托遣其姪哈畢啓來至軍營。臣令其入見。據哈畢啓等跪稱。我布魯特分左右翼。右翼係瑪木特呼里管領。左翼係喀喇博托管領。霍索楚啓台兩鄂拓克。各有千餘戶。情願歸誠。

平定準噶爾方略正編卷之五十九

十一

聖主。遣我等入

覲等語。臣等加以撫慰。卽派托倫泰等於本日伴送起程。奏入報

聞。

叅贊大臣巴祿疏奏途遇哈薩克解送叛賊布庫察罕和碩齊。

巴祿奏言。臣於六月二十一日。從古爾班察爾河起程。巡查臺站。途遇哈薩克阿布賚遣來買易之哈飛巴圖爾等。據稱聞得布庫察罕投入哈薩克。六月初。有拜布喇克巴圖爾等將布庫察罕交與大國來使。又聞哈薩克錫喇逃往沙

平定縣志卷之五十九

三

喇孽勒舍楞投入俄羅斯等語。臣即送哈奈巴圖爾於策布登扎布處。二十六日。獎賞藍翎德倫保解送布庫察罕和碩齊前來。據稱同納旺等於五月二十九日。至哈薩克達勒達克之拜濟格特。據拜布喇克巴圖爾告稱布庫察罕同妻子屬人來投。今奉將軍等索取。即同伊妻交出。又據霍集伯爾根屬人兆巴薩爾等將在逃

原任散秩大臣和碩齊交出。又前次得傷之察哈爾跟役孟克索倫披甲薩尼圖俱行交送。我等起程前來。納旺雅庫等仍往阿布賚處。查詢哈薩克錫喇信息。其布庫察罕之子。年方七歲。已分給遠地。俟續行查送等語。又接策布登扎布知會。將布庫察罕解送軍營。再由烏里雅蘇台送京。并詢據和碩齊供詞。另單恭呈

平定縣志卷之五十九

四

御覽奏入報

聞。

丁未。

諭定邊左副將軍成衮扎布等嚴行拏解和碩齊。上諭軍機大臣曰。據巴祿奏稱途遇哈薩克人等解送叛賊布庫察罕和碩齊。已派兵送往策布登扎布處等語。可傳諭成衮扎布解送賊人。必經由成

衮扎布駐劄之地閱和碩齊供詞頗多狡辯若策
布登扎布誤信其言不與布庫察罕一體鎖拏成
衮扎布卽嚴行拏解勿致逃脫若此時已至布延
圖亦傳諭扎隆阿等遵照辦理。

戊申。

飭諭雅爾哈善等効力贖罪。

上諭軍機大臣曰雅爾哈善等疎脫霍集占朕已降

平定準噶爾方略正編卷之五十九

五

旨斥責令其効力自贖今思霍集占冒死入城必
因同惡之人勢須救援迨計窮力竭夤夜脫逃亦
必與逆黨同行城內所餘不過老弱無能之輩賊
尙不甚愛惜我何爲盡銳攻取惟揀派精兵務獲
賊首以贖前愆又

諭曰今逆賊霍集占計窮力竭乘此機會各城警服
必有擒獻賊首者朕思兆惠納穆扎爾尙在進行

若雅爾哈善等能進兵擒獲霍集占尙可贖罪是
以仍諭其作速進兵兆惠納穆扎爾等不可因有
此旨遂疑爲姑從寬貸雅爾哈善此次失機非尋
常可比果能擒獲賊首兆惠等卽行具奏朕當酌
量施恩否則雖得阿克蘇亦不准贖罪仍遵前旨
辦理著傳諭兆惠等知之。

諭大學士管陝甘總督黃廷桂等酌量鑄造礮位。

平定準噶爾方略正編卷之五十九

六

上諭軍機大臣曰據涼州將軍嵩阿禮奏稱軍營需
用大礮已造成兩位送往肅州其續造兩位俟演
放後再行運送等語前經雅爾哈善等奏稱內地
鑄造礮位轉運艱難請將匠役物料趨赴軍營酌
量鑄造朕已如所請行可傳諭黃廷桂等此時自
必遵照前旨辦理但將已成礮位速送軍營可也
諭安西提督豆斌仍行搜捕逸賊

上諭軍機大臣曰。前諭豆斌速往庫車。與馬得勝分
管祿旗兵丁。今據奏稱在哈畢爾噶圖山等處。拏
獲嗎哈沁數人。尚有宰桑巴拉等逃逸未獲等語。
豆斌搜捕嗎哈沁等。日久未見。弋獲要犯。既有巴
拉等在逃。當悉力搜捕擒獲。再遵旨前赴庫車軍
營。

己酉。

平定縣志卷之五十九

七

申諭定邊將軍兆惠進剿回部事宜。

上諭軍機大臣曰。昨因雅爾哈善等坐失機宜。命兆
惠辦理回部。現在官兵圍守庫車四十餘日。總由
初次攻城。賊既久備。又恃有救援。是以未易即下。
若持此以較各城。遂有畏難之心。則謬矣。此次大
兵所至。惟據其要害之地。賊眾自然畏懼。如必克
一城。再攻一城。則回部堅城尙多。斷非長策。可再

傳諭兆惠回人素稱選懦。近來屢經剿捕。畏我軍
威。乞降相續。且伊等所保惟城。而村落居人。自不
能兼顧。若盡入城守。則人眾無食。亦必困敝。斯時
必有縛送首惡以自贖者。如擒獲霍集占。各城自
然歸附。兆惠其加意奮勉。以奏膚功。

庚戌。

平定縣志卷之五十九

大

定邊右副將軍策布登扎布等疏奏哈薩克擒

送布庫察罕和碩齊。

策布登扎布等奏言。據遣往哈薩克之納旺報
稱五月十一日。至阿延庫勒。遇哈薩克百餘人。
詢以叛賊哈薩克錫喇布庫察罕等所在。有溫
圖渾告稱在拜布喇克巴圖爾處。我因通信阿
布勒比斯等。令其轉飭擒送。隨至博克圖哈薩
拉克溫圖渾來告。已通知多羅特拜親向拜布

喇克曉示。毋得疎脫。二十九日至達勒達克。遇拜布喇克。告稱已拏獲布庫察罕。六月初一日。至拜布喇克處。我等酌給駝隻。緞疋。伊遂將布庫察罕交出。復據多羅特拜。告稱布庫察罕之子七歲。在莫倫鄂拓克之伯亨處。距此甚遠。已差人往喚。又多羅特拜之族弟章奇什將布庫察罕之妻交出。并情願送至軍營。續有哈薩克之兆巴薩爾將原任散秩大臣和碩齊交出。令其屬人哈勒津等押送。隨派領催德倫保等解送軍營。我仍同雅庫前往阿布賚游牧。採取哈薩克錫喇信息等語。臣等將布庫察罕和碩齊訊取供詞。派侍衛富寅保托和里等解送至京。臣策布登扎布。即向伊犁探兆惠信息。臣阿桂暫在布空郭勒等處。搜捕逃賊。候成衮扎布知

平定準噶爾方略正編卷之九

九

會索取舍楞之信。再行具奏。奏入。上諭軍機大臣曰。策布登扎布向哈薩克索取布庫察罕等解京。又請前赴兆惠軍營。甚屬奮勉。著加恩晉封親王品級。遣往哈薩克之納旺著賞戴孔雀翎。並將伊現任職銜查明具奏。又所奏採取兆惠信息。前已諭策布登扎布策應富德。如拏獲哈薩克錫喇固善。否則於應撤兵時。仍回伊犁。近因回部諸城。望風乞降。是以朕意今歲不必撤兵。以期歲事。策布登扎布回伊犁後。再前赴回部。較為便捷。所慮口糧不足。又須紆道烏魯木齊。若稍可通融。或行文永貴等。先將口糧運赴庫車接濟。俱著籌酌辦理。至阿桂所奏暫於布空郭勒等處。駐候信息。阿桂既與策布登扎布合兵。自宜同往策應富德。以為効力之路。何必分道。却回著傳諭阿

平定準噶爾方略正編卷之九

十

桂如未至布延圖。則仍追及策布登扎布同行。如已離布延圖不遠。即令官兵回營。阿桂作速來京請訓。再赴西路。又

諭曰。據策布登扎布奏稱。烏里雅蘇台軍營原署叅將常青察哈爾佐領署營總炳圖。因疎脫盜馬賊犯等。革職効力贖罪。今伊等自備資斧。甚屬黽勉。著加恩照伊等原銜降一級。將常青授為都司炳

平定縣志卷之九

王

圖。授為防禦職銜。俾得効力行走。至所奏噶克巴集賽之錫喇卜與瑪里格爾巴朗瑪濟克兄弟同行。因鄂哲特等拒敵敗逃。即殺伊兄弟來投。大兵所掠器械衣服。經厄魯特嚮導識認等語。錫喇卜現在何處。著即查詢。并取哈薩克錫喇卜信息奏聞。

壬子。

雅爾哈善等疏奏沙雅爾回眾歸誠。

雅爾哈善等奏言。前沙雅爾城舊伯克瑪哈默第遣其子阿三和卓木乞降。臣等遣玉素富等往受。行至其地。瑪哈默第哈爾呼勒等出城迎

接備陳從前久欲歸順。為伯克阿布勒什木所制。今已潛逃。始得如願。玉素富等詢問或願移往庫車。或仍居原地。據稱現值麥熟。請俟收割後遷移。隨侍衛德爾森保入城安撫。計二百

平定縣志卷之九

王

餘戶。男婦老弱共一千一百餘口。牲隻軍器俱造冊呈報。隨將瑪哈默第等喚至軍營。臣等安撫畢。示以霍集占如遣人前來。即行縛送。凡有信息。亦即報知。臣等擬進攻阿克蘇。據其禾稼。將庫車交哈寧阿圍守。仍探兆惠信息。奏入。

上諭軍機大臣曰。據雅爾哈善等奏稱。辦降人既畢。即領兵進發。想亦自知縱賊之罪。且看伊等効

力如何若能擒獲霍集占則前罪皆可寬宥即不

能擒獲而能驅迫賊首不拘遁入何城雅爾哈善

即知會哈寧阿合兵圍守斯時兆惠亦必到彼威

力愈壯渠魁自必就縛再霍集占會與庫車逆黨

約誓來援如果再來送死哈寧阿亦知會雅爾哈

善迺兵辦理至沙雅爾投誠回衆可照賽里木之

例減半賞賚仍宣朕恩旨云念爾等遠離故土不

平定準噶爾方略正編卷之五十九

三

得安生仍令於舊地駐牧並傳諭賽里木回衆知

悉或伊等畏賊聲勢不敢遷移不妨俟平定各城

後再歸故土亦可又所奏伯克托克托已爲霍集

占戕害深可憫惻聞伊尙有一子著查明現在何

處奏請加恩卹廢總之此次進兵乃伊等贖罪之

路據奏領兵前進究未聲明兵數若干殊屬含混

併傳諭雅爾哈善等詳悉奏聞

申諭定邊將軍兆惠等察核雅爾哈善等情罪

上諭軍機大臣曰昨諭兆惠納穆扎爾有先至庫車

者即傳旨革雅爾哈善哈寧阿職以兵丁効力今

據伊等奏報分兵前進似已自知其罪可傳諭兆

惠與雅爾哈善等會合時如霍集占就擒即以朕

旨令伊等閱看仍傳諭云若雅爾哈善等自知罪

戾奮勉効力擒獲賊首則量從寬貸其傳諭額敏

平定準噶爾方略正編卷之五十九

四

和卓之語仍遵前旨至伊等未到之先如哈寧阿

已得庫車城兆惠即令玉素富駐守派舒赫德安

撫降人及籌辦屯田事宜若尙未得城即令明瑞

領兵攻取俟納穆扎爾到日明瑞仍在兆惠軍前

効力行走俱著傳諭知之

癸丑

諭雅爾哈善等覆奏領兵進取情形

上諭軍機大臣曰。昨據雅爾哈善等奏。進取阿克蘇

一摺。未及所領兵數若干。此卽傳諭查詢。今思伊

等若直抵阿克蘇。則中間沙雅爾等城。必須安設

臺站。否則奏報安能迅速。且沙雅爾回衆。雖經歸

順。而大兵旣遠。保無變動。俱應籌及。陳奏設伊等

因庫車久未攻克。霍集占又已脫逃。非遵旨領兵

前進。無以塞責。則更恐僨事。著傳諭伊等。據實奏

聞。

平定縣志卷之十九

三

申諭定邊將軍兆惠等。速赴雅爾哈善軍營。

上諭軍機大臣曰。雅爾哈善近雖奏請分兵進取。留

哈寧阿圍守庫車。並未將所分兵數。及安設臺站

事宜。陳奏看來。伊等似知疎脫。霍集占之罪。且聊

以奏請進兵。苟延旦夕。若果如此居心。必至僨事。

可傳諭兆惠。納穆扎爾等。卽行馳赴。仍於奉到此

古時。計何日可。至雅爾哈善軍營。作速覆奏。

八月甲寅朔。

定邊將軍兆惠等。疏奏分路搜捕厄魯特餘孽

情形

兆惠等奏言。臣等兵抵索勒屯薩里等處。招服

布魯特人等。遣其頭目。分爲三起入

覲。隨分兵兩路。臣富德向吹塔拉斯沙喇摩勒等處。

平定縣志卷之十九

三

搜捕厄魯特餘孽。臣兆惠在特穆爾圖淖爾等

處。凡可漁獵資生之地。俱行搜捕。又遣明瑞由

屯達什策凌。占頗圖等。分道前往。七月初五日

據明瑞報稱。自巴爾呼特嶺。過造哈嶺。納林郭

勒烏蘭烏蘇。直至大雪山麓。並無一賊。達什策

凌等所報亦同。臣等仍分兵過庫勞克薩勒古

爾班哈卜喀克等處。再行窮搜。近准雅爾哈善

咨文。知來援庫車回衆。俱已勦殺。至哈薩克錫喇雖未就擒。但隻身逃遁。斷不能復行嘯聚。雖使策妄阿拉布坦復生。亦無可如何。臣等仍在善塔斯等處。嚴行搜捕。奏入。得

旨。近屢諭兆惠前往庫車。其搜捕哈薩克錫喇專委富德。著兆惠即遵旨速赴回部。以擒獲霍集占爲要。駐劄布延圖。參贊大臣扎隆阿。疏奏烏梁

海總管阿喇善潛逃。

平定準噶爾方略正編卷五十九

七

扎隆阿奏言。七月十八日。據烏梁海副都統赤倫遣總管阿喇善之佐領圖卜慎來報。阿喇善於初六日。同所領一百一十戶人口。夤夜逃走。圖布慎等於次日。追至扎雜達爾阿喇善將伊等網縛。行走五日。始行釋放等語。臣等即知會喀爾喀親王品級車木楚克扎布。并派公多岳

特等領兵一百名前往策應。於十九日起程奏入報。

聞。

命定邊左副將軍成衮扎布回烏里雅蘇台辦事

上諭軍機大臣曰。據成衮扎布等奏。參贊大臣阿桂在布空郭勒等處。駐兵堵截逸賊伊在都爾伯勒津等處候信等語。前命成衮扎布策應阿桂。原爲

平定準噶爾方略正編卷五十九

三

追勦舍楞。今舍楞已入俄羅斯。阿桂亦同策布登扎布策應富德。此時諒已奉到諭旨。彼處無應辦事務。著傳諭成衮扎布。即回烏里雅蘇台辦事。

丙辰。

諭巴里坤辦事副都統阿里衮等。豫備官兵口糧馬匹。

上諭軍機大臣曰。昨派出察哈爾兵一千名。由阿濟

必濟往烏魯木齊。所需口糧馬匹。應先送至烏魯

木齊。豫備支給。現在派出索倫兵二千名。俱由此

路行走。亦應照前豫備。至派出健銳營兵一千名。

則不必至巴里坤。徑出哈密吐魯番魯克察克一

路著傳諭阿里袞。或將巴里坤現有馬匹。送至哈

密豫備。如不敷用。卽將肅州牧養馬匹。令伊等支

領。前赴軍營亦可。阿里袞速咨黃廷桂籌酌辦理。

戊午。

平定縣志卷之九

三

諭大學士管陝甘總督黃廷桂不必來京。

上諭軍機大臣曰。前命兆惠黃廷桂來京請訓。會商

一切事宜。今雅爾哈善失機債事。朕以其不足復

任。仍令兆惠就近前往辦理。回部。今歲既不復撤

兵。可傳諭黃廷桂亦不必來京。惟加意籌辦糧餉

馬駝。以給軍用。

已未。

諭定邊將軍兆惠辦理回部事宜。

上諭軍機大臣曰。遙詢問回人巴巴克喀啓等據稱

附和霍集占爲惡。不過阿卜都瓜卜等數人。及在

伊犁相從回衆。其各城頭目。俱不心服等語。可傳

諭兆惠速往經畫。務宜勦撫並用。卽如從前準噶

爾每年派兵擾害回人。劫令歸附。亦因伊犁與回

部相近。若我兵如此辦理。則須由巴里坤轉餉接

濟。回人雖困。而內地力亦難支。今庫車雖似難克。

但此城係回部門戶。故伊等以死固守。若一經攻

克。則諸城必潰。又前據雅爾哈善請將綠旗兵調

往屯田處所。但攻克回城。亦需防守。將來增墾地

畝。仍於內地調發。併傳諭黃廷桂等知之。

申諭定邊右副將軍策布登扎布等查拏哈薩克錫

平定縣志卷之九

三

喇

上諭軍機大臣曰。據額駙色布騰巴爾珠爾奏對。去年哈薩克額爾類搶掠昂吉岱等游牧。有鄂托圖柳之子。為哈薩克錫喇所獲。旋行釋放。告以日後有急。即來相投等語。可傳諭策布登扎布富德等。當以此言告之額爾類云。哈薩克錫喇顯係投入爾等游牧。但爾等所屬頗多。一時不能覺察。即如

平定準噶爾方略正編卷之九

三

爾等屬人。誤取我臺站所運官物。爾即照數交還。奉旨獎賞。今若獻出哈薩克錫喇。則益昭恭順之忱。如此開導。亦擒拏賊首之一策。其籌酌行之。

護軍統領努三疏奏籌辦哈薩克貿易及屯田

事宜。

努三奏言。臣行至巴里坤。察收豫備哈薩克貿易貨物。於七月十六日。抵烏魯木齊。隨行知臺

站官員。如有哈薩克貿易人等經過。即行送信。

續據呈報。兩次經過臺站。共七十餘人。俱在附近貿易。旋回游牧。臣又咨行叅贊大臣巴祿等。傳示哈薩克人等。在烏魯木齊貿易日期。俟遣往阿布賚處之納旺等。回報再行具奏。一面察看博克達山西麓地名賽堪賽爾。係布魯古特諾海奇齊克舊游牧。其地峯巒環抱。水草頗饒。

平定準噶爾方略正編卷之九

三

可養馬五六千匹。亦不須多兵防護。至由烏魯木齊過嶺。至吐魯番。駐兵過冬處所。前已咨行叅贊大臣永貴等。隨據約會同往察勘。臣率道員薩瀚等。看得自巴里坤至木壘九臺。不堪屯種。自木壘至烏魯木齊。有噶爾藏多爾濟游牧之昌吉羅克倫等處。可耕地畝十六處。視其地土肥磽。水泉多寡。以定工作。仍令屯兵等輪替

耕種。以息地方。方為有益。計需兵六千八百名。謹繪圖恭呈。

御覽。再木壘濟爾瑪台等處。俱有舊城基址。似不必遽興工築。擬俟屯田收穫。二三年後。再為籌酌辦理。奏入。

上諭軍機大臣曰。據努三察勘木壘至烏魯木齊屯田。約需兵丁六千有奇。繪圖呈覽。屯田為軍食所

平定準噶爾方略正編卷之六十一

七

關。必由近及遠。以次增墾。方可省餽餉而豐積貯。此時雖距耕作之期尚早。自當先事籌畫。可傳諭黃廷桂。於內地綠旗兵內。挑選七千名。調赴烏魯木齊等處。其農器即於肅州辦給。交兵丁帶往。或併給以工作器具。令兵丁就近伐木造屋。俱宜酌量辦理。至派往回部之祿旗兵。現在軍營仍需調遣。不必撤往屯田處所。併傳諭永貴等知之。

平定準噶爾方略正編卷之六十
乾隆二十三年八月庚申。

諭定邊左副將軍成衮扎布等嚴拏搶奪臺站馬匹賊眾。

上諭軍機大臣曰。成衮扎布奏稱據管臺協理台吉瑪克蘇爾等報有賊人二起。寅夜搶奪烏爾都里克臺馬匹。隨派兵前往查拏等語。此等賊人。敢於

平定準噶爾方略正編卷之六十二

一

搶奪臺站馬匹。是否係舍楞餘黨。抑或烏梁海恩克屬人。若不行嚴拏。何以肅清臺路。著傳諭成衮扎布等加意辦理。

王戊

諭參贊大臣巴蔭等速勦哈丹阿巴噶斯等餘賊。

上諭軍機大臣曰。巴蔭奏稱據圖倫楚達禮善等呈報。追勦哈丹阿巴噶斯等餘賊。至庫爾河源等處。

因水漲難行。隨嚴飭設法渡河。剿賊等語。著傳諭圖倫楚。從前因敏珠爾多爾濟達禮善等未能速殲逸賊。是以派伊前往。今賊踪已得。又復託詞支飾。可見全未奮勉効力。其作何治罪之處。伊等應亦知之。現在巴祿領兵策應會同進剿。其索取哈薩克錫喇已委富德友策布登扎布。巴祿惟嚴行催督。盡剿哈丹阿巴噶斯遺孽。以靖地方。

平定準噶爾方略正編卷之六

二

議撥補寧夏等營缺額馬匹。

軍機大臣奏言。黃廷桂奏寧夏各營摘缺之馬。四千五百餘匹。購補維艱。請將鄂爾多斯購解馬四千匹留補缺額。查臣等前議該督豫籌增備馬匹奏內。以該省及巴里坤現備馬三萬五千匹。來年增派官兵已足敷用。其直隸等處辦馬八千匹。應准留補各營缺額。嗣因方觀承奏

挑選營馬三千七百八十四匹解送肅州。臣等復議令豫備來春調用。更屬寬裕。其將鄂爾多斯馬匹留補寧夏各營缺額。應如所奏辦理。奏入。上從之。

癸亥。

雅爾哈善等疏奏提督馬得勝等貽誤軍機。

雅爾哈善等奏言。據提督馬得勝稟稱。昨因大

平定準噶爾方略正編卷之六

三

兵久圍庫車。城堅難克。請於所領兵丁內。選能掘地道者。令千總常繼春專管。仍派副將達世。即防賊阻截。俟掘至城根。將火藥填滿點放。城墻塌陷。自可直前攻取。遂漸次刨掘。距城祇二丈餘。豫備火藥。期七月十九日點放。不意賊人知覺。於十七日夜。潛出城外。離城十餘丈橫掘大溝截斷。以薪木填塞。焚死掘地兵十名。係達

世朗等疎防等語。查兵丁掘地距城甚近。此一

二晝夜。更當加意防範。探有賊踪。卽施鎗礮。自

少疎虞。今伊等並不督率巡防。以致兵丁被焚。

至次日始知覺稟報實屬昏惰溺職。又臣等前

於四月至哈喇沙爾。馬得勝告稱副將楊景達

報都司龔宜謙患病。請暫留調理逾月未痊。復

請開缺另補。臣等查龔宜謙實未患病。因不能

平定縣志卷之六十一

四

約束兵丁。愧憤自行抹傷。今已平復。隨令查叅。

仍遲延未辦。六月。又據報署守備陳自如。行抵

玉古爾。有馬兵李子雲。崔文彩。趙繼明。步兵馬

順等竊取官銀馬駝逃走。臣等令查叅該管。僅

請鞭責記過。又據報運送口糧兵丁二千四百

名。有四百六十五名未到。不知病故逃亡確數。

臣等詰以沿途何不早查。惟以言語支吾。至所

送大神礮四位。既經驗試損裂。仍行充數。致糜

運費。且馬得勝賦性怯懦。七月間。有卡倫兵報

知十餘賊人踪跡。卽變色奔告云。賊衆將近大

營。請速派索倫兵抵敵。軍中傳爲笑談。至一切

辦理事務。因循含混。用兵之際。不可膺提督重

任。謹據實叅奏。請將馬得勝等革職。嚴審究擬

以昭炯戒。奏入。得

平定縣志卷之六十一

五

旨。提督馬得勝係領隊大員。似此庸懦。失悞軍機。著

革職。所領兵丁。著問相師暫管。副將達世朗。千總

常繼春。俱著革職。達世朗員缺。著左秀補授。副將

楊景達。署守備陳自如。亦著革職。楊景達員缺。著

莫倫岱補授。叅將左秀員缺。著王玉廷補授。

諭大學士管陝甘總督黃廷桂。嚴緝逃兵正法。

上諭軍機大臣曰。據雅爾哈善等奏稱馬得勝所領

綠旗兵內有馬兵李子雲等竊取官銀馬駝脫逃
又運送口糧兵丁尚有四百六十餘名未到。此內
有病故逃亡未定等語。此等兵丁既不能向前出
力。復敢竊物潛逃。甚屬不法。伊等逃回內地。必由
哈密安西巴里坤經過。可傳諭黃廷桂行知安西
提督哈密防鎮等。速行通緝。仍行文伊等食糧營
汛及各本籍地方官一體查拏務獲。不分首從。卽
行正法以肅軍紀。

平定準噶爾方略正編卷六十一

六

申諭定邊將軍兆惠辦理回部事宜。

上諭軍機大臣曰。昨因雅爾哈善等疎脫霍集占已
諭兆惠速往辦理。回部然猶望雅爾哈善自知罪
戾。奮勉思贖。旋據奏報。現在分兵前進。是以降旨
策勵。以觀後效。今雅爾哈善據俘獲八等供稱
霍集占脫逃時。曾與阿卜都克勒六約誓一月之

內。必來救援。恐分兵單弱。擬候兆惠到日。再行前
進等語。是雅爾哈善仍未進兵。且叅奏馬得勝創
掘地道。為賊所覺。致損兵丁。罪固難追。而伊等所
司何事。其素無紀律可知。且雅爾哈善初抵庫車
因伯克托克托中計被擒。心卽惶惑。惟思以進兵
之事。責成額敏和卓。朕卽降旨訓飭。又所奏攻克
庫車後。毀其城郭。焚其廬舍。撤兵回哈喇沙爾吐
魯番等處。來年再行進取。朕復諭以時當夏令。進
兵之時。遽議撤回。恐眾志懈弛。至得城卽毀。則來
降回眾。於何處安插。至今日所到奏摺。有來降回
人供稱與二十餘人。出城取草等語。賊既可出城
取草。則田穀何難收穫。似此種種疎忽。圍城復有
何益。可傳諭兆惠。一抵庫車。卽將雅爾哈善拏解
來京。馬得勝失機債事。著兆惠嚴審具奏。若進兵

平定準噶爾方略正編卷六十一

七

無暇則拏交黃廷桂審訊亦可。雅爾哈善等奏摺者錄寄兆惠閱看。諸事遵照節次諭旨辦理。

宣諭雅爾哈善罪狀。

上諭大學士曰。前據雅爾哈善以逆回霍集占遁出庫車。並未追捕。將順德訥叅奏。今又以綠旗兵創掘地道。反為賊所覺。致焚死兵丁。且兵丁內竟有竊物私逃者。將馬得勝叅奏。不知將軍統領全師。所司何事。而僅以叅劾他人。聊且塞責。竟若與己。

平定回疆方略卷之六十一

八

漠不相聞者。情理殊不可解。當雅爾哈善奏報擊取霍集占等援兵時。朕方以軍威既振。自可乘機進剿。詎意伊前次奏稱鄂根河殺賊不下三千餘人。霍集占負傷遠竄。及沙雅爾頭目阿三和卓投降。錄詞具奏。始知霍集占敗陣時。即遁入庫車。數日復夤夜突出。以自投羅網之賊。而聽其自去。自

來。竟無一兵防範追逐。順德訥駐兵要路。固無所

逃罪。而將軍此時。又安在耶。且我兵穴地攻城。本欲潛師取勝。又何至遂為賊覺。橫開一溝。而我兵轉無一知覺者。甚至兵丁行竊脫逃。毫無忌憚。可見軍營調度乖方。全無紀律。已非一日。雅爾哈善坐視賊會竄逸。頓兵城下。不異守株待兔。前後奏報情詞矛盾。惟圖左枝右梧。始叅順德訥以卸過。繼叅馬得勝以諉咎。並無一語引罪。殊不思身任元戎。指麾諸將者。誰之責歟。此而不置之於法。國憲安在。已降旨命兆惠就近前往庫車一帶。辦理回部。雅爾哈善哈寧阿順德訥俱著革職。兆惠至軍營日。即著拏解來京。將此先行通諭知之。

平定回疆方略卷之六十一

九

乙丑

命議敘搜捕逸賊之營總阿薩喇勒圖等。

上諭軍機大臣曰據兆惠奏稱索倫營總阿薩喇勒
圖於巴爾托輝西勒克搜剿善披領集賽賊衆百
人收其馬駝軍器即係從前吉林營總兆齊等追
捕未獲之賊等語阿薩喇勒圖甚屬効力著交部
議敘其効力官兵及陣亡之署領催察凱等著查
明送部議敘議卹又

諭曰兆惠所奏索倫領催阿丹察在阿圭雅斯山中

平定準噶爾方略正編卷之六

十

搜獲巴爾達穆特之嗎哈沁三人訊知藏匿累年

恐哈薩克錫喇亦似此潛身隨分兵搜捕等語查

擊哈薩克錫喇已委富德策布登扎布兆惠惟速

往庫車以擒獲霍集占爲要

護軍統領努三等疏奏查勘屯田事宜

努三等奏言欽遵

諭旨會同永貴定長納世通等查勘昌吉羅克倫等

處屯田七月二十三日臣永貴等至烏魯木齊

臣努三會同查勘昌吉距烏魯木齊六十餘里

羅克倫距昌吉四十里舊係噶爾藏多爾濟之

一千六百餘戶游牧地平水足有河渠舊址修

理亦易丈量得昌吉可墾田八萬餘畝羅克倫

可墾田七萬餘畝臣等會議昌吉羅克倫各駐

兵一千五百名更番開墾種植以休地力謹繪

平定準噶爾方略正編卷之六

十一

圖恭呈

御覽奏入

上諭軍機大臣曰努三前奏請查勘烏魯木齊屯田

時朕即謂雖爲期尚早亦當先事籌備隨諭黃廷

桂來年木壘烏魯木齊屯田派兵七千名及辦給

農工器具今昌吉等處既又可駐兵三千可傳諭

黃廷桂照數添派兵丁合之前派七千即得萬人

為數雖多。但屯田兵。惟取其習於耕作。不必盡皆精壯。黃廷桂宜酌量辦理。如有不便。即停其添派。亦可。仍與努三、永貴等會商定議具奏。

丙寅。

諭定邊將軍兆惠等攻城不必專恃大礮。

上諭軍機大臣曰。前因雅爾哈善請遣工人至軍前。

鑄造大礮。已諭黃廷桂辦理。今據奏鑄造大礮所

平定縣志卷之六

三

需工料與尋常不同。微有作難之意。此特所派官

員工役。憚於遠行。故為此說。從前金川用兵。兆惠

曾與其事。所鑄礮位。自必深知。若抵庫車時。應需

大礮。則舒赫德亦曾往金川。即委令監造。然朕意

攻城不必專恃大礮。當霍集占逃入庫車時。圍守

果嚴。即無礮。又豈能逃出。若如雅爾哈善聽賊出

入。毫無防範。雖有大礮亦復何用。况現在穴地攻

城。反為賊斷。皆由伊等高坐帳中。以致官兵解體。

兆惠至彼。務申明紀律。一變從前疎懈之習。可傳

諭知之。

故違軍律之索倫佐領額楞額等正法。

上諭軍機大臣曰。據福祿奏稱索倫總管羅爾博岱

等呈報。佐領額楞額。因披甲烏勒噶車私請放回

游牧。見防禦托什奈患病。誘其家奴巴岱頂替出

平定縣志卷之六

三

兵。請將烏勒噶車照脫逃例治罪。額楞額交部議

處等語。額楞額狗情擅放。故違軍律。著即行正法。

烏勒噶車著嚴緝。務獲正法。巴岱穿箭遊營後。交

與伊主托什奈管束。托什奈即行首告。不必科罪。

餘俱如所奏行。

藍翎侍衛富寅保托和里解送叛賊布庫察罕

和碩齊至京。審明正法。

授富寅保為三等侍衛賜號哈坦巴圖魯賞銀一百

兩賞托和里銀三十兩賞緞各一端遣回軍營

丁卯。

諭定邊左副將軍成衮扎布等搜捕哈薩克錫喇等

賊眾。

上諭軍機大臣曰哈薩克錫喇雖傳聞逃入西哈薩

克此時或又潛回舊游牧藏匿亦未可定可傳諭

平定準噶爾方略正編卷之六十一

十四

成衮扎布現在搜剿盜竊西路納呼臺站馬匹之

賊如無哈薩克錫喇在內即領兵至伊舊游牧於

所遇嗎哈沁等嚴密搜剿再行撤回併傳諭福祿

等帶領索倫兵經過哈卜塔克拜塔克等處將盜

竊馬匹賊人及嗎哈沁等留心搜剿祇須派兵二

三百名遣侍衛等分路前往亦不必過於留滯致

誤前抵軍營之期。

察哈爾馬甲畢里克圖以親見和碩齊更衣降

賊來京質對。

授為藍翎侍衛賜號圖爾根巴圖魯賞銀一百兩與

藍翎侍衛賽音圖俱遣回游牧。

己巳。

辦理屯田侍郎永貴等疏奏酌議駐兵築堡等

事宜。

平定準噶爾方略正編卷之六十一

十五

永貴等奏言臣等昨奉

諭旨因兆惠前赴庫車所需糧餉應於吐魯番貯備

且現在徑從哈密至吐魯番令臣永貴定長二

人內酌留一員駐劄辦理其運糧駝隻亦宜擇

地牧放臣等查阿里袞從巴里坤運糧一千四

百石已於六月起程向烏魯木齊進發隨行文

阿里袞約計兆惠軍營需用之數留於吐魯番

其牧放駝隻。詢問回人等。俱稱吐魯番闢展一帶。可牧駝六七十隻。至貯備糧餉。查魯克察克喀喇和卓。吐魯番俱係回人居住。惟闢展舊堡。尚係空閒。應請苦蓋倉廩。收貯屯田所獲。與巴里坤。哈密。運來糧餉。軍械農器等件。令同知都司分管。再闢展地居衝要。自巴里坤。哈密及兩路軍營往來事件。俱由此經過。距吐魯番百餘里。臣永貴。定長。清。馥。納世通。內酌留二人。駐劄辦事。此次吐魯番截留之糧。請即移貯闢展。又屯田各處。現在築堡蓋廩。派兵看守。俟工竣之日。續行具奏。奏入。報

平定縣志卷之六

六

命察議辦理屯田侍郎永貴等

上諭軍機大臣曰。永貴等奏稱署章京巴顏德等。追

捕搶奪軍需之賊。因路遙馬乏。回至軍營等語。從前永貴等往追盜竊馬匹賊人。未能擒獲。今巴顏德又復如此。若追賊官兵。皆似此託詞支飾。則臺路何時寧靜。永貴。定長。納世通。及巴顏德等。俱著交部察議。其綠旗千把總等員。著永貴等查明懲治。

庚午

平定縣志卷之六

七

恩賞喀爾喀策卜登公品級

上諭軍機大臣曰。原封喀爾喀貝勒策卜登。係叛賊青滾雜卜案內之人。自應按律治罪。朕因其平日為人愚昧。又年老可矜。從寬革去貝勒。仍准伊子承襲。今策卜登感恩悔罪。抒誠入覲。朕念伊在

皇祖

皇考時。曾經宣力。著加恩賞給公品級。遣回游牧。

辛未

諭叅贊大臣扎隆阿辦理擒獲烏梁海逃犯等事宜。上諭軍機大臣曰。據扎隆阿奏。車木楚克扎布報稱。內大臣察達克往追恩克。至濟卜哈魯克。獲其母及弟婦。恩克同妻子逃往蘇穆勒。又公多岳特報稱。總管車根往追阿喇善等。有同逃之得木齊扎布勒岱復歸。協擒阿喇善碩吹。盡收其所屬等語。

平定準噶爾方略正編卷六十一

六

察達克車根甚屬奮勉。効力著加恩。各賞緞六端。其所領兵丁効力及被傷者。查明酌量獎賞。擒獲之阿喇善碩吹。暫行監禁。俟恩克獲日。將伊等所屬男丁十六歲以上者。一同送京。其婦人幼子。即分賞察達克等。扎布勒岱既悔罪復還。從寬免其治罪。交與該總管等約束安插。著傳諭扎隆阿行文。車木楚克扎布。以恩旨曉示伊等知之。

命賞吐魯番貝勒額敏和卓三眼孔雀翎。阿拉善公衮楚克雙眼孔雀翎。

甲戌。

申諭定邊將軍兆惠速往辦理回部。

上諭軍機大臣曰。從前雅爾哈善等。以六月十六日。擊敗霍集占援兵。昨據兆惠所奏。俘獲厄魯特供詞云。會隨霍集占戰敗。逃入後山。於七月二十四

平定準噶爾方略正編卷六十一

十九

日。至特勒克等語。看來伊等行走月餘。特因輾轉逃匿。若我兵直抵庫車。必較為迅速。乃所奏但言搜捕哈薩克錫喇。尚未有速往回部之意。豈以前有往哈薩克索取叛賊亦可之論。遂爾拘泥。抑或不願前往。從中觀望。若如此存心。避難就易。則更不可。且兆惠等。會以厄魯特賊黨淨盡。即策妄阿喇布坦復生。亦無可如何等語。見之章奏。而又惜

搜捕逸賊留戀伊犁。自相刺謬。諒不至此。此時應接奉屢次諭旨。迅速啓行矣。現因辦理回部。調發健銳營兵一千名。索倫兵二千名。察哈爾兵一千名。軍威甚壯。今年斷不撤兵。且必於今冬竣事。蓋大兵一撤。則回人又來奪據城堡。種植禾稼。惟相持不解。則賊人無從得食。而我官兵糧餉馬匹。又由哈密源源接濟。自可早奏膚功。兆惠其加意奮勉。毋蹈覆轍。

平定縣志卷之六

十

議養贍屯田兵丁等事宜。

巴里坤辦事副都統阿里袞奏言雅爾哈善永貴等議於哈喇沙爾托克三關展烏魯木齊等處屯田兵三千六百名外。再增二千四百名。酌於收穫後。分往哈密巴里坤居住。又哈密所設卡倫兵多。亦酌量裁撤。調往屯田等語。查黃廷

桂奏稱哈密有夾山路徑。可至吐魯番。而巴里坤糧餉。均由哈密運送。應請將撤回屯兵。俱於哈密居住。以節運費。再哈密駐兵二千名。所設卡倫七十三處。除塔勒納沁等三十二卡倫。仍須安設。其餘一顆樹等三十九卡倫。均可裁撤。又聽差各兵丁內。亦可裁減。酌於各項兵丁內。抽調六百名。遣往屯田。奏入。得。

平定縣志卷之六

十一

旨。軍機大臣議奏。尋議屯田兵丁。因耕作初興。收穫不敷養贍。是以議令暫回就食。俟來年佈種前。再行發往。今阿里袞既稱哈密地方寬廣。可以安插。且較巴里坤更省運費。應如所奏辦理。其收穫穀石農工器具。前已議令回人就近看守。量給口糧。至添派屯田兵丁。經雅爾哈善等議於撤回兵內撤往。續奉

諭旨令從內地調發。應俟黃廷桂等酌議。至準噶爾既經平定。哈密卡倫。自當酌量裁減。應如所奏。將所減卡倫。及聽差兵丁六百名。入於屯田兵數。仍知會黃廷桂。永貴。阿里袞等查照辦理。奏人。

上從之。

丁丑。

平定準噶爾方略正編卷之六

三

諭辦理屯田侍郎永貴等接濟策布登扎布軍營糧餉。

上諭軍機大臣曰。策布登扎布奏稱在古爾班察爾得旨。前往西哈薩克。策應富德。詢厄魯特嚮導云。從此地須行走三個月。若仍回伊犁。由沙喇擊勒前往較近。約計官兵口糧。可至八月等語。前諭策布登扎布策應富德。如哈薩克錫喇仍未弋獲。即

徑往庫車。倘糧餉不敷。可向烏魯木齊支給。并令行文永貴酌量辦理。今據所奏。則軍前口糧。現須接濟。可傳諭永貴等。即於烏魯木齊貯備糧餉內。速行運送。併傳諭策布登扎布知之。

戊寅

雅爾哈善等疏奏庫車回衆出降。

雅爾哈善等奏言。臣等攻圍庫車。賊衆勢不能

平定準噶爾方略正編卷之六

三

支。八月初二日。又布陣揚威。遣人至城下招撫。降者漸多。臣等督同領隊大臣侍衛等。晝夜防範。初五日夜半。風雨忽作。有賊約四五十騎。自城東北逃出。副都統順德訥侍衛德爾森保等射殺三人。順德訥領兵向托木羅克追剿。德爾森保向沙勒達朗追剿。續有賊四十餘人。自城西南衝出。為侍衛富紹署營總薩斯泰察哈爾

叅領索諾木等盡行弔殺。又有賊十餘人自南衝出。為吉林署叅領濟蘇鑑保等盡行射殺。總管端濟布。公朗袞扎卜。侍衛富紹齊。凌扎卜等。追至鄂根河。集沿河卡倫兵丁。扼守渡口。邀截逃賊。隨據看守南門總兵。閆相師。送到投誠回人五名。據稱我等合城回衆。早欲投誠。因為阿卜都克勒木所制。未敢擅動。今伊既逃去。我等

平定縣志卷之三

五

情願歸降等語。臣等示以明早。可令舊頭目來見。次日清晨。臣等至城下。有舊小伯克阿濟等。將阿卜都克勒木之妻阿晒子珠勒海。阿卜都哈帕爾等擒獻。即行正法。又擒送沙喇斯等二十八人。白伊犁從逆回衆一百五十人。臣等將伊等罪惡。傳示回家。俱即正法。又阿卜都克勒木之親兄呼爾班。已被官兵射殺。其妻妾亦即

正法。此等已經正法賊人家口。分給臣額敏和卓。鄂對阿瓜斯伯凱瑪哈默第。色梯巴勒氏噶岱默特。阿卜都賚等為奴。通計在城回人三千六百餘口。此內有賽里木男婦一百二十四口。沙雅爾一百五十八口。俱給與兩處投誠頭目。其庫爾勒四百八十五口。因托克托被害。仍安插本城居住。收獲牲隻軍器。暫行存貯備賞。又

平定縣志卷之三

五

回人等告稱。尚有助惡害人之沙呢雅斯沙珠魯卜。阿克珠勒索。否呢雅斯呼爾班等五人。隨加審訊。俱各服罪。亦即正法示衆。復派侍衛清保柱。桑古善等。巡查逸賊。俱有斬獲。又據順德訥遣人告稱。因昏夜追賊。迷踪。天明見有四五人踪跡。現在嚴追。斷不空回等語。臣等一面派哈寧阿入城安撫。一面料理進兵。擬於八月

初八日起程向沙勒達朗等處收割田麥以作

口糧。俟順德訥等回營。即進取阿克蘇。仍遵

旨令貝子玉素富領綠旗兵一千五百名。回兵一百

五十名。駐防庫車。其餘綠旗兵。或暫留庫車。或

調往屯田。請

旨遵行。又與散秩大臣鄂對酌選伊勒噶爾伯克伊

斯邁勒總辦庫車事務。阿第勒雅科卜協辦事

平定準噶爾方略正編卷之十

美

務。又鄂對之子鄂斯瑞亦隨同辦理。再臣等以

伯克托克托信息。詢問阿濟等。據稱從前被回

人拘禁。霍集占入城次日。即行戕害。查伊子塞

第克現在吐魯番公素資。瑞處。可否准其襲職。

及同行之馬英德官住等。照例議卹。出自

聖恩。奏入。

上諭軍機大臣曰。雅爾哈善等頓兵庫車。諸事疎懈。

朕即謂將來必致渠魁逃竄。所留者無關緊要之

人。今據奏稱阿卜都克勒木貪夜逃走。舊小伯克

等出降等語。果不出朕所料。此時伊等已經得城。

即應速行進兵。乃必候順德訥回營。殊不可解。著

傳諭雅爾哈善。朕於伊等亦無可指示。惟看其効

力如何耳。

申諭定邊將軍兆惠。速往辦理回部。

平定準噶爾方略正編卷之十

毛

上諭軍機大臣曰。雅爾哈善等奏庫車賊首阿卜都

克勒木逃竄。餘眾出降。是賊人出入自如。尚得云

兵力攻取乎。且得城後。即應進兵。乃又候順德訥

追賊回營。則將軍及叅贊大臣所司何事。雅爾哈

善不堪任使。至於此極。可傳諭兆惠。作速領兵前

進。此時順德訥果擒獲阿卜都克勒木。尚可贖罪。

若仍前支吾粉飾。著兆惠訊明。從前疎脫。霍集占

必遣往屯田。又

平定縣志卷之十

天

屬實。即於彼處正法。或有別情。即與雅爾哈善哈寧阿一同拏問。派委員押解來京。朕親訊情節。至霍集占曾有再來救援之誓。迄今杳無聲息。可見逆賊計窮力竭。以致眾人解體。大軍所臨。惟有孑身遠遁。更有何能。兆惠惟以雅爾哈善為戒。堅心進剿。一切機宜。不必專候指示。所留綠旗兵四千名。現在攻取回城。正需分守。且可助大兵聲勢。不

諭曰。伯克托克托署守備馬英德筆帖式官住初至庫車。即為賊誘害。深可憫惻。托克托散秩大臣職銜。令伊子塞第克承襲。馬英德官住著交部照陣亡例議卹。兆惠即傳諭官兵等知之。

諭定邊左副將軍成衮扎布辦理烏梁海事宜。

等。每自言如山獸河魚。任意行走。難以嚴加管束。大凡有命者無不貪生。若順其性。則不勞防範。且省備兵籌餉之費等語。烏梁海恩克阿喇善等脫逃。本非大事。成衮扎布如此陳奏。未免過慮。從前扎隆阿等奏到時。朕於行在詢問總管圖布慎。據奏。二人不過生計稍窘。欲歸舊游牧。因諭圖布慎爾如欲歸游牧。亦聽其便。而伊懇陳不願。看來並非飾詞。况察達克一聞恩克等脫逃。即行追緝。是舊烏梁海等。久循法令。本無可疑。其妄動者。不過一二新降之人。若因此并謂舊人俱不可信。豈情理耶。總之駕馭此輩。原不必過於防範。伊等安靜謀生。則撫慰之。若叛逃滋事。則擒剿之而已。可傳諭成衮扎布知之。

平定縣志卷之十

天

己卯

中諭。定邊將軍兆惠以雅爾哈善為戒。

上諭軍機大臣曰。昨以雅爾哈善情罪。論知兆惠。令其拏解來京。今覆閱伊等奏摺。愈為可恨。即如阿卜都克勒木以四五十騎遁去。城內降人共三千餘口。此言即屬可疑。伊黨與若止此數。則我以八千人圍城。應早生內變。亦何難勦殺無遺。且得城後。回衆獻出助惡之沙呢雅斯等五人。遂俱正法。

平定準噶爾方略正編卷之六

三

此五人。若果為阿卜都克勒木死黨。則豈肯舍之而去。致坐受老弱之擒獻。此中情節。豈復可問。况納降既定。雅爾哈善仍未入城。但令哈寧阿前往看視。而屢次奏報。從未有身親其事者。又焉用將軍為也。試數用兵以來。膺專閫之寄。有似此因循疎懈者否。兆惠當以為戒。奮勉前進。現在已至何處。彼處情形若何。作速奏聞。

宣諭雅爾哈善罪狀。

上諭大學士曰。雅爾哈善進兵庫車。屢次失機貽誤。前已降旨宣諭矣。今據奏庫車賊首阿卜都克勒木率衆夜遁。所餘老弱出降。現在順德訥往追。俟回營時再行進兵等語。以八九千官兵駐守三月之久。俟賊首逃去。城中窮蹙出降。始得其城。雅爾哈善其尚何顏以得城奏報耶。辦理回部一事。從

平定準噶爾方略正編卷之六

三

前因逆賊霍集占等。係我兵平定伊犁時。出諸厄魯特拘禁之中。俾仍長舊地。而狼子野心。旋復戕害我副都統阿敏道。負恩肆逆。不得不行勦滅。而雅爾哈善在巴里坤辦理沙克都爾曼濟一事。頗能乘機奮勉。是以屢加優擢。今春進兵。即授為將軍。伊既膺討逆之任。自應倍加勇往。以擒獲叛賊為務。詎意懈弛債事。竟有出於意料之外者。前此

霍集占親率賊衆。來援庫車。屢經挫衄。乃既不能
擒獲於臨陣。復不能覺察於入城。一任其潛入潛
出。並無措置。而徒以堵截之責。委之順德訥而已。
不預。至掘城一事。用綠旗繆計。復全聽之馬得勝。
轉致為賊所覺。橫開一溝。傷我兵卒。種種坐失事
機。以如許兵力。圍一彈丸之城。而賊首出入自如。
不知統兵大帥。身在何處。朕彼時觀其情形。怠玩

平定縣志卷之六

重

若此。早知庫車城中。為賊腹心拒守者。必將盡行
狡脫。僅餘老弱而後得之。當即屢降諭旨。令其加
意防守。勿致逃逸。今觀所奏庫車頭目阿卜都克
勒木領衆夜遁。惟餘老弱出降。一一不出所料。可
見雅爾哈善於霍集占脫逃時。不親往追擒。馬得
勝掘城時。又不能躬行相度。及回衆出降。尚不入
城查閱。亦不急行進剿。數月以來。惟事坐守軍營。

老師糜餉。直待賊人兔脫鼠竄。相率盡出。而後得

一空城以報命。且忝為大帥。不能身先士卒。致一
切措置遲悞。盡以委之他人。初無一語引罪。但知
高坐帳中。以郵符奏報自任。若代他人傳述者。則
雖芻靈木偶。皆可勝任。何必復簡用將軍為哉。今
雖得庫車。而城中所存。率係饑疲殘廢。轉須為之
養贍。即得城亦復何用。且伊奏內沙喇斯瑪呼斯

平定縣志卷之六

重

等厄魯特。及自伊犁逃歸回衆。所有男丁。不過一
千餘名。設賊黨果止此數。豈能拒守如許之久。又
稱回衆供出沙呢雅斯等五人。訊明正法。此五人
者。既係阿卜都克勒木惡黨。能鈐制諸人。不令出
降。即何難與之同竄。而必坐以待斃。所奏荒唐悖
謬如此。謂無欺飾情弊。其誰信之。核其前後情罪。
從來悞事之臣。未有若是之甚者。夫賞功罰罪。國

有常典。雅爾哈善前辦理沙克都爾曼濟時。朕以其奮勉可嘉。卽授為內大臣。并將伊子補授侍衛。今乖謬失律至此。雖欲為之曲貸。其如國法何。已降旨兆惠等將伊拏解來京治罪。伊子並著發往黑龍江當差。朕於諸臣功罪。毫無成見。惟有信賞必罰。以彰憲典而已。將此通行傳諭知之。

辛巳。

平定津噶爾方略正編卷三十一

雷

參贊大臣富德疏奏招撫布魯特情形。

富德奏言。臣與巴圖濟爾噶爾瑪額爾登額等領兵七百名。於七月初六日。至布魯特之塔拉斯。其頭目邁塔克哲野木。又喀喇博托之弟喀喇們都子阿薩木。及分管三百餘戶之納蘇卜呼里。俱來求見。言及侍衛托倫泰招撫情事。臣詢以西哈薩克相距程期。據云邊界相錯。有

十數日數日不等。西哈薩克之特柳克圖里拜等。年來與塔什罕回人相攻。不知勝負若何。請遣人為大兵前導。臣派三等侍衛蒙固勒岱。吉林署參領赫申等。前往西哈薩克。查拏哈薩克錫喇。若特柳克等情願歸誠。遣使入

覲。卽照例件送至京。又詢邁塔克等云。從前圖魯起

等告稱塔拉斯有三鄂拓克。今惟科索楚啓台

平定津噶爾方略正編卷三十一

雷

兩處。其薩婁鄂拓克之阿克拜何以未來。據稱阿克拜及伊姪車里黑葉里黑等三人。分管五千戶。又愛達爾伯克管百餘戶。相距頗遠。且與回人額哲伯特相攻。故前此未導侍衛前往。今阿克拜過夏之地。去此只四五日程期等語。臣卽令邁塔克遣人前導。派察哈爾藍翎侍衛伊達木扎卜。戴獎賞藍翎之索倫領催林保等前

往十二日伊達木扎卜等回營告稱阿克拜等

所居名巴倫古特。聞有

恩旨招撫。俱歡悅歸誠。阿克拜年老遣其子伯勒克

愛達爾伯克有疾。遣其弟諾奇等來見。請與邁

塔克子弟同行入

覲。臣令其隨營於十三日起程。前往西哈薩克邊境。

計蒙固勒岱等八月初可回其哈薩克錫喇有

平定縣志卷之三十一

三

無潛匿及西哈薩克果否歸誠。或伊等請來年

入

覲。則阿克拜等使人。令且回游牧。臣於八月內可抵

伊犁等處。奏入。

上諭軍機大臣曰。富德已至塔拉斯。將抵西哈薩克

邊界。索取哈薩克錫喇。但哈薩克錫喇係額爾類

舊屬。去年在沙喇鄂勒會相通問。已屢諭向額爾

類索取。著傳諭策布登扎布富德仍遵前旨辦理。

至回抵伊犁時。若能由特穆爾圖淖爾。直抵葉爾

羌喀什噶爾。更善。否則徑往阿克蘇。與兆惠會合。

協力擒獲霍集占。以奏膚功。

壬午。

命布政使銜德舒駐劄庫車辦事。

上諭軍機大臣曰。現在已得庫車城。大兵向前進發。

平定縣志卷之三十一

三

應照巴里坤之例。特派大員駐劄。德舒在哈密辦

理健銳營兵起程後。著即前往庫車。駐劄辦事。其

協同阿里泰在巴里坤辦事。著清馥前往。

命侍郎書山辦理屯田事務。

上諭大學士曰。永貴効力軍前。已閱數年。自應更換。

書山著以侍郎銜。同定長辦理屯田事務。刑部侍

郎員缺。著永貴補授。

平定準噶爾方略正編卷之六十一

乾隆二十三年九月甲申朔

獎諭定邊將軍兆惠

上諭大學士曰。據兆惠奏稱遵旨令伊前赴庫車。察看情形。再行回京。當即領兵八百名速進。一抵庫車。卽與雅爾哈善協心剿賊。斷不肯半道回京。有覲顏面等語。所奏肫誠勇往。深得領兵大臣之體。

平定準噶爾方略正編卷之六十一

一

軍旅爲國家重務。以滿洲大臣身膺簡畀。統率戎行。正當踴躍自効。公爾忘私。我朝簡策所垂。忠勤代著。遠軼前古。乃近來漸染惡習。或至因循選懦。臨事心懷觀望。或聞撤兵。慶若更生。曾不知奉公體國之義。謂何此風深可痛恨。朕慎守國憲。不得不力爲整頓。今兆惠奉到前次回京之旨。不肯苟且了事。毅然以剿賊自任。其器識實出諸臣之右。

且計其具奏時。並未知有雅爾哈善失機債事。不堪任用。令伊往代之旨。乃如此陳奏。豈揣摩而得者。朕方幸得一急公任事之大臣。深爲嘉悅。彼畏首畏尾之徒。聞此而不愧汗。交集其何以自列於臣子耶。兆惠著加恩賞戴雙眼孔雀翎。以示優獎。朕於諸臣。賞功罰罪。一本至公。毫無成見。惟在諸臣之自取耳。著通行傳諭知之。又

平定準噶爾方略正編卷之六十一

二

諭軍機大臣曰。兆惠奏稱現在領兵一千。擇其馬力有餘者八百名。前往回部。餘俱由烏魯木齊遣回游牧等語。前因索倫察哈爾等兵。在西路軍營年久。已降旨派撥更換。今據奏軍營兵丁。又復前往回部。是今歲不能卽回游牧。著加恩再行給賞一次。其發回兵丁。由烏魯木齊巴里坤。肅州。資送至京。再回游牧。著傳諭永貴。阿里。袞。黃。廷。桂。等照例。

辦理

定邊將軍兆惠疏奏擒獲賊黨衛諾克正法。

兆惠奏言臣等派副都統溫布侍衛扎延保領

兵搜捕逸賊據報署叅領哲野勒圖等詢知輝

特台吉巴圖宰桑多木布綽和爾宰桑衛諾克

等百餘戶在阿勒坦呼斯坦游牧七月十八日

行至其地遇賊百餘人據山結壘官兵奮擊賊

平定縣志卷之三十一

三

始奔竄擒獲多木布之妻供稱伊夫被殺巴圖

棄其幼女潛逃衛諾克向阿勒坦呼斯坦嶺逃

去溫布因馬蹶傷脛伊子格森奉肩脇被鎗傷

重身故令扎延保等往追將衛諾克擒獲計勦

賊百餘人臣等擬於前往回部時便道搜捕其

哲野勒圖奮勉出力已給與備賞孔雀翎所有

得功官兵及陣亡得傷者應請

旨交部酌量議敘議卹查衛諾克曾蒙

恩授以侍衛職銜乃附和昂吉岱等拒守又為賊糾

合黨眾罪不可逭因其傷重卽行正法奏入得

旨溫布勦殺輝特綽和爾等鄂拓克賊眾奮勉効力

著賞銀一百兩伊子格森奉受傷身故著加恩賞

給世職令伊孫承襲其効力及陣亡得傷官兵俟

兆惠冊報時該部卽照例議敘議卹

平定縣志卷之三十一

四

乙酉

論辦理屯田侍郎永貴等查核收成分數

上諭軍機大臣曰據永貴奏稱將兆惠所議屯田收

成分數每人墾田二十五畝所收穀石可給八九

人之食詢問官兵等俱稱必係成熟之地一家有

四五人助力方如前數若一人墾田卽盡力不過

十四五畝可食三四人等語此特據綠旗官兵等

飾說遂以為實。不但與兆惠所奏不符。即以內地情形而論。四民之中。農居其一。尚能積貯有餘。流通出糶。永貴等豈未聞知。或因初墾之地。收成歉薄。若將來由近及遠。以漸增加。仍執此定數。安足以給軍食。可傳諭永貴等。加意勸課兵丁。務如農民治田。不留餘力。視其所收分數。再行定議具奏。諭定邊右副將軍策布登扎布等。暫回游牧休息。

平定準噶爾方略正編卷之三十一

五

上諭軍機大臣曰。昨諭策布登扎布富德擒獲哈薩克錫喇回抵伊犁。即取道前往阿克蘇。今思辦理回部。已有兆惠納穆扎爾等。自易竣事。策布登扎布在軍前効力年久。撤兵後。即回游牧休息。來年再至熱河。扈從行圍。郡王品級羅卜藏多爾濟。効力有年。亦著回游牧。富德仍遵旨前赴兆惠軍營。丙戌。

上幸木蘭行圍

駐蹕布扈圖口。布魯特使臣車里克齊等來朝。賜宴。

命扈從王公大臣等皆預宴。

上以西域諸部降附來朝。自乙亥丁丑戊寅三年。皆適會於布扈圖口。地靈佳兆。若有神異。賜名曰伊綿峪。

平定準噶爾方略正編卷之三十一

六

命更代軍前侍衛等回京。

上諭軍機大臣曰。侍衛瑪瑞圖倫楚等軍前効力年久。自應更換。現在派送牛馬之侍衛瑚什。科普薩額爾登額蒙郭勒等。至巴里坤交收後。阿里衮即照例給與整裝銀兩。令其前赴兆惠軍營。兆惠酌將軍前侍衛似瑪瑞圖倫楚行走年久者。揀選四五人。調回京師。其員缺。即以瑚什等補用。

命內閣學士五吉馳驛前往哈密。隨同吳達善辦事。

已丑。

以雅爾哈善奏報情節。

申諭定邊將軍兆惠。

上諭軍機大臣曰。雅爾哈善奏稱領兵至賽里木正。值麥孰。現在速行收穫。候兆惠信息。即前往阿克。

蘇等語。所奏更爲不解。此時前途禾稼被野。何處

平定縣志卷之三十一

七

不可取給。自應領兵速進。而量留後隊收穫。以裕軍食。所得豈不更多。但伊等業已如此。朕亦不復

諄諭。可傳諭兆惠。速將雅爾哈善擊解來京。前會

降旨。以順德訥若擒獲阿卜都克勒木。尚寬宥。

今既不能自應治罪。如已遵旨正法。則已。否則一

同擊解。派德爾森保沿途防送。不可致令自戕。又

據奏擊獲固原逃兵等。訊係馬得勝所轄。而專管

之把總宋林。匿不稟報等語。馬得勝失機債事。罪

不可追。著與把總宋林。俱於軍營正法。綠旗陋習。

最宜整頓。兆惠其留意辦理。又

諭曰。閱雅爾哈善所奏各摺。全無端緒。即如把總周

彥恒。因攻取庫車。被鎗落水。所攜礮位。亦同沈溺。

爲賊所得。適遊擊伍靈阿被傷。未會稟報。克城後。

回人等獻出礮位。始補行奏。不思礮位若果倉

平定縣志卷之三十一

八

卒遺失。自不妨即時稟報。大槩因遇賊退怯。遂爲

所奪。及回人獻出。却不可隱。始行舉首耳。總兵五

福遊擊伍靈阿。俱著交部嚴加察議。仍著兆惠查

訊明確具奏。又所奏遣厄魯特侍衛察罕庫本。通

信兆惠。豈軍前侍衛。無一可用。且即遣德爾森保

亦何不可之有。數年用兵以來。將軍大臣如策楞

玉保等。雖經獲罪。未有如雅爾哈善之甚者。所奏

已無庸批示。可錄寄兆惠閱看。當深以為戒。仍將現至何處情形。若何作速奏聞。

庚寅。

以詢問疎脫霍集占情形。

申諭定邊將軍兆惠。

上諭軍機大臣曰。護軍校瑚圖禮解送伯克阿里來京。朕詢以霍集占入庫車城。將軍等果否聞知。及

平定準噶爾方略正編卷之六十一

九

逃脫時作何辦理。據奏六月十六日。霍集占敗走時。雖見有賊誘入城。實不知為何人。及收兵後。眾人即傳說霍集占入城之信。且平日賊眾不敢出戰。而入城次口。即分路衝突。眾人益以為實。隨經伯克鄂對。請於鄂根河增兵堵截。迨霍集占晝夜逃出時。侍衛噶布舒報知順德訥。而順德訥必俟天曉往追。賊已據橋斷後等語。是疎脫霍集占實

順德訥之罪。然雅爾哈善哈寧阿等並未親身督戰。惟恃一順德訥所司何事。况鄂根河堵截之兵。鄂對已經籌及。何以疎懈如前。令賊得先為之備。愈可憤恨。雅爾哈善等情罪。俟拏解來京時。再行研訊。可傳諭兆惠。以朕詢問軍前情節。始知額敏和卓鄂對等盡心効力。深用為慰。特予嘉獎。用示鼓勵。其雅爾哈善等辦理乖繆之處。或有續行查出者。亦即奏聞。

平定準噶爾方略正編卷之六十一

十

參贊大臣富德疏奏右部哈薩克圖里拜及塔什罕回人圖爾占歸誠。富德奏言。臣等遣蒙固勒岱。赫善等前往右部哈薩克。索取哈薩克錫喇。又聞塔什罕回眾與右部哈薩克相攻。令其曉示息兵。同來歸附。臣就近進兵。距莽格特城兩站駐候。七月二十四

日蒙固勒岱等報稱詢知右部哈薩克頭目圖

里拜輝格勒德薩薩克拜等俱在塔什罕城與

回人爭戰特柳克已經病故伊子雅木巴拉克

游牧亦相去不遠隨傳喚到營詢知薩薩克拜

等所在亦率四十餘人來迎據稱右部哈薩克

係阿比里斯汗為首其塔什罕係莫勒多薩木

什沙達圖爾占分管惟圖爾占與哈薩克爭戰

平定邊疆方略卷二十一

十一

七月十三日薩薩克拜引導與阿比里斯等相

會問以哈薩克錫喇踪跡俱稱不知須候圖里

拜來時商議十五日見圖里拜十六日阿比里

斯等集眾來見告稱我右部哈薩克久欲歸誠

因被準噶爾隔絕今聞大兵平定準噶爾我左

部哈薩克阿布賚歸誠受

大皇帝隆恩又聞布魯特相繼歸附我等欣聞招撫

情願入

覲因年老不能遠行議遣圖里拜之子卓蘭輝格勒

德之族弟博索爾瑞代往謹

進馬三匹並祭贊大臣贊見馬一匹等語隨於備

帶緞疋內分別給賞仍示云爾等已經歸誠尙

與回人爭戰不如乘此解散據圖里拜告稱與

塔什罕回人向無嫌隙因圖爾占逐我所用伯

平定邊疆方略卷二十一

十一

克莫勒多薩木什是以交惡今情願息兵遂遣

索倫領催圖魯遜吉林領催留保馬甲額森特

德赫布等二十一人前往正值哈薩克塔什罕

之眾拒河排列爭水放鎗於是高聲宣諭大國

使臣特為息汝等爭鬪而來因為陳說利害喚

出圖爾占與圖里拜相見伊等亦情願自此息

兵一同歸順

大皇帝其回人等仍舊供哈薩克賦役。至水道仍給與塔什罕圖爾占不勝感激。議定遣人入

覲。遂帶領哈薩克所遣之卓蘭博索爾瑞莫勒多薩

木什所遣之默呢雅斯前來。其圖爾占使人尙

未曾到。看得右部哈薩克及塔什罕事務俱係

圖里拜辦理等語。二十九日所遣使人來至軍

營。臣詳悉曉示。並將護送來京之官兵跟役酌

平定準噶爾方略正編卷之二十一

三

量派調。又蒙固勒岱等在莫勒多薩木什處查

出阿睦爾撒納親兄巴特瑪車凌之子伊什扎

卜一并交蒙固勒岱等沿途看守。於八月初四

日起程赴京。所有圖里拜等奏章謹齋呈

御覽。奏入得

旨。富德久在軍營奮勉効力。今又招撫西哈薩克著

加恩交部議敘。給與世職。蒙固勒岱赫善等俟帶

領來使人覲時。再加恩賞。所有從行官兵著富德酌量加賞。有應行議敘者。即造冊送部尋

命譯進圖里拜等表文。其文曰。右部哈薩克臣圖里

拜等跪奏

大皇帝。伏念臣者。久思內附。遠處邊末。與左部阿布

賚各長一方。為準噶爾阻絕。未由自通。近聞左

部輸服。被

平定準噶爾方略正編卷之二十一

四

恩優渥。恭惟

天使惠來。祇頌

宸訓。得均隸臣僕。誠權誠忭。謹遣臣子弟卓蘭等入

覲瞻仰

天顏。如天覆育之

聖人在上。臣願竭衰駑。奮勉自効。永無二心。倍於左

部。伏祈

睿鑒。又莫勒多薩木什表文曰塔什罕回人臣莫勒

多薩木什跪奏

大仁至聖普昌羣生大皇帝。伏惟

天使惠臨臣土。臣等不勝懽躍。奉承

諭旨。願為臣僕。所有買得之厄魯特伊什扎卜亦願

獻

闕下。謹遣臣弟恭聆

平定縣志卷之二十一

五

聖諭。回歸游牧。宣示臣等全部。但恐陳奏之詞。不能

達意。實深惶悚。謹奏。奏入。俱得

旨。下部知之。

前鋒校瑚圖禮以解送回人伯克阿里至京。

授藍翎侍衛。

辛卯。

上駐蹕烏蘭哈達。布魯特使臣舒庫爾來朝。

賜宴。

命扈從王公大臣等皆預宴。

諭定邊右副將軍策布登扎布等索取哈薩克錫喇

等事宜。

上諭軍機大臣曰。昨據富德奏報西哈薩克部落歸

誠詢無哈薩克錫喇信息。前聞哈薩克之額爾類

曾與交通。已屢諭向彼索取。計此時富德策布登

平定縣志卷之二十一

六

扎布俱陸續前往。如哈薩克錫喇實在額爾類處。

萬一遲延。不行縛獻。即先示以進兵搜捕。若仍復

支吾。不妨耀我軍威。務期擒獲。但信息稍有不實。

仍宜酌量。不可輕舉滋事。至伊等行糧。最關緊要。

策布登扎布既經行文永貴。若業已運送。即與富

德通融接濟。再成袞扎布奏稱烏爾都里克臺站

牲隻被賊搶奪。其踪跡向阿勒坦額默勒前去等

語。策布登扎布等回兵時。當留心搜捕。毋致漏網。

侍衛上行走烏爾登託倫泰帶領布魯特使人

等來京。

授烏爾登仍為三等侍衛。託倫泰為藍翎侍衛。

壬辰。

諭都爾伯特親王策凌烏巴什等協心辦理游牧。

上諭軍機大臣曰。朕念已故都爾伯特汗策凌孛怵

平定準噶爾方略正編卷六十一

七

効力。加恩准伊子索羅木衮布襲汗名號。仍授為

盟長。但盟長辦理全部事務所係甚重。聞伊襲封

以後時有疾病。今授伊弟巴桑為副盟長。巴桑亦

係少年。恐未更事。親王策凌烏巴什貝子瑪什巴

圖等誼關同族。自應視如一體。可傳諭伊等悉心

協助。加意辦理。不可存彼我之見。

癸巳。

定邊將軍兆惠疏奏起程日期。

兆惠奏言。臣於八月十九等日。奉到節次

諭旨。以雅爾哈善等攻圍庫車。失機債事。令臣速往

辦理。臣前於古爾班濟爾哈朗途次。得協助雅

爾哈善之

旨。已於本月初九日起程。此時雅爾哈善應已攻取

庫車。前抵阿克蘇。臣擬進兵夾攻。行至阿勒坦

平定準噶爾方略正編卷六十一

六

呼斯坦嶺雪盛路險。臣與官兵等牽馬步行兩

晝夜。現在領兵四百名。輕騎先進。近據雅爾哈

善遣來厄魯特侍衛察罕庫本。告稱本月初六

日。已得庫車。霍集占收集餘眾。不過戀守巢穴。

豈能遠遁。若雅爾哈善未得阿克蘇。臣即作速

攻取。直抵葉爾羌。喀什噶爾。務擒霍集占。中途

所得各城。以綠旗官兵駐守。至臣受

恩深重。屢蒙寬宥。卽如濟爾哈朗之圍。若非

聖主督勅應援。早已被賊戕害。中心感激。無能報稱。

何敢稍存家室之思。乘此軍聲大振。各城回衆

膽寒。惟期大功速竣。凱旋京師事。

君養親。永承

恩澤。奏入。

上諭軍機大臣曰。兆惠奉到辦理回部諭旨。奮勉前

平定回疆方略卷之三

元

進。立志可嘉。應無難擒獲逆賊。但所奏霍集占不

過。逃往喀什噶爾。朕意逆賊未必如此。或仍在阿

克蘇等處觀望。此時計納穆扎爾三泰亦將會合。

兆惠惟偵知霍集占所在。并力圍剿。而分兵招撫

諸城。告以霍集占窮蹙。不日就縛。爾等脅從之衆。

降者無罪。賊黨離心。成功自速。頃據吳達善奏稱

自哈密運糧至關辰。每石運費六兩三錢有奇等

語。較之自歸化城連至烏里雅蘇台。雖減三分之

一。然以肅州至庫車計之。則更覺加增。可見僱值

甚昂。兆惠宜收穫回人穀石。加意撙節。以省內地

供億之勞。俱著傳諭知之。

諭護軍統領努三等酌量守候哈薩克貿易。

上諭軍機大臣曰。現在時屆季秋。哈薩克貿易人等

久應到來。迄今尙無信息。不便在彼守候。著豫備

平定回疆方略卷之三

干

貿易人等。各回原處。努三仍暫時駐劄。如哈薩克

人等到來。而我豫備貿易者歸程未遠。亦可喚回。

若為時既久。努三卽令臺站人等。於哈薩克經過

時。以伊等行走遲滯。有渝定約。致商人不能守候。

委曲曉示。卽與承德同往庫車。在兆惠軍營行走。

甲午。

議備勦官兵就近支餉事宜。

甘肅巡撫吳達善奏言。准永貴咨阿里衮移送
 奏摺內稱。派往軍營之索倫察哈爾官兵。由阿
 濟。必濟前往烏魯木齊。自該處給與口糧。查本
 處向未承准廷寄。即當據咨速辦。但哈密巴里
 坤運到糧石。俱在闢展。距烏魯木齊九站。需駝
 甚多。應於哈密所僱商駝。加價轉運。但商人等
 憚於遠行。必派官兵約束。今屯田正當收穫。應
 請另行選派。又運糧商駝。若本處遽行截留。未
 免口糧不足。且亦無項可動等語。臣即行咨明
 阿里衮。嗣據覆稱。巴里坤駝隻。存剩無多。商民
 車驟。亦不常有。今哈密糧運往來。又有夾山一
 路。較為便易。應聽酌量辦理等語。查哈密運送
 闢展糧餉。約萬餘石。今官兵等兩月口糧。只一
 千六七百石。應請即於闢展截留運糧駝隻。送

平定準噶爾方略正編卷之二十一

三

往烏魯木齊。其口糧草豆。亦於闢展借給。臣又
 解銀一萬兩。交與永貴。以充僱值。仍候阿里衮
 派出官兵。遣赴闢展。護送糧運。奏入。得
 旨。軍機大臣速議具奏。尋議。此次索倫察哈爾官兵。
 原議派往烏魯木齊。再赴庫車。因該地有哈薩
 克貿易馬匹一事。必須照管。今貿易人等。尚無
 信息。自應以進剿回部為要。若紆道烏魯木齊
 則兵丁無事遠行。虛糜運費。應請行文永貴。將
 官兵口糧。即令在闢展支給。徑往回部。一面行
 文領兵副都統福祿等。由阿濟必濟就近前往
 闢展。支給口糧。奏入。
 上諭曰。覽吳達善所奏。伊與永貴。阿里衮互相推諉。
 情節顯然。况從前令派出官兵。前往烏魯木齊。係
 照彼時情形酌定。永貴等身在地方。自當就現在

平定準噶爾方略正編卷之二十一

三

機宜通融籌辦。且如兵丁等行走兩月餘。卽已到

烏魯木齊。再多行九站。至開展裹帶口糧。有何不

可以。多行數日之故。紛紛文移往復。互相推諉。並

不從公事籌畫。而各爲其身計。近來大臣辦事。往

往如此。永貴阿里衮吳達善俱著傳旨嚴行申飭。

永貴係承辦之人。尤爲非是。著將軍機大臣所議。

交永貴等遵照辦理。前因永貴在軍營有年。派書

平定縣縣志卷之二十一

三

山往代。恐伊初到。不諳事體。永貴不必急於來京。

俟辦理軍務竣事。再行請旨。

丙申。

雅爾哈善等疏奏阿克蘇回衆乞降。

雅爾哈善等奏言。八月二十日。卡倫侍衛奎瑪

岱等。送到阿克蘇回人圖拉克。圖拉克拜呈獻

頭目摩羅阿舒等降文。隨將來文譯出云。謹

呈

天朝領兵將軍等。自阿克蘇城之摩羅阿舒爾阿璋

等。及管領千人之伯克。大小共聞。數年來。霍集

占凌虐回人。勉聽役使。今大兵來臨。正我等之

幸。昨因與霍集占離隔。以致被攻。若大兵不來。

必遭其害。爲此謹呈等語。臣等獎以言語。給以

飲食。詳加詢問。據稱霍集占從庫車逃往阿克

平定縣縣志卷之二十一

三

蘇時。將拜城回人。移往和闐。烏什。復集葉爾羌

等處。回衆三千五百。合阿克蘇烏什之衆一千。

起程向賽里木。再援庫車。伊之哨探人等。望見

大兵行塵。報知霍集占。頗爲惶恐。領衆回阿克

蘇。暫駐。欲將阿克蘇回人。亦移往烏什。人皆閉

城不從。霍集占怒。於本月十七日。率衆攻城。城

中放鎗拒敵。殺十數人。用事之伯克瑪瑪第畢

呈野木亦在其內。霍集占逃往烏什等語。臣等

撫慰圖拉克給以印文。令其先回。又卡倫侍衛

達克塔納。送到阿克蘇回人瑪瑪特呼里。稱係

總管色梯巴勒氏一族。隨經識認。據稱霍集占

乘怒殺瑪瑪特呼里之兄弟三人。伊以逃避獲

免。乞降屬實。臣等派兵五百名。令端濟布等同

伯克鄂對等。於二十一日起程。本日據遣往兆

平定準噶爾方略正編卷之二十一

三

惠軍前之厄魯特侍衛察罕。庫本。同兆惠遣來

侍衛成果到營。告稱兆惠於二十六日。可至拜

城。共期成事。奏入。

上諭軍機大臣曰。阿克蘇回人。當霍集占敗逃。卽已

閉城拒敵。斯時雅爾哈善若早爲進兵。不特回城

久已降附。而逆賊方與回衆爭鬪。乘機剿殺。卽擒

獲亦未可定。此次乞降。豈雅爾哈善之力。可傳諭

兆惠仍遵前旨。將雅爾哈善擊問。看來回衆俱懷

二心。我兵所至。自必相繼迎降。兆惠其迅速前進。

遵照節次諭旨。奮勉辦理。又

諭曰。雅爾哈善遣赴兆惠軍前之厄魯特侍衛察罕

庫本。行走甚爲迅速。著傳諭兆惠查伊現在侍衛

等次。加陞一級。俟軍務告竣。將伊戶口查出。令其

完聚安插。

平定準噶爾方略正編卷之二十一

三

命敘卹郡王車木楚克扎布所領得功陣亡被傷官

兵。

上諭軍機大臣曰。據扎隆阿奏稱郡王車木楚克扎

布往追恩克。沿途剿殺賊衆。看恩克踪跡。渡哈屯

河藏匿原游牧。亦未可定。請暫回喀阿勒和碩支

給口糧。俟冬季雪後追捕等語。車木楚克扎布甚

屬奮勉。卽照伊所請辦理。所領官兵內。有得功及

陣亡被傷者。查明酌量送部。議敘議卹。

丁酉。

申諭定邊將軍兆惠等會兵速平回部。

上諭軍機大臣曰。現在阿克蘇城。已經歸附。看來各

城自必相繼迎降。可傳諭將軍納穆扎爾。叅贊大

臣三泰。帶領索倫察哈爾及健銳營官兵之副都

統福祿侍衛訥齊訥豐安等。速行前進與兆惠會

平定縣志卷之三十一

七

合。仍諭永貴等。將官兵糧餉。速為辦給。既合兩路

大兵。又益以三隊勁旅。聲勢倍加雄壯。回衆聞風

震懼。今歲可告成功。朕佇待伊等捷奏。兆惠專膺

閩寄。其率先奮勉。以副朕懷。又

諭曰。昨以阿克蘇乞降。諭布魯特使臣等。據奏波羅

泥都霍集占等從前得脫回巢。以阿卜都瓜卜為

葉爾羌伯克。其長子阿卜都薩塔爾亦為阿克蘇

伯克等語。查雅爾哈善原奏。無阿卜都薩塔爾之

名。摩羅阿舒爾等。是否將伊殺戮。及拏獲送京。兆

惠卽查詢具奏。

戊戌。

諭大學士管陝甘總督黃廷桂等。辦給口糧。駝隻等

事宜。

上諭軍機大臣曰。據黃廷桂奏稱。踏勘運糧道路。若

平定縣志卷之三十一

八

由巴里坤。有博爾圖等處。山徑險阻。車不能行。等

語。大兵進剿。糧運攸關緊要。但昨據雅爾哈善奏

軍行已至賽里木。計田野收穫。可得七千兵三月

之糧。尚不至窘迫。可傳諭黃廷桂。軍營糧餉。固宜

陸續接濟。亦不必過於張皇。既據稱哈密一路。可

以運往。祇須酌量情形。源源轉運。又所奏塔勒納

沁。試種豌豆。已有成效。塔勒納沁。既可種豆。由此

推之闢展吐魯番托克三烏魯木齊等處。想皆可
以試種。若得成熟。於牧養更為有益。可傳諭承貴
等將闢展等處節候地氣。測驗確實。即於明春佈
種。所需籽粒。即向黃廷桂咨取。照數辦給。又

諭曰。黃廷桂奏於安西甘肅各營孳生駝隻內。揀得
四百有奇。送往哈密巴里坤應用。現在供應大兵。
尙無貽悞。候直隸山西購解到日。即行揀送等語。

平定準噶爾方略正編卷之六十一

五

看來所有駝隻。祇足遞運糧餉器械。而進剿兵丁。
則不敷派撥。是以黃廷桂請於官兵額支馬匹外。
再給馱馬一匹。此次進剿回部。沿途城堡可居。非
若與準噶爾等野戰。必須馱載帳房器什也。况回
人等乞降相繼。官兵到彼。自可立奏膚功。尤應輕
裝速進。以從便捷。領隊大臣侍衛等。至闢展支給
馬匹。不必拘泥成例。俱著傳諭知之。

諭定邊將軍兆惠豫籌駐防事宜。

上諭軍機大臣曰。覽黃廷桂奏摺。有將來平定回部。
仍應駐兵之語。於回地情形。尙未深悉。回部與伊
犁不同。伊犁入我版圖。控制遼濶。不得不駐兵彈
壓。至回部平定後。不過揀選頭目。統轄城堡。總歸
伊犁軍營節制。即從前準噶爾之於回人。亦祇如
此。可傳諭兆惠將來辦里回部。惟於歸順人內。擇
其有功而可信者。授以職任。管理貢賦等事。具奏
請旨。至伊犁則必需大兵駐防。現在作何籌畫。且
由近及遠。以次屯田。俱著於平定後。一併詳悉妥
議具奏。其駐防伊犁大臣。即兼理回部事務。
己亥。

平定準噶爾方略正編卷之六十一

三

命賞給都爾伯特貝勒等銀兩。
上諭軍機大臣曰。此次隨扈木蘭之都爾伯特貝勒

巴桑貝子額爾德尼各賞銀二百兩。貝子奇塔扎

薩克台吉策登策伯克各賞銀一百五十兩。扎哈

沁公扎木禪烏梁海散秩大臣圖布慎各賞銀一

百兩。總管莽噶拉克賞銀五十兩。都統和通賞銀

三十兩。

辛丑。

命暫寬刑部侍郎永貴等議處。

平定縣署署長編卷之十一

三

上諭軍機大臣曰。永貴等追捕盜竊軍需賊人。未能

擒獲。因命交部察議。經該部議以分別降革。但伊

等委員擒拿竊賊未獲。尚非軍營失機可比。永貴

著帶所降之級。仍留刑部侍郎任。定長納世通現

辦屯田事務。若照部議革任。及帶所降之級。留於

軍營。恐不足資彈壓。著仍以現在品級辦事。俟事

竣回京。該部再行請旨。

壬寅。

諭分派辦理屯田事務大員。

上諭軍機大臣曰。前以永貴在軍營年久。命書山前

往更換。今因屯田漸次開闢。添派副都統滿泰。舒

景阿二員。可傳諭永貴等。將現在屯田酌分兩處。

滿泰與書山為一處。舒景阿與納世通為一處。以

便稽察。以專責成。永貴起程時。將印信交與定長。

平定縣署署長編卷之十一

三

所有兩處屯田事務。令其總理。

平定準噶爾方略正編卷之六十二

乾隆二十三年九月甲辰

定邊右副將軍策布登扎布疏奏哈喇哈勒巴

克部落歸誠。

策布登扎布奏言臣之護衛巴圖魯自哈薩克

回營具稟在哈巴木拜游牧遇哈喇哈勒巴克

之庫楚克和卓告稱我等從前被哈薩克搶掠

平定準噶爾方略正編卷之六十二

今聞哈巴木拜等歸順亦情願投誠具呈乞為

轉奏譯其呈文云管哈喇哈勒巴克六萬戶之

庫楚克和卓等大小共議聞得

大皇帝撫納諸部願為臣僕若有逃人即擒拿解送

我等來使因哈巴木拜等不肯導送是以由超

勇將軍之護衛處具呈懇求轉奏等語復將呈

文與哈巴木拜閱看據稱伊等歸誠是實但游

牧太遠難於往返從前但部落人等曾害我阿

布勒哈里之弟布勒哈里我阿布賚等領兵相

攻伊遠移游牧又為布海爾之人搶掠眾各分

散今聞我等歸順亦欲投誠仍回舊游牧我等

亦曾相許等語謹將原文進呈

御覽奏入報

聞。

平定準噶爾方略正編卷之六十二

申諭參贊大臣富德速往策應兆惠

上諭軍機大臣曰據策布登扎布奏稱派員探聽富

德信息知右哈薩克並無哈薩克錫喇於九月初

間可以回抵伊犁又伊等從前遇哈薩克之額爾

類查詢情節據額爾類等告稱哈薩克錫喇因係

舊識未免疎脫現在並不敢藏匿仍依其土俗銜

鎗設誓等語哈薩克錫喇若尚未弋獲或仍在附

近幽僻地方藏匿。不過一賊匪耳。亦何能為。自可徐為訪緝。惟辦理回部最要。可傳諭富德。此時諒已奉到節次諭旨。今阿克蘇又已乞降。即速至彼處。策應兆惠。以奏膚功。策布登扎布仍回游牧休息。所奏郡王羅卜藏多爾濟患病。前已降旨令回游牧。而伊感激思奮。懇請留軍管効力。著加恩賞戴三眼翎。亦著仍回游牧。又護衛巴圖魯前往哈薩克。頗著勞績。著賞緞四端。以示鼓勵。

平定回疆方略卷之三

三

丙午。

定邊將軍兆惠等疏奏阿克蘇回衆歸誠。

兆惠等奏言。臣於八月二十日。輕裝急度阿勒

坦呼斯坦嶺。二十二日。至雪山口。聞雅爾哈善

等已過賽里木。向阿克蘇。臣星馳兩晝夜。約四

百餘里。二十四日五鼓。與雅爾哈善相會。據告

稱已令端濟布領兵五百名前往。臣於二十五日午刻抵阿克蘇。回衆先已歸降。臣領兵巡察。回衆等携子女跪迎。城上鳴鉦擊鼓。雜以管籥。臣等入居公廨。據頭目摩羅阿舒爾等稟稱。霍集占將伊親信之阿布薩塔爾。授為伯克。自庫車敗回阿克蘇時。阿布薩塔爾帶城外數百戶。強行隨往。我等固守。殺伊所屬八十餘人。幸大兵前來招撫。從此永為

平定回疆方略卷之三

四

天朝臣僕等語。臣等曉示云。

大皇帝為天下共主。溥海內外。罔不賓服。屬在遐荒。

撫綏一體。各從本俗。以安生理。準噶爾狡詐。俱

已剷滅。哈薩克布魯特等。盡皆歸附。惟霍集占

悖逆不道。是以興師討罪。爾等被脅附和。本應

從坐。今既悔罪。改誠。謹遵

恩旨待以不死。安堵如故。回衆仰天額手。叩頭稟稱

我等幸蒙撫納。斷不敢稍懷貳心。現在五千餘

戶。約二萬餘人。所有土田。計籽種三四千石。摩

羅阿舒爾阿璋等俱係出家之人。今公議推頗

拉特為總伯克巴巴克等分管事務。伏祈裁奪

等語。隨以食物來獻。臣等受其飲食。還其牲隻。

傳集大小頭目。及與霍集占相拒人等。分別賞

平定津噶爾方略正編卷之五

五

給緞疋荷包茶葉。回衆歡喜叩謝。臣等伏思頗

拉特巴巴克等既為衆所推。擬以散秩大臣鄂

對為總管。伊等副之。并調貝子玉素富辦理事

務。留總兵閻相師領綠旗兵八百名。駐防城池。

收穫糧石。又聞伯克霍集斯及其子漠咱吧爾

在烏什城內。因馳書招撫。一面挑選兩隊官兵

二千八百餘名。以侍衛噶布舒喀喇為前鋒。偵

探霍集占所在。務期擒獲奏入。

上諭軍機大臣曰。據兆惠奏稱大兵已抵阿克蘇。回

衆出降。現在領兵速進。計霍集占不久就擒。朕佇

待伊等捷奏。從前雅爾哈善兵抵庫車。見城堅難

克。卽諉之額敏和卓。朕已料其無成。嗣後奏報紛

紜。茫無端緒。致使渠魁漏網。兆惠進兵時。雖當獎

勵額敏和卓。資其計畫。而奮勇勦賊。仍恃我兵力。

平定津噶爾方略正編卷之六

六

此時霍集占應已逃回葉爾羌。昨詢問侍衛雙全

據奏葉爾羌城中乏水。須從外引入。可傳諭兆惠

如兵至葉爾羌。萬一賊衆仍如庫車之堅守。則先

斷其水道。亦是一策。其或霍集占棄城遠竄。投入

布魯特及痕都斯坦等部落。亦卽速往追襲。毋失

事機。又

諭曰。兆惠奏稱撫定回城。以鄂對為總管等語。現在

招徠新附。令鄂對暫行管理。尚可。若平定葉爾羌。喀什噶爾。辦理安插回衆時。朕意不必用回人爲總管。仍循其舊制。各城分設頭目。統於駐劄伊犁之將軍。再於庫車。派大臣一員管理。若來回部事體將竣。其善後事宜。更當熟籌。妥協。俱著傳諭知之。

諭護軍統領努三等辦理哈薩克貿易事宜

平定回疆方略卷之七

七

上諭軍機大臣曰。努三等奏稱。哈薩克哈巴木拜前遣伊子額特赫。押送布庫察罕之子前來。若便中攜帶貨物。卽酌量交易。至所差納旺。俟與阿布賚相見後。有大夥貿易人等。信息。卽行奏聞等語。從前朕諭伊等。若哈薩克既踰貿易之期。卽將預備商貨。量行發回。今思哈薩克人等。卽今歲不至明年。亦必前來。若將貨物帶回巴里坤。來春復攜往

烏魯木齊。轉覺勞費。可傳諭努三等。將貨物不必發回。卽存貯烏魯木齊。交屯田大臣等派兵看守。豫備來年交易。

定邊將軍兆惠疏奏。審訊雅爾哈善等失機情節。

兆惠奏言。臣奉到

諭旨。審訊雅爾哈善。哈寧阿。順德訥等情罪。分別辦

平定回疆方略卷之八

八

理。臣與雅爾哈善相見。卽傳

旨。收其印信。及節次奏稿。又詰問順德訥。聞有賊衆出城。既不速行稟報。復不悉力追擒。以致縱脫首惡。至雅爾哈善。哈寧阿。係將軍叅贊大臣。信順德訥之策。誘賊出走。並不多派官兵堵截。且聞衆口誼。傳霍集占親援庫車。亦未加意偵探防範。俱服罪無辭。臣傳集闔管官兵遵

旨將順德訥正法雅爾哈善發往屯田處所効力哈

寧阿披甲効力其臺站事務請委三泰接管奏

入報

聞

丁未

諭留察哈爾官兵搜捕嗎哈沁

上諭軍機大臣曰永貴等奏吐魯番公素資滿等報

平定準噶爾方略正編卷之五

九

稱巡查臺站遇有嗎哈沁等追至庫車因大雪迷

踪等語從前永貴等派員追捕盜竊軍需之賊未

能弋獲曾諭將派往軍營之察哈爾兵一千名內

酌留二百名令敏珠爾棟保等帶領搜捕再赴兆

惠軍營今兆惠已至阿克蘇官兵足數調遣可傳

諭永貴除辦給軍營兵八百名照例整裝外所留

兵丁亦一體賞給追捕盜竊臺站之嗎哈沁等務

期盡獲不必馳赴軍營

命發遣順德訥之子於廣東

上諭軍機大臣曰順德訥以達呼里兵丁朕加恩用

為副都統伊在軍前并不奮勉効力以致渠魁倖

脫核其情罪雖業經正法不足蔽辜著將伊子阿

爾棚阿交該部卽發往廣東以示懲戒

命提督董孟馳赴兆惠軍營分管綠旗兵丁賞治裝

平定準噶爾方略正編卷之五

十

銀五百兩

己酉

諭查奏甘肅兵民應行豁免款項

上諭軍機大臣曰甘省牧養馬駝不無賠墊前已特

加恩賞其應行者追之項亦有旨豁免但自去冬

以來辦理回部各省辦送駝驢俱在該省分槽飼

養其承辦各官兵或又有賠墊之處至該省承辦

軍需雖無派累而小民踴躍急公深為軫念所有本年及來年應徵地丁及各年一切積欠已屢經降旨蠲免此外或尚有應行寬免之項俱著貴廷柱查明據實具奏候朕酌量加恩

庚戌

定邊將軍兆惠疏奏伯克霍集斯迎降

兆惠奏言臣領兵向烏什進發先傳檄伯克霍

平定回疆方略卷之三

三

集斯父子令其擒獻霍集占八月二十九日兵

抵哲爾格哲克德駐節霍集斯遣其子呼岱巴

爾氏賁文來迎譯其文云和闐城伯克霍集斯

圖爾璘伯克漢咱吧爾等謹呈從前我等擒獻

達及齊蒙

大皇帝恩旨令波羅泥知與我同取葉爾羌喀什噶

爾居住會遣使隨托倫泰奏明情節詎霍集占

不聽兄言拘留

天使近從庫車回至阿克蘇為眾所拒又欲來圖爾璘我等固守不納願為

大皇帝臣僕至霍集占原有疑我之心將我子姪分

居各城今聞我等歸誠必拏禁我兄阿卜都瓜

卜姪阿布薩塔爾等矣臣等詢呼岱巴爾氏據

稱霍集占同我父自阿克蘇至圖爾璘時城中

平定回疆方略卷之三

三

頭目欲設席誘伊入城擒獻事洩因遣我父入

城令遷其眾於喀什噶爾我父即據城與伊對

敵伊始自行回去等語臣等派侍衛齊凌扎卜

等先往招撫隨領兵速行三十日至圖爾璘之

烏什城霍集斯率眾來迎行抱見禮至大營跪

請

皇上萬安臣兆惠中坐額敏和卓及頭隊大臣侍衛

等列坐。令霍集斯旁坐。以言慰撫。據霍集斯稟稱。霍集占敗逃後。或往喀什噶爾。與波羅泥都相會。或往葉爾羌。俱未可定。二城可集衆一萬人。今若由烏什至喀什噶爾。則山險難行。且伊必由葉爾羌逃往痕都斯坦。哈喇土伯特。拔達克山。不若徑往葉爾羌。伊即在喀什噶爾。既與

布魯特安集延有隙。必不往投。仍從葉爾羌經

平定準噶爾方略卷之三

三

過。大兵截擒較易。至波羅泥都。爲人愿謹。大兵至喀什噶爾。自當歸降。惟將軍裁決等語。臣詢之軍營諸伯克。俱以爲實。至霍集斯以額敏和卓現爲貝勒。稍覺謙恭。其餘伯克鄂對等。俱不加禮。伊係回部望族。若即送來京。恐附逆者益生疑懼。擬遣伊子漠咱吧爾入

覲。留伊隨軍効力。現在招降烏什城回人五千戶。二

萬餘口。臣即領兵先往葉爾羌。一面移檄和闐。派侍衛齊凌扎卜噶布舒。伯克鄂對等前往。其招撫波羅泥都會奉

勅書。但中有擒拏伯克霍集斯阿卜都瓜卜之語。暫擬恭存。先遣霍集斯所屬。詭爲逃人。給與檄文。遣往。奏入。

上諭軍機大臣曰。據兆惠奏稱。伯克霍集斯迎降。而

平定準噶爾方略卷之三

四

陳追擒霍集占之策。即領兵徑取葉爾羌等語。所辦甚合機宜。看來回部諸城。自必聞風歸順。逆賊不日就擒。朕佇聞伊等捷奏。兆惠額敏和卓俱賞給荷包鼻烟壺。俟成功後。再沛殊恩。霍集斯有擒獻達及齊之功。今又歸誠畫策。深爲嘉悅。著加恩錫封公爵。賞戴雙眼花翎。寶石頂帽。天馬褂。荷包鼻烟壺。用示優眷。若能擒獲霍集占。當晉加爵

賞。兆惠即傳旨撫慰。至霍集斯有伊子分居各城之語。似非長策。兆惠宜留心體察。伊從前與霍集

占相助。若回衆有追怨情形。或將伊諸子同居一

城。而伊微覺含怨。即令其入覲。再伊所言分城居

住之故。係霍集占內相猜疑。殊不可信。但既有此

語。不妨即以此藉口。令其同居一城。將來回人中

有毀謗霍集斯者。若係霍集占黨與。自無可疑。或

平定縣志卷之五

五

其人與霍集占不合。而亦怨霍集斯。則情形叵測。

不可聽其久留舊地矣。至波羅泥都即能歸命。亦

不便仍居原處。俟擒獲逆賊時。再行定奪。

定邊將軍兆惠疏奏留兵城守等事宜

兆惠奏言。臣奉到

諭旨。緣旗兵丁。仍留軍營聽用。不必調往屯田。查綠

旗兵不嫻戰陣。馬匹亦甚瘦弱。臣酌量挑選五

百名。令高天喜領隊隨行。其二千餘名。令閻相

師五福等隨後進發。俟克取回城。即酌派數百

名。協同防守。及收穫穀石。較之已調復散。殊省

煩費。再烏什既已歸降。阿克蘇拜賽里木庫車

等處。即同內地。就中阿克蘇尤為衝要。應派大

員駐防辦事。臣一面調取貝子玉素富遊擊職

銜丑達領兵四百名防守。遵

平定縣志卷之五

六

旨。將舒赫德留駐烏什。阿克蘇。其庫車城有叅將王

玉廷。及伯克鄂對之子鄂斯瑞防守。其沙雅爾

城亦令兼管。仍飭舒赫德查核回部貢賦。約束

兵丁。勿令擾累新附。其屯田事務。俟玉素富到

日。再行定議。奏入。

上諭軍機大臣曰。觀霍集斯望風迎降。是回人畏我

軍威。將有擒獻霍集占者。兆惠成功後。亦當稍為

休息。所有駐兵屯田等事宜。自當豫行籌辦。朕意於新派索倫兵二千名。察哈爾健銳營兵各一千名內。派索倫兵一千。察哈爾健銳營兵各五百。共二千名。令納穆扎爾。三泰駐防伊犁。所餘察哈爾等兵各五百。酌派七百。益以綠旗兵三百。共一千名。令舒赫德以頭等侍衛職銜。駐防阿克蘇。仍餘察哈爾等兵三百。益以綠旗兵二百。共五百名。令

平定準噶爾方略正編卷之三

七

鄂實駐防庫車。舒赫德屢獲重譴。鄂實全未効力。此次當知奮勉贖罪。俟駐防數年後。派員更換。若因久戍思家。諸事懈惰。仍當重治其罪。至平定回部後。諒無難辦理。惟派調回人於伊犁屯田。尚須酌量。若回人傷殘者多。且伊等地已足用。自不必勉強從事。如必須派調。則宜乘新定之勢。稍遲。恐伊等安土重遷。反覺滋擾。再北路之塔爾巴噶台

亦宜防守。所餘索倫兵一千。擬令阿桂帶領駐劄。已面為訓諭。新兵既經分駐。舊兵自宜撤回。凡此籌辦大略。可傳諭兆惠酌量情形議奏。命優卹搜捕逸賊陣亡之索倫兵丁。

上諭軍機大臣曰。富德奏據瑚爾起報稱。在阿里瑪圖河搜捕逸賊。索倫兵兆鳴。見厄魯特二賊踪跡。射一人墜馬。其一人鎗刺兆鳴身死。索倫領催約

平定準噶爾方略正編卷之三

六

克什勒圖擒兆鳴射傷之賊。其刺兆鳴賊逃走。為索倫兵拜喇勒圖。追及射死等語。兆鳴著照陣亡例。交部議卹。仍賞伊家銀五十兩。約克什勒圖。拜喇勒圖。賞銀各三十兩。仍交部議敘。

辛亥。

諭定邊將軍兆惠等辦理外藩事宜。

上諭軍機大臣曰。富德奏稱。遇哈薩克之巴魯克。詢

問伊等入覲之索勒屯巴圖爾及貿易人等曾否起程等語。哈薩克布魯特等俱屬外藩。伊等入覲雖藉抒誠悃。亦為希冀賞賚。如果情詞懇切。自應准其來京。候朕酌量加恩。若未經祈請。亦任伊等各安游牧。何必督令前來。可傳諭兆惠納穆扎爾富德等。嗣後外藩入覲。聽其自來。無煩催促。即如貿易一節。從前因豫備軍需起見。今辦理回部業將竣事。無須多辦馬匹。伊等即踰期未到。不妨將貨物存貯。俟其來時。再行交易。亦不可加之催督。於駕馭外藩之道。方為允協。

壬子。

諭辦理伊犁屯田事宜。

上諭軍機大臣曰。從前因辦理回部將伊犁屯田事務。暫行停止。今回部各城。迎降相繼。大功計日可

平定縣志卷之三

九

成。來年駐防伊犁之兵。亦已豫為分派。則屯田以省轉餉之勞。自不可緩。軍營綠旗兵丁。駐防各城。所用無幾。應行派往伊犁。并酌派回人等。令納穆扎爾三泰等辦理屯田。或將魯克察克哈喇沙爾烏魯木齊等處屯田兵丁。移至伊犁。再於內地派出兵丁補缺。可傳諭兆惠納穆扎爾永貴定長黃廷桂等。咨商定議具奏。一面將應辦之事先時豫備。

平定縣志卷之三

二

官兵。

上諭軍機大臣曰。阿桂奏稱領兵由察喇斯路。向汗哈屯追捕恩克。搜剿潛匿幽僻之烏梁海等。索倫兵新達勒圖。努奇察。滿洲。領催阿勒金。兵丁王承義。喀爾喀兵丁和勒本。噶勒藏等陣亡。又溺斃兵

丁一名得傷兵丁十一名已行文成衮扎布造冊送部。照例查辦等語。此次隨阿桂追捕烏梁海之陣亡得傷及効力官兵俱著查明送部。照例議敘。議卹。再所奏拏獲得木齊庫克新疎防脫逃已照例將值班察哈爾護軍班株爾正法。請將營總班珠爾藍翎侍衛布三泰革職留軍營効力贖罪。索倫兵庫塞勒圖等革退。從重治罪等語。營總班珠

平定準噶爾方略正編卷五

三

爾等。此次尚屬効力。應交部議敘。今既約束不嚴。著停止議敘。從寬革職留任。庫塞勒圖等亦免其革退。量加責懲。後不為例。俱傳諭成衮扎布知之。諭巴里坤辦事副都統阿里衮調回阿桂所領年久官兵。

官兵。上諭軍機大臣曰。阿桂奏來京請訓。馳赴西路軍營酌派所領侍衛官員二三名。索倫兵二十餘名將

行裝自布延圖先送至巴里坤等語。阿桂所領官兵久在軍前。自應調回休息。可傳諭阿里衮伊等抵巴里坤。卽令派官兵照看行裝。令其由臺站各回游牧休息。以示體恤。

癸丑。

諭定邊左副將軍成衮扎布嚴拏搶奪卡倫之烏梁海等。

平定準噶爾方略正編卷五

三

上諭軍機大臣曰。昨據舒明奏稱俄羅斯界所設阿噶爾等卡倫被和托輝特之烏梁海等賊人搶奪馬駝。致傷兵丁。已派喀爾喀台吉達瑪林扎卜等會同和托輝特扎薩克達什朋楚克協力擒拏等語。此等烏梁海皆青滾雜卜舊屬。從前應行治罪。因其素性愚昧。特加寬貸。理宜安靜守分。乃敢肆意妄行。情罪可惡。著傳諭成衮扎布於北路索倫

兵內酌量帶領進剿。或卽於喀爾喀派老成歷練之人。以所部兵丁。追獲渠魁。正法示衆。不可致令漏網。

巴里坤辦事副都統阿里袞奏於鄂什奚卡倫。盤獲軍營逃兵。崔文彩。正法。

大學士管陝甘總督黃廷桂。奏於嘉峪關。盤獲

軍營逃兵。李子雲等七名。正法。

平定邊疆方略卷五十一

五

冬十月甲寅朔。

諭定邊將軍兆惠查看回人。阿布薩塔爾踪跡。

上諭軍機大臣曰。昨據兆惠奏報。霍集占自庫車收

回阿克蘇。伊親信之伯克。阿布薩塔爾。將城外數

百戶。相隨向西等語。阿布薩塔爾之叔伯克。霍集

斯業。已歸附。此時伊或與霍集占相絕。自行來歸。

或仍隨霍集占。俱著兆惠查明具奏。

乙卯。

諭大學士管陝甘總督黃廷桂等。糧運駝騾。不必趨送。

上諭軍機大臣曰。據吳達善奏。稱自哈密至關展。共

運送米麵一萬四千七百餘石。又自關展至庫車。

分三起轉運。已行文黃廷桂。購驢五六千頭。於來

春。送至托克三。哈喇沙爾。與駝隻同運糧石等語。

平定邊疆方略卷五十一

五

從前因增派兵丁。諭伊等。遣運糧餉。今回部諸城。

迎降相繼。逆酋計日可獲。所至俱有口糧接濟。不

須內地運送。可傳諭黃廷桂。吳達善等。現在已送

之駝騾。卽於水草佳處牧放。備運伊犁。駐防屯田

兵丁口糧。未送者。卽在肅州等處飼秣。其驢頭一

項。著停止採買。

諭定邊將軍兆惠。酌量調撤富德官兵。

上諭軍機大臣曰。昨以辦理回部將竣。諭策布登扎布回游牧休息。富德候兆惠信息。如霍集占既獲。亦即來京。今回城相繼降附。自不必多煩兵力。但相距遼遠。現在如何辦理。尚需富德之兵否。可傳諭兆惠酌量兵力。如必資協助。即調富德領兵前進。若實在可以不須。亦行文富德將所領官兵撤回游牧。即遵前旨來京。但不可因有諭富德來京之旨。揣摩拘泥。仍將現在情形。作速奏聞。

平定準噶爾方略正編卷之三

五

丁巳。

諭定邊將軍兆惠等。查勘布魯特游牧邊界。

上諭軍機大臣曰。布魯特人覲使臣等奏特穆爾圖淖爾。係伊等舊游牧。懇請賞給。朕諭云。雖爾等舊游牧。久被準噶爾所侵。豈可仍視為爾土。但爾等既為臣僕。此地頗屬寬闊。或附近游牧之處。酌量

賞給。以裨生計。尚屬可行。俟交將軍大臣等查奏後。再降諭旨。可傳諭兆惠富德。若遇布魯特使人。即遵照宣示。兆惠等若知此地原委。即指明具奏。如未深悉。可派員詳悉查勘。除附近伊犁。及尚可屯田之處。斷不輕與。或附近伊等游牧荒廢無用者。酌量指給。仍須詳定邊界。兆惠富德若仍有回部未竣事務。即令納穆扎爾到伊犁時。遵照辦理。

平定準噶爾方略正編卷之三

五

戊午。

上御太和殿受朝。布魯特使臣車里克齊等隨班行禮。

諭參贊大臣巴祿查奏圖倫楚等追賊信息。上諭軍機大臣曰。據永貴奏稱。奉到飭諭圖倫楚等。速勦阿巴噶斯哈丹餘孽之旨。已派員買送。據圖倫楚達禮善敏珠爾多爾濟等云。爾等且先回。俟

到烏魯木齊再行呈報。又據達里善報稱現在往會巴祿等語。伊等所報甚屬糊塗。前申飭圖倫楚之旨。曾諭令於賞送人員之便。即行回奏。乃迄今杳無信息。且達里善等與巴祿何日分兵。亦未奏及。可傳諭巴祿圖倫楚達里善。此時曾相會否。至辦理厄魯特餘孽。已飭催數次。何以未見奏報。一併作速奏聞。

已未。

平定邊疆方略卷之三

三

申諭定邊左副將軍成袞扎布等。嚴拏盜竊卡倫賊匪。

上諭軍機大臣曰。成袞扎布等奏稱和托輝特之烏梁海等。搶奪阿噶爾等卡倫馬駝。即行知舒明等派莫泥扎下。向公多爾濟策登查拏。伊亦就近馳赴和博克薩里等處。搜捕哈薩克錫喇等語。舒明

等昨奏烏梁海搶奪卡倫。即諭令悉力查拏。今成袞扎布已派道請練之員前往。甚合機宜。至石哈薩克節經奏報。并無哈薩克錫喇信息。成袞扎布不必前往。即遵旨回烏里雅蘇台辦事。又

諭曰。成袞扎布奏。巴爾魯克卡倫。拏獲厄魯特別楚克烏勒木濟德勒格爾等。俱係索倫官兵奴僕。偷竊牧羣馬匹。從巴里坤逃出。除審明正法外。其所

平定邊疆方略卷之三

三

竊馬匹。送交原主識認等語。著傳諭阿里袞此等賊匪。是否官兵奴僕。抑或西路逃來之嗎哈沁等。若實係奴僕。則辦事大臣等全無稽查約束。可知至所竊之馬。為官為私。亦當詳悉查問。嗣後官兵等奴僕。務宜嚴加約束。有逃走滋事者。即行嚴拏正法。

諭定邊將軍兆惠等。酌量新派官兵。行走緩急。

上諭軍機大臣曰。據領健銳營兵之侍衛豐安等奏。稱奉到速赴軍營諭旨。計日行百里。十月十二日。可抵哈密。十一月十七日。可抵阿克蘇等語。從前因辦理回部。未悉情形。恐急須策應。今各城相繼迎降。度軍營官兵。已足竣事。增派健銳營等官兵。原為豫備屯戍。若行走過急。致勞馬力。轉於事無益。可傳諭兆惠。此時若霍集占業已就擒。不需多兵。即行文豐安等。令其從容行走。併傳諭豐安等。通行各隊侍衛官員等知之。

平定準噶爾方略正編卷之三

无

諭酌定回人貢賦。

上諭軍機大臣曰。準噶爾從前所收回人貢賦。曾經詢問恩克博羅特等。開單呈覽。今詳閱伊等繕寫各款項。不過就其一時記憶。並無細數。殊屬蒙混。不足為據。即詢之回人。亦未必肯以實告。現在軍

營効力之厄魯特回人內。必有知者。可因使傳諭兆惠。令其留心查詢。噶爾丹策零時。每年回部所輸何物。其數若干。逐一開載。俟大功告成。酌定貢賦時。易於辦理。

辛酉

諭定邊左副將軍成衮扎布等。辦理追捕逃匪等事宜。

平定準噶爾方略正編卷之三

三

上諭軍機大臣曰。據成衮扎布奏。爾安哲呼倫貝爾之厄魯特明噶特得木齊和里木等。攜帶眷屬十餘口。逃出納林喀喇等卡倫。隨派侍衛占丕薩及都爾伯特之王公扎薩克等。追至烏喇古木河。為都爾伯特公巴圖孟克等。追及於夜間突圍逃脫。已率領副都統栢起親往追捕等語。昨諭成衮扎布。向烏里雅蘇台辦事。今既親往追捕逃人。即不

必拘泥前旨。舒明亦不必來京。且暫駐烏里雅蘇
台辦事。至所奏公巴圖孟克等。以六衆圍守十餘
人。尚致逃脫。已嚴加斥責等語。此在侍衛占丕薩
等。自宜以軍紀約束。至都爾伯特王公。俱係新附。
奉調從行。即屬恭順。自可毋庸斥責。仍量加賞賚。
又

諭曰。成袞扎布。奏主事明山。扎薩克台吉根敦。二等

平定羅噶爾喀馬驛至

三

侍衛七格等。追捕偷竊臺站馬匹。賊匪未能弋獲。
請交部察議等語。自應如所請行。但明山等於追
賊之便。搜勦嗎哈沁等。頗屬奮勉。功罪尚可相抵。
著從寬免其察議。此係特恩。不得援以為例。其陣
亡之驍騎校老格者。加恩交部議卹。

壬戌。

諭護軍統領努三等。辦理貿易哈薩克馬匹。

上諭軍機大臣曰。據努三等奏稱。哈薩克哈巴木拜

查送布庫察罕之子。帶馬三百餘匹。於九月十七
日到烏魯木齊貿易。其阿布查等。俟伊等回抵游
牧。再行遣人前來。請將貿易馬匹。交與永貴納世
通。以備調撥等語。此次所得驕馬。可傳諭努三等。
與永貴商酌。或解送軍營。或令新派官兵。乘騎前
往。其兒騾馬。留於屯田處所。加意牧放。將來孳生
蕃息。便成好牧羣。嗣後貿易馬匹。即照此辦理。
諭。參贊大臣扎隆阿等。補給烏梁海內大臣察達克
兵丁口糧。

平定羅噶爾喀馬驛至

三

上諭軍機大臣曰。扎隆阿等奏稱。准參贊大臣莽古
賚郡王車木楚克扎布等。支領口糧。已經辦給。其
烏梁海內大臣察達克所領兵五十名。非初次出
兵可比。應不准支給等語。察達克等內附未久。於

恩克逃走時。卽領兵往追。擒獲阿喇善及恩克屬人等。今又領兵追捕恩克。頗為効力。乃停其支領口糧。殊屬拘泥。著仍照上年之例。一體賞給。

命軍侍衛圖倫楚職留軍營効力贖罪。

上諭軍機大臣曰。據永貴奏稱圖倫楚等呈報伊等

自托多克領兵向額林哈畢爾噶之北。又冒雪踰

孟庫圖嶺。分兵於昌吉和托畢朱爾都斯空格斯

平定準噶爾方略正編卷之三

重

喀什波羅和羅等處。搜捕逸賊。會合巴祿之兵等

語。圖倫楚達禮善等前追哈丹阿巴噶斯餘黨。因

阻水却回。朕已降旨詰責。今雖據稱於各處徧行

搜捕。不過徒勞馬力。若早能疾躡賊踪。當不至此。

可傳諭巴祿俟圖倫楚等相見時。除斂珠爾多爾

濟達禮善已經革職。仍將圖倫楚革去侍衛職銜

留於巴祿隊內。効力贖罪。

叅贊大臣永貴疏奏。布魯特使臣哈畢啟病故。

永貴奏言。布魯特使臣哈畢啟以病留養。九月

二十六日。據遊擊傅明阿報明病故。其從役等

照伊部落之禮殯葬。候使臣舒庫爾歸程。酌量

辦理。奏入。報

聞。

平定準噶爾方略正編卷之三

吉

平定準噶爾方略正編卷之六十三

乾隆二十三年冬十月癸亥。

申諭定邊將軍兆惠辦理回部事宜。

上諭軍機大臣曰。兆惠奏稱伯克霍集斯將烏什所

屬之布魯特頭目噶第。喚至軍營。據告稱從前霍

集占領衆三千經過。隨行人等。俱甚困憊。有毀棄

軍器。宰殺馬駝者。怨聲載道等語。賊黨俱已離心。

平定準噶爾方略正編卷之六十三

大功自可立奏。至從賊人內。有霍集斯之兄姪。此

時若自拔來歸。應加恩賞。卽或後時降附。亦爲寬

貸。惟阿卜都克勒木。斷不可宥。至前諭庫車阿克

蘇等處。分兵駐劄。原爲護視回人起見。並無勞敝

伊等之處。恐風聞妄生疑懼。可傳諭兆惠等。務宜

明白曉示。再此兩處駐防。有無裨益。或暫行一

年。或可垂之永久。俱著悉心籌畫。其中戊寅賦等

事亦卽酌定。仍遵旨來京交納穆扎爾等辦理。

甲子。

以預備軍營馬匹。及移駐官兵等事。

諭定邊將軍兆惠等。

上諭軍機大臣曰。兆惠等軍營馬匹。俱長途跋涉。若

功成奏凱。乘騎疲乏。於回衆觀瞻。非體。已傳諭阿

里袞。示貴在巴里坤牧養馬內。挑選二千匹。送至

平定準噶爾方略正編卷之六十三

庫車。備兆惠等行文調取。亦使回人知我兵力。若

非迎降相繼。自必陸續調撥。斷不中止。至所派官

兵。駐防庫車。阿克蘇等處。仍遵前旨。惟伊犁駐防

兵二千。塔爾巴噶台一千。此時且不必前往。或就

近在吐魯番。關展或巴里坤過冬。俟來年再行進

發。旣便於糧運。而官兵亦得少爲休息。併傳諭黃

廷桂知之。又

諭曰。昨據兆惠奏稱伊等度阿勒坦呼斯坦嶺時官兵有中滾石身死者。又伊犁河水漲時騎牽馬駝浮渡。亦有溺斃數人等語。官兵急公殞命。深屬可憫。著照陣亡例議敘。此次兆惠所領官兵行走殊屬奮勉。從前議照進兵例減半賞給。著加恩給以全賞。卽將大臣侍衛官員等職名開列具奏。命副都統范時綬前往屯田處協同定長辦事。

平定準噶爾方略正編卷之三

三

丙寅

諭參贊大臣巴祿等議敘搜剿逸賊官兵。仍另派索倫兵剿賊。

上諭軍機大臣曰。巴祿奏稱領兵分路搜剿嗎哈沁等至扎木巴拉布拉克之源。探有賊踪。署筆帖式四達色奮勇衝擊。剿殺五十餘人。計陣亡兵三名。得傷兵二名。又喀喇沁參領賽圖於圖爾根察罕

烏蘇。剿賊四十餘人。計陣亡官一員。兵六名。得傷兵十名。察哈爾護軍錫喇卜。現未回營。覓尸無獲等語。此二次搜剿嗎哈沁陣亡得傷官兵。俱著交部議卹。議敘四達色原係健銳營前鋒。著加恩授為護軍校。遇缺卽補。其賽圖等効力官兵。俱著造冊送部議敘。仍傳諭巴祿伊所領兵丁。久應更換。若未能卽殲逸賊。可回抵烏魯木齊。照富德兵丁例賞給遣回。現在辦理回部將竣。新派索倫兵。尙未効力。巴祿卽選派五百名。每人給馬三匹。裹糧前往。凡藏匿之嗎哈沁及哈丹阿巴噶斯餘賊。盡行搜捕。剿除。併傳諭永貴阿里。袞知之。

平定準噶爾方略正編卷之三

四

戊辰

諭定邊將軍兆惠等會同進兵事宜。上諭軍機大臣曰。兆惠奏稱從卡倫擒獲回人等據

供霍集占將多倫回衆移往葉爾羌等處隨將橋

道燒燬伊等逃至舊地掘埋藏糧食以度日等語

當此冬寒水涸時橋梁雖毀我兵或浮渡或拴筏

無不可者兆惠宜努力前行乘回衆離心渠魁目

當就縛昨已促富德前往會合兆惠惟酌量行文

調取至回人多有窖藏糧食者軍行所至須留心

誘詰以資接濟又所奏巴爾楚克爲葉爾羌喀什

平定縣志卷之三十三

五

噶爾要路恐兵抵葉爾羌後賊衆乘隙擾我臺站

已留兵駐防等語富德須沿途訪問若兆惠尙未

成功卽由巴爾楚克領兵攻取喀什噶爾俾賊見

兩路有兵自然瓦解成功愈速矣俱著傳諭知之

諭大學士管陝甘總督黃廷桂酌派屯田差遣官兵

上諭軍機大臣曰據永貴奏行文黃廷桂派參將遊

擊等官二三員千把總等官四五員以備差委并

酌派應差兵役二三百名又闢展同知伊星阿一

人管理收支等事未免竭蹶請添派諳習糧務同

知二員雜職二員協辦等語屯田伊始差務頗繁

所需官員自不可少至聽差兵役等則現在屯田

兵丁未必日事耕作自可通融調換何必多爲添

派可傳諭黃廷桂永貴所需文武官員照數發往

再派兵一百名以備差遣

平定縣志卷之三十三

六

命陞賞署章京達爾扎桑等

上諭軍機大臣曰永貴奏喀喇沁臺站署章京達爾

扎桑隨兆惠西路出兵奉委巡查臺站節次剿殺

嗎哈沁頗屬奮勉等語達爾扎桑著加恩授爲監

翎侍衛伊招降之厄魯特收榜額巴泰亦著有勞

績又屯田副將張兆潘著把總戴謹等擊獲逃兵

馬順正法俱著永貴酌量賞給以示鼓勵

己巳

諭大學士管陝甘總督黃廷桂等酌辦伊犁屯田事宜。

上諭軍機大臣曰。閱黃廷桂所奏伊犁屯田一摺。未免有竭蹶從事情形。如請將駐防官兵。及烏魯木齊屯田兵丁。於今冬由哈密起程前往。方可無悞。春耕等語。果能如此。自屬有益。倘實難猝辦。則隨時籌畫。朕亦不必以從事稍緩。遽加督責。但不得因此遂生作輟之意耳。現在烏魯木齊屯田漸廣。所獲穀石。酌量運送伊犁接濟。可省甘肅哈密等處轉運之煩。黃廷桂惟辦給烏魯木齊屯田籽種。其伊犁屯田。則從回部凱旋綠旗兵丁。自可留用。此外或酌派回人同往。庶人不勞而事易集。墾得一畝。即收一畝之用。總之辦理屯務。惟在該管大

平定準噶爾方略正編卷之三

七

臣相度事勢。次第辦理。如烏魯木齊人力有餘。自可量為抽調。或不足。亦不必勉強。前諭所云由近及遠。意正在此。無取過為周章也。又

諭曰。黃廷桂等議伊犁屯田之奏。辦理甚覺周章。已諭令隨時酌量。不必竭蹶從事矣。但伊犁現議駐兵。兆惠納穆扎爾等辦理回部事竣。即可調綠旗兵及回人等。酌量派出籽種。前往伊犁耕作。以濟軍食。即籽種無多。亦就其足敷應用者。施功。若仍未能設措。亦不必拘泥。可傳諭伊等。令其作速奏聞。

命厄魯特侍衛碩通在叅贊大臣阿桂隊內行走。

上諭軍機大臣曰。阿桂奏稱厄魯特侍衛碩通在軍營殊屬奮勉。今仍懇隨往西路等語。著准其所請。碩通既於布延圖候與妻子相見。可傳諭扎隆阿。

平定準噶爾方略正編卷之三

八

將伊妻子查出酌量辦給資裝發往察哈爾居住。伊安插家屬後仍即來京。再赴阿桂隊內行走。西路現無急應前往之事。該總管等亦不必過於催迫。併傳諭知之。

命侍衛奎薩等撤回本處休息。

上諭軍機大臣曰。西路所有舊兵。現俱更換。隨阿桂

前來之侍衛奎薩索倫兵。亨申禪新俱久在軍前

平定縣縣志卷之三

九

行走。著賞銀各二十兩。馳驛回至本處休息。仍傳

諭綽爾多遇有驍騎校缺出。即將亨申禪新補用。

辛未

諭叅贊大臣富德酌量策應兆惠巴祿等。

上諭軍機大臣曰。據富德奏稱奉到前往阿克蘇諭

旨。即領兵速進。一抵烏魯木齊。先選健兵數百名。

策應兆惠餘兵及後隊疲乏者。行文永貴辦給馬

匹口糧。陸續進發等語。現屆寒冬。冰雪之時。自不

便由穆素爾嶺行走。即從烏魯木齊取道亦可。但

前諭云。若兆惠大功已成。富德即來京。現在傳聞

阿巴噶斯哈丹餘賊。回博洛和羅藏匿。若領兵掩

襲。自可盡殲。已傳諭巴祿於新到兵丁內。酌派五

百名。前往搜捕。富德若得兆惠成功之信。亦酌派

新兵策應。巴祿事竣。即可回京。不過紆迥一兩月

平定縣縣志卷之三

十

程期。其舊兵交與永貴等沿途辦給資裝。各回本

處。富德其悉心奮勉。勿以伊母為念。朕適從圓明

園進宮。伊母迎駕。甚屬康健。曾加恩賜。併著傳諭

知之。

叅贊大臣富德疏奏查獲叛賊吞圖布首級梟

示。

富德奏言。臣於九月初三日。領兵至扎哈喀喇

烏蘇擒獲布庫努特之塞塔爾等。據供去年隨吞圖布逃走。與同行六人謀殺吞圖布。欲投大兵。適遇巴圖爾烏巴什之游騎。即將吞圖布首級裹以馬皮。埋於中察罕烏蘇。後巴圖爾烏巴什欲殺我等。我乘間脫逃等語。隨派侍衛額爾登額帶塞塔爾等前。往照所指之地。掘出頭骨一具。係馬皮包裹。即於衝要路口樹上懸牌。臬示。仍將塞塔爾送往巴里坤。以備詢問。奏入。報

平定準噶爾方略正編卷之三

十二

聞。

壬申。

申諭定邊將軍兆惠等。分辦屯田事務。

上諭軍機大臣曰。適因黃廷桂咨商兆惠。永貴辦理屯田。朕已諭令專辦烏魯木齊籽種。其伊犁屯田事務。交與兆惠等。於回部酌派籽種農器運往矣。

伊犁屯田原為駐防兵丁糧餉起見。伊等乘騎馬匹。稍為休息。自可助耕。如有不足。則輔以人力。但回人甫經平定。派出籽種時。或即抵應納之貢賦。至農器則給以官價。若仍有未便。亦從容籌畫。不可勉強從事。

癸酉。

定邊左副將軍成袞扎布疏奏擒獲逃犯和里木。

平定準噶爾方略正編卷之三

十三

成袞扎布奏言。前因安插呼倫貝爾之明噶特得木齊和里木等脫逃。隨派獎賞孔雀翎托爾蘇岱等領兵追捕。臣復領兵親往。十月初二日。據叅贊大臣莽古賚等報稱。總管莽噶拉克之子扎巴罕等於九月三十日。在伊勒登鄂岳克將和里木擒獲。初四日解至軍營。據供因口糧

斷絕。起意往阿爾台烏梁海處就食。帶男婦十

六口同逃。沿途有兵追捕。俱以行術致雨迷踪

得脫。并拏獲所遇人等。訪問馬羣處所。偷竊更

換。沿途殺害多人。惟導引者。仍行釋放。行至努

肯穆倫。遇莽噶拉克之子。領數人追捕。是時同

行。只餘四人。俱已投降。遂被擒置馬上。中途縛

解。逃匿山谷。旋思無地可往。遂就擒獲等語。謹

平定邊疆方略卷之三

十三

將和里木嚴加看守。派藍翎侍衛素魯克沁等

押解送京。其奮勉擒賊。係莽噶拉克之子扎巴

罕。哈克圖之子。巴雅爾圖。及其從弟瑪爾扎克。

章京索濟克烏巴等。俱酌賞緞疋。効力兵丁二

十七名。各賞給布茶煙草。奏入。

上諭軍機大臣曰。成衮扎布此次追捕逃犯和里木

等。甚合機宜。素魯克沁。托爾蘇岱。俱授為三等待

衛。扎巴罕。巴雅爾圖。著賞戴孔雀翎。加賞緞二端。

索濟克烏巴。瑪爾扎克。亦加賞緞二端。効力兵丁

等。加賞銀各五兩。仍以恩旨傳諭伊等。俾知鼓勵。

乙亥。

飭諭提督豆斌。前赴兆惠軍營。

上諭軍機大臣曰。豆斌巡查臺站。搜捕餘賊。已踰一

載。前後所報拏獲嗎哈沁。不過一二。無關輕重之

平定邊疆方略卷之三

十四

人。即如所奏特伯爾古臺站。既有厄魯特盜馬之

事。乃並不親身查辦。僅委侍衛五恰守備馬守全

等。前往搜緝。甚屬無能。豆斌著遵照前旨。即速前

往軍營。帶領綠旗官兵。聽將軍兆惠調遣。

丙子。

命哈密辦事巡撫吳達善等各回本任。

上諭軍機大臣曰。前因哈密有健銳營官兵經過。及

運送糧餉等事。命吳達善、德舒等前往辦理。德舒於官兵經過後，即隨往庫車辦事。今官兵既已經過，而糧餉亦皆運送。德舒即遵旨前往庫車。吳達善著回原任。五吉前往巴里坤，隨阿里衮辦事。其哈密事務，仍令巴里坤大臣等兼管。

丁丑

諭巴里坤辦事副都統阿里衮將厄魯特降人巴泰

等送京

平定準噶爾方略正編卷之三十三

十五

上諭軍機大臣曰：永貴奏稱喀喇沁署章京達爾扎桑招降厄魯特巴泰、巴魯及伊等妻子，俟送至巴里坤時，照例辦理等語。巴泰等降附後，隨達爾扎桑搜捕嗎哈沁，効力行走。伊等至巴里坤時，著阿里衮酌量資給送京。

己卯

命議敘送馬官兵及量賠倒斃牛隻。

上諭軍機大臣曰：扎拉豐阿等奏稱護送軍需馬牛羊隻至巴里坤，查得商都達下遜、淖爾等牧羣送馬六千匹，全數交收。上駟院所送馬匹及牧羣羊隻雖有倒斃，不及原定一成之數。惟牧羣所送牛六千三百隻，染疫倒斃，踰額一千五百九十有奇。應著落解送官兵賠補等語。此項解送軍需馬匹、羊隻，或全數無虧，或倒斃不及分數。牧羣官兵殊屬勤慎，著查明議敘。至倒斃牛隻踰額，雖云染疫，究係牧養疎忽，自應照所奏賠補。但獲咎尚屬有因，著加恩作為二成，准其銷算。其餘應賠牛隻無多，事關軍需，未便概行豁免。著寬限三年，令副牧長額林沁等及牧羣兵丁分賠完項。似此從寬辦理，特念伊等効力行走之故，可傳諭知之。

平定準噶爾方略正編卷之三十三

十六

命吐魯番公素賚璠回游牧休息。

上諭軍機大臣曰。前因臺路未清。派素賚璠領回兵巡查搜捕。今已派敏珠爾等前往。則回兵可以不需。可傳諭永貴。即令素賚璠領兵回伊游牧。伊等往來頗久。仍酌量賞給。俾得專治耕作之事。

辛巳。

辦理屯田侍郎永貴等疏奏秋收分數。

平定邊疆方略卷之三

七

永貴等奏言。本年闢展等五處屯田兵三千六百名。今屆收穫之期。看得地有肥瘠。穀分豐歉。米麥合算通計。是屯田三萬三千五百四十五畝。每畝收穫一石九斗至一石四斗不等。共收穀三萬七千三百四十餘石。以去年每畝一石四斗計之。增出五升至三斗六升不等。共多收六千七十餘石。所收穀石。次年自闢展至哈喇

沙爾烏魯木齊新舊兵丁。又烏魯木齊附近額

林哈畢爾噶羅克倫昌吉至西托摩楚克等處新兵。共需籽種一千五百二十石。餘穀三萬五千八百二十六石。碾米一萬七千九百十三石。共數官兵跟役九千一百九十人。口糧七個月有奇。其不足之數。次年所種小麥青稞。六月內即可收穫。以資接濟。奏入。

平定邊疆方略卷之三

十八

上諭軍機大臣曰。永貴等所奏闢展等處屯田收穫分數。看來祇敷屯兵口糧。其伊犁駐防官兵。仍需籌畫。可傳諭兆惠。遵照節次諭旨辦理。至從前屢諭永貴等。確查收成分數。除新舊屯田兵丁外。尙足敷幾千人之食。伊等遲久方奏。微覺難於籌辦。不思內地農民。何以畝有餘糧。蓋由家長善於勸課。且食用撙節。毫無欺隱耳。兵民雖異。其理則同。

永貴其悉心經畫於軍需自有裨益。

壬午。

申飭提督豆斌。

上諭軍機大臣曰。豆斌奏稱派員從北山一帶巡查賊人踪跡。於西大山溝內搜得馬匹。行至山嶺天降大雪。無處尋覓等語。所奏甚屬謬誕。搜捕逸賊。係豆斌專責。既得被搶之馬。卽此便是賊踪。急宜

平定準噶爾方略正編卷之三

九

盡力追襲。雖遇大雪。賊又豈能飛行絕跡。乃稱跋涉瞭望。全無影響。是必待賊人自來束手就縛耶。向來綠旗惡習。專以欺謊文其選悞。豆斌受任以來。申飭不啻再三。總未見努力辦理一事。卽如奏內情形。是賊既窮蹙。而猶致令遠颺。其自述無能之狀。可謂曲盡矣。可見此事不應付之若輩也。豆斌著傳旨嚴行申飭。

癸未。

諭黑龍江將軍綽爾多酌辦明噶特等尸口。

上諭軍機大臣曰。據擒獲逃犯和里木供稱伊所屬九十餘人。除無食餓斃及賣身與人外。尚有七十餘人。伊母妻亦在內等語。著傳諭綽爾多查明和里木母妻及同逃人等家口。若分賞官兵。卽嚴加管束。如未賞。卽解送來京。給與王大臣等爲奴。至

平定準噶爾方略正編卷之三

三

所供逃走之二十餘人外。尚有四十餘人。若忍饑待死。殊屬可憫。宜酌量施恩。稍爲賑濟。仍曉示伊等。因其不敢妄動。故蒙恩卹。若似和里木逃走。早已正法。嗣後各謀生理。安分度日。稍可自給。卽無庸糜費。

十一月甲申朔。

上駐蹕南苑。右部哈薩克使臣卓蘭等來朝。

賜宴。

命扈從王公大臣等與宴。

索倫獎賞藍翎林保厄魯特獎賞藍翎齊里克

齋以護送哈薩克使臣來京俱

授為三等侍衛。

乙酉。

諭辦理屯田侍郎永貴等巡查闡展至阿克蘇臺站。

平定縣志卷之三

王

上諭軍機大臣曰永貴等奏稱健銳營索倫等兵於

十月二十等日經過闡展等語新兵既已經過屯

穀亦皆收穫惟兆惠軍前奏報二旬未到或因臺

站稍有羈遲可傳諭永貴揀派兵丁由闡展至哈

喇沙爾庫車阿克蘇一路稽察臺站中途遇有軍

營捷音作速馳奏仍即轉回。

侍衛蒙古勒岱解送逆賊阿睦爾撒納之姪伊

什扎卜至京

命免其緣坐仍隨塔什罕使臣回給與買主并賞伊

主緞一端。

辦理屯田侍郎永貴等疏奏預備穆壘等處屯

田事宜。

永貴等奏言來年自額林哈畢爾噶之穆壘羅

克倫昌吉等處屯田要在先興水利水之多寡

平定縣志卷之三

王

又視泉源之高下強弱本年托克三哈喇沙爾

二處因無熟悉水利之人殊費經畫查穆壘至

庫爾奇勒十六處俱係勞三等率道員薩瀚原

任道員成德詳勘來春屯田兵丁耕作時請派

出一員前往指示又舊居穆壘等處今賞給肅

州一帶官兵之厄魯特等有能識泉源者請揀

發數人以備差遣更有裨益至屯田八百餘里

用兵萬人。收支所獲穀石。請揀發同知通判一員。雜職四員。分司出入。仍以原任布政司控穆齊圖兼管。又闡展等處文移。多兼蒙古字。理藩院署主事察喜納頗屬諳練。請以辦理行文字件。仍於西安涼州等處送馬官兵內酌留十數名。繕寫清文。其書山滿泰舒景阿等到日。即遵旨分地駐劄辦理。奏入報。

平定準噶爾方略正編卷之三

三

聞。

戊子。

上於南苑大閱八旗官兵。哈薩克使臣卓蘭等皆從觀。

定邊將軍兆惠等疏奏進兵葉爾羌情形。

兆惠等奏言臣等領兵向葉爾羌進發。十月初

三日。至輝齊阿里克離城四十里。派侍衛瑞綽

爾圖領兵哨探。黃夜紆道潛至城下。擒賊卡倫入城。取糧回人一名。卡倫人來奪見發矢逃走。城內有二三百騎衝出。亦不敢遠追。臣等詳加詢問。據供名們都拜係布魯特人。生長伊犁。備陳阿克蘇烏什投誠後。霍集占領回衆三千。入喀什噶爾城一宿。駐雅普爾噶四日。聞波羅泥都深怨霍集占妄動。定約各守一城。相為聲援。

平定準噶爾方略正編卷之三

三

波羅泥都領馬步萬餘人。於離喀什噶爾城一站之當噶勒齊駐劄。霍集占移村莊回衆糧草。入葉爾羌城。令舍勒默特摩羅噶里卜領衆五十人。於布爾吉博斯屯安設卡倫。又訊以現在城內兵馬若干。霍集占信任何人。衆心如何。曾往喀什噶爾通信否。又葉爾羌之伯克阿卜都瓜卜何在。據供城內厄魯特布魯特伊犁回人。

有馬者五千餘名。步行人甚多。與霍集占相結

者。伯克阿卜都克勒木阿卜都哈里克呢雅斯

索不阿什噶伊朗和里布坤等數人。餘皆含怨。

霍集占詭衆云。大兵盡勦回人。伯克霍集斯已

被殺。至霍集占曾否通信伊兄。實未聞知。但伊

既收沙雅爾人口牲隻。又將阿卜都瓜卜及其

子弟。俱籍沒監禁。又烏什賽里木移來回衆三

平定回疆方略卷之三十三

三五

百餘口。殺害已經六日等語。臣等兵臨城下。未

見賊衆迎敵。或避我之銳。固守待援。卽應近城

攻取。但此城較庫車甚大。四面共十二門。所領

馬步兵四千餘。祇足圍其一面。且自烏什前來。

行戈壁一千五百里。馬一千餘匹。甚屬疲乏。若

圍城。則兵力單弱。賊將衝突逃走。計賊若逃走。

惟向南路之痕都斯坦。拔達克山。喀喇土伯特

等處。擬於此等要隘。駐兵堵截。臣等仍領兵攻

擊。誘賊出戰。又分遣兵馬。搜括村莊。發掘窖粟。

及山谷牛羊。斷其芻牧樵採。伊等自生內變。至

兵丁馬匹。均須接濟。所有駐劄庫車賽里木拜

等處綠旗兵丁。應請調赴軍前。併送馬三千匹。

但巴里坤等處。程期兩月有餘。長途必致疲乏。

請於馬匹至阿克蘇時。令舒赫德驗看。若不能

平定回疆方略卷之三十三

三五

前進。卽存留牧放。俟草青時解送。方爲有濟。奏

入。

上諭軍機大臣曰。兆惠等章奏日久未來。朕深爲厲

念。今據奏兵抵葉爾羌情形。賊衆暫未出戰。而我

兵馬以遠行疲乏。朕亦深悉。勿以未卽攻克。致生

急遽。惟加意偵探。多方誘致。以協機宜。波羅泥都

既怨霍集占。自應持原降勅書往諭。至霍集占以

伯克霍集斯被殺。飾詞惑眾。亦應明白曉示。或令回眾等目覩。又斷其樵汲。擾其村落。皆屬善策。所奏解送馬匹。亦傳諭駐劄辦事之大臣侍衛等。矣。再索倫察哈爾等兵。已過關展。兆惠之盡調綠旗兵。因未得信息耳。至賊人可逃之路。宜嚴為堵截。倘其北走。則無地可逃。必就俘獲。兆惠等宜奮勉辦理。併傳諭富德速往策應。

已丑。

平定準噶爾方略正編卷之三

三七

命辦理屯川侍郎永貴暫駐阿克蘇。

上諭軍機大臣曰。昨兆惠以兵抵葉爾羌。急需馬匹。接濟。已傳諭舒赫德查照軍營咨文辦理矣。可傳諭永貴伊現在巡查臺站。前至阿克蘇時。卽行暫駐。同舒赫德辦理一切運送馬匹。幫餉事務。

巴里坤辦事副都統阿里袞疏奏親解馬匹。前

赴軍營。

阿里袞奏言十月二十五日。准兆惠咨送奏稿。內稱軍營兵丁。雖有四千餘名。但馬匹不足。若再得三千匹。方有裨益等語。臣昨奉

諭旨。預備軍營凱旋馬二千匹。送至關展。聽候調撥。已遣存泰前往哈密催辦。今兆惠奏取馬匹。關係緊要。務宜妥速送往。若委之官兵。恐有遲悞。

臣蒙

平定準噶爾方略正編卷之三

三八

皇上天恩。進兵數次。於地方形勢。水草有無。尙識大概。臣卽赴哈密。同吳達善等。將內地送到馬匹。除先行挑選二千外。再選一千匹。仍酌備餘馬。親身帶領。俟到關展。與永貴等商議。催督照看。又兆惠咨行永貴。取駝七百隻。臣慮運糧之駝。不無疲乏。併於哈密挑選帶往。因係軍營要務。

臣一面具奏。卽行起程奏入。

上諭軍機大臣曰。據阿里袞奏准兆惠咨調馬三千匹。卽往哈密酌量。多爲挑選親身送至軍營等語。所辦甚合機宜。馬匹因應趕送。而沿途亦須加意牧放。不致疲乏。送至軍營時。如尙未成功。阿里袞著以參贊大臣行走。現在巴里坤辦事。著吳達善署理。俟阿里袞事竣轉回。仍回甘肅巡撫任。

平定縣志卷之三

三九

諭大學士管陝甘總督黃廷桂等運送軍營糧餉。

上諭軍機大臣曰。從前兆惠以回地可得口糧。行文巴里坤等處駐劄大臣。而各處所送糧餉。亦已敷用。是以諭令暫行停止。今兆惠兵抵葉爾羌。一切尙須辦理。糧餉所關最要。不妨稍爲寬裕。已諭永貴。阿里袞等酌量運送。可傳諭黃廷桂。吳達善。照常籌辦。

申諭定邊將軍兆惠取城擒賊事宜。

上諭軍機大臣曰。昨覽兆惠奏。頗望送馬接濟。卽諭永貴舒赫德等加意辦理。今日阿里袞奏親送軍營馬匹。則程期自必迅速。可傳諭兆惠勿以爲念。此時但當籌畫取城擒獲渠魁。毋使逃逸。至霍集占將阿卜都瓜卜等拘禁。可見霍集斯從前降附之心甚誠。著兆惠傳旨撫慰。仍加恩賞緞六端。軍營一切事宜。向伊商辦。以收其用。又運送糧餉。亦已諭知黃廷桂。吳達善等。諸事有備。卽目前不能奏效。來春辦理。亦覺易爲。仍將現在情形。作速奏聞。

平定縣志卷之三

三十

諭參贊大臣富德等令副都統巴圖濟爾噶爾留捕

逸賊。

上諭軍機大臣曰。昨諭富德策應兆惠。但搜捕厄魯

特逸賊亦不可疎懈。巴圖濟爾噶爾原在富德隊中不必隨往葉爾羌。卽同巴祿領兵搜捕哈丹阿巴噶斯餘賊。及沿途所遇嗎哈沁等。凡奏事行文。列名於次。不必受巴祿節制。巴祿與巴圖濟爾噶爾當和衷協力。以期集事。若能盡勦餘孽。併獲哈薩克錫喇則真伊一人之福也。

庚寅。

諭叅贊大臣富德分別留遣本隊官兵。

上諭軍機大臣曰。富德奏稱本隊官兵在軍前年久者。遵旨遣回游牧。其未及二年者。或留或遣。又有補授藍翎侍衛之索倫五員。亦未便照年久兵丁之例。俱請旨遵行等語。所奏年久官兵。卽著遣回游牧。其年分尙淺。及已授侍衛等人員。仍留軍前。隨富德行走。俟凱旋撤兵時。各隊官兵。或應留用。

平定準噶爾方略正編卷之三

三

或應遣回游牧。再爲分別酌定。

命總兵楊寧馳驛前赴軍營。分管綠旗兵丁。

辛卯。

三等侍衛蒙郭勒岱。驍騎校署叅領赫善。以招撫右部哈薩克。護送使臣等至京。

授蒙郭勒岱爲一等侍衛。赫善爲本旗佐領。遇缺卽補。

壬辰。

諭大學士管陝甘總督黃廷桂籌辦馬駝事宜。

上諭軍機大臣曰。黃廷桂所奏馬匹駝隻二摺。所見正與朕意相合。看來阿克蘇等處回城。業經歸附。若能卽取葉爾羌。則此項馬駝。特爲預備伊犁屯田之用。固無庸急遽辦理。卽軍營尙須接濟。而兆惠各到時。亦當在來春正二月間。青草漸生。自可

平定準噶爾方略正編卷之三

三

從容運送。庶臆分不致頓減。不必於冬間趨辦。一

切總候兆惠來咨。隨時應付為妥。併將原奏錄寄

兆惠閱看。

甲午。

諭副都統職銜定長總辦屯田事務。

上諭軍機大臣曰。近因阿克蘇辦事需人。已命永貴

前往。計此時已得旨起程。其關展等處屯田事務。

平定長總辦

三

著定長總辦。

丙申。

申諭叅贊大臣富德等策應兆惠事宜。

上諭軍機大臣曰。富德見兆惠調取馬匹之咨。隨行

文永貴等於新派四千兵內先到之索倫一千名。

暫行駐候。將健銳營察哈爾兵丁乘騎之馬。揀選

三千匹。交照看索倫兵六臣等送。至阿克蘇。伊仍

帶舊兵之有馬者一千人。過巴爾渾嶺徑攻喀什

噶爾。富德籌辦機宜。頗屬盡心竭力。但阿里衮業

經送馬起程。新兵亦過關展。富德仍遵旨趨行。與

兆惠會合。攻克葉爾羌。再取喀什噶爾亦可。至運

送糧餉。長途頗屬不易。前諭永貴舒赫德等。或於

阿克蘇等處。回人取用。給以價值。事若可行。即寬

裕預備又

平定長總辦

三

諭曰。富德將副都統鄂博什瑚爾起等懇請隨往回

部之處。陳奏伊等及索倫官兵効力西路有年。今

既新派官兵毋庸前往。仍著鄂博什瑚爾起帶領

各回游牧。

命賞擒剿嗎哈沁之護軍統領努三等官兵。

上諭軍機大臣曰。努三等奏稱偵知博羅托海有嗎

哈沁賊眾。藏匿蘆葦中。即領官兵往剿。巴圖魯侍

衛老格自策布登扎布隊內前來。即領兵協助。擒獲賊衆。收取馬匹等語。伊等此次行走。殊屬効力。勞三著賞緞三端。承德老格賞緞各二端。索倫著營總固寧保。署叅領阿卜達察。著防禦綽勒頗勒。圖原任協領革職効力之扎庫齊察哈爾。署驍騎校布顏圖。厄魯特嚮導巴桑。賞緞各一端。其隨往兵丁。各賞一月錢糧。

平定準噶爾方略正編卷之三

三

軍機大臣疏奏安插軍營送京之厄魯特等。

軍機大臣奏言。副將軍策布登扎布派員將布

庫察罕之子特克庫本。諾雅特合吉。袞布之子

庫勒爾德孫阿格拉克。由巴里坤送京。查布庫

察罕業經正法。伊子年甫七歲。應請

賞給王大臣等。又查將軍兆惠等將袞布之子舒倫

哈什哈。庫勒爾德作為嚮導。頗屬効力。舒倫哈

什哈於前次送京。奉

旨。授為三等侍衛。賞銀五十兩。在京居住。庫勒爾德

留於策布登扎布軍營効力。今於送特克之便

來京。應令與伊兄同居。其酌量加

恩之處。請

旨。遵行。奏入。得

旨。庫勒爾德著授為三等侍衛。賞銀五十兩。特克著

平定準噶爾方略正編卷之三

三

賞給傅恒。

平定準噶爾方略正編卷之六十四

乾隆二十三年十一月丁酉。

阿克蘇辦事舒赫德疏奏將軍兆惠等信息

舒赫德奏言十月二十日酉刻將軍兆惠差索

倫領催阿勒丹察披甲扎奇勒圖來至阿克蘇

送到定邊將軍兆惠被圍文書并愛隆阿移文

臣詢問阿勒丹察等并移文內稱因捉生詢問

平定準噶爾方略正編卷之六十四

一

知霍集占牧羣皆在南山領兵往攻至葉爾羌

城外見賊衆阻河爲陣因度橋攻勦過兵甫四

百餘橋斷賊衆四合將軍奮擊兩易馬俱中鳥

鎗斃面及脛俱得傷明瑞福齡安馬陷泥淖明

瑞啓得長鎗傷我兵力戰浮水至營又來馬步

賊萬餘人合圍我兵雖有勦殺以無馬不能衝

突遂掘濠結寨賊亦結寨相持計軍需馬駝尙

可供兩月之食惟軍器火藥不足等語臣伏思

霍集占恃其狡悍敢拒大兵不過暫爾跳梁終

歸殄滅此時新調官兵四千名及趕送馬三千

匹漸次到來計惟速行策應臣與愛隆阿一面

探聽叅贊大臣富德兵至何處一面選派兵馬

趨赴葉爾羌其阿克蘇安設臺站鎮撫回人等

事亦卽酌量情形辦理又臣詢知兆惠明瑞俱

平定準噶爾方略正編卷之六十四

一

傷不甚重其安營立寨亦有木植可用伊等於

被圍後乘夜前行遇見愛隆阿之兵令其先來

通信謹將原文進呈

御覽奏入

上諭軍機大臣曰據舒赫德接到兆惠行文知我兵

深入逆賊霍集占等恃其黨衆敢於合圍拒敵殊

可恨恨卽當前往策應叅贊大臣富德業經領兵

前進者授為定邊右副將軍。阿里衮愛隆阿、福祿

舒赫德俱授為叅贊大臣。無論何隊兵丁。惟擇馬

力有餘者。作速前往。其攻取回城。擒獲賊首。自不

遽責伊等。惟應援兆惠為要。至兆惠領兵深入。雖

未免有輕賊之心。亦恐朕責其怯懦。若當日令伊

暫駐阿克蘇。候兵馬齊集。當不至此。然於現在情

形。亦未為失策。朕豈肯加之責備。此時惟堅守以

平定準噶爾方略正編卷之六十四

三

待援師會合。回至阿克蘇。整頓兵馬。再圖大舉。又

富德前奏副都統鄂博什瑚爾起懇請前往回部。

朕因伊等在軍營年久。仍命撤回。今值用兵之時。

著准其前往。富德仍酌量賞給具奏。至阿里衮所

奏馬駝。亦經富德奏請先儘索倫兵一千名乘騎。

以期速到。若阿里衮起程在前。而官兵追及時。即

可給與乘騎。可傳諭伊等。惟計兵馬同抵軍營。方

克有濟。併傳諭黃廷桂。將所奏預備馬二萬匹。加

意餼養。吳達善、五吉等不必回巴里坤。仍速赴哈

密。預備糧運。又

諭曰。舒赫德現駐阿克蘇城。安撫回眾。甚為緊要。前

以軍管糧運。宜多為措置。有或向回人等購貯。酌

給價值之論。此時宜向伊等。以此舉毫無擾累。明

白曉示。庶不致滋生事端。舒赫德既領兵前進。著

平定準噶爾方略正編卷之六十四

四

永貴速赴阿克蘇辦事。至愛隆阿領兵不及五百。

若應援將軍。亦徒損國威。無益於事。今暫回阿克

蘇。尚無可罪。惟奮勉以圖後效。索倫阿勒丹察等

頗屬奮勉。阿勒丹察賜號什倫哈什。哈巴圖魯。扎

奇勒圖。賜號賽音伯勒克圖。巴圖魯。賞銀各一百

兩。

戊戌。

諭大學士管陝甘總督黃廷桂運送軍需事宜。

上諭軍機大臣曰。據舒赫德奏到軍營情形。看來辦理回部。必需整齊兵力。於來年回人收穫時。再行進剿。昨已傳諭黃廷桂預備馬匹。其糧運一事亦當加意籌畫。再從前兆惠因輕騎進剿。將所辦攻城礮位。停止運送。但來年大舉。恐尚需用。併傳諭黃廷桂。仍將從前鑄成礮位。及辦造之物料工人。陸續送往阿克蘇。以備軍營調取。

平定縣縣志卷之四

五

已亥。

賜右部哈薩克阿比里斯等

勅書。

奉

天承運

皇帝勅諭右部哈薩克汗阿比里斯哈木巴巴等。爾

等遣使卓蘭博索爾滿等於行官朝覲朕加恩筵

宴。復隨駕入都。重申宴賚。念爾阿比里斯等。遠在外藩。若照內地扎薩克。授以爵秩。恐爾等有拘職守。仍依爾舊俗。各安游牧。庶無擾累。爾等如遣使入覲。朕自加以恩賚。一切事體。已面諭來使卓蘭等。回抵游牧時。想宜領悉。其賜爾阿比里斯衣物若干。使臣到日。爾其祇受。又賞來使等衣物若干。及使臣隨僕等市易物件。共賞銀千兩。又聞爾哈木巴巴。當侍衛等入境時。不在游牧。故未遣使。亦加恩酌賞衣物若干。俱諭爾等知之。嗣後勉抒誠悃。永享無窮之福。特諭。

平定縣縣志卷之四

六

諭定邊左副將軍成衮扎布。派調達什達瓦游牧兵丁。

上諭軍機大臣曰。將軍兆惠等被圍。亟需策應。今擬

分兵兩路。一路由阿克蘇烏什。一路由特穆爾圖

淖爾。夾攻逆賊。特遣侍衛官長保瑚圖禮等。馳驛

往鄂爾昆。於達什達瓦游牧。挑選兵丁一千名。或

八百五百名俱可。令總管鄂齊爾等帶領。由阿濟

必濟前往西路。會合巴祿之兵。來年從特穆爾圖

淖爾進剿。可傳諭成衮扎布將現在軍營馬匹辦

給。如不足。或於得親扎卜等所屬馬匹內。通融措

平定準噶爾方略正編卷之四

七

辦。給與價值亦可。其賞給伊等銀兩。已交官長保

等帶往。

命兵部尚書都賚派調西安滿洲官兵。

上諭軍機大臣曰。都賚著馳驛前往西安。署理將軍

印務。揀選滿洲官兵二千名。著將軍嵩阿禮帶領。

前往烏魯木齊。其應得各項銀兩。俱照例辦給。

參贊大臣舒赫德疏奏辦理軍營文報及駐劄

回城情形。

舒赫德奏言。臣早受

天恩。屢蒙任使。負罪至重。仍邀曲貸。忽聞軍營信息。

夙夜靡寧。惟有速催兵馬。帶領應援。至現在接

到各處。咨呈軍營文報。俱係亟應辦理之事。未

便收貯。致滋遲悞。臣識見淺陋。何敢妄行干預。

因駐劄並無大員。以公事為重。請將所接文報。

平定準噶爾方略正編卷之四

八

即行開看。酌量辦理。奏

聞。仍逐一登記。俟與將軍會合時。呈送查閱。至現在

阿克蘇阿璉四人內。惟阿卜都噶頗爾辦事頗

有才具。其副總管伯克頗拉特巴巴克意見不

甚相合。臣數次傳集。勸令和衷。并告以大兵與

賊相持。候兵馬調齊。進剿。爾等宜嚴行防範。因

爾處城小。我兵於城外駐劄守護。所有通葉爾

羌喀什噶爾要隘俱安設卡倫庶無疎失回衆

聞言俱甚感激其烏什城有伯克霍集斯妻子

及衆伯克在內保貝子玉素富遊擊職銜丑達

駐守現俱安靜近准將軍兆惠調取庫車賽里

木綠旗兵二千名駝七百隻臣以現在情形不

必遣發綠旗兵丁擬行文玉素富酌量調往烏

什其餘存留阿克蘇再候軍營信息其駝隻仍

平定縣署編委函

九

辦給各隊續進官兵至回人應交糧米亦令其

作速辦納奏入

上諭軍機大臣曰舒赫德奏稱阿克蘇回人等現俱

安靜毫無可疑所有通葉爾羌喀什噶爾要隘俱

安設卡倫其應交糧米亦令其作速辦納等語所

辦殊合機宜昨已命為叅贊大臣今又授為副都

統宜加意奮勉至令回人交納糧米之處仍遵前

諭曉示以內地糧運陸續卽至將來或償還本色

或給與價值斷無絲毫擾累仍不可稍露防範情

形如得有軍營信息作速奏聞

申諭叅贊大臣公阿里袞趨送馬匹事宜

上諭軍機大臣曰昨諭阿里袞所送馬匹務與各隊

官兵相值同抵軍營伊既為叅贊大臣則所遇各

隊官兵俱可酌量指示或令與原馬替換乘騎或

平定縣署編委函

十

馬步相兼行走以息馬力總應相機辦理若但以

速到為事催促趨行一抵阿克蘇卽已疲乏更屬

無益伊前聞軍營調馬之信卽親身趨送頗屬奮

勉今又命其承襲公爵可傳諭阿里袞更當奮勉

行走其帶領新調官兵之福祿訥齊訥豐訥亨等

亦當愛惜馬力以期進勦無悞俱著傳諭知之

申諭定邊右副將軍富德賞給官兵等事宜

上諭軍機大臣曰。昨諭富德將鄂博什瑚爾起仍帶往回部酌量賞給具奏。此等官兵久在軍前勤勞可念。著照初次出兵之例賞給。又吉林革職協領兆齊從前追襲善披領集賽等致賊脫逃。今在烏魯木齊隨努三勦殺嗎哈沁頗屬奮勉。併傳諭富德將兆齊酌量委署職銜。令於軍營効力。

庚子。

平定準噶爾方略正編卷之五

十一

諭郎中兼佐領職銜三寶曉示達什達瓦游牧。

上諭軍機大臣曰。三寶等前經呈報達什達瓦屬人窮感情形。深可憫惻。已諭將存貯籽種三百石全行散給。又布林等告稱伊等情願向內遷移。承受恩澤等語。伊等既願內移。則來年交春後。三寶即率領伊等量力行走。至熱河居住。但計遷移之前。為日尚多。僅給籽種。亦不敷食用。是以從伊游牧。

選兵一千名。前往西路。不但入選官兵優加賞給。即其餘人等亦酌給三分之一。庶伊等普沾恩賚。不致拮据。似此格外施恩。特因伊等自遷移游牧以來。感戴朕恩。安靜守分。將來支給錢糧。更於生計有益。可傳諭三寶。將此曉示布林等俾眾皆知。悉。

諭大學士管陝甘總督黃廷桂等辦送西安官兵事

平定準噶爾方略正編卷之五

十一

宜。

上諭軍機大臣曰。現在派調西安滿兵二千名。前往烏魯木齊。此項官兵若未經預備馬匹。即照辦送健銳營兵丁之例。辦給車輛。即使馬匹足用。亦不妨仍用車輛。俾有餘力。可傳諭黃廷桂鐘音。即為預備。又

諭曰。適諭黃廷桂鐘音。辦送西安官兵。俱由驛站。但

出陝至甘自甘出口恐僱備車騾不無拮据河南

與西安接壤巡撫胡寶瑒諳悉過兵事宜可傳諭

令其約計足供二千兵丁之用解赴西安其西安

所辦又可接濟甘肅則黃廷桂與達善祇需料理

兵丁出口之事更覺簡便妥速但官兵自西安起

程本鐘首分內事今命胡寶瑒伙助蓋專為甘省

辦差甚多俾有餘地可以集事鐘音不得因有此

平定縣志卷之五

十三

旨遂卸責於胡寶瑒所有河南車騾一入陝境即

應預飭地方官供支草料等項毋致缺乏其河南

所辦若能多送數站更為有益伊等奉到此旨即

遵照酌辦一面奏聞

命授叅贊大臣舒赫德為吏部侍郎

辛丑

定邊將軍兆惠等疏奏攻城勦賊情形

兆惠奏言十月初六日臣等派兵二千餘名聚

集馬駝選巴圖魯兵二百名令公明瑞巴圖魯

侍衛寧古禮為中軍前隊臣等率侍衛鄂實福

齡安及閑散侍衛等為中軍總兵高天喜領礮

烏餘隨中軍為後隊左翼前隊令副都統溫

布侍衛富紹巴圖魯侍衛奎瑪岱鄂里克塔後

隊令副都統愛隆阿巴圖魯侍衛齊努渾侍衛

平定縣志卷之五

十四

特通額管領右翼前隊令副都統由屯侍衛德

爾森保巴圖魯侍衛扎延保後隊令總管端濟

布喀爾喀公朗袞扎布阿拉善公凌楚克巴圖

魯侍衛諾爾本管領仍令明瑞等以熟識霍集

占之回人厄魯特從行如霍集占親身出戰即

併力擒擊或發矢競射又派兵二百名令巴圖

魯侍衛喀喇端綽爾圖厄魯特散秩大臣達什

策凌在前誘敵。其各部回兵。俱令該總管等率領。在中隊兩翼之間。各按隊伍。執轟前進。至葉爾羌城東北五六里。見高臺一座。上有騎賊四五人。據伯克霍集斯云。臺上賊施放鳥鎗。臺前及近城。俱掘大坎。埋伏賊人。以防衝突。臣等隨傳令左翼官兵自坎東向西進攻。右翼官兵賈路向東進攻誘敵兵。則直前衝突。又令溫布愛

平定準噶爾方略正編卷之六

五

隆阿領兵奪臺。其時臺上坎下。及破屋空院內。埋伏賊眾。放鎗拒戰。見我兵衝突。乘馬敗逃。我兵躍坎追擊。直至城下。臣等將中軍排立。賊於兩門內各出四五百騎對陣。我誘敵兵欲使賊離城一二里。再行截殺。賊不敢前。亦出二三十騎來誘。明瑞溫布等奮勇迎射。接戰二次。賊從北門出。三四百騎策應。由屯等即領兵阻截。賊

仍走入城。至日暮。臣等收兵。留伏兵截殺。是晚賊並不出城。此次射斃賊人二十餘名。帶箭逃去者無算。倒斃驚散馬匹亦多。并收軍器各數件。我兵得傷者十九名。傷斃馬二十餘匹。官兵尚無損折者。又伯克托克托之弟阿卜都賚伯克霍集斯屬人阿里木布魯特烏默爾額敏和卓之護衛沙丕呢雅斯等一同勦賊。索倫署叅

平定準噶爾方略正編卷之六

六

領蒙郭勒肋下負傷。與賊騎相扭挾。有布魯古特理齊之厄魯特卓里克圖哈什哈特克達什達瓦之厄魯特都喇勒哈什哈巴顏擊走賊騎。救出蒙郭勒。此外滿洲索倫兵將受傷人馬。互相救出者甚多。已酌量將厄魯特回心之新降者。賞給翎頂緞疋。其得傷官兵。應請交部議敘。至臣等察看賊眾情形。其出城伏兵。俱係厄魯

特布魯古特亦間有從伊犁帶來回人。城內東

南角。建立高臺。排列數千人。城上烏鎗甚密。霍

集占又將村庄人等移入。田穀亦皆收割。未熟

者焚棄。至賊馬雖有四五千匹。堪用者不過千

餘。每由各門分出。旋爭門而入。計可以出戰之

賊亦止二三千人。臣等若分地圍城。恐兵少致

令逃竄。擬將攻城兵撤回。在附近有水草處。休

平定縣志卷之四 七

息馬力。一面派兵於痕都斯坦。拔達克山土默

特等去路。邀截賊衆。賊如固守不出。則不時分

兵侵擾。并捉生詢問。以計離間波羅泥都及買

易回人等。俟賊人內潰。乘機攻取。奏入。

上諭軍機大臣曰。據兆惠奏稱官兵攻城射賊。衝擊

數次。賊衆披靡。我兵雖有得傷者。幸無損折等語。

官兵奮勇勦賊。殊屬可嘉。兆惠額敏和卓及領隊

大臣侍衛官兵等効力及得傷者。俱交部照例議

敘。昨據舒赫德奏報兆惠行知愛隆阿文書。朕即

傳諭各隊官兵。速往應援。兆惠此時即尚未突圍

而出。計日援兵會合。自必無虞。可傳諭舒赫德於

領兵進發時。馳送兆惠知悉。至兆惠從前奏報。一

月內可到。此次遂隔四旬。想阿克蘇以外臺站。必

有稽遲。著舒赫德查明具奏。又

平定縣志卷之四 八

諭曰。兆惠奏稱攻取賊城。擡牌甚為有益。從前伊在

四川試看。烏鎗不能穿透。約重五六十觔。一人可

以手舉。如用車輪推送。足以擁蔽雲梯等語。原任

副將胡大勇。曾於金川用兵時。監造擡牌。可傳諭

黃廷桂。詢問胡大勇。令監造一百面。由驛站送往

軍營。或胡大勇外。尚有熟諳擡牌工料者。亦不妨

就便詢問。令其監造。

諭叅贊大臣舒赫德派兵探信各事宜

上諭軍機大臣曰舒赫德奏稱有居住烏什之布魯

特特穆爾占與布魯特頭目等熟識擬派侍衛布

占泰同往發兵攻擾喀什噶爾以分賊勢又有現

在和闐城之吉林哲魯善會領回人來見擬知會

伯克鄂對若回人願同擊賊即酌量鼓勵再採取

兆惠信息亦派索倫兵三薩保等六人前往等語

平定準噶爾方略卷之四

九

辦理俱合機宜但兆惠被圍雖據差來人等謂可

守至正月而策應究屬緊要舒赫德會奏得兵一

千即速往援然兵不厭多千人未免稍弱可傳諭

舒赫德於新調官兵內量抽一二千續進亦不妨

待後隊齊集再行進發以節馬力至哲魯善招降

克里雅之伯克阿里木沙等頗屬効力著加恩授

藍翎侍衛帶來回人即酌量獎賞

飭諭刑部侍郎永貴等不必更換臺站兵丁

上諭軍機大臣曰永貴等奏稱着守哈喇沙爾等處

臺站之喀爾喀等兵丁請照富德所奏之例撤回

游牧以綠旗兵抵補等語前諭撤回年久兵丁係

專指軍前進勦者並未及於臺站即使應行更換

亦應俟新派兵丁到日交代乃先將蒙古兵全撤

以綠旗兵抵補所見殊昧事幾可傳諭永貴等所

平定準噶爾方略卷之四

二十

有臺站兵丁仍令其照舊居住無庸更換

壬寅

命封賞伯克霍集斯等

上諭軍機大臣曰兆惠奏稱伯克托克托之弟總管

阿卜都賚伯克霍集斯之屬人阿里木布魯特烏

默爾額敏和卓之護衛沙不呢雅斯等奮勇勦賊

已分別獎賞翎頂緞疋等語霍集斯甫經歸附即

率屬奮勉殊可嘉回著加恩封霍集斯貝子品級俟回部蕩平再加恩賞其額敏和卓等俱著交部議敘

諭叅贊大臣舒赫德辦理駐劄各事宜

上諭軍機大臣曰舒赫德昨請領兵應援已諭永貴駐劄阿克蘇辦事倘此時未到或於阿里衮福祿中酌留一人卽領隊之豐安豐訥亨等留一人駐

平定縣志卷之五

三

劄亦可伊此次辦事頗屬妥協今又領兵前進著加恩賞戴孔雀翎再帶領健銳營第五隊之侍衛那林報稱途遇舒赫德差遣催督官兵之西拉木保阿里木保等并傳諭舒赫德伊等既奮勉行走可酌量獎賞

癸卯

諭定邊右副將軍富德等增帶巴祿隊內新派官兵

上諭軍機大臣曰據巴祿奏稱捉生詢問知阿巴噶斯哈丹餘賊欲投俄羅斯因揀選兵馬同圖倫楚達禮善等輕騎追襲餘兵交與敏珠爾多爾濟搜捕嗎哈沁等語阿巴噶斯等餘孽無多伊等兵已足用前諭新派索倫兵五百既未必能趨赴巴祿之隊而富德又現往阿克蘇可傳諭富德定長伊等從烏魯木齊往阿克蘇沿途遇見此隊兵丁卽帶領行走如富德已過定長卽令其速行趨赴再前諭巴圖濟爾噶爾尙巴祿搜捕逸賊後再往回部今應援將軍甚屬緊要亦傳諭巴圖濟爾噶爾速赴富德軍營可也

平定縣志卷之五

三

命獎賞西北兩路臺站官兵

上諭大學士曰西北兩路臺站官兵連年馳遞軍報頗屬迅速奮勉宜加獎賞以示鼓勵著該督撫飭

令專管臺站之大員逐一查明。將作何分別賞賚之處詳悉議奏。候朕降旨加恩。

甲辰。

叅贊大臣舒赫德疏奏將軍兆惠遣送奏稿及現辦兵馬各事宜。

舒赫德奏言。十月二十五日夜。將軍兆惠所遣

三等侍衛伊薩穆驍騎校扎敦察獎賞藍翎馬

平定準噶爾方略正編卷之四

三

甲五十保沙津察烏克什勒圖五人前來。據告

稱本月十七日夜。將軍發交伊等五人。文書各

一分。令突圍而出。有能至阿克蘇者。交臣處辦

理。臣接閱係是奏稿。謹繕寫具

奏。復詢問伊等沿途遇賊來追。奮力射退。馬已疲

乏。遇臣處遣往探信之六人換馬行走。始得至

此。隨將伊薩穆等四人留住。其五十保。尚曉事

體。臣令其馳驛往巴里坤。催趨兵馬。再臣前得

愛隆阿移文時。卽差署把總蘇由福迎探信息。

今據取得回文云。十月二十日。至托罕塔罕。有

賊六七百人。突出接戰。與副將定柱勦賊百餘

人。餘賊越山敗走。擒獲帶傷賊人訊問。據供係

波羅泥都霍集占等遣喀什噶爾伯克哈三愛

的爾領三百騎。會合多倫回衆四百。謀搶巴爾

平定準噶爾方略正編卷之四

三

楚克等處臺站。今所領兵丁得傷者二十餘名。

托罕塔罕臺站被搶。兵丁二十人內。得脫者十

二名。其餘臺站未動等語。適接貝子玉素富行

文。調綠旗兵五百。前往烏什防守。臣因行令愛

隆阿將伊所領綠旗兵丁。就近派往烏什。其所

調賽里木等處綠旗兵丁。卽留於阿克蘇。以備

進剿。再愛隆阿於三日內。可至阿克蘇。又准永

貴咨支給新派兵丁行糧。用騾六百餘頭。駝一百隻。運至庫車。其阿克蘇以外。交臣辦理。查此項騾駝。照黃廷桂原奏。應轉回內地本站。但時值冬寒。徒多凍斃。且阿克蘇轉運軍需。正資其用。請飭糧運官員送交臣處。其現在賽里木拜烏什阿克蘇口糧羊隻。合計兵數。約敷幾月。另繕清單呈

平定邊疆籌邊考卷之四

五

覽。又進

呈定邊將軍兆惠等奏摺云。臣兆惠臣額敏和卓謹奏。臣等訊問俘獲人等。據供霍集占牲隻。及沙喇斯戶口。俱在城南英峩奇盤山。臣等商議收取。以分賊勢。又因納穆扎爾三泰將到。隨派副都統愛隆阿署總兵。定柱帶滿洲索倫蒙古兵五百名。綠旗兵三百名。前往堵截。喀什噶爾

來接要路。并巡查一帶臺站。候納穆扎爾到時。

酌派官兵。隨至軍營。臣等領兵。由葉爾羌城東渡河。向城南進兵。十月十三日。見有賊兵迎出。隨即安營。選馬兵五六百名。與賊對陣。遙望賊勢。約四五千騎。各持鳥鎗長槍在前。其步賊在後。分持芥瓜棍棒等械。溝內亦俱有步賊。持鳥鎗排立。臣等擬奮勇衝入。生擒霍集占。或用箭

平定邊疆籌邊考卷之四

五

射死。便可竣事。臣等居中。左副都統由屯右温布。齊聲呼噪。衝入賊隊。鏖戰。賊騎敗走。步賊即放鎗拒敵。我兵暫駐。賊騎又從後挑戰。臣等正在奮擊。賊又從兩翼夾攻。因馬力不能馳驟。轉回保護大營。被賊截為數處。互相攻擊。賊遂四面合圍。計兩次接戰。殺賊頗多。我官兵陣亡者百餘人。受傷者亦多。總兵高天喜原任前鋒統

領侍衛鄂實原任副都統三格侍衛特通額俱
歿於陣。馬力疲乏。陷於泥淖者甚多。現在賊騎
數千人。步賊亦多。與我兵接戰五晝夜。臣等欲
突圍而出。因馬力不足。不得已固守大營。賊人
來犯。即以鎗礮攻擊。凡我官兵。俱受

皇上重恩。惟思殺賊圖報。計口糧尙可支持一兩月。

現在晝夜防守。相機勦殺。臣等前因阿克蘇烏

平定準噶爾方略正編卷之三

三七

什既定。擒獲渠魁。機不可失。遂不暇計兵之多

寡。馬力如何。趨行前進。俱在

聖鑒之中。總之輕敵妄進之罪。在臣兆惠一人。實所

難道。然策應之兵。若於年內能到。尙可合力攻

勦。謹具奏稿。遣人晝夜突圍。送至舒赫德處。繕

寫轉

奏。奏入。

上諭軍機大臣曰。兆惠等因勦賊被圍。以輕敵自咎。

伊此次進兵。甚屬奮勉。復有何罪。且凡事豈盡前

知。當我兵抵阿克蘇。烏什皆望風歸順。則葉爾羌

喀什噶爾相繼投誠。亦未可定。豈必預料其敢於

抗拒。而轉生退阻。今各隊官兵。應俱抵阿克蘇。聲

援既接。內外夾攻。賊圍必解。兆惠等即暫回阿克

蘇。待來年厚集兵力。一舉蕩平。此次進攻。以勞取

平定準噶爾方略正編卷之三

三

逸。以少擊衆。尙能屢敗逆賊。堅守待援。先聲所加。

賊已奪氣。將來戡定大功。皆基於此。已諭加恩封

兆惠謀勇公。賜寶石頂四團龍補服。額敏和卓伯

克霍集斯明瑞由屯溫布等。俱屬奮勉。自必一體

加恩。可傳諭兆惠將効力之大。臣官兵功次。詳悉

紀錄。俟回軍時奏聞。其突圍送信之五人。俱屬効

力。五十保又至巴里坤。催調兵馬。著授五十保爲

藍翎侍衛賜號卓禮克圖巴圖魯賞銀一百兩伊

薩穆賜號固永巴圖魯扎敦察賜號昆都爾巴圖

魯沙津察賜號克爾車格衣巴圖魯烏克什勒圖

賜號克什克巴圖魯賞銀各一百兩其舒赫德差

遣効力之人亦著查明具奏至舒赫德領兵應援

須得馬兵二千名綠旗兵二千餘名聲威始壯或

派伯克霍集斯屬人同往以釋賊衆流言惟在相

平定縣志卷之四

三九

機辦理并於沿途勒殺搶奪臺站回賊愛隆阿定

柱昨遇此等賊人即奮勇勒殺著同効力得傷官

兵交部議敘陣亡者照例議卹併傳諭富德阿里

衮及領隊大臣侍衛等遵照節次諭旨量力阻勉

前進舒赫德所奏接續糧運解送弓箭等事亦傳

諭黃廷桂清馥辦理

宣諭定邊將軍兆惠等功績

上諭大學士曰據將軍兆惠奏報領兵抵葉爾羌城

逆回堅閉不出當用精兵挑誘擊敗賊衆恐由別

路逃竄旋渡河分兵堵截霍集占悉其醜類圍我

大兵現已飛扎舒赫德領兵策應此皆臣輕敵妄

進罪所難追等語辦理回部一事原因賊首霍集

占等向為厄魯特拘囚阿巴噶斯之地自大兵平

定伊犁出諸陷窳之中俾仍長其舊部何啻起死

平定縣志卷之四

三

肉骨而狼子野心不知感戴生成輒敢負恩反噬

甚至戕害將軍所遣之副都統阿敏道及隨從百

人若不與師問罪何以振國威而申天討並非朕

之好大喜功窮兵黷武也迨我師已得庫車兆惠

勒兵前進風聲所過如阿克蘇烏什等城相繼傾

心歸化其回部大頭目伯克霍集斯等復効順前

驅唯霍集占奔竄葉爾羌是以兆惠率師乘機直

入彼時若令其暫駐阿克蘇俟後隊到齊然後併力進取則自此發音到日已屬不及然此不過身處局外者事後好為議論則可耳揆諸用兵機宜兆惠尚為有進無退之良將也且我滿洲官兵所向披靡從來無敢抗敵即如今夏兆惠富德等分兵略地所領僅及千人而左右哈薩克東西布魯魯特各處回眾不煩攻勦不待招徠早已爭先納款

平定準噶爾方略正編卷之五

三

其回部一路之阿克蘇等城無不勢如瓦解將謂乘勝長驅直入葉爾羌喀什噶爾亦屬甚易則向來之輕視逆回乃朕之誤又何忍以妄進輕敵為兆惠責乎此蓋數年以來平定準噶爾降哈薩克布魯魯特實為極盛之會而遽有此大兵被圍之信上天仁愛之意朕實欽承感謝矣然霍集占當屢經摧挫之餘本屬計窮力蹙特因回至巢穴煽聚殘眾

苟且自延而我師晝夜馳驅亦未免馬力不足以致一時困守待援所幸先事綢繆朕於六七月間即次第派遣索倫察哈爾健銳營及陝甘之綠旗兵前往策應馬匹糧餉亦已籌運在途若無此接濟則事誠危險然其時初不知有兆惠今日之奏報也可見

平定準噶爾方略正編卷之五

三

奮等垂佑默啓朕衷朕實感悚有此部署計現在可陸續俱抵葉爾羌矣兆惠等與援師合力其氣倍增從茲掃穴犁庭克渠就縛庶幾上申國憲下慰忠魂軍務可告成事至若身膺閭寄奮勇直前計不返顧乃我滿洲大臣從來敦樸舊俗今兆惠統軍深入志在滅此朝食自不暇輾轉以為身謀忠誠勇敢朕實深為嘉予兆惠著由一等武毅伯加二字晉封為武毅謀勇一等公加賞紅寶石帽頂四

團龍補服。以彰獎勞動功之典。額敏和卓著賞給郡王品級。伯克霍集斯著晉封貝子。加貝勒品級。俱賞給寶石頂。四團龍補服。明瑞溫布。由屯及在事之大臣侍衛等。俟兆惠至阿克蘇時。查明奏請加恩優敘。兵丁等著照初次出兵。給與整裝銀兩之例。按各賞給。其陣亡之高天喜鄂實二格。特通額四人奮勇殺賊。盡瘁捐軀。深可憫惻。高天喜著

平定縣學正 卷之四

三

照一品大臣例。賞給卹典。鄂實三格各照伊原任前鋒統領副都統。特通額照頭等侍衛。從優議卹。其餘陣亡帶傷官兵。將軍等查明冊報。一體分別賞卹。將此通行曉諭知之。

臣等謹案行師捷代。笨入為先。當我兵進取回城。逆酋霍集占兄弟屢經摧敗之餘。鼠伏一隅。久已神心膽墮。且列城相繼迎降。自可

乘機直入。設爾時稍事遲回。使賊得以繕完保聚。且或新附猜疑。則大功之成。未必不遷延歲月。將軍等捲甲疾趨。深探虎穴。雖偶爾被遮。而士氣益揚。愈增敵愾。復能以少擊衆。處險如亨。賊益警聲威而沮喪。戡定之速。實由於此。兆惠等方以輕進引咎。而我

皇上嘉其奮勇。晉爵酬庸。且

平定縣學正 卷之四

三

申諭以勢當急攻。事雖逆料。使從來假怯為持重者。無可藉口。實足以釋古今之惑。而闡韜鈴之秘矣。至於

神謀廣運。炳燭幾先。調兵選馬。皆半年前早為部署。本欲以均行間之勞逸。壯奏凱之觀瞻耳。惟時士馬並次中途。一旦檄趣赴援。參贊等遂得長驅直進。聲援有資。內外夾攻。捷書迅奏。

寶告

淵衷睿略默契

天心凡助順之

鴻禧悉協

宵旰所籌畫。是知計出萬全。固非輕於一試。彼拘于

吝多寡之見者。烏足以語非常之偉烈哉。

諭參贊大臣巴祿等會審臺站侍衛揭報情節。

平定準噶爾方略正編卷之五

五

上諭軍機大臣曰。永貴等奏稱喀喇沁藍翎侍衛達

爾扎桑揭報固爾圖喀喇烏蘇臺站被竊馬匹。追

擒一賊。巴祿訊係哈丹所屬。令臺站人等。不許妄

報。請交富德查審等語。昨據巴祿奏稱擒獲賊人

察罕托克訊知哈丹等餘賊。在齋爾等處藏匿。隨

領兵前往追勦等語。是達爾扎桑所揭。殊屬可疑。

自應根究明白。已諭富德速行應援。其惠不必交

令查審。俟巴祿追賊轉回。會同定長將達爾扎桑

所揭情節。訊明具奏。

命宥原任將軍革職。以兵丁効力之達爾黨阿哈達

哈罪。授為二等侍衛。馳驛來京。再赴軍營効力

行走。

乙巳。

諭大學士管陝甘總督黃廷桂籌備軍營馬匹。

平定準噶爾方略正編卷之五

五

上諭軍機大臣曰。辦理回部一事。原謂今年可竣。是

以前諭黃廷桂預備駝馬。候兆惠文到應付。今兆

惠兵抵葉爾羌。勦賊被圍。已降旨通行宣諭。前派

索倫察哈爾健銳營等官兵。諒陸續可到。兆惠得

此應援。或尙不能就緒。必應整兵再舉。計兆惠所

領之兵。約有四千。合之新派官兵四千。西安滿兵

二千。達什達瓦部內。亦可得一千。及將來派出綠

旗兵丁應有一萬五六千之數。於來春齊集。所需馬匹正多。黃廷桂前奏有現在牧養馬匹。來春可得二萬之語。可傳諭黃廷桂再為籌備。多多益善。至糧餉一事。尤關緊要。其應作何廣為儲備。速行轉運。不致臨時周章。俱宜悉心妥協辦理。一面奏聞。

命領隊大臣公明瑞來京。

平定縣縣志卷之五

五

上諭軍機大臣曰。將軍兆惠將來與援師合勢。回駐阿克蘇。整兵再進。期在來春。自當候辦理。回部事竣。凱旋京師。至領隊大臣為數尚多。明瑞即著馳驛來京。朕面詢軍前情形。不必以情願留軍効力。固執陳奏。

命免擒獲賊匪之扎薩克達什彭楚克等處分。

上諭軍機大臣曰。據福祿等奏稱。扎薩克達什彭楚

克副都統銜莫尼扎卜領兵將盜竊阿噶里卡倫馬匹賊首布爾古特達魯噶哈拉布奈等八人擒獲。解送烏里雅蘇台軍營。其為從賊匪十七人。俱行釋放。現飭伊等查拏等語。所辦甚是。可傳諭成衮扎布再行嚴飭查拏務獲。其擒獲賊首之察哈爾喀爾喀官兵。俱酌量獎賞。至達什彭楚克等既獲為從賊人。即當報明將軍大臣候示。乃擅自釋放。理宜議罪。姑念獲賊有功。從寬免其處分。

平定縣縣志卷之五

五

丙午。

命陞賞搜獲逸賊官兵。及擄節臺站馬匹等事宜。

上諭軍機大臣曰。據富德奏稱。噶爾藏多爾濟舊游牧昌吉等處。聞有藏匿之嗎哈沁。遣額爾登額老格等搜捕。索倫署叅領翁奇勒圖等縛葦渡河。傾催那木扎厄魯特兵丁伊什直入賊隊。生擒一人。

平定準噶爾方略總目錄

第一冊	前編卷一至卷二十六
第二冊	前編卷二十七至卷五十四
第三冊	正編卷一至卷二十二
第四冊	正編卷二十三至卷四十四
第五冊	正編卷四十五至卷六十四
第六冊	正編卷六十五至卷八十五
第七冊	續編卷一至卷三十二

平定準噶爾方略（正編）第五冊目錄

卷四十五	一
卷四十六	二一
卷四十七	四〇
卷四十八	五七
卷四十九	七五
卷五十	九一
卷五十一	一〇七
卷五十二	一二三
卷五十三	一三九
卷五十四	一五六

卷五十五	一七三
卷五十六	一九一
卷五十七	二〇九
卷五十八	二二五
卷五十九	二四三
卷六十	二五九
卷六十一	二七八
卷六十二	二九四
卷六十三	三一
卷六十四	三二九